



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.323



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.323



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CJMAI. 2.6.323

TOMVS TERTIVS
R. P. RICHARDI ARSDEKIN

Soc. Iesu Sac. Theol. Professoris

APPARATVS
DOCTRINÆ SACRÆ

COMPLECTENS

MATERIAM ET FORMAM EXPEDITAM,

Pro quavis Dictione, Concione, & tota Catechesi, per exquisitam
expositionem, & selectissima exempla: Cum Praxi solida
assistendi per omnia ægris, & sanis: ac documentis
particularibus pro quolibet hominum statu:

I T E M

PRO IPSIVS SACERDOTIS VITA

& Conuersatione pro ritibus singulorum Sacramentorum:

PRO QVACVNQVE FVNCTIONE

Missionarij Apostolici ac Curatoris animarum.

IVXTA INDICEM SEQVENTEM.



VENETIJS, M. DC. XCVI.

Apud Ioannem Iacobum Hertz.


DE SVPERIORVM LICENTIA, & PRIVILEGIO.

TOMVS TERTIVS
R. P. RICHARDI ARZINKIN
Soc. Iesu Sec. Theol. Professor

APPARATVS
DOCTRINAE SACRAE
COMPLECTENS

MATERIAM ET FORMAM EXPEDITAM
Pro eiusdem Fidei, Concionis, & Sacrae Catechesis per excellentiam
expositionis, & selectissimas exemplis: Catechesis, &
affluens per omnia aetate, & Iuris: ac doctrinae
particularibus pro doctrinae honorem & usum

ET
PRO IPSIVS SACERDOTIS VITA
& Conuersationis pro ritibus singulorum sacramentorum
PRO QVACVQVE FUNCTIONE
Missionis, & Apostolici ac Curatoris ministerii
IUXTA INDICEM SEQVENTEM



VENETIIS, MDCXCVI
Apud Ioannem Iacobum Hertz
per Sebastianum Iacobum, & Pringetio



INDEX GENERALIS

Titulorum præcipuorum huius Tomi Tertij, cum
Augmentis nouis & multiplicibus in decursu
huius Editionis.

PARS I. Apparatus & praxis FOR-
MÆ pro Doctrina sacra propo-
nenda.

Caput I. Praxis pro artificio Memoriae
& dispositione Dictionis.

Cap. 2. & 3. Pro Voce, pro Gestu.

Cap. 4. Pro Exordio Dictionis formando,
& efferendo notanda.

Cap. 5. & 6. Pro Narratione, pro Con-
firmatione eiusque amplificatione & ornatu.

Cap. 7. Pro Dictionis Epilogo, siue Pero-
ratione.

PARS II. Apparatus MATERIÆ ad
Doctrinam sacram: Redactus, ad Titu-
los particulares Virtutum, Vitiolorum, Quæ-
stionum, Exemplorum &c. per totum Alpha-
betum.

Additæ nunc Sententiæ in omni genere se-
lectissimæ ad singulos Titulos prædicti Alpha-
beti, ibid.

Praxis Dictionem totam conscribendi ex
Apparatu præcedenti, & sequenti in Do-
ctrina Christiana, & tota hac Theologia Tri-
partita.

Euangelia, Conceptus, Puncta, & Ma-
teria disposita per singulas Dominicas totius
Anni.

Idem præstat in sequentibus per omnia
Festa totius anni.

Additus nunc nouus Conceptuum appa-
ratus ad omnes totius Anni Dominicas, &
Festa.

PARS III. Summa Doctrinæ Chri-
stianæ.

Cum elucidatione, & selectis exemplis
nunc primum adiectis.

Praxis tradendi Doctrinam Christianam,
& obligatio Curatorum.

Exempla moderna Constantiæ Christianæ
inter perpetuas pro fide persecutiones, præ-
sertim in Anglia & Hibernia.

PARS IV. Praxis assistendi Aëgris &
Moribundis, & alijs in quouis statu.

§. 1. Quid Confessario in primo ad ægrum
accessu curandum.

§. 2. Remedia inducentia ad resignationem
contra nimium mortis horrorem.

§. 3. Incitamenta ad patientiam contra
morbi dolores.

§. 4. De Exercitio Fidei, Spei, & Fidu-
ciæ in Deum.

§. 5. De Exercitio Amoris in Deum, &
perfectæ Contritionis.

§. 6. Actus varij contritionis & amoris
Dei super omnia.

§. 7. Praxis eadem per breues interroga-
tiones, quando æger loqui vix potest.

§. 8. Ad sacrum Viaticum præparatio.

§. 9. Ad extremam Vñctionem dispositio.
Testamentum hominis Christiani comple-
dens actus ad salutem securissimè dispen-
tes.

PARS V. Praxis assidua meditatio-
num pro Sacerdote, ad vitæ & functio-
num suarum perfectionem.

Pro die Dominico: Considerationes de di-
gnitate & obligatione Sacerdotis.

Die Lunæ: De virtutibus, zelo, & scien-
tia quæ debent inesse Sacerdoti.

Die Martis: De Charitate ad imitationem
Christi Sacerdoti necessaria.

Die Mercurij: De puritate vitæ &
castitate in Sacerdote maximè requisi-
ta.

Die Iouis: Praxis deuotè Missam celebra-
di.

A 2 Die

INDEX GENERALIS.

Die Veneris: Praxis horas canonicas deuote recitandi.

Die Sabbathi: Considerationes & exempla diuinae vindictae in Sacerdotes indigne celebrantes &c.

PARS VI. Praxis varia, ac selectissima assistendi cuius Proximo in quouis statu.

Cap. 1. Remedia & documenta contra singula peccata in particulari: Per 5. Titulos deducta.

Cap. 2. Praxis conuersationis & instructionis pro quouis hominum statu ac necessitate: Per 14. Titulos singularibus documentis adornata.

Horum §. 1. Materia & modus tractandi cum Haereticis.

§. 2. Cum Patribus familias.

§. 3. Cum Mulieribus, maxime coniugatis.

§. 4. Cum Viduis.

§. 5. Cum Virginibus ac Monialibus.

§. 6. Cum Pauperibus.

§. 7. Cum Consuetudinarijs & obstinatis.

§. 8. Cum fouentibus inimicitias.

§. 9. Cum versantibus in Tribulatione.

§. 10. Cum afflictis ex morte amicorum.

§. 11. Cum afflictis ex bonorum iactura.

§. 12. Cum sustentibus honoris detrimentum.

§. 13. Cum Captiuis.

§. 14. Cum damnatis ad mortem &c.

Cap. 3. Ritus omnes necessarij pro administratione singulorum Sacramentorum, quo Curatorem animarum: per 6. Titulos.

Additamenta alia recentiora sequuntur de nupera morte gloriosa duorum Praesulum Hiberniae aliorumque & varijs ad viri Apostolici usum singulariter accommodatis.



P A R S



PARS PRIMA
 APPARATVS
 ET PRAXIS FORMAE
 PRO
 DOCTRINA SACRA
 IN CONCIONE PROPONENDA.

CAPVT I.

*Praxis pro artificio Memoriae, & dispositio-
 ne Dictionis.*

I.



Consultum est, si otium suppetat, praesertim pro incipientibus, totam Dictionem scripto deducere, & in tria aut plura puncta diuidere: & memoriae causa singula puncta concludere cum aliqua Sententia, quae habeat aliquam connexionem cum initio punctis sequentis.

Pro Concionatore impedito, aut multum exercitato, necessè est puncta saltem summam annotare, scribendo breuiter praecipua capita & membra sui discursus; ut est sententia, exemplum, similitudo, & scopus siue fructus ad quem intendit Auditores permouere.

II. Artificium autem memoriae consistit in Imagine quadam rei dicendae certo loco per imaginationem constituenda, quae dum recolitur, materiam, cum qua similitudinem habet, facile in memoriam reducit. Exem. gr. Concipis Aulam aliquam cuius omnes partes, & partium ordinem optimè notum, & perspectum habes. Si prima pars tuae dictionis agat, v. g. de Naui-

gatione huius vitae ad portum salutis aeternae, ponis per Imaginationem in primo loco istius Aulae, Anchoram è tenui filo pendulam, ut ea cognita, materia tua quae est de nauigatione, memoriae occurrat. Si secunda pars sit v. g. de Militia hominis contra tentationes mundi, pro ea secundo loco statuis militem gladium vibrantem. Si tertia pars sit, de Victoria tentationum, tertio loco appendis coronam: & sic pro reliqua materia, apponenda est imago aut signum, quod iudicas maximè idoneum ad suscitandum viam sequentis materiae memoriae. Et ideo utendum est imaginibus viuidis, & aliquid agentibus, quae possint animum tuum viuaciter ferire.

III. Alia praxis est, in margine dictionis descriptae, quinque aut sex locis appingere quales dixi notas, cum diuersis materiae partibus connexas; aut, quod facilius est: Vocabula diuersa in margine scribere, quae ordinem, & diuersitatem materiae significant. Possuntque ea vocabula in vnam sententiam, aut versum redigi, ut, sicubi memoria fallat, sententia illa indicet quousque ventum sit, & quid sequi debeat. Exemplum talis versus, aut sententiae sit, si disposuisti materiam de humilitatis praestantia: & illa v. g. fuerit 1. quam Deo grata, 2. quam homini iucunda, 3. quam utilis saluti aeternae: Redigas puncta illa ad vnum breuem versiculum, aut sententiam v. g.

A 3 Grata

Creata Deo, iucunda homini, hortusque salutis: aut ad quamcumque idoneam simili ordine familiarem tibi sententiam: & sic in quavis materia, inde experieris à decursu materiæ præparatæ memoriam non facile aberraturam.

IV. Si plura nomina propria certo ordine cupias retinere, redigantur ad vocolam univocam, in qua tantum litteræ primæ singulorum nominum suo ordine contineantur. Exempli gratia, vt retineantur nomina, & ordo partium præcipuarum S. Scripturæ reducuntur ad hoc breue vocabulum, *G E L N V D E*: G. Genesius, E. Exodus, L. Leviticus, NV. Numerorum, D. Deuteronomium, E. Euangelia Christi quatuor.

Sed quid si quis, fallente, aut turbata indictione memoria, nihil omnino meminerit eorum quæ ad dicendum parauit? remedium occurrendi tali accidenti præcipuum erit, paratum antea semper habere locum vnum communem ad quem possit ex tempore recurrere. Talis præcipue locus esse poterit de *gloria celestis*, felicitate, æternitate, possessione omnis boni iucundi, utilis honesti, & carentia omnis mali omnium sensuum qui continentur hoc versiculo: *Gustus, odoratus, auditus, visio, tactus*, vt infra v. Gloria. Vel de *Inferni penis*. æternis singulorum istorum quinque sensuum: quæ duo possunt ferè cum quacunque materia connecti; sin minus, melius est carere connectione quam omni dictione, ex duobus autem mali minus est eligendum.

C A P V T II.

Pro Voce.

I. C Vrandum vt vox accomodetur loco, vt in paruo non sit nimis alta, aut in magno nimis demissa, vtrumque displicet.

II. Si vox natia sit imbecillior, oportet carere assurgere, aut affectui violento indulgere, sed familiari tono oratio vitanda est.

III. In exordio vtendum voce clara, & æquabili, sed sine affectatione, aut cantillatione. In narratione magis attollitur & variatur. In confirmatione fit acrior, & incitator, docendo, interrogando, disputando, increpando, ad varios affectus vocem inflectendo, quantum vires ac materia patietur.

IV. Epilogus si instituatur ad precandum, vel placandum, vox sit suavis, & lenis. Ad miserandum flexaminis. Ad lætandum plena & sonora. Ad hortandum aut terrendum concitator esse debet.

V. Vt hanc vocis varietatem discas & exerceas, optimum est consulere ipsam naturam, & obseruare quo tono passim vtantur homines dum irascuntur, dum rogant, dum dolent, dum lætantur, &c. & quæ magis placeant, tuæ voci quantum fieri potest accommodare.

VI. Maxima dictionis parte consultum est vt voce media, ac moderata, sic facilius dabitur ascensus, descensus, ac vocis mutatio; nunquam enim in eodem tono diu persistendum est, sed obseruanda sedulo crebra vocis mutatio, vt euitetur monotoniæ vitium ingratiſſimum.

VII. Porro hæc summatim obseruanda. Vt caueatur nimia tarditas, quæ dictionem reddit languidam: Nec minus cauenda nimia linguæ volubilitas, quæ verba truncat, & confundit ne singuli sensus debite intelligantur. Curandum quoque diligenter vt vltimæ syllabæ exprimantur, quæ à multis absorbentur, aut indecore conglobantur.

VIII. Denique ad euitandam confusionem, singulos sensus dicendo interpugnat, & in fine periodi semper modicè respiret, & spiritum colligat, ac vocem mutet: quod plurimum, & dicentem reficiet, & audientem afficiet.

C A P V T III.

Pro Gestu.

G Estu, vox quædam est totius corporis, ideoque pro gestu moderando accommodari possunt ea, quæ de voce diximus.

I. In principio dictionis stet erectus & immotus, spectet modestè Auditores, manus in pulpitem protendat, ordinatur modestè auditoribus honorem, de more cum quadam corporis inclinatione, exhibendo. Manus autem non nisi leniter, ac paululum ultra sinum protendat, oculis, manum, ac gestum sequentibus.

II. Gestum non semper ad vnam partem, sed nunc ad hos, nunc ad illos dirigat, tum ad gratiam varietatem, tum vt Orator à pluribus videri, & audiri possit.

III. In narratione adhibendus gestus liberior: In confirmatione acrior & pugnator: In Epilogo vehementior, & accommodatus affectibus, de quibus infra.

IV. Vultus quoque, oculus, & aspectus nunc sit erectus & alacer, nunc demissus & tristis, pro rerum varietate.

V. Vt cauenda est gestuum nimia lenitudo & tar-

& tarditas, ita etiam nimia celeritas, aut levis gesticulatio; aut etiam nimia vastitas, qua manus ultra humeros, & caput attollatur.

VI. In supplicando, utraque manus protensa vel attollenda, vel submitenda est, quod etiam fieri potest manibus iunctis instar orantis.

VII. In auersando, aut negando, capite ad dexteram partem conuerso, & manibus ad sinistram, rem quasi à se propellet. Vel etiam capite leniter concusso per modum renuentis.

VIII. Interrogabit, manu paululum eleuata, & ad seipsum conuersa. Instabit vehementius, summo indice manus sinistrae apprehenso, & nonnihil concusso: nec desunt gestus alij.

IX. Demonstrando seipsum; manum vel dexteram, vel utramque ad pectus suum conuertet. Demonstrabit res alias, manu plerumque protensa, & sursum, vel deorsum, vel aliò conuersa, prout est supra, vel infra situs rei quam cupit designare: raro id solo digito facit.

X. Timorem exprimet, manu dextera pectori applicata.

XI. Irascetur; pugno compresso, voce & vultu aspero: pulpitem manu, vel terram pede percutiendo: sed bene cauendum ne percussio illa sit nimis crebra.

XII. Pœnitebit, digitis pressis, & pectori admotis. Dolebit verò manibus inter se complicatis, vel utrimque deorsum deiectis, & expansis.

XIII. Vocabit, aut sibi siset alium, manu sursum eleuata, & ad se inflexa. Dimittet, aut repellet, manu auersa cum digitis explicatis. Minabitur, indice erecto, & concusso. Alios denique affectus exprimet eo manus, oculi, capitis, aut aliorum membrorum motu, quem obseruabit ex impetu naturæ inter homines bene moratos decorè exerceri, modò vitet sequentia.

XIV. Cauēbit ne sit nimis diuturna omnium gestuum intermissio; & è contra, ne gestus idem, præsertim in eadem sententia aut periodo nimis sæpè repetatur.

XV. Sola sinistra rarissimè gelus exhibendus: non raro tamen in gestu formando sinistra dextera sociari poterit, ut cum ostenditur rerum multitudo, aut magnitudo: vel quando ad summos affectus ascenditur, in quibus quasi totus orator abripi videtur.

XVI. In fine debet ordinariè, uti vox & dictio, ita gestus esse viuacior, & vehementior, ut orator affectum quem intendit, altius infixum relinquat; si tamen, uti in meditatione

ad tristitiam, metum, aut compassionem oratio dirigatur, gestu etiam leniori, ac tardiori dictio absoluetur.

CAPVT IV.

Pro exordio dictionis formando, & offerendo notanda.

I. IN exordio auditor debet reddi beneuolus, attentus, docilis. Hæc fient, à persona dicentis, commemorando animum & affectum suum pro salute, vtilitate, aut profectu auditorum. Vel à materia ostendendo rem ipsam de qua dicet, esse necessariam, vtilem, aut præsentī tempori multum idoneam. Docilis erit auditor, si materia tractanda clarè proponatur, & in sua membra vel puncta distinctè diuidatur, indicando, quid primò, quid secundò, quid tertio loco dicere intendat. Et hæc erit propositio rei dicendæ, quæ in fine exordij locari solet.

II. Desumi potest exordium, ab aliqua sententia Authoris sacri, aut etiam profani. Vel à prouerbio, vel à similitudine, vel ab Historia Euangelica, aut alia quæ auidè audiatur. Quandoque etiam proponitur quæstio, aut problema, de quo quasi varia auditorum sententia exquiratur, & cui tandem inopinata responsio depromatur.

III. Vitanda autem sunt exordia nimis communia, nimis proluxa, & nimis longè extra materiam quæ sita.

CAPVT V.

Pro Narratione.

I. DEbet narratio esse clara, breuis, ordinata, ut nempe reseo ordine narrentur quo gesta, aut dicta fuerunt.

II. Concilianda est narrationi vita, v. g. interrogando quid hic factum, quid responsum putatis; quid vos hic ageris? audite quid sequatur, &c.

III. Sic narranda est res præterita, ac si in præsentī, & coram ageretur. Ad hoc iuuat uti verbis præsentis temporis: magisenim mouet narratio Christi quasiante oculos actu patientis, quam si tantum dicas talia olim passum fuisse.

IV. Cauendum ne bis, aut sæpius in narrationis decursu idem repetatur.

V. Cauenda etiam crebra digressio ad alia extra rem gestam, aut longæ parentheses, quæ rei seriem interrumpunt.

VI. Affectus, etsi breuiter misceri possint, non debent tamen in narratione esse nimis frequentes, sed magis pro confirmatione & epologo referuari.

CAPVT VI.

Pro Confirmatione, eiusque amplificatione, & ornatu dictionis.

I. **I**N Confirmatione quærentur argumenta ad suadendum virtutem, vel dissuadendum vitium, aut aliud quod sibi Orator tradendum proposuit. Argumenta hæc primò summam excogitanda, colligenda, & annotanda: postea fusius deducenda, amplificanda, & exornanda.

II. Pro inuentione argumentorum siue discursuum, inspiciendus est Apparatus materiæ quem ordine Alphabetico infra tradimus. Deinde ad istius, vel alterius materiæ amplificationem, & ornatum, considerari poterunt loci topici, siue sedes argumentorum, quibus quauis materia deduci & inculcari potest. Exempli gratia, si de charitate agatur (idem est de cæteris) expendi poterit locus à definitione. Quid est charitas? est vnio animæ cum Deo, quanti momenti est illa vnio, quam iucunda, quam utilis, quam honorabilis, idedque omni labore comparanda. 2. Locus à partium enumeratione: Charitas alia est interna affectuum, alia externa operum, alia erga Deum, alia erga proximum propter Deum. 3. Locus à Genere: Si omnis virtus amanda est, vt iustitia, temperantia, continentia, humilitas, mansuetudo, fides, spes, &c. quantò magis charitas, quæ est suprema, & regina omnium virtutum. 4. Locus à simili: Sicut elementum non potest requiescere nisi in suo centro, ignis in cælo, lapis in terra, ita anima in sola charitate & vnione cum Deo requiem habet. 5. Locus à dissimili: Sicut separatio membri à corpore est violenta, ita animæ à charitate Dei. Locus à contrario: Si odium & auersio à Deo summum sit hominis malum, sic debet amor Dei summum esse hominis bonum. 6. Locus ab adiunctis est in quo considerantur omnes circumstantiæ cum re coniunctæ, vt locus, tempus, actus, & modus, & finis quo res exercetur &c. quæ continentur hoc versu; *Quis, quid, ubi, &c.* quem infra explicamus in exemplo dictionis ex Apparatu formandæ. 7. Locus est à causis, in quo res comprobatur, vel improbat à sua causa materiali, aut formali qua constat, à finali ad quam dirigitur, ab exemplari cui assimilatur. 8. Locus ab effectis, siue effe-

ctibus bonis, aut malis, qui rem faciunt amare, aut odio dignam, vt quod charitas faciant hominem filium Dei, hæredem cæli, pium, benignum, patientem, Deo & hominibus acceptum. 9. Locus à comparatione, siue à maiori, minori, & paritate rationis. Vt, si sponsa gaudet connubio cum nobilissimo sponso, quantùm est creatura; quantò magis gaudere debet anima per charitatem vniri Deo, qui est omnium creator. Et hic locus ad amplificandum latissimè patet. Vti & locus ab authoritate, testimonio, & exemplis quæ infra in Apparatu, latius deducimus.

Pro exornatione dictionis, faciunt tropi, & figuræ siue verborum, siue sententiarum, per quas sermoni varietas, copia, & elegantia conciliatur. Præcipuæ hic recensēbimus, vt orator, non omnes simul, sed modò has, modò illas, instar condimenti dictioni aspergat, prout materiæ suæ conuenire iudicabit. Tales tropi in verbis sunt Metaphora, Synecdoche, Metonymia, Antonomasia, Onomatopæia, Catachresis, Metalepsis. In Oratione sunt, Allegoria, Periphrasis, Hyperbaton, Hyperbole.

Ex figuris præcipuæ sunt, repetitio, conuersio, complexio, gradatio. Item, similiter cadens, contrapositum, commutatio.

Figuræ quæ non in vocibus, sed integris sententijs vsum habere possunt præcipuæ sunt, interrogatio, responsio, subiectio, occupatio, correctio, dubitatio, prosopopeia, apostrophe, hypotiposis, sustentatio, pratermissio, ironia, permissio, deprecatio, exclamatio.

Modum quo hæ figuræ, aut tropi in oratione formantur, si non meminerit orator, consultum est vt ex Rhetorica eum recolat, & singulorum exempla præcipua hic infra dabimus post Materiæ Apparatum Alphabeticum.

CAPVT VII.

Pro Dictionis Epilogo, siue Peroratione.

I. **A**Rs quæ tradita est pro confirmatione amplificanda, & exornanda, valet etiam pro Peroratione formanda. Imo hic potissimum omnes eloquentiæ fontes & affectus exprimendi erunt, vt Auditori motum quem intendit Orator impressum relinquat.

II. In hunc finem debet ipse Orator dicendum ostendere se penitus permotum esse. Nihil enim incendit, nisi ipsum priùs incensum fuerit. Vti Cicero perorando pro commissa-

ra-

ratione erga Milonem, profitebatur se non posse lachrymas continere.

III. Conficitur autem Peroratio magna parte, ex breui enumeratione argumentorum quibus in tota oratione rem à se intenta Orator probauit, ea animis Auditorum altiùs ac vehementiùs inculcando, hoc ferè modo: Si iam ostenderimus, quam sit virtus charitatis iucunda, quia hominem Deo coniungit; quam sit utilis, quia reddit regni cælestis hæredem: quam sit necessaria, quia sine ea anima à Deo perpetuo separatur, &c. quis eam totis viribus non quærat, & complectatur.

IV. Hæc autem enumeratio argumentorum

non debet esse simplex & ieiunia repetitio, sed nouis subindè sententijs, ac figuris cum pondere inspersa, ac variata. Cauendum tamen ex altera parte, ne argumenta illa iterùm prolixè deducantur; sed compendio absoluantur, sic enim non esset enumeratio, sed potiùs altera oratio.

Consultum autem est, vt claudatur oratio per aliquam breuiem, ac neruosam sententiam, quæ menti ac memoriæ Auditorum quasi aculeum infixum relinquat, vt est illa Sancti Bernardi de mala conscientia peccatoris: *Manet anxietas non relictura, fugit voluptas non reditura.*

SVMMLA SEQVENTIVM

Pro Praxi expedita inuentionis Materiæ.

Primò, sequitur hic Apparatus Materiæ, ex Sacris potissimum Litteris ordine Alphabetico breuiter & commodè digestæ.

Secundò, sequitur breuis Index eiusdem Apparatus, ad quem facilè recurritur.

Tertiò, postea sequuntur puncta disposita per omnes Dominicas & Festa ex eodem Apparatu, & alijs quæ adducuntur in *Catechesi*, nec non *Controuersijs*, ceterisque materijs quæ supra in *Theologia Tripartita* pertractantur.

Quartò, traduntur partes singulæ Doctrinæ Christianæ selectis Exemplis ac Documentis illustratæ; quibus succedunt alia ad functiones sacras pertinentia.

N O T A.

IN hac Editione variâ accedunt *Additamenta*, Sententiæ selectæ, Conceptus noui, & exquisiti ad singulos Alphabeti sequentes Titulos, ad singulas Dominicas, Festa, Catechesim &c. Hæ Sententiæ, ac Conceptus adiecti facilè ingentem præbunt Materiæ Copiam, ornatum, acumen, ac varietatem: Præsertim si latiùs deducantur iuxta praxim Sententiæ deducendæ post finem sequentis Alphabeti infra §. 1.



P A R S

PARS SECVNDA
APPARATVS
MATERIÆ
AD DOCTRINAM SACRAM
EX SACRIS LITTERIS AC PATRV CONCEPTIBVS
præcipue depromptus.



Nota primò, excogitatum esse à me hunc breuem & commodissimum Materiæ Apparatum præcipue in gratiam Missionariorum, quibus ad doctrinam sacram varijs locis prædicandam, præter Sacras Litteras pauci sunt ad manum libri: vel etiam in gratiam aliorum, quibus si non desint libri, otium tamen deest ad prolixam plurium voluminum inuestigationem: quibus nihil gratius esse solet, quam in modico spatio multum aptæ materiæ collectum inueniant, quam facile possint deducere, & suo vsui accommodare.

Nota secundo, in hoc Apparatu potissimum contineri selectissima exempla, comparationes, ac similitudines ad idoneos titulos alphabeti ordine redacta, ac singulos titulos in varia puncta distribui, ad meliorem dictionis formandæ ordinem ac varietatem. Nulla enim alia est materia, quæ commodius possit pro dictione in varia membra cum ornatu dilatari, aut facilius memoria retineri, aut utilius ad auditorem permouendum accommodari, quam similitudines, comparationes, exempla, ut testatur tritum axioma, Verba mouent, exempla trahunt. His ad communem captum maxime accommodatis, & rudes optime instituuntur, & eruditi plurium delectantur, dummodo solida sint, & Sacrarum Litterarum auctoritate nitantur, qualia sunt illa, quæ in hoc Apparatu assignantur, quæ, ubi opus erit: ex citatis Scripturæ locis fusiùs deduci poterunt.

Nota tertio, praxim ex hoc Apparatu conficiendi integras dictiones per totum annum, infra assignari in fine, cum applicatione materiæ ad certa puncta per totius anni Euangelia.

Ad extremum obserua, dum ex his Titulis pro tuo conceptu materiam vberiore inquiris, si contingat illam sub vno Titulo non reperiri, legendum esse Indicem, & querendum alium Titulum significatione similem, aut etiam contrarium: exempli causa, si non inueniatur Charitas, vide Amor: si non reperitur Amor, vide Odium, & sic de cæteris: quæ omnia tibi frequenti vsu, & propria obseruatione magis innotescant, obseruata præsertim Praxi in huius Apparatus calce assignata.

A.

ABNEGATIO.

Qui cupit seruire Christo debet abnegare mundum, & omnia quæ in mundo sunt. Patet ex verbis Christi Luc. 14. Qui non renunciat omnibus quæ possidet non potest meus esse discipulus. Exemplum est in duodecim Apostolis qui relictis omnibus bonis, parentibus, amicis, secuti sunt Christum, & eius doctrinam. Sed ecce quantum abnegantibus promissum præmium: Centuplum accipietis, & vitam æternam possidebitis Matth. 19. v. 27. Hæc est liberalis Christi promissio, quæ claustra tot Religiosis, & cælum tot Sanctis impleuit.

Post

Pars II. Apparatus Materiæ ad Doctrinam &c.

II

Post hæc, S. Bartholomæo Apost. Euangelium prædicante, Polemus Rex Indiæ potentissimus ad fidem Christi conuersus & baptizatus, relicto Imperio amplissimo, & sua patria, & omnibus amicis, S. Bartholomæo, quocumque pergeret, constanter adhæsit, & maluit esse pauper Apostoli discipulus, quam diues Indiæ Dominus. *In vita S. Bartholomæi per Abdiam*. Gallicanus Dux supremus Romani exercitus post ingentes victorias, & Imperatoris filiam nomine Constantiam in vxorem oblatam, abnegato omni honore, & opibus, & Imperatoris filia, humilem, & pauperem pro Christo vitam suscepit, clariorem de se, quam de hostibus victoriam reportans. *In vita SS. Ioannis & Pauli*.

Alexius nobilis Romani Euphemiani filius, vt rebus omnibus nudatus, Christum nudum sequeretur, prima nocte nuptiarum abnegauit ditissimam sponfam, & domum paternam, & post multam peregrinationem, tanquam pauper & ignotus delituit per multos annos in angulo domus paternæ, donec post obitum diuino monitu à suo parente, & à Pontifice Romano cum ingenti stupore agnitus, & summo in honore habitus fuit, *ita Metaphrastes, & alij in eius vita*.

Abneganda est etiam propria voluntas *Matth. 16*. Si quis vult venire post me abneget semetipsum. Exemplum dedit Christus in horto dicens: Pater, non mea sed tua voluntas fiat. Et S. Paulus à Christo vocatus, nulla carnis aut sanguinis, nulla propriæ voluntatis habita ratione statim respondit, Domine quid me vis facere?

Abneganda sunt vitia, & cupiditas rerum temporalium. Abnegantes impietatem & sæcularia desideria sobriè, iustè, & piè viuamus in hoc sæculo. *2. Tim. 3*. Nempe sobriè erga nos, iustè erga proximum, piè erga Deum. Exemplum est in primis Ecclesiæ Christianis, qui nihil suum esse dicebant, sed deponebant bona sua ad pedes Apostolorum, vt omnibus essent communia. *Act. 4. v. 33*. E contrario Annanias cum Sapphira vxore, quia pecuniæ, quam Deo deuouerunt, partem postea absconderunt, subitanea morte à Domino puniti fuerunt, *Act. 5*. Abraham à Deo vocatus, statim exiuit de terra sua, & de cognatione sua, & de domo Patris sui: & idè Deo benedixit ei, & multiplicauit semen eius, sicut stellas cæli, &c. *Gen. 12*. Et iterum abnegauit Abraham amorem paternum erga filium suum primogenitum Isaac, quando Deo iubente ascendit in montem cum gladio & igne vt filium suum Domino immolaret, & in holocaustum offerret. *Gen. 22*. Iob omnium bonorum, quæ habuit affectum abnegauit dicens, Domi-

nus dedit, Dominus abstulit, sit nomen Domini benedictum. *Iob. 1. v. 21*. Christus Dominus cæli & terræ, cum esset diues, factus est pro nobis egenus, & nudus in cruce mortuus non habuit vbi caput reclinaret. *Matth. 27. Luc. 32*.

Sicut athleta qui in stadio currit, debet omnia impedimenta abijcere, ita nos vt perueniamus ad brauium vitæ æternæ debemus mundi bona abnegare, iuxta Apostolum *1. ad Cor. 9*. Omnis qui in agone contendit ab omnibus se abstinet, & illi quidem vt corruptibilem coronam accipiant, nos autem incorruptam.

EX BREVIARIO, habetur exemplum S. Francisci, qui pro Christo omnia abiecit vsque ad calceos, *4. Oct. S. Antonij*, qui omnia deferuit vsque ad speluncam, *17. Ian. S. Bartholomæus* omnia exiit vsque ad pellem viuo detractam, alij Martyres vsque ad sanguinem & vitam.

Vide *Abstinentia, Amor Dei, Humilitas: A contrario, vide infra Auaritia, Luxuria, Superbia*.

De Abnegatione per Vota Religiosa, vide supra *T. 2. part. 2. p. 136*. Et controuerfias de ea supra *Tom. 1. Tract. 2. pag. 82*.

Sententiæ selectæ, ac conceptus alij de Abnegatione.

BEati pauperes spiritu, quoniam ipsorum est regnum cælorum. *Matth. 2*.

Omnes qui reliquerit domum vel fratres &c. centuplum accipiet & vitam æternam possidebit. *Matth. 19*.

Nolite confirmari huic sæculo, sed reformamini in nouitate sensus vestri. *ad Rom. 12*.

Quicumque voluerit esse amicus huius sæculi, inimicus Dei constituitur. *Iacob. 4*.

Qui vtuntur hoc sæculo, sint tanquam si non vtantur. *ad Cor. 1. c. 7*.

PATRES. Sunt quidam qui sua facilius pauperibus tribuunt, quam vt ipsi pauperes Dei sint. *S. Augustin*.

Multi diuitias relinquentes vitia sua non relinquunt. *S. Hieronymus*.

Totum Deo dedit, qui seipsum obtulit. *Idem*.

Nudum Christum, nudam Christi crucem, nudus sequere. *Idem*.

Deus magis querit animas credentium quam opes. *Idem*.

Is non renunciat mundum quem terrenæ possessionis delectat ambitio. *S. Ambrosius*.

Multa relinquit qui desideria renunciat. *S. Gregor*.

Cor pensat Deus, non substantiam. *Idem*.

Regnum Dei tantum valet, quantum habes. *Idem*.

Lon-

Longè à Deo est animus, cui adhuc hæc vita dulcescit. *S. Isidorus.*

Semper diues est Christiana paupertas. *Leo Papa serm. 4. de quadrag.*

Cui cum paupertate benè conuenit diues est. *S. Greg. in Ezech. 6.*

Parum eget qui parum cupit. *Socr. apud Lactertium.*

Panem & aquam natura desiderat, nemo ad hæc pauper est. *Seneca Epist. 23.*

Qui ad paupertatem sua sponte descendit, præoccupat tela fortunæ. *Idem Epist. 19.*

Scire vii paupertate maxima fælicitas est. *Idem, de moribus.*

Non est in paupertate vitium, sed in paupere. *Idem de remed. fortune.*

EXEMPLA PROFANA, sapientium & fortium virorum qui mundum abnegarunt.

Socrates Philosophorum Princeps, pauper semper, nudis pedibus, sordido pallialo mundi opes & honores contempsit.

Diogenes suo dolio contentus, cauis manibus sibi aquam hauriebat: Hunc intuitus Alexander dixit, si Rex non esset, se optare Diogenem esse.

De Ducibus aliquot Romanis sic scribit *Claudianus* in 4. Honorij consulatu.

Pauper erat Curius, Reges dum vinceret armis.

Pauper Fabricius, Pyrrhi dum sperneret aurum.

Sordida Serranus flexit dictator aratra.

Hinc adag. Fortior est qui se, quam qui fortissima vincit Mænia.

ABSTINENTIA, IEIUNIUM.

Abstinere dicitur primò, qui vsum alicuius rei à se reijcit: Secundò, qui rei noxiæ affectum, & desiderium in se cohibet & refrænât. Hoc modo Tobias docuit filium suum, ab infantia timere Deum, & abstinere ab omni peccato. Tobias 1.

Abstinentia ciborum à Deo præcepta est ad obedientiam, ad meritum, ad virtutis exercitium. In paradiso præcepit Adamo vt à fructu arboris scientiæ boni & mali abstineret. *Gen. 2.* Filij Israel varia ciborum genera à Deo interdicta fuerunt, *Leuitici 11.* Vxori Manuæ concepturæ Sampsonē Angelus abstinentiam indixit, *Iudic. 3.* Eleazarus ætate grandis & venerabilis maluit occidi quam carnem vetitam manducare, aut cum aliorum scandalo id simulare. *2. Machab. 6.* Septem fratres Machabæi elegerunt potiùs per varios cruciatus mortem sustinere, quam esu carnis se contaminare. *2. Mach. 7.*

Abstinentia mentem illuserat, & sapientiam confert. Moyses postquam 40. à cibo abstinuit, meruit à Deo in monte Sinai accipere legem populo explicandam, *Exodi 24.* Danieli propter singularem abstinentiæ amorem ostendit Deus visiones cœlestes. *Daniel. 22.* Imò post ieiunium eidem reuelatum est mysterium Incarnationis, *Dan. 9.* Quia Anna Prophetissa seruiebat Domino die ac nocte in ieiunio & orationibus, meruit in templo de Christo prophetare, *Lucæ 20.* Eodem spectat exemplum Ioannis Baptistæ præcursoris & præconis Christi, cuius cibus tantum erant locustæ, & mel sylvestre *Matth. 11.*

Abstinentia à carnibus hominibus religiosis, & piè viuentibus maximè propria. Dominus ipse Danieli per Habacuc pulmentum & panes, non verò carnes transmisit, *Dan. 14.* Vxor Ieroboam ad Prophetam Achiam, panem & mel, non autem carnes attulisse legitur, *3. Reg. 13.* Christus sæpius multiplicauit panes & pisces, carnes numquam. *Matth. 14. Marc. 6. Ioan. 6.* Saluatorem nostrum non legimus comedisse carnes, nisi in agno Paschali, piscibus verò in alimentum sæpius vsum esse patet. *Luc. 24. Ioan. 21.*

Abstinentia siue ieiunium confert victoriam contra hostes tam animæ, quam corporis. Christus cum dæmone præliaturus 40. diebus ieiunauit, & in tribus quas opposuit tentationibus illum debellauit, *Matth. 4.* Iosaphat Rex Iuda ieiunauit ipse, & alijs ieiunium indixit, atque ita victoriam de hostibus obtinuit, *2. Par. 20.* Postquam Iudith diuturnum ieiunium & orationem præmisit præclaram de Holoferne victoriam reportauit *Iudic. 8.* & 13. Filij Israel bis debellati, postea ad ieiunium confugerunt, & de filijs Beniamin triumpharunt, *Iud. 20.* Iterum debellantur filij Israel à Philist. *1. Reg. 4.* Sed postquam fleuerunt & ieiunauerunt victoriam obtinuerunt, *1. Reg. 7.* A contrario, quia Ionathas contra præceptum patris comedit fauum mellis, Israelitæ ab hostibus profligantur, *1. Reg. 14.* Et in deserto cepit populus manducare, & bibere, & ira Dei descendit super eos.

Ieiunium cum oratione Deus ad largiendam gratiâ & misericordiam maximè mouetur. Et ideo dicitur Tobias 10. Bona est oratio cum ieiunio. Sic Esther misericordiam populo suo petitura ab Assuero, ieiunauit cum ancillis suis & Mardochæo, *Esther 4.* Dominus Achab pœnam comminatus fuit, sed propter ieiunium quo se humiliavit eam temperauit. *3. Reg. 21.* Ninivitarum ciuitas intra quadraginta dies subuertenda fuit, sed propter ieiunium quo se Ninivitarum omnes à minimo vsq; ad maximum affligerunt Deus illis pepercit, & pœnam remisit, *Ionæ 3.*

Sicut.

Sicut Naues leuiiores facilius mare percurrunt & nimis onusta submergunt; ita abstinētia reddit hominem expeditum, ut facili currat per viam salutis & mandatorum Dei, crapula autem in barathrum demergit. Et sicut in tempestate nautæ exonerant nauem, ita in tentationem faciendum per abstinētiā.

Sicut Febres, & alij morbi corporis curantur per cibi & potus abstinētiā, simili etiam modo curandi sunt morbi animi, ut libido, ira, gula &c. *Marc. 9.* Hoc genus dæmoniorum non eiicitur nisi in oratione & ieiunio. Abstinētia enim optima est animæ medicina. Hinc Augustinus. Hoc me docuisti Deus, ut quem admodum medicamenta, sic alimenta sumpturus accedam. *Lib. 10. Conf. c. 11.*

Sicut Equis fræna sunt imponenda, ne nos præcipites agant; sic corpora nostra ieiunijs, & vigilijs sunt refrænanda, ne animam per vitiorum præcipitiā abducant.

Sicut in Nauibus sentina sæpius est exhaurienda, ita corporibus nostris sæpè subducendus est cibus & potus, ne in vitiorum sentina putrescant.

Sicut contra Incendium, aut ollam nimis ebullientem ligna foco subtrahimus, sic contra ardorem carnis, tumorem superbix, ac dæmonis, oportet per abstinētiā subtrahere fundamenta & alimenta vitiorum. Nam de fatana dicitur, *Iob 41.* Halitus eius prunas ardere facit.

Sicut nullum Castrum est adeo fortè, ut si rebellet non possit ieiunio expugnari excludendo illi alimenta, sic quando corpus rebellat spiritui & rationi, optimè potest spiritus corpus sibi per abstinētiā subiurgare.

Non tantum Corpus, sed etiam Anima debet abstinere, & sobria esse. Quid enim iuvat Currum leuem & agilem esse, si Auriga insanit? Quid prodest naus solida & expedita, si ebrius sit naus gubernator?

Quia cibus abstinēt, & mala agunt dæmones imitantur, quibus culpa adest, & cibus deest, *S. Isidorus.*

VIDE EX BREVIARIO, effectus eximios ieiunij & abstinētiæ, *Domin. 3. Adu. Let. 4. 5. Dom. 4. Quadrag. 1. 4. 5. Domin. 4. Sept. 1. 5. 6. Domin. 3. Nouemb. 1. 2. 3. 4. 5. 6. Ieiunium confert formæ præstantiam in Daniele, Iudith &c. Dom. 3. Nou. 1. 2. 3. 4. 5. 6. Abstinētia facit longæuos in festo S. Pauli Erem. *Tanuar. 1. 4.* & festo S. Antonij *17. Ianuar. 1. 5.* *Et Ebrietas. Gula.**

Vide Controversias de Ieiunio supra *Tom. I. pag. 74* seqq. Et Quæst. Theol. *Tom. 2. tract. 5. cap. 2.*

Sententia selectæ de Abstinētia.

Regnum Dei non est esca & potus, sed iustitia & pax, & gaudium in Spiritu Sancto: Sobriè, iuste, & piè viuamus in hoc seculo, *ad Titum 2.*

Omnis qui in agone contendit, omnibus se abstinet. *1. Cor. 2.*

Qui abstinens est, adiciet ad vitam. *Ecclesiast. 37.*

Is qui manducat, non manducantem non spernat, *ad Rom. 14.*

Nos autem qui Dei sumus, sobrii sumus, *ad Thessalon. 5.*

Fratres sobrii estote & vigilate, quia aduersarius vester diabolus tamquam Leo circuit quærens quem deuoret. *1. Petri 5.*

PATRES. Plenus venter non gignit tenuem sensum, id est, subtilem. *Hieronymus.*

Cibo corpus pascitur pio opere nutritur. *Gregor.*

Estu libido crescit, ieiunio luxuria superatur. *Gregor.*

Natura paucis contenta. *Boetius lib. 2. de consolatione.*

Plures occidit gula quam gladius.

Mater sanitatis est abstinētia, mater ægritudinis voluptas. *Hieron.*

Sine Cerere & Baccho friget Venus. *Idem c. 6.*

PHILOSOPHI. Multorum morbos fercula multa ferunt. *Sen.*

Venter præcepta non audit. *Sen.*

Ventri obediētes animalium loco numerantur, non hominum.

EXEMPLA PROFANA. Carolus Magnus ieiunijs etiam cum periculo valetudinis corpus suum exercuit. *Ira Mutius lib. 8.*

Otho Magnus Imperator, cum Hungaris conflicturus, ieiunium in castris suis indixit, Denique auxilium inuocauit. *Vitricindus l. 3.*

De Ieiunio Sententia alia selectæ.

Bona est oratio cum ieiunio & eleemosyna, magis quam thesauros auri recondere. *Tobia 12.*

Sanctificate ieiunium. *Ezech. 2.*

Scitote quoniam exaudiet Dominus preces vestras si manentes permanseritis in ieiunijs. *Iudith. 4.*

Conuertimini ad me in toto corde vestro in ieiunio, planctu, & fletu. *Ezech. 2.*

In omnibus exhibeamus nosmetipsos, Dei ministros in vigilijs, in ieiunijs, *1. ad Cor. 6.*

PATRES. Ieiunium autem magnum, *ge-*

Generale nos abstinere ab iniquitatibus, & ab illicitis voluptatibus sæculi. *Augustinus.*

Ieiunium purgat mentem, subleuat sensum, carnem spiritui subijcit, cor facit contritum & humiliatum, concupiscentiæ nebulas disperdit, libidinum ardores extinguit, castitatis verò lumen accendit. *Augustinus.*

Ieiunium non solum perfecta virtus, sed cæterarum virtutum fundamentum est, & sanctificatio & pudicitia atque prudentia, sine qua nemo videbit Deum. *Hieronymus.*

Ieiunio mors culpæ, excidium dilectorum, remedium salutis, radix gratiæ, fundamentum est castitatis: hoc gradu citius ad Deum peruenitur. *Ambrosius.*

Quid prodest ieiunare visceribus, luxuriari venationibus, abstinere à cibis, & errare peccatis. *Ambrosius.*

Fames amica virginitati est, inimica Castitati saturitas: hæc verò prodigit castitatem, nutrit illecebram. *Ambrosius.*

Sicut miles sine armis non est aliquid, nec arma sine milite, sic nec oratio sine ieiunio, nec ieiunium sine oratione. *Chrysostomus.*

Vt venus eneruat vires: sic copia Bacchi.

Et tentat gressus, debilitatque pedes. *Quid.*

ACEDIA. OTIVM.

Sicut equus tardus indiget stimulis, ita acediosi maximè indigent reprehensione ut pergant in via salutis.

Sicut Dominus odit servum ignavum & otiosum, ita Deus auersatur desidiosos in exercitio virtutis: otium enim est pulvinar diaboli.

Otiosus est instar aquæ stagnantis, quæ non mouetur, ac proinde putrescit: & noxijs vermicibus, id est, vitijs repletur.

Rectè comparatur otiosus paralytico, qui non potest manus, aut pedes ad operandum mouere. De his *Psalm.* 13. Manus habent, & non palpabunt, pedes habent, & non ambulabunt.

Similis est otiosus Agro neglecto, & pleno spinis & vitijs, *Proverb.* 24. Per agrum hominis pigri transiit, ecce totum repleuerant vitijs. Nec malè assimilatur Ferro, quod absque usu & motu contrahit rubiginem. Et cum veste pretiosa, quæ nisi gestetur, à tineis corroditur.

Otium affert homini animæ & corporis egestatem. Ideo dicit Sapiens. Qui festatur otium replebitur egestate, *Proverb.* 28. v. 19. Maledictus qui facit opus Domini negligenter. *Ierem.* 41. v. 4. Propter frigus Piger arare noluit, mendicabit ergo æstate, & non dabitur illi. *Proverb.* 20. v. 4.

Otium sæpè est causa damnationis. Ideo dicit Christus, Omnis arbor quæ non facit fructum bonum excidetur, & in ignem mittetur. *Matth.* 7. v. 19. Et ibidem iterum dicit, Inutilem seruum eijcite in tenebras exteriores ubi erit fletus & stridor dentium.

Acediosus Deus grauius punit. Exemplum est in populo Israelitico, quando cepit in deserto tædere itineris & laboris, & de manna cœlesti dicere nauseat anima nostra super cibo isto lenissimo, ideo immisit Dominus in illos serpentes ignitos, qui eos laniabant & occidebant. *Numer.* 21. Quinque Virgines fatuæ quæ dormitauerunt, & sine oleo boni operis in lampadibus ad Sponsum seriùs venerunt, exclusæ sunt, & audierunt, Amen dico vobis nescio vos, vigilate itaque &c. *Matth.* 25. Sizara in lecto iacens clauo perfoßus est à Iahel, ita acediosus à demone Samson dormiens inter genua Dalilæ fuit captus, catenatus, excæcatus. *Iudicum.* 19. v. 15.

Acedia est causa multorum peccatorum: Dauid belli tempore manens domi otiosus commisit adulterium cum Bersabea, & postea homicidium. 2. *Reg.* 11. Cùm dormirent homines tenit inimicus homo & in medio tritici superfeminavit zizania, id est, vitia & peccata. *Matth.* 13.

Redarguit Christus in parabolis otiosos, & operantibus premium addicit. Quid statis hic toto die otiosi, ite & vos in vineam meam, & quod iustum fuerit dabo vobis. *Matth.* 20. Dormiebat Ionas sopore graui, & ideo gubernator nauis redarguit eum, & propter eum orta est tempestas. Sed quid secutum? Proiectus est in mare, & balena deuorauit eum, ita acediosi incidunt in laqueos & fauces diaboli. *Iona.* 1. Denique Christus in horto redarguit discipulos dormientes, dum orandum esset, dicens, non potestis vna hora vigilare mecum. *Matth.* 26. Seruus piger qui noluit negotiari, sed talentum defodit in terram obiurgatur, & talento spoliatur. *Matth.* 25.

Quomodo breuem laborem æterna requies consequantur, **VIDE EX BREVIARIO** in festo S. Bonifacii 14. Maij lect. 2. & in festo S. Matthiæ 24. Februar. lect. 7.

Vide à contrario, *Obedientia, Zelus, Amor &c.*

Sententiæ selectæ &c. de Acedia & Otio.

Vade ad formicam piger, & discite Sapientiam: quæ parat in æstate cibum sibi, & congregat in messe quod comedat. *Proverb.* 6. 6. Vsq̃uequo piger dormies: Quando confurges è somno tuo. *Ibid.*

Vult

Vult, & non vult piger anima, autem operantium impinguabitur. *Proverb. 13.*

Sicut acetum dentibus, & fumus oculis, sic piger his qui miserunt eum in via. *Proverb. 10.*

Abscondit piger manum sub axilla, nec ad finem applicat eam ad operandum. *Proverb. 19.*

Propter frigus piger arare noluit, mendicabit ergo ætate, & non dabitur ei. *Proverb. 20.*

Omnis piger semper in egestate est. *Proverb. 21.*

Desideria occidunt pigrum, noluit enim quidquam operari. *Ibid.*

Sicut ostium vertitur in cardine, sic piger letulo suo. *Proverb. 26.*

Maledictus qui facit opus Dei negligentem. *Jeremia 48.*

Regnum Dei vim patitur, & violenti rapiunt illud. *Matth. 11.*

Omnis arbor bona bonos fructus facit. *Matth. 7.*

Inutilem servum eijcite in tenebras exteriores. *Matth. 11.*

Vade ad fornicam piger, & discas Sapientiam. *Proverb. 6.*

Vult, & non vult piger. *Proverb. 13.*

Omnem palmitem in me non ferentem fructum, tollet eum. *Ioan. 15.*

Scienti igitur bonum, & non facienti peccatum est illi. *Iacob. 3.*

PATRES. Facito aliquid operis, ut semper diabolus inueniat te occupatum. *Hieron.*

Radix desperationis est ignavia, & non solum radix, sed nutrix ejus, & mater. *Chrysost.*

Per torporem vires, & ingenium defluunt. *Isidorus.*

Non dormientibus pronenit regnum eorum, nec otio, & desidia torpentibus beatitudo æternitatis repromittitur. *S. Leo.*

PHILOSOPHI. Generosos animos labor nutrit. *Seneca.*

Pigritia est nutrix egestatis. *Seneca.*

Pestis est mortalibus ignavia. *Plato.*

Impossibile est negligentibus Dominis servos esse sollicitos. *Arist.*

De Otio Sententia alia.

Multam malitiam docuit otiositas. *Eccel. 33.*
Cum autem dormirent homines, venit inimicus ejus, & superseminavit zizania. *Matth. 13.*

Qui congregat in messe, filius sapiens est, qui autem stertit ætate, filius est confusionis. *Pro. 10.*

PATRES. Otium est pulvinar diaboli.

Omne verbum otiosum, quod locuti fuerint homines, reddent rationem de eo in die iudicii. *Gregorius.*

Otiosum quippe verbum est, quod aut utilitate reformationis, aut iustæ necessitatis caret. *Idem.*

Mens otiosa nihil aliud cogitare novit, quam de escis, aut de ventre. *Leo Papa.*

PHIL. ET POETÆ. Emollit otium vires, sicut rubigo ferrum. *Seneca.*

Otiosus non sibi vivit, sed quod turpissimum est ventri, & somno. *Seneca.*

Quæritur Ægistus, quare sit factus adulter. In promptu causa est, desidiosus erat. *Ovid.*

de remed. amorum.

Otia si tollas perire cupidinis arcus.

Contemptæque iacent, & sine luce faces. *Ibidem.*

NOTA.

Pro toto hoc Alphabeto, aliquando posse docere induci Sententias, siue Axiomata Juris Canonici, Juris Civilis, Philosophiæ totius, quæ commodè reperiuntur supra. *Tom. 2. Tract. ultimo, cap. 2.*

ACCUSATIO.

Falsa accusationis exempla detestanda, proponit Scriptura in castissimo Iosepho, qui à sua Domina iniquè accusatus est, ac si vim illi inferre voluisset, & ideo in vincula coniectus est, quibus Deum illum cum honore liberauit. *Gen. cap. 39.*

Iniuste accusatus, & lapidatus est Naboth, ac si Deo, & Regi maledixisset, & ideo Iesabel à canibus deuorata est. *3. Reg. c. 21. v. 11.*

Abimelech iniquè accusatus est à Doeg apud Saulem eo, quod Davidem benignè excepisset, & cum pluribus occisus. *lib. 1. Samuelis, c. 22. v. 9.*

Christus à Iudæis sapientis falso accusatus tanquam seditiosus, hostis Cæsaris, potator vini, commercium habens cum demone, destrueturus templum, &c. *Matth. 26. Marci 14. Luc. 23. &c.*

S. Stephanus Protomartyr falso accusatus, & lapidatus. *Act. 6. v. 11. Contra Paulum Apostolum iniquè accusationes. Act. 16. v. 20.*

Accusati falsa à Deo graviter puniuntur, cuius exemplum est in Aman qui Mardocheum accusans, suspensus est in patibulo quod Mardocheo iniquè paravit. *Esther 7. v. 10.*

Duo Senes qui Susannam adulterij accusarunt, ipsi loco Susannæ à populo lapidati fuerunt. *Daniel 13. v. 36.*

Simon, &c. pro simili crimine à Deo putati sunt. *1. Machab. & eiusdem 4.*

Vile

Vtile est homini seipsum potius quam alium accusare. Iustus prior accusator est sui. *Prou. 18.*

Sic fecit Magdalena coram Pharisei, & remissa sunt illi à Christo peccata. Sic fecit Sanctus Petrus, & respicit postquam Christum negavit.

Sic fecit David post adulterium, cum Bersabea, & homicidium Uriæ, & sapiens in Psalmis 2. *Samuel. 12. v. 1. Et Paral. p. 21. Et Psalm. 32. v. 5. Psalm. 41. v. 5. Psalm. 50. 51. &c.*

Sic Ionas coram nautis accusauit fugam suam à facie Domini *Iona 1. v. 12.* Filius prodigus, peccaui in cælum, & coram te, &c. *Lucæ 15. v. 17.* Publicanus percutiens pectus suum, &c. *Lucæ 18. v. 13.* Zachæus, si quem defraudari reddo quadruplum. *Lucæ 16. v. 8.* Latro in Cruce, Nos quidem iuste digna factis recipimus. *Lucæ 23. v. 41.*

Accusatio proprii criminis est instar incisio- nis venæ, aut apostlematis, aut salubris vomitorij, quo corpus à corrupto sanguine, & prauis humoribus, & suis morbis liberatur: ita fit in anima per humilem delicti sui accusationem.

Aliorum accusatores importunos comparat Cicero *orat. pro Roscio*, vel cum Anseribus, qui tantummodò clamant, & non nocent; vel cum Canibus qui clamant, & nocent, ac mordent bonos, ac pios, non minus dum tendunt ad templum, quam si irent ad prostibulum. *V. Iudicium iniquum, Inuidia, Inimicitia.*

Sententia selecta, &c. de Accusatione.

Vides festuciam in oculo fratris tui, trabem autem in oculo tuo non consideras. *Christus Phariseis.*

Demosthenes iussus ab Atheniensibus, vt quemdam accusaret, recusauit, sed facta in eum populi acclamatione, surgens dixit; Vos me viri Athenienses; consultorem habeatis inuiti, calumniatorem verò, ne si velitis quidem habebitis.

Cato maior à populo Romano Prudens appellatus, maximis Romanorum odijs exercitus est, quadragesies enim sexcies reus causam dixit, semperque absolutus est. *Sabellicus lib. 1. cap. 6.*

Væ tibi, væ nigræ, dicebat cacabus ollæ: in eos qui non se, sed alios semper accusant.

Cum tua peruideas oculis, malè lippus, adunctis, Cur in amicorum vitijs tam cernis acutum? *Horatius.*

Argus (1. centoculus) in vitijs aliorum, Talpa in suis.

ADVLATIO

Adulatores comparantur cum Coruis, qui oculos effodiunt, nempe excæcando, & decipiendo eos quibus adulantur.

Et cum Hirundinibus, quæ comparent tantum tempore æstiuo, & lato, fugiunt tempore frigido, & aduerso.

Et cum Venatoribus qui fistula dulciter canunt, vt volucres decipiant, ac deplument.

Et cum Histrione qui omnem vultum induit, & nullam partem seriò agit. Idèd monet Sapiens, melius est à sapiente corripi, quam stultorum adulationibus decipi. *Ecc. 7.*

Quomodo adulatores alij noceant. Exemplum est in amicis Aman, qui volentes ei complacere suaserunt, vt pro Mardocheo erigeret altissimum patibulum, ex quo tamen Aman ipse suspensus est. *Esther 5.* Prophetæ adu- lantes dicebat Achab prospera de bello futuro, quodd ei pessimè cecidit. *3. Reg. 22.* Populus adulando acclamabant Herodi, quod loqueretur voces Dei: & ecce confestim percussit eum Angelus Dei, & consumptus à vermibus interiit. *Act. 2.*

Adulatores etiam nocent sibi. Exemplum est in Abfalone qui in curia singulis adulabatur, dicens, videntur mihi sermones tui recti, at ipse cum populo in bello profligatus, & occisus est. *2. Reg. 6. p. 15.* Adolefcens narrans David mortem Saulis inimici eius à se accelerata, iussus est à Dauide statim occidi. *2. Reg. 1.* Duo Sicarij qui caput Isoset occisi ad Davidem detulerunt, vt ei complacerent, simili modo pro sua mercede trucidati fuerunt. *2. Reg. 4.* Pharisei per adulationem voluerunt Christum decipere, Magister scimus quia verax es, & viam Dei in veritate doces, &c. sed ipsi potiùs decepti fuerunt. *Matth. 22. v. 16.*

VIDE EX BREVIARIO. *Quomodo deceat Adulatio maximè præconem verbi Dei.* *Dom. 4. Epiph. lect. 5. & lect. 3. quæ suavis quidem appareat, sed acerbè lædit.* *Psalm. 54. ser. 4. adeoque plus nocet, quàm sapientum correptio.* *Sabb. Dom. 2. Argust.*

Sententia selecta, &c. de Adulatione.

Meliora sunt vulnera diligentia, quam fraudolentia oscula blandientis. *Prou. 1.* Qui derelinquunt legem laudabunt impium. *Prou. 28.*

Melius est à sapiente corripi, quàm stultorum adulationibus decipi. *Ecc. 7.*

Est

Est qui nequiter se humiliat & interiora eius plena sunt dolo. *Eccles. 9.*

Popule meus qui te beatum dicunt, ipsi te decipiunt, & viam gressuum tuorum dissipant. *Esa. 5.*

Væ qui iustificatis impium. *Esa. 5.*

Non quero hominibus placere, si hominibus placerem Christi seruus non essem, ad *Galatas 1.*

Simulator ore decipit amicum. *Proverb. 11.*

PATRES. Adulantium linguæ ligant homines in peccatis, delectat enim ea facere, in quibus non solum non metuitur reprehensor, sed etiam laudatur operator. *August.*

Magis optabo à quolibet reprehendi, quam ab adulanre laudari. *August.*

Leuius non debet putari quod gladio minante, quam quod lingua insidiante committitur. *Idem.*

Adulatores sunt hostes, & scintillæ diaboli, *Hieronymus.*

Nihil est quod tam facile corrumpat mentes hominum sicut adulatio: plus enim nocet lingua adulatoris, quam gladius persecutoris. *Hieronymus.*

Adulari est ars seductorum. *Chrysost.*

PHILOS. POETÆ. Laudat adulator, sed non est verus amator.

Nullus tam gnarus, qui non sit laudus avarus.

Plus laudatori, quam tu tibi credere noli.

Rectè facta collaudare honestum est, mala vero laudibus vehere, adulterini animi ac imposteri est. *Democritus.*

Malum hominem blandè loquentem, agnosce tuum laqueum esse. *Seneca.*

Habet enim suum venenum blanda oratio. *Seneca.*

Laudare præſentes adulatoris est: *Aristot.*

Sirenium scopulos præterisse iuuat. i. blandientium. *Ouidius.*

AMOR DEI, CHARITAS.

Est virtus qua diligitur Deus propter seipsum, & proximus propter Deum. Primum & maximum præceptum est Dei dilectio, datum Moyſi à Deo in monte Sinai.

Amor siue Charitas est illa Vestis nuptialis, candida, & pretiosa, sine qua Anima non potest esse sponsa Christi, vel admitti ad conuiuium, aut ad aulam cœlestem. Quomodo huc intraſti non habens vestem nuptialem? *Matthæi 22.* Amor Dei est Oleum quod Prudentes virgines habuerunt in lampadibus & sine quo dictum est fatuis, Nescio vos. *Matth. 25.*

R. P. ArſdeK. Tom. III.

Charitas perfecta comparatur cum Muliere casta, quæ vti nullum amat præter suum virum, ita charitas nihil præter Deum. Amor Dei similis est Auro, quia facit opera nostra tam splendida & pretiosa vt mereantur vitam æternam. Comparatur cum Igne, quia omnia peccata consumit, & animum purificat. Charitas similis est Stellis, quæ magis in nocte, quam in die apparent, ita amor Dei magis in aduersis quàm in prosperis dignoscitur. Charitas patiens est, benigna est, non inflatur, non est ambitiosa, & reliquæ eius proprietate exponuntur. i. *ad Corinth. 13.*

Opera quæ non fiunt in charitate aut gratia non sunt meritoria vitæ æternæ, etsi appareant maxima. Si linguis hominum loquar & Angelorum, charitatem autem non habeam, factus sum velut æs sonans, & cymbalum tinniens: *Ibidem v. 1.*

Amor Dei facit omnia quantumuis ardua apparere leuia. Sicut Iacobo septem anni videbantur dies pauci præ amoris magnitudine. *Genes. 29. v. 20.*

Fortis est vt mors dilectio: Quod patet exemplo D. Pauli Apostoli. Certus sum, inquit, quia neque mors, neque vita, neque creatura alia, poterit nos separare à Charitate Dei, quæ est Christo Iesu Domino nostro, *ad Romanos fusi c. 8.*

Charitas operit multitudinem peccatorum. i. *Per. c. 8.* Exemplum est in S. Magdalena, cui cum ingenti amore Christi pedes lachrymis irrigaret, dictum est, Remittuntur ei peccata multa, quia dilexit multum.

Exemplo suo ad charitatem Deus nos prouocat. Sic Deus dilexit mundum, vt Filium suum vni-genitum daret, *Ioan. 3.* Item exemplum Christi qui dilexit nos, & tradidit semetipsum pro nobis, & lauit nos in sanguine suo. *Breu. in Nat. Dom. lect. 7.*

Quanta charitate Apostoli & alij Deo coniuncti fuerunt. Abraham vnicus filius erat Isaac, & cum vnicè illum amaret, manibus proprijs mactare voluit, quia Deum magis amauit, quam suum filium. *Genes. 22.*

Perfectæ charitatis exemplum fuit in tribus pueris in Babylonem abductis, qui numquam Religionis erga Deum obseruationem deferentes, in fornacem, septuplum quam solitum erat accensam missos, flamma non adussit quia maiori intus ardebant flamma charitatis erga Deum. *Danielis 1.*

Machabæi quoque septem fratres, neque ingentibus Regis promissis corrupti sunt, neque minis territi, contra Dei legem aliquid agere voluerunt. Sed potius crudeli morte con-

B

sum;

sumpti plus Deum quam se diligendum esse, illustri documento fuisse. 2. *Macchab. c. 7.*

D. Petrus ter interrogatus, An Christum amaret, Respondit, Domine tu nosti omnia, tu scis quia amo te: & ideo Christus illi oues suas pascendas & regendas commisit. *Ioan. 21.*

Hæc charitas, Sanctos Dei non modo diuitiarum, dignitatum, atque honorum, verum etiam vitæ huius contemptores effecit. Apostoli omnes nullis tyrannorum minus supplicij sue absterri potuerunt, ne dilectissimum Iesu nomen ubique palam prædicarent & extollerent. Petrus, Andreas, & Philippus pro Christi amore crucifigi non recusarunt: Iacobus & Paulus capite truncari optati: Iacobus alter de pinna templi deiici, & fullonis fuisse macerari: Ioannes in bullientis olei dolium nudus dimitti: Thomas & Matthæus lanceis confodi: Matthias securi percuti: Simon & Iudas irruente Sacrilegorum impetu se elidi, atque obterigaudebant. Quid post illos de tot millibus Martyrum dicemus? quibus dulcia fuerunt tormenta, & pro nomine & amore Iesu quamlibet contumeliam pati.

Plura motiua ad amorem Dei, Vide infra in praxi assistendi ægris & moribundis.

Exima eluxerunt exempla charitatis in plurimis Sanctis, ut in S. Petro: Paratus sum tecum in carcerem & in mortem ire. S. Dominicus moriens, charitatem fratribus suis tanquam testamentum reliquit, in *Breuiar. die 4. August.* Idem de S. Francisco legitur. S. Ignatius Dei amorem, & maiorem gloriam semper in ore, & in opere habebat, aded ut diceret, se malle gloriam Deicum periculo suæ salutis promouere, quam securum de salute in cælum migrare: in *Breuiario die ultimo Iulij.*

Sententia selecta &c. de Amore Dei.

DE amore Dei plurima occurrunt loca & Sententiæ in Scripturis, ut, *Deuter. c. 6. 7. 10. 11. 30. Psalm. 17. 46. 109. 114. 118. 144. 146. 148. Prouerb. c. 3. 50. Eccles. 13. 43. 45. Matth. 17. 22. Luc. 6. 7. Ioan. 2. 3. 4. Apostolus passim ad Rom. cap. 5. 8. 9. 12. & ad Cor. 1. cap. 2. 13. 15. & ad Corinb. 2. cap. 5. 6. 12. &c.*

Diliges Dominum Deum tuum ex toto corde tuo &c. *Matth. 22. Luc. 10. de hoc Præcepto agitur supra tom. 2. tract. 5.*

Nos ergo diligamus Deum, quoniam ipse prius dilexit nos. 1. *Ioan. 4.*

Si quis non amat Dominum Iesum Christum, anathema sit. 1. *Corinb. 16.*

Manet tunc fides, spes, charitas, tria hæc, maior autem horum est charitas. 1. *Cor. 13.*

Super omnia autem hæc, charitatem habete quod est vinculum perfectionis. *Colossens. 3. v. 6.*

PATRES. Nihil pretiosius Deo virtute dilectionis, nihil desiderabilius diabolo extinctione charitatis. *Augustinus.*

Qui præcepta Dei contemnit, Deum non diligit, neque enim Regem diligimus si odio eius leges habemus. *Isidorus.*

Duas ciuitates faciunt duo amores: Ierusalem facit amor Dei, Babyloniam facit amor seculi: interroget nunc quisque quid amet, & inueniet ubi sit ciuis. *Augustinus.*

Minus Domine te amat qui aliquid tecum amat, quod propter te non amat. *Aug.*

Thesaurus indeficiens est amor diuinus, quem qui habet diues est, quo quicumque caret, pauper est. *Basiliius.*

Solus amor non sentit onus.

Inter mundi & Dei amorem, hæc est differentia, quia amor mundi ab initio dulcis esse videtur, sed finem amarum habet, amor vero Dei, ab amaritudine incipit, sed vltima eius dulcedine plena sunt. *Hugo Victorinus.*

Mundi amor, & Dei pariter, in vno corde habitare non possunt, quemadmodum oculi pariter cælum & terram nequaquam conspiciunt. *Cyprianus.*

De Amore Dei controuersias modernas reperies supra Tom. 2. Tract. 1. cap. 3. pag. 122. Et *Quæstiones Theologicas de Amoris Dei Præcepto, Tract. 5. cap. 1. de 5. Decalogi Præcepto.*

AMOR PROXIMI.

Sicut Membra corporis inter se connexa sunt, & se inuicem iuuant, oculus dirigit manum, manus defendit oculum, & sic de cæteris; sic quisque proximo suo charitatis vinculo coniungi, & auxilio esse debet, uti pulchrè ostendit. *Apostolus.*

Sicut Navis submergitur nisi tabula sint inter se firmiter coniuncta; ita Respub. & familia priuata perit, in qua non viget vnio charitatis. Hinc secundum præceptum à Deo hominibus datum est, Diligere proximum sicut se ipsum. Et Christus sæpius inculcauit. Hoc est præceptum meum ut diligatis inuicem, sicut dilexi vos. *Ioannis 15. v. 12.*

Charitas excusat defectus proximi: Qui videt fluctam in oculo fratris tui, & trabem in oculo tuo non consideras? *Matth. 7. v. 3.*

Ignoscendum igitur proximo ut Deus nobis ignoscat: Si dimiseritis hominibus peccata sua, dimittet & vobis Pater vester cælestis delicta vestra. *Matth. 14.*

Apoc.

Amandi sunt etiam homines mali, & inimici, & pro ijs orandum: Diligite inimicos vestros, benefacite his qui oderunt vos, & orate pro persecutoribus, *Matth. 5. v. 44.* Sic fecit Christus in cruce; Pater dimitte illis quia nesciunt quid faciunt. Et S. Stephanus pro lapidantibus orauit, *Act. 7.* Et Abraham apud Deum multum intercessit pro sceleratis Sodomitis, ut fuses habetur, *Gen. 18.*

Ioseph à suis fratribus in cisternam coniectus, & Ismaelitis venditus fuit, sed ipse eodem in Aegypto postea conuiuio excepti, frumento donauit, & singulos osculatus est &c. *Gen. 37.* Moyses pro Maria sorore contra ipsum murmurante Deum orauit, & eam à lepra curauit. Iacobus Apostolus de pinaculo templi praecipitatus, & occisus, pro occisoribus orauit. *Euseb. l. 2. c. 23.*

Amoris studium est amicis benefacere. Hoc apparet in amore fidelis Ionathae erga Dauidem. Saul enim eius pater saepe vitae Dauidis insidiatus est, semper filius detexit insidias patris, frequenter iratum placuit, & à persecutione Dauidis auertit. *1. Reg. 18. 19.*

Tobiae charitatem Babilonica captiuitas probatorem fecit. Quippe in eadem captiuitate constitutis, quo modo potuit, opitulari non cessauit, nunc verbis consolando, nunc rebus iuuando, & eos qui ab impijs hominibus occidebantur, sepeliendo. Hinc cum & ipse Regis Sennacherib iussu necandus perquireretur, Deo fauente, una cum suis periculum semper effugit. *Tobia 1.*

Beati Iob charitatis opera per censentur, dum illi dicitur: Ecce docuisti multos, & manus lassas roborasti, vacillantes confirmauerunt sermones tui, & genua trementia confortasti, *Iob. 4.*

Paulus quoque Apostolus, qualem erga proximos charitatem haberet, ostendit, *ad Romanos 9.* dicens: Optabam ego ipse anathema esse à Christo pro fratribus meis. Et *2. ad Corinth. 7.* In cordibus nostris estis ad commoriendum, & ad conuiuendum. Et *ad Philip. 1.* Testis mihi est Deus, quomodo cupiam omnes vos esse in visceribus Iesu Christi.

Apostolorum postremo omnium, & eorum qui illos secuti sunt, vnum hoc Charitatis propositum & documentum fuit; Neque rerum praesentium, neque vitae mortalis ullam habere rationem, dum consultitur spiritali saluti proximorum.

VIDE EX BREVIARIO. *Quomodo per effectum probetur.* Pentec. lect. 2. & Dom. 3. Sept. fer. 6. lect. 3. eius praecipuum tale, ut si solum fiat, sufficiat. F. S. Ioan. Euang. num. 2. lect. 3. fons

plurimarum virtutum 28. Octob. lect. 3. plenitudo legis, die 4. Epiph. num. 1. lect. 3. omne mandatum de eo solo. Plurim. Mart. num. 3. eius ordo. Dom. 27. Pentec. num. 3.

Vide liberalitas.

Sententiae &c. de Amore Proximi.

Non decipiet vnusquisque proximum suum. *Leuit. 9.*

Non loqueris contra proximum tuum falsum testimonium. *Deut. 5.*

Maledictus qui clam percussit proximum suum. *Deut. 27.*

Audistis quia dictum est, diliges proximum tuum, & odio habebis inimicum tuum. *Matth. 5.*

Ego autem dico vobis diligite inimicos vestros, benefacite &c. *Idem ibidem.*

In qua mensura mensi fueritis, remetietur vobis. *Matth. 4.*

Dimittite & dimittetur vobis. *Luc. 6.*

Mandatum nouum do vobis, ut diligatis inuicem sicut dilexi vos. *Ioan. 13.*

Hoc est praecipuum meum ut diligatis inuicem. *Ioan. 15.*

Alter alterius onera portate & sic adimplebitis legem Christi, *ad Galat. 6.*

Super omnia autem haec, charitatem habete quod est vinculum perfectionis, *ad Colossen. 3.*

Ante omnia autem mutuam in vobismetipsis charitatem habentes, quia charitas operiet multitudinem peccatorum. *1. Petri 4.*

Qui non diligit manet in morte. *2. Ioan. 3.*

Omnis qui odit fratrem suum homicida est. *Idem ibidem.*

Diligimus nos inuicem, quia charitas ex Deo est. *1. Ioan. 4.*

Filioli non diligamus verbo neque lingua, sed opere & veritate. *Idem.*

In hoc cognoscent homines, quod discipuli mei estis, si inuicem vox dilexeritis. *Ioan. 13.*

PATRES. Vbi charitas non est, non potest esse iustitia. *August.*

Sic affici debemus charitatis affectu; ut omnes velimus saluos fieri. *Aug.*

Finis praecipii est charitas. *Aug.*

Non memini legisse mala morte mortuum, qui libenter opera charitatis exercuit: habet enim multos intercessores, & impossibile est multorum preces non exaudiri. *Hieronymus.*

Ficta est charitas, quae deserit in aduersitate. *Ambrosius.*

PHIL. POETAE. Pauperibus semper clementem porridge dextram.

B 2 Regia

Regia (crede mihi) res est succurrere lapsis.
Conuenit & tanto, quantus es ipse viro,
Quid. de Ponto lib. 2. Eleg. 9.
Rex est mendicus cui non est vllus amicus.
Extra fortunam est quidquid donatur amico.
Omnis amor cæcus non est amor arbiter æquus.

Nam deforme pecus iudicat esse decus.

Quisque amat ranam, ranam putat esse Dianam.

Tuta frequensque via est per amici fallere nomen.

Tuta frequensque luet si via crimen habet.

Vt ameris amabilis esto. *Ouid.*

Habet in aduersis auxilia qui in prosperis commodat. *Seneca in Prouerb.*

Qui succurrere perituro potest, cum non succurrit, occidit. *Seneca.*

Cunctis esto benignus, nemini blandus, paucis familiaris, omnibus æquus, ad iram tardus, ad misericordiam pronus, in aduersis firmus, in prosperis cautus & humilis. *Seneca.*

Cato maior; amantis animum dicebat in alieno corpore viuere, quod hodie quoque celebratur, animam potius esse ubi amat, quam ubi animat.

De hac Charitatis Questiones Theol. supra Tom. 2. Tract. 5. Præcepto 2.

ASTVTIA.

Astuti sunt imitatores demonis. Quia dæmon primus Magister astutiæ & calliditatis fuit; & in Serpente, qui erat callidior cunctis animantibus terræ, primam mulierem seduxit, & callidè non est aggressus virum, in quo maior prudentia residebat, vt dicitur. *Gen. 20.*

Astuti sunt deceptores sociorum, & semper nouas vias subtilitatis ad decipiendum inueniunt. Sic Laban multoties voluit Iacobum deludere, nunc in vxore, nunc in mercede, & semper nouas astutias exquirendo. *Genes. 29. & 30.* Filij Iacob voluerunt patrem astutè decipere mittentes ei tunicam intinctam sanguine, vt crederet Ioseph filium à bestiis deuoratum. *Genes. 37.*

Astuti sunt crudescentes tyranni, qui per fraudes subditos & alios depriment & occidunt. Sic fecit Pharaon, qui nouas adinuenit astutias vt filios Israel extingueret. *Exodi. 1. 2. & 5.* Callidè voluit Saul occidi Dauid, simulans se vellet dare filiam ei in vxorem. *1. Regum 18.* Sceleratam & nouam Iezabel inuenit astutiam, vt vineam auferret Naboth, & eum occidi faceret sine culpa: *3. Regum 21.* Athalia Regina vt regnare posset, omne semen Regium

callidè interfecit. *4. Regum 11.* Herodes tyrannus impius callidè cogitauit Christum occidere, procurando innocentes pueros occidi. *Matth. 2.*

Astuti nituntur sua scelera occultare, aliquo velamine bonitatis. Sicut Dauid astutè voluit celare adulterium pietate, quando vocauit Vriam vt cum vxore quiesceret. *1. Regum 11.* Amon volens violare sororem, sub specie ægritudinis iniquitatem celauit. *2. Reg. 13.*

Astuti similes sunt Venatoribus qui ponunt occultos laqueos & retia, vt auiculas simplices & innocentes capiant & decipiant. Similes & sunt Piscatoribus qui tegunt hamum paruis escis, quasi muneribus, vt sic magnos pisces capiant.

Astuti sunt sicut Serpentes & Anguillæ, quas dum putas te manibus retinere, statim sua lubricitate è manibus elabuntur.

Similes etiam sunt Iano, quem Poetæ dicunt duas facies, vnā ante, & alteram retro habuisse; sic astuti habent duplicem vultum, duplicem linguam, verba duplicia, quæ pro suis lucris, tempori & loco accommodant.

Sed sicut piscis piscem, & lupo lupum deuorat, sic iusto Dei iudicio, vnus astutus ab altero astutiore decipitur.

Sententiæ selectæ de Astutia habentur supra verbo *Adulatio*, & infra verbo *Mendacium*, *Hypocritæ* &c.

A V A R I T I A.

Avaritia solet esse insatiabilis, & impia. Infernus & perditio nunquam replentur, similiter & oculi hominum insatiabiles. *Prou. 1.* Avarus non implebitur pecunia: & qui amat diuitias fructum non capiet ex eis. *Eccles. 4.*

Quam si avaritia impia docet ibidem *cap. 14.* Auaro nihil est scelestius. Et *cap. 14.* Qui aurum diligit non iustificabitur. Et ideo monet *Eccles. cap. 4.* Non sit porrecta manus tua ad accipiendum, & ad dandum collecta. Et *cap. 14.* Væ qui prædatis nonne ipse prædaberis. Videtè & cauetè ab omni avaritia, quia non in abundantia cuiuspiam vita eius est. *Luc. 12.* Et ideo *Luc. 18.* diuitiæ dicuntur Spinæ, quæ suffocant bonum semen gratiæ, & vitæ spiritualis, & avarum potius pungunt & lacerant, quam satiant aut recreant.

Auari cupiditate ducti peruertunt iudicium, & veritatem in falsitatem commutant. Vineam Naboth fuit causa quod falsi testes contra eum producti fuerunt. *3. Regum 21.* Per pecuniam corrupti custodes sepulchri, mentiti sunt dicentes, Corpus Christi per disci-

discipulos sublatum fuisse. *Matth. 28.* Felix Præses qui à Paulo pecuniam non recepit, ipsum non restituit libertati. *Act. 2.* Giezi ex auaritia accepit pecuniam pro curatione Naaman, quam Heliseus fecerat gratis, & idem lepra percussus. *3. Regum 5.* Menelaus propter pecuniam quam promisit Andronico, habuit Sacerdotium. *2. Machab. 4.* Sacerdotes propter auaritiam permittebant vendi in templo oues & columbas. *Matth. 21.*

Auari propter suam cupiditatem multoties incurrunt mortem. Nam Achior cupiditate ductus tulit de Anathemate Iericho; idem fuit morti adiudicatus, ut habetur. *Iosue 7.* Nabal qui nuncijs David fuit nimis auarus, substantiam & vitam perdidisset, nisi ob largitatem & prudentiam vxoris Abigail euasisset. *1. Regum 25.*

Auari ob pecuniam proditioes exercent, & amicos supplantant. Nam Dalila propter pecuniam Sampsonem tradidit, quem prius se diligere ostendebat, ut dicitur. *Iudicum 16.* Iudas propter cupiditatem Christum tradidit & vendidit à quo tot & tanta receperat beneficia, ut habetur. *Matth. 26.*

Auari sunt corrigendi à Prælati, & à Deo grauius puniuntur. Nam præcipua occasio reprobationis Saul videtur fuisse cupiditas; quam habuit in præda Amelech, ut habetur. *1. Regum 15.* Opprimentes alios per vsuras & exactiones Neemias grauius increpauit. *Neem. 1.* Acerbè est punitus diues Epulo, qui de micis panis erga Lazarum auarus fuit. *Luc. 16.* Emptores boum & villarum ab auaritia sunt exclusi à Cæna magna quam Dominus præparauit. *Luc. 14.* Grauius punita est auaritia Ananias & Saphiræ per Apostolum Petrum. *Act. 5.*

Auari similes sunt Ebrios, qui quo plus sunt poti plus sitiunt. *S. Basili. Homil. 7. Hexam.* Sicut Mare nunquam est sine fluctibus, ita auari nunquam sunt sine cura & turbatione, inquit *Chrysost. Hom. 29.* Sicut ignis & Infernus nunquam dicunt sufficit, ita auari *Aug. epist. 5. ad Bon.* Sicut ex mala Radice tantum crescunt mali fructus, sic ex auaritia pullulant omnia vitia: quia teste Scriptura, Radix omnium malorum est cupiditas.

S. Bonauentura, in diata, de peccat. cap. 6. non illepidè, sordidè auarum Porco comparat, qui dum viuit, nec lac, nec lanam, nec aliud bonum vlli præbet, sed dum moritur totus est hominibus utilis, ita auarus nihil in vita, sed omnia quæ collegit post mortem alijs dispergit; animam cogitur dare dæmoni, corpus in alimentum vermibus, vestimenta pauperi-

bus, debita creditoribus, loculos hæredibus, &c.

Comparat eundem auarum Talpæ, quæ cæca cælum non videt, & semper cumulos terreos congerit, & sibi foveas multiplicat, & intra illas se libenter abscondit, & vix pedes habet ut ex tenebris prodeat, aut in luce ambulet. Similis etiam est Pixidi testaceæ vndique clausæ, quæ ad pecuniam recipiendam superius perforata est, sed receptam pecuniam nunquam reddit, nisi frangatur; ut nec auarus nisi dum morte soluitur & conteritur, de quo rectè dicitur *Isaia 30.* Commineuetur, sicut conteritur lagena figuli.

VIDE EX BREVIARIO. *Quomodo auarus non impleatur pecunia.* Dom. 2. Aug. ser. 5. l. 3. *illo nihil scelestius.* Dom. 5. Aug. ser. 5. l. 2. *regnum Dei non consequitur.* Dom. 1. Epiph. ser. 4. l. 2. *vitium negotiantium.* Dom. 1. Quadr. ser. 3. l. 3. *causa proditiois Christi.* Sabb. S. n. 2. l. 3. *injustitiam inflectit.* Dom. 3. Aug. n. 2. l. 1. *radix omnium malorum.* Dom. 17. Pentec. n. 3. l. 2.

Vide Liberalitas.

Sententiæ selectæ &c. de Auaritia.

Qui confidit in diuitijs suis, corruet. *Deut. 11.* Conturbat domum suam, qui sectatur auaritiam, qui autem oderit munera, viuet. *Deut. 15.*

Infernus & perditio nunquam implentur, similiter & oculi hominum insatiabiles. *Ibid.*

Qui odit auaritiam longi fient dies eius. *Id. 28.*

Qui festinat ditari non erit innocens. *Id. 28.*

Nihil est iniquius quam amare pecuniam, hic enim & animam suam venalem habet. *Deut. 10.*

Beatus vir qui inuentus est sine macula, & qui post aurum non abiit, nec sperauit in pecuniæ thesauris. *Ecc. 4. v. 13.*

Nolite thesaurizare vobis thesauros in terra. *Matth. 6.*

Nihil intulimus in hunc mundum, haud dubium, quia nec auferre quid possumus. *Matth. 6.*

PATRES. Auarus antequam lucretur seipsum perdit, & antequam aliquid capiat, capitur. *August.*

Auarus vir inferno est similis, quia nunquam dicit; sufficit. *August.*

Cum cetera vitia senescente homine senescant, sola auaritia (in Senibus) iuuenescit. *Hieronymus.*

Peccatum auaritiæ, mentem quam infecerit, ita grauem reddit, ut ad appetenda sublimia attingi non possit. *Gregorius.*

Auarus terrena esurit, ut mendicus. *Bernard.*

B 3 PHI

PHILOS. ET POETÆ. Dormit nocte parum, possessor diuitiarum.

Non est in mundo diues qui dicit, abundo.

O diues diues, non omni tempore viues.

Quod parcus quæres, effundet prodigus hæres.

Semper auaruseget.

ARIST. Auarus in accipiendo nimius in dando parcus.

Duæ res sunt, quæ maximè homines ad malefium impellunt, luxuries, & auaritia. *Idem Aristoteles.*

Nihil est tam munitum, quod non expugnari pecunia possit. *Cicero in Verrem.*

Nunquam placet Auarus, nisi in morte.

Tam deest Auaro quod habet, quam quod non habet. *Adagium apud Hieronymum ad Paulinum.*

Desunt inopiæ plurima, auaritiæ omnia. *Seneca Epist. 108.*

Quæstiones Theol. de Auaritia supra Tom. 2. cap. 7. de furto, rapina &c.

B.

BEATITUDO.

Beatitudo consistit in stabili possessione boni, quod per se possit perfectè satiare omnem appetitum, siue desiderium humanum. Non potest ergo beatitudo nostra consistere in opibus, aut in honore, aut voluptate rerum creatarum, quia hæ non sunt stabiles, nec possunt constanter satiare nostrum appetitum. Id testatur sapientissimus Salomon *Eccles. cap. 1.* Consideraui vniuersa quæ sunt sub sole, & vidi quia omnes sunt vanitas & afflictio Spiritus; Et ideo dixit Dauid *Psal. 16.* Satiabor cum apparuerit gloria tua. Nulla est ergo beatitudo in *Superbia, Auaritia, Luxuria.* Vide illa hic suis locis.

Quantus futurus sit splendor & fulgor Beatorum in Cælo, patet ex eo, quod Moyses etiam in hac vita ex colloquio diuino sic radiabat, vt filij Israel non potuerint oculos in eius faciem intendere. Quanto lucidiores erunt Beati, quorum corpus induet immortalitatem, & in corruptionem, iam facti ciues Sanctorum, & domestici Dei, & cohæredes Christi.

De Beatis illis dicitur *Danielis 12.* Fulgebunt iusti quasi splendor Firmamenti, & sicut stellæ in perpetuas æternitates. Cum sole autem illos comparat Christus. *Matth. 13.* Tunc iusti fulgebunt sicut sol in regno Patris eorum. Quod & Dominus in se ipso manifestare voluit, quando in monte *Thabor* niue candidior, & sole

splendidior apparuit, & tanta dulcedine Apostolos perfudit, vt Petrus expetierit sibi & alijs construi tria tabernacula, quasi illic perpetuò permanfurus.

Veruntamen pro meritorum mensura claritas ista singulis impertietur, teste Apostolo, 1. ad Corinth. 15. Alia, inquit, claritas Solis, alia claritas Lunæ, alia claritas Stellarum; stella enim à stella differt in claritate; sic & resurrectio mortuorum. Et 2. ad Corinth. c. 3. Nos verò omnes reuelata facie Dominum speculantes, in eandem imaginem transformamur à claritate in claritatem, tanquam à Domini Spiritu. Et *Ioannes 1. cap. 3.* Scimus quoniam cum apparuerit similes ei erimus, quoniam videbimus eum sicuti est; & omnis qui habet spem in eo sanctificat seipsum, sicut & ille Sanctus est.

Erunt quoque Beati impassibiles. Sicut scriptum est *Apocal. cap. 7.* Non esurient, neque sitient amplius, neque cadet super illos Sol, neque vltus æstus, quoniam Agnus qui in medio throni est reget illos, & deducet illos ad vitæ fontes aquarum, & absterget Deus omnem lachrymam ab oculis eorum, & mos vltra non erit, neque luctus, neque clamor, neque dolor erit vltra, quia prima abierunt: & dixit qui sedebat in Throno, Ecce noua facio omnia. Idemque dicitur *Isaia c. 49.* Non esurient, neque sitient, neque percutiet eos æstus & sol, quia Misericors eorum reget eos.

Habebunt quoque corpora Beatorum donum agilitatis & subtilitatis. Per hæc potuerunt in momento penetrare corpora etiam solidissima, sicut radij solares per vitium nec fractum nec lantum momento transeunt. Sic corpus Christi gloriosum clauso sepulchro resurrexit *Ioann. 20.* Sic etiam ad discipulos clausis ianuis intrauit, dicens? *Palpate & videte, quia Spiritus carnem & ossa non habet, sicut me videtis habere: Luca 24.*

Habebunt etiam Beati summum gaudium ex ipsius Cæli pulchritudine & præstantia. Videmus enim illa etiam quæ sub Cælo sunt ingentem habere decorem & pulchritudinem quæ animos mirificè oblectant, qualis est species & pulchritudo, & Solis, Lunæ, Syderum, ac totius Terræ, & Maris; quanto illustrius est supremum illud Cæli empyrei palatium, quod Deus sibi, suisque Sanctis ad perpetuam eorum oblationem fabricauit. Hinc cum stupore exclamat Propheta, *Baruch. 2.* O Israel, quam magna est Domus Dei, & ingens locus possessionis eius. Et Dauid *Psal. 86.* Gloriosa dicta sunt de te Ciuitas Dei: Domum tuam, Domine, decet sanctitudo in lon-

g su

gitudinem dierum . Quam dilecta tabernacula tua Domine virtutum , concupiscit & deficit anima mea in atria Domini *Ps. 85.* Cœlestis illa Hierusalem *Apo. 8.* fufius describitur .

Sed maius erit gaudium in clara Dei visione , & in societate Christi , & omnium Angelorum , & Sanctorum . Hoc spondet ipse Christus . *Ioann. 17.* Pater quos dedisti mihi , volo ut ubi ego sum , & illi sint mecum , ut videant claritatem meam quam dedisti mihi . Et Apostolus *1. ad Corinth. c. 13.* Videmus nunc per speculum in ænigmate , tunc autem facie ad faciem . Denique incomprehensam istius felicitatis magnitudinem declarat *1. ad Corinth. 2.* Oculos non vidit , nec auris audiuit , nec in cor hominis ascendit , quanta præparavit Deus diligentibus se .

Cœlestis gloria magnitudinem Deus quibusdam aliquo modo in hac etiam vita ostendit . Exemplum est in Iacob , *Genes. 18.* Vidit Iacob scalam de terra ad cælum vsque extensam , & Angelos per eam ascendentes & descendentes , & exclamavit . Quam terribilis est locus iste , non est hic aliud nisi domus Dei , & porta cæli . Et iterum *Genes. 32.* Vidi Dominum facie ad faciem , & salva facta est anima mea . Eodem modo Dominus se Moyfi ostendit , *Exodi 33.* Elias curru igneo per turbinem in sublime raptus fuit , & aliquid cœlestis gaudij saltem à longè prælibavit . *4. Regum 2.* Ezechiel Propheta vidit super firmamento sedentem in Throno : & hæc , inquit visio similitudinis gloriæ Domini . *Ezechielis 1.* Si illa tam stupenda fuit gloriæ similitudo , qualis quæso est ipsa gloria . *Stephanus* , etiam cum lapidaretur . Intendens cælum vidit gloriam Dei , & Iesum stantem à dextris virtutis Dei *Actorum 7.* *Paulus* Apostolus raptus est in tertium cælum , & audiuit arcana verba quæ non licet homini loqui *2. ad Corinth. cap. 12.* *Ioannes* Euangelista *Apo. cal. cap. 3.* testatur se in cælo fuisse , non in corpore , sed spiritu , ubi vidit sedentem in Throno , voces cœlestes audiuit , conspexit lampades , & trinitrua , & quatuor animalia Deum laudantia , & viginti quatuor Seniores adorantes sedentem in Throno , & alia plurima .

Multa quoque cœlestis gloriæ signa ostensa sunt in vita & morte plurium Sanctorum , ut videre est nominatim in Vita S. Pauli primi Eremitæ , S. Odilonis , S. Augustini , S. Francisci , S. Martini , S. Patricij , S. Thomæ Cantuariensis , S. Alexij , S. Dorotheæ , S. Margarithæ , S. Agnetis , S. Catharinæ , S. Cecilie , S. Eulalie , quod & in pluribus alijs factum est , ut cœlestibus hisce signis & Sanctorum

beatitudo ostenderetur , & nos ad ardentem beatitudinis futuræ spem & amorem incitaremur .

Futura hominis Beatitudo post huius vitæ labores , rectè comparatur *Aurora* , quæ post nocturnas tenebras nobis subito elucescit . Comparatur fragrantibus *Rosis* quæ ex spinis emergunt . Comparatur lætis & amænis *Fruentibus* , qui ex vili semine in terram depresso , cum multo fervore consurgunt . Seminatur , inquit Apostolus , corpus animale resurget corpus spirituale : seminatur in correptione , resurget in gloria &c. *ad Corinth. c. 15. V.* Gloria cœlestis .

Sententiæ selectæ de Beatitudine .

Infelix , qui omnia novit , & te Deus nescit , qui autem te & illa novit , non propter illa beatus , sed propter te solum . *August.*

Beatitudo vera non est , de cuius æternitate dubitatur . *Idem.*

Beatus non est qui quæ vult habet , si mala velit . *Idem.*

Quid hoc bono melius ? quid hac felicitate felicius , vivere Deo , vivere de Deo . *Ambrosius.*

Nihil est ex omni parte beatum . *Horatius.*

Nil beata vita desiderat , nil requirit , nullo eget , sed sei ipsa contenta est . *Arist.*

Omnis homo naturaliter beatus esse desiderat . *Aristotil. Ethic. 1.* Et *D. Thom. part. 1. q. 19. art. 10.*

HÆRESES varias de Beatitudine vide supra *Tom. I. pag. 194.*

De visione Beatifica , Lumine gloriæ &c. expositiones Theologicæ , supra *Tom. II. Part. I. pag. 9. & pag. 26. seq.*

BAPTISMVS.

Baptismus præfiguratus fuit in figuris antiquæ legis . Nam per mare rubrum filij Israel liberati sunt , id est Christiani , & Pharao , id est diabolus cum suis sequacibus , est submersus . *Exodi 14.* Signabatur Baptismus per aquam in quam Helizæus misit salem , id est , Christi gratiam . *4. Reg. 20.*

Septena lotio *Naaman* in Iordane quæ eum mundavit à lepra , signat septem dona Spiritus Sancti , mundantia hominem Baptizatum . *4. Reg. 5.*

Baptismus prædictus fuit à Prophetis antiquis & nouis : Nam de eo dici potest illud *Ezechielis* , effundam supra vos aquam mundam , & mundabimini ab omnibus iniquamentis vestris . *Ezech. 36.*

B 4 Ioan.

Ioannes Baptista cepit Baptismum aquae, sed Baptismum Christi cum gratia & Spiritu Sancto prophetice prænunciavit. *Matth. 3.* Baptismum approbavit Christus, quando baptizatus est à Ioanne, & Spiritus Sanctus apparuit in Columbae specie, ut aquis virtutem tribueret salutarem. *Matth. 3. & Luc. 3.*

Præcepit Christus Baptismum de necessitate, cum dixit: Nisi quis renatus fuerit ex aqua & Spiritu Sancto, non intrabit in regnum cælorum. *Ioan. 3.* Prædicare etiam voluit Christus Baptismum, & formam baptizandi, dicens. Euntes docete omnes gentes baptizantes eos in nomine Patris, & Filij, & Spiritus Sancti. *Matth. 28.* In Baptismo & Fide ostendit Christus esse salutem nostram dicens: Qui crediderit & baptizatus fuerit, salvus erit. *Marci ultimo.* Vide de Baptismo supra in part. 3. de Sacramentis, & infra in Catechesi.

VIDE EX BREVIARIO. *Quæ inter Christi Baptismum & Ioannis differentia.* Dom. III. Aduen. Sabb. 1. 3. *Baptizatorum encomia, & virtus.* Dom. in Alb. n. 2. *Baptismi necessitas non solum quoad gentium sed & Christianorum infantes.* 28. Iul. n. 2. 1. 3. *eius virtus quoad peccata.* Dom. III. Adu. Sabb. 1. 3. *& maculas animæ.* Dom. III. Quad. fer. 2. 1. 3. *& sanitatem corporis.* F. Siluestri P. n. 2. & 9. Nouemb. n. 2. 1. 2. *eius caremonia.* Sabb. ante Pent. n. 2. & Dom. II. n. 3. *ad eum preparatio prius in anima, fer. 6. Pasch. necessaria baptizatis & baptizandis, ibid. promissa in eo seruanda, fer. 6. Ascens. n. 4. 1. 2. vis & usus eius, 28. Ianuar. lect. vn. 14. April. lect. 1. 4. Maij 1. 1. & n. 2. 2. Inu. 1. 1. 1. 2. Iul. n. 3. 1. 3. & sæpius.*

Sententia alia de Baptismo.

Q Vicumque in Christo Iesu Baptizati estis, Christum induistis. *Galat. 3.*

Vna fides, vnum Baptisma. *Ephes. 4.*

Penitentiam agite & Baptizetur unusquisque vestrum in nomine Iesu Christi, in remissionem peccatorum vestrorum, & accipietis donum Spiritus Sancti. *Act. 2.*

Amen dico tibi, nisi quis renatus fuerit ex aqua & Spiritu Sancto non potest introire in regnum Dei. *Ioan. 3.*

Si Baptizata est caro Christi quæ sine peccato erat propter exemplum imitationis: quanto magis Baptizanda est caro mortis propter euitandum iudicium damnationis. *August.*

HÆRESES de Baptismo, vide supra Tomo I. pag. 203. De Baptismo per Martyrium v. Tomo II. Part. I. pag. 90.

Quæstiones Theologicas v. Pars II. de Sacrament. pag. 267.

BENIGNITAS DEI.

Benignus est Dominus tribulationem sustinentibus. Idè fugienti Iacob iram fratris sui Elau Dominus benigne apparuit, & reuertentem benignè defendit. *Genes. 33.* Helix in necessitate cornus panes & carnes iussu Dei cum benigntate ferebat. 3. Reg. 17. Eidem Helix fello & deiecto Deus panem & aquam per Angelum destinavit. 3. Reg. 3. & 19. Cum Azaria & socijs eius in fornace vidit Nabuchodonosor similem filio Dei, ad probandum, quod Deus tribulatis adesse soleat. *Dan. 3.* Danieli existenti in lacu leonum, Deus benignè misit prandium per Abacuc de longinquo. *Dan. 14.* Discipulis de Christi recessu dolentibus ipse Spiritum paraclitum promisit, & dedit. *Ioannis 14. Act. 2.* Petrum fluctuantem in mari Dominus benignè de fluctibus liberavit. *Matth. 14.* Stephano posito in tribulatione Martyrij Dominus benignè cælum apertum & seipsum ostendit, cuius aspectu Stephanus recreatus, spiritum suum illi cum lætitia commendauit. *Actorum 7.* Latronem clamantem in suis tribulationibus consolatus est Dominus dicens; Hodie mecum eris in Paradiso. *Luc. 23.* Ionam deuoratum à balena Dominus misericorditer liberavit. *Ioan. c. 2.*

Benignus est Deus iustis & rectè viuentibus. Idè Ezechias Rex dixit: Dominus propitiabitur cunctis, qui in toto corde quærunt Deum. 2. Paralip. 30. Misit Dominus benignè Angelum Raphaellem, qui Tobiam duxit incolumem & reduxit. *Tobie 5. usque ad 12.* Magdalenam pio operi intentam Christus benignè, discipulis murmurantibus excusauit. *Matthæi 26. Marci 14.* Exaudiuit Dominus innocentem Susannam, & benignè eam ab iniustis senibus liberavit. *Danielis 13.* Discipulos Christus benignè defendit tempore Passionis dicens; Sime quæritis, finite hos abire. *Ioannis 38.*

Benignus est Dominus preliantibus pro iustitia, eos confortando, & adiuuando. Idè obediuit Dominus vocis Iosue dicentis, Sol contra Gabaon non moueatur. *Ios. 10.* Gedeoni dedit bis signum in vellere, quod de hostibus victoriam obtineret. *Iudic. 6.* Machabæus & qui cum eo erant, bis à Deo auxilium acceperunt. 1. Machab. 10.

Benignus est Dominus peccatoribus; volentibus penitere. Idè benignè pepercit Dauid confidentis peccatum cum à Nathan fuit reprehensus.

Ius. 2. Reg. 12. Exemplum Christi de filio prodigo, maximam Dei benignitatem in peccatores ostendit. **Luca 20.** Zachæus publicanus qui Christum desiderabat videre, benignè fuit à Domino visitatus. **Luca 16.** Latroni petenti sui à Christo memoriam, promisit breui tempore Paradisum, *supra Luca 23.* Magna pietas Christi qua Petrum ter negantem non obiecit, sed potiùs benignè respexit. **Luca 22.** Thomam non credentem non repulit, sed se ab eo tangi & palpari permisit. **Ioan. 20.** Saulum persecutorem prostratum & excæcatum benignè erexit & illuminavit. **Act. 9.**

Benignus est Dominus agris & infirmis. Nam circumibatur Iesus totam Galilæam, sanans omnem languorem & infirmitatem. **Matth. 4. & 9.**

VIDE EX BREVIARIO. *Quomodo benignus Deus vocet ad penitentiam.* F. Siluest. n. 1. l. 2. *omnia disponit in misericordia.* Dom. III. Aug. Sabb. plena est ea terra. Fer. 2. Pl. 32. *unica causa redemptionis.* Dom. IV. Adu. n. 2. l. 2. V. *Consolatio diuina.*

Vide cum Sententijs supra *Amor Dei*, & infra *Consolatio diuina.*

BLASPHEMIA.

Blaspheми in Deum grauiter puniuntur, etiam in hac vita. Nam filius mulieri Israelitæ, quia blasphemauerat Deum, iussus est à Domino lapidari. **Leuit. 24.** Vir dixit ad Regem Israel, qui dixerat: Deus montium Dominus, & non Deus vallium, dabo omnem multitudinem hanc grandem in manu tua. 3. **Reg. 20.** Multum displicuerunt Domino blasphemie seruorum Senacherib Regis Assyriorum, propter quas percussit Deus 185. millia hominum de exercitu eius. 4. **Reg. 19.** Multum aggravauit Nathan peccatum Dauid, quod fecerat inimicos blasphemare nomen Domini. 2. **Reg. 12.**

Blasphemia ex magna superbia oritur. Vnde Nabuchodonosor dixit tribus pueris, qui est Dominus qui eripiat vos de manu mea? Quia statuum eius adorare nolebant. **Daniel 3.** Holofernes indignatus, quia Achior Dei potentiam commendauit, dixit: Ostendam tibi quod non sit Deus in terra nisi Nabuchodonosor. **Iudith. 6.** Dicentibus Iudæis Nicanori: Est Deus potens in cælo, qui iubet custodiri Sabbathum, Respondit, & ego potens in terra, qui iubeo sumere arma. **Machab. 15.**

Blasphemant in Deum increduli & infideles detrahendo operibus Dei. Vnde cum Iesus eiecisset dæmonem Pharisei clamabant. In Beelzebub Principe dæmoniorum eiecit dæmonia. **Matth.**

12. Luca 11. Pendente Christo in Cruce prætereuntes blasphemabant eum, mouentes capita sua, & dicentes, Vah! qui destruis templum Dei, & in triduo reedificans illud. **Matth. 22.**

Sicut Canes dicuntur contra lunam latrare, ita impij sicut canes rabidi contra Deum & Dominum suum blasphemant. Linguam habent blasphemij instar Serpentis, quæ non nouit aliud, quàm venenum euomere, etiam contra Deum, qui omnes quasi in suo laqueo fouet.

VIDE EX BREVIARIO. *Quomodo blasphemia flagellet Christum.* Dom. IV. Quad. fer. 2. l. 2. *frequentior vita quam lingua.* 7. Aug. n. 2. l. 1. *blasphemij regnum Dei non possidebunt.* Dom. I. Epiph. fer. 4. l. 2. *qui diligit maledictionem veniet ei.* Sabb. Psal. 108.

Sententia sacra de Blasphemia.

Non assumes nomen Domini Dei tui in vanum (quanto minus ad blasphemandum) **Exod. 20.**

Qui blasphemauerit nomen Domini morte moriatur. **Leuit. 24.**

Si peccauerit vir in virum, placari ei potest Deus, si autem in Deum peccauerit, quis orabit pro eo? **Reg. 2.**

Dauidi dictum. Quoniam blasphemare fecisti inimicos nomen Domini, propter verbum hoc filius qui natus est tibi morte morietur. 2. **Reg. 18.**

Docuit iniquitas tua ostium, & quia imitaris linguam blasphemantium, condemnabit te ostium, & non ego. **Iob. 15.**

Vir multum iurans replebitur multa iniquitate, & non discedet à domo illius plaga. **Eccles. 23.**

Omnia remittentur filiis hominum peccata &c. at qui blasphemauerint in Spiritum Sanctum, non habet remissionem in æternum. **Marc. 3. Luca 12.**

Non minus peccant qui blasphemant Christum regnantem in cælis, quam qui crucifixerunt ambulantem in terris. **August.**

Quæstiones Theol. supra de Blasphemia & iuramento contra 2. præceptum, vide **Tom. 2. part. 2. tract. 5. cap. 2.**

C.

CASTITAS, ET CONTINENTIA.

Castitas seruatur in societate bonorum, & perditur in consortio malorum. Quamdiu Di-

Dina fuit cum fratribus suis, & patre, mansit casta, sed exiens mulieres peregrinas curiosè videre, corrupta est. *Gen. 34.*

Castitatem violantes grauitè puniuntur. Nam cum Sichem violasset Dinam filij Iacob, fratres eius Sichem & patrem & populum occiderunt. *Genes. 30.* Amon propter deflorationem Thamar ab Absolone in conuiuio est occisus, 2. *Reg. 13.* Post violationem vxoris Leuitæ plusquam sexaginta millia hominum sunt occisi. *Iud. 20.*

Castitas cara res est, & multum diligenda. Ideò Ioseph licet esset iuuenis & sollicitaretur à domina, maluit incarcerationi, & diffamari quàm perdere castitatem. *Genes. 39.* Sic diligebat Sara castitatem vt diceret; Tu scis Domine quia nunquam concupiui virum. *Tobie 3.* Grauitè fuit Susanna molestata à senibus; sed nec famam, nec vitam præposuit castitati. *Dan. 13.* Virgo Maria non est oblita votum castitatis seruare, licet Angelus diceret ei, quod de ea filius Dei nasceretur. *Luc. 1.*

Castitatem maximè seruare debent, Sacerdotes & ministri Dei. In cuius figura dicitur quod mundi debeant esse à mulieribus qui panes sacerdotales manducarent, vt habetur 1. *Regum 24.*

Argumentum est castitatis Prælati & Clerici, quod Stephanus in primitiua Ecclesia tam castus fuit, vt non dubitauerint eum mulieribus perficere. *Act. 6.*

Casti debent viuere relictæ, & viduæ, quibus castitas est difficilior. Ideò Iudith post mortem viri sui non cognouit alium virum, sed cum puellis suis clausa morabatur, habens cilicium supra lumbos, & ieiunans cunctis diebus. *Lib. Iudith.* Anna vidua fuit vsque ad annos octoginta quatuor; quæ non descendebat de templo, ieiunijs, & orationibus vacans. *Luc. 2.*

Castitas debet alijs virtutibus adornari. Quod ostenditur in Parabola de decem Virginitibus vbi tot Virgines fatuæ exclusæ, licet castæ erant, oleum tamen bonorum operum non habebant. *Matth. 25.*

Castitas similis est purissimo Speculo, quod minimo halitu obscuratur. Similis est Rosi, & floribus, qui si tangantur marcescunt, intacti fructum gratissimum fuerunt. Vide *Luxuria.*

VIDE EX BREVIARIO. *Quomodo faciat amabiles.* Dom. III. n. 2. l. 2. *sine bonis operibus non est magna.* Dom. non Pontif. n. 3. l. 2. *Seruanda maximè Ecclesiasticis.* 28. Aug. n. 2. l. 3. *per vim violata, duplicat coronam.* 13. Decemb. n. 2. l. 3. *Virginitati iuncta valde sublimis.* 22. Nouemb. n. 3. l. 1. *summis laudibus extollitur.* 2. Com. Virg. n. 2. l. 4. *fluxit de celo.* Ibid. l. 3.

æternum Patris Verbum è celo traxit. Ibid. *conuigio præualeat.* Dom. II. Epiph. n. 3. l. 2. & fer. 5. Ibid. *Deo charos facit.* 6. Maij n. 1. 3. *Angelis similes.* Com. Virg. n. 2. l. 2. *Premium eius summum erit.* 5. Febr. n. 3. *non est seruatus impossibilis.* 5. Febr. n. 3. *sola ad salutem non sufficiens.* Com. Virg. n. 3. l. 3.

CALVMNIA vide *Detractio.*

Sententiæ selectæ de Castitate.

P Epigi fædus cum oculis meis vt ne cogitarem quidem de virgine. *Iob. 13.* multo magis ne oculis fixè contemplerur.

Ne aspicias in mulieris speciem & ne concupiscas mulierem à specie. *Eccles. 25.*

Scio, quoniam non possum esse continens, nisi Deus det. *Sapient. 2.*

Melius est mihi incidere absque opere in manus hominum, quam peccare in conspectu Domini. *Danielis 13.* Ita Susanna de libidine iniquè accusata.

Sunt Eunuchi qui castrauerunt se ipsos propter regnum cælorum. *Matth. 19.*

Mulier innupta & virgo cogitat quæ Domini sunt. 1. *ad Corinth. 7.*

Dico autem non nuptis & viduis, bonum est illis, si sic permanferint, sicut & ego. 1. *ad Corinth. 7.* Præclarum pro illis ipsius Apostoli exemplum.

Qui matrimonio iungit virginem suam bene facit, & qui non iungit, melius facit. 1. *ad Corinth. 7.* vbi consilium illud Euangelicum comprobatur.

Fructus Spiritus est charitas, continentia, castitas *ad Galat. 5.* vbi continentia & castitas Charitati reginæ virtutum proximè adiungitur.

PATRES. Non dicatis vos habere animos pudicos, si habeatis oculos impudicos, quia impudicus oculus, impudici cordis est nuntius. *Augusti.*

Pudicitia virtus animæ est, & comitem habet fortitudinem. *Idem de Ciuitate Dei.*

Quacumque virtute polleas, quibuscumque operibus niteas, si cingulo castitatis careas, omnia per terram trahes. *Hieron.*

Maius miraculum est de carne propria fomittem eradicare luxuriæ, quam expellere immundos spiritus de corporibus alienis. *Aener. Beda.*

CHARITAS. V. AMOR.

A Mor Dei fecit misericordiam obtinere. Ideò daturus Dominus Legem Moyse dixit: Ergo Dominus facio misericordiam his qui diligunt me, & custodiunt præcepta mea. *Exod. 20.*

Amor

Amor Dei principium & finis est omnium mandatorum. Idem dixit Moyses: quid petit Deus à te, nisi ut ambules in vijs eius, & diligas eum. Deut. 10. Paulus etiam dixit: Si quis non amat Deum anathema sit: ac si diceret defectu charitatis hominem à Deo separari. 1. ad Cor. 16. Hoc est etiam quod Paulus dixit: Si linguis hominum loquar & Angelorum, Charitatem non habeam factus sum sicut æs sonans, aut cymbalum tinniens &c. 1. ad Cor. 13.

Vide supra fultus *Amor, Dei, & Amor proximi.*

CHRISTVS.

Christi vita, virtutes, doctrina, miracula exponuntur in toto Euangelio, in quo ut singula facilius inueniantur, præcipua mysteria & loca breuiter audiamus. Christi Conceptio, Natiuitas, Diuinitas, *Matth. 1. Luc. 1. &c.* Baptismus Christi & vox de cælo. *Matth. 3. Marc. 1. Ieiunat 40. diebus & tentatur à dæmone. Matth. 4. Vocatio Apostolorum Matth. 4. Sermo Christi in monte, octo beatitudines, & excellentia legis Euangelicæ enarratur. Matth. 5. Mittit Apostolos ad prædicandum, & dat ipsis virtutem operandi miracula. Matth. 9. v. 37. Luc. 10. v. 2. Transfiguratio Christi gloriosa, & vox de cælo audita. Matth. 17. Luc. 9. v. 29. Instituit cœnam Eucharisticam sui corporis & sanguinis. Matth. 26. Marc. 14. Luc. 22.*

Christi miracula & misericordia in curandis infirmis. Sanat decem leprosos & dæmoniacum. Luc. 17. Illuminat cœcum. Marc. 10. & plures alios infirmos & socrum Petri. Matth. 8. Paralitum per testum demissum. Matth. 9. Hydropticum. Luc. 14. Manum aridam. Marc. 3. Languidum ad piscinam. Ioann. 5. Seruum centurionis. Matth. 8. Filium Reguli. Ioann. 4. Mulierem à fluxu sanguinis. Matth. 9.

Christi doctrina in varijs parabolis elegantur ab eo proposita. In parabola seminantis explicat effectum varium, verbi & gratiæ diuinæ. Luc. 8. In zizanij exponit malitiam dæmonis, hæreticorum, & improborum hominum. Matth. 13. In grano synapis vim doctrinæ Euangelicæ. Matth. 13. In negotiatore emente pretiosam margaritam studium regni cœlestis præ rebus terrenis. Matth. 13. In oue perdita ostenditur charitas Christi in quærendis & recipiendis peccatoribus. Luc. 15. Eadem declaratur in filio prodigo. Luc. 15. Et in homine à latronibus fauciato & à Samaritano benigne curato.

Charitatem erga proximum in remittendis iniurijs, explicat in seruo qui debeat 100. talenta, Matth. 18. Humilitatem & superbiam in Publica-

no & Phariseo. Luc. 18. Diligentiam in exercitio bonorum operum commendat in operarijs in vineam missis. Matth. 20. Vocationem variam ad gloriam regni cœlestis aptè exponit in parabola de inuitatis ad nuptias, & ad cœnam magnam. Matth. 22. Luc. 14. Et de decem virginibus, & quinque talentis. Matth. 25. Luc. 19.

Christi pro salute hominum passio, mors, & sepultura. Matth. 27. Marc. 25. Luc. 23. Ioan. 22.

Christi resurrectio à mortuis, & Apparitio varia. Matth. 28. Eius gloriosa in cœlum Ascensio, Marc. 16. Luc. 24. Ioan. 13. Christus in cœlo noster mediator & aduocatus. Ioan. 6. & 14.

VIDE EX BREVIARIO. Christus *Agnus, 13. Nouemb. nocturno 2. 1.3. & 30. n. 2. 1.2. & fer. 3. Maij hebdom. n. 1. 1.1. & 14. Sept. n. 3. 1.3. Angelus. 20. Mart. n. 2. 1.2. Aquila. Fer. 3. infra Dom. Ascens. n. 2. Avis. Ibid. fer. 4. n. 2. 1.3. Flos. Dom. II. Adu. n. 2. 1.2. Gallina. Fer. 6. Dom. III. Quadr. 1.3. Granum frumenti. 1. Febr. n. 3. Lux. Sabb. Dom. IV. Quadr. Mons. Dom. Palm. n. 2. 1.2. Com. Doct. n. 3. 1.3. Sella. die 6. infra Epiph. n. 3. 1.2. Sol. Octau. Ascens. n. 3. 1.1. Via. Dom. Quinquag. n. 3. 1.3. Viris. Com. plur. Mart. temp. Pasch. n. 3. Caput Ecclesiæ. Dom. IV. Epiph. fer. 3. n. 1. Medicus. Dom. infra Ascens. n. 2. Pater. Sabb. ante Pentec. n. 3. Paraclitus. Ibid. Pascha nostrum. Dom. I. Epiph. fer. 3. 1.2. Propitiatio nostra. Felt. Ioan. Euang. n. 1. 1.3. Dominus. Dom. VIII. Pentec. n. 2. 1.3. Rex. Sabb. ante Dom. Palm. Sacerdos. Fer. 3. infra Corp. Christi. n. 2. 1.2. Virtutes eius: Charitas. Octau. Innocent. n. 2. 1.3. Humilitas per quam nostram superbiam increpauit. 12. Maij. Iustitia, quam cum mansuetudine exercuit. Dom. III. Quad. Sabb. 1.3. Obedientia, Dom. infra Epiph. 1.3. Oratio. Fer. 6. Pent. 1.1. 2.5. Aug. n. 3. Paupertas. Com. non Pontif. n. 3. 1.3. Passio eius. Nec solus Deus, nec solus homo pati potuisset. Octau. Ascens. n. 3. 1.3. In cruce extendens manus, contradicentes expectabat. Fer. 5. Maij hebdom. n. 2. 1.3. Vulneribus suis nostra sanare voluit. Fer. 3. Pasch. 1.2. & Dom. II. Pasch. n. 2. 1.3. Extra portam passus est. Dom. 6. Epiph. Sabb. 1.3. Neque attendebat à quibus, sed pro quibus patere-tur. Dom. Pasch. fer. 2. 1.3. Resurrectio. Per hanc maiorem gloriam acquisiuit. Com. Euang. n. 3. 1.3. Est spes nostra. Dom. infra Ascens. n. 2. 1.2. Eius Ascensio nostra glorificatio. Dom. infra Ascens. n. 2. 1.2. Maiestas in facie eius occulta re-lucebat. 21. Sept. n. 3. 1.1. Honor ei debitus. Dom. II. Adu. n. 3. 1.1. Immandus. 12. Aug. n. 3. 1.2. Fi-guræ eius Iacob. Dom. II. Quadr. n. 2. 1.2. Ionas. Dom. I. Quadr. fer. 4. Salomon. Dom. VIII. Pen-tec. n. 2. David. Dom. IV. Pentec. Elias. Ibid. lect. 2.*

HÆ.

HÆRESES circa personam Christi V. supra Tom. I. pag. 206. & circa eius Incarnationem Tom. 2. part. I. pag. 82.

CONFESSIO PECCATORVM.

Placet Deo humilis peccati confessio. Reprehensus David à Nathan peccatum suum patenter & humiliter est confessus dicens, peccavi Domino, & confestim veniam obtinuit. 2. Reg. 12. Veniebat ad Ioannem omnis populus Iuda, Confitentes peccata sua. Matth. 3. Marc. 1. In cuius figura dixit Christus leprosis. Ite, ostendite vos Sacerdotibus. Luc. 17. Prædicante Paulo multi veniebant Confitentes peccata sua. Act. 19.

Confessio peccatorum debet esse cum spe veniæ, & non cum desperatione. Idem confessio Cain Deo non placuit, nec ipsi profuit, quia cum desperatione dixit; Maior est iniquitas mea quam ut veniam merear. Genes. 4. Iudas confessus est peccatum suum, dicens, Peccavi tradens sanguinem iustum &c. Sed ipsi non profuit, quia cum desperatione fecit. Matth. 26.

Confessio peccatorum debet esse cum proposito ulterius non peccandi. Idem Pharaoni dicenti, Peccavi, non profuit illa confessio; quia non intendebat desistere à peccato & duritia cordis sui. Exod. 10. Simile accidit Sauli, cum reprehenderet eum Samuel de inobedientia erga Deum. 1. Reg. 15. Sed quia David agnovit suum peccatum cum intentione ulterius non peccandi, Dixit ei Nathan, Transtulit Dominus peccatum tuum. 2. Reg. 12.

Confessionem inducit aliquando tribulatio & afflictio. Idem dicit Psalmista; Multiplicatae sunt infirmitates eorum, postea acceleraverunt, scilicet ad confessionem. Psalm. 115. Afflicti Israelitæ per serpentes dixerunt Moyse: peccavimus, quia locuti sumus contra te. Num. 21. Oppressi filij Israel à Philistæis & filiis Amon confessi sunt, dicentes, peccavimus. Iud. 10.

Confiteri debent homines quantumcumque iusti, & se peccatores reputare. Exemplo Neemiæ dicentis; ergo & domus Patri mei peccavimus, iniquitatem fecimus. Neem. 1. Orans Daniel, qui erat vir perfectus dicebat, Peccavimus, iniquitatem fecimus. Daniel 9. Sextus illorum septem fratrum Machabæorum confessus est qui pro Domino sustinebant Martyrium, vide Controuersias & Hæreses de confessione Tom. 1. pag. 100. & pag. 189. Hæc patimur quia peccavimus. 2. Machab. 7.

Vide infra in Catechesi cap. 4. de Sacrament. Pœnit. Item in Resol. Theol. Trip. part. 3. cap. 1. &c.

VIDE EX BREVIARIO. Confessio. Qui eius effectus. In Festo Ioan. Fu. n. 1. l. 2. Ad salutem necessaria. Com. Dedic. n. 3. l. 3. Initium bonorum fer. 2. Pentec. l. 3. & vulnere Animæ ruptio. Dom. II. Quadr. fer. 5. Absolutio quantæ efficacis. Dom. I. Quad. Sabb. l. 2. Non erubescendum confiteri. Dom. IV. Aug. Sabb. l. 2. & fer. 2. Pent. lect. 3.

Sententiæ selectæ &c. de Confessione Peccatorum.

Notandum, in his non agi de sola Confessione Sacramentali.

Confessio fit ad salutem ad Rom. 10.

Confitemini alterutrum peccata vestra. Iacobi 5. Confitentes peccata sua. Matth. 3.

Sidixerimus, quod peccatum non habemus, ipsi nos seducimus, & veritas in nobis non est. Ioann. 16.

Si confitemur peccata nostra, Deus fidelis est & iustus ut remittat nobis peccata nostra, & emundet nos ab omni iniquitate. Ioann. 1.

Vade lauare septies in Iordane, & recipiet caro tua sanitatem, & mundaberis. 4. Reg. 5.

Delictum meum cognitum tibi feci & iniustitiam meam non abscondi. Psalm. 31.

Confitebor aduersum me iniustitiam meam. Domino &c. Psalm. 111.

Qui abscondit scelera sua, non dirigitur, qui autem confessus fuerit, & reliquerit ea, misericordiam consequetur. Psalm. 28.

Non confundaris confiteri peccata tua. Eccles. 4.

Vade & ostende te Sacerdoti, & offert munus tuum. Matth. 8.

PATRES. Quem pœnitet, omnino pœniteat, & dolorem lacrimis ostendat, repræsentet vitam suam Deo per Sacerdotes, præueniat iudicium Dei per confessionem. Augustinus.

Non operui sed aperui, uti aperires; non cælaui ut tegeres, nam quando homo detegit, Deus tegit, cum homo cælat, Deus nudat, cum homo agnoscit, Deus ignoscit. Augustinus.

Qui vult confiteri peccata sua, ut inueniat gratiam, quærat Sacerdotem scientem ligare & soluere: ne cum negligens circa te extiterit, negligatur ab illo. Augustinus.

O homo quid times confiteri? illud quod per confessionem scio minus scio, quam illud quod nescio: cur confiteri erubescis peccata tua? peccator sum sicut & tu: homo sum, humani à me nihil est alienum. Confitere homo homini, homo peccator, homini peccatori: Elige.

Elige quod vis, si non confessus lates, inconfessus damnaberis. *Augustinus in Psalmos.*

Qui promereri vult quod expetit, debet malum confiteri quod fecit: valde enim facile est, ut peccatorem sequisque fateatur, cum nihil pro peccato suo patitur. *Gregorius 8. moralium.*

Confessio sanat, confessio iustificat, confessio peccatis veniam donat. Omnis spes in confessione consistit, in confessione locus misericordiae est: nulla tam grauis est culpa, quæ per confessionem non habeat veniam. *S. Isidorus.*

Quantum displicet Deo imprudentia peccatoris, tantum placet verecundia confitentis. *Bernardus.*

O Beata confessio, quæ æternum tollit opprobrium. *Cassiodorus.*

Confessio aperit paradysum, confessio spem saluandi tribuit: vnde scriptura dicit, dicitur iniquitates tuas, ut iustificeris. *Ambrosius.*

CONSILIVM BONVM.

Consilium Sapientum seruandum est. Ided dicebat filio Tobias, Consilium semper à sapiente perquire. *Tobia 4.*

Qui non credit Consilij Sapientum perit: Sicut filij Israel, qui noluerunt credere Moyli sapienti & experto dicenti, non ascendatis, ided victi fuerunt, *Num. 14.* Roboam quia non tenuit Consilium Seniorum ad clementiam, sed consilium iuuenum ad iugum durissimum subditis imponendum, magna pars populi ab illo defecit, *3. Reg. 12.* Daniel plenus sapientia dedit bonum consilium Nabuchodonosor, ut peccata sua eleemosynis redimeret, sed ipse non credidit, ided ad bestias est translatus. *Daniel. 4.*

Consilij amicorum est creden dum. Nam fidele consilium dabat Achior Holoferni cum quo erat in exercitu, sed quia non credidit, occisus fuit, *Iudith. 5.* Godolias qui non credidit Consilij Ionnam ut sibi caueret, mortem incurrit, *Ierem. 41.* Iudas cum paucis pugnaturus contra multos, noluit acquiescere consilij amicorum, ut meliorem opportunitatem exspectaret, ided in prælio interiit. *2. Machab. 9.* Consilia octo Euangelica ad beatitudinem obtinendam præbuit Christus in monte. *Matthæo 5.*

Consilium bonum simile est optimæ Medicinæ, quæ homines ad salutem perducuntur, & à morte conseruantur: consilium verò peruersum simile veneno, aut pesti, qua homines inficiuntur & pereunt.

VIDE EX BREVIARIO. Male viuatur sine

bono consilio Dom. IV. Aug. n. 2. l. 2. Malorum Consilium disperdet Deus ser. 2. Psalm. 32. Manente consilio Domini in æternum. Ibid. Consilia Euangelica, custodiunt præcepta diuina in Communi Virginum nocturno 2. l. 2.

Sententia selecta de bono Consilio.

A Vdi verba atque consilia, & erit Dominus tecum. *Exodi 18.*

Gens absque consilio, & sine prudentia, vti nam sapienter & intelligenter, ac nouissima prouiderent. *Deut. 2.*

Pete à Deo, ut vias tuas dirigat, & omnia consilia tua in ipso permaneant. *Tobia 4.*

Custodi consilium, & custodiet te. *Prou. 2.*

Custodi legem meam, atque consilium meum, & erit vita animæ tuæ. *Prou. 3.*

Consilium semper à Sapiente perquire. *Tobia 4.*

Qui Sapiens est, audit consilia. *Prou. 12.*

PATRES. Quid tibi prodest habere Sapientiam, si consilium neges. *Ambrosius.*

Dare stulto consilium charitatis est, dare Sapienti ostentationis; dare verò tempore peruersitatis, sapientiæ. *Ambrosius.*

Nullus fidelior tibi ad consilium potest esse, quam qui non tua, sed te diligit. *Greg.*

Omnia prius consilio experiri quam armis, Sapientem decet. *Terentius.*

Consilium nobis Resque, Locusque dabunt. *Ouidius.*

CONSILIVM MALVM.

Consilium malarum mulierum detestandum est. Nam Eva malè consuluit & persuasit viro, ut de ligni vetiti fructu manducaret, quod & fecit, ideoque amœnissimum locum paradisi perdidit, *Genes. 2.* Domina cui seruiebat Ioseph malè consulebat ei, ut castitatem perderet, cui non acquieuit, & factus est Dominus Ægypti, *Genes. 39.* Mulieres persuasionibus peruerterunt cor Salomonis, ut adoraret idola, ut habetur, *3. Reg. 11.* Nefandum consilium dedit Herodias filiæ, dicens, nihil aliud petas nisi caput Ioannis. *Matth. 14. Marc. 6.*

Consilium malum aliquando dant subditi Principibus & Prelatis. Sic populus Israel malè consulit Aaroni ut faceret ijs vitulum aureum quem adorarent; quibus Aaron stultè credidit, & scandalum incurrit. *Exodi 32.*

Malum consilium consultori pessimum. Sic Aman consilium dedit ut suspenderetur Mardochæus, & ided ipse suspensus fuit. *Esther 6.* Achitophel videns suum consilium contemni laqueo se suspendit. *Reg. 17.*

Tri-

Triplicem Similitudinem consilij dolosi adducit sapiens, *Ecclesi. 29.* Qui foueam fodit, incidet in eam: & qui strauit lapidem proximo suo offendet in eo: & qui *lequum* alteri ponit peribit in illo.

Sententias plures hoc uide in Titulo precedenti.

CONSOLATIO DIVINA.

Consolatur Dominus obedientes mandatis suis. Idem Abraham postquam exiuit de terra sua ad mandatum Domini Dominus consolatus est eum diuersis apparitionibus: *Gen. 12. 15. & 37.* Filij Israel qui obedientes Deo exierunt de Aegypto ut sacrificarent in deserto, misit Dominus consolationes quando pluit eis in deserto manna, &c. *Exodi 16.*

Consolatur Dominus tribulatus post tempestatem tribulationis; iuxta illud Psalmi, secundum multitudinem dolorum meorum in corde meo consolationes tuas, latificauerunt animam meam. Idem fugiente Iacob à facie fratris sui Deus eum multipliciter consolatus est in somno. *Genes. 28.* Moyse exulanti apparuit Dominus in deserto Consolans eum, quod non accidit ei in domo Pharaonis. *Exodi 3.* Luctum ludæorum conuertit Dominus in gaudium, quando per Estherem fuerunt à tanto periculo liberati. *Hester. 9.*

Consolatur Deus obsessos, carceri mancipatos, &c. Sic filios Israel obsessos ab Holoferne in Bethulia consolatus est in victoria per manum faminæ Judith. *Iud. 10. & 13.* Petrum inclusum in carcere Herodis consolatus est per Angelum suum liberans eum. *Act. 22.* Paulum & Sylam positos in carcere Dominus misso terræ motu consolatus est frangens vincula & liberans eos, ut habetur. *Actorum 16.*

Consolatur Dominus iustos in operibus bonis. Sic consolatus est Tobiam & Saram liberando à dæmonio, qui viros eius occiderat, ut habetur *Tob. 8.* Daniele iustum bis positum in lacu leonum, Dominus consolatus est per Angelum, Habacuc. *Daniel. 6. & 14.* Susannam quæ adulterio nolebat consentire, morte damnatam Dominus per Danielem liberauit. *Daniel. 13.* Impleuit Dominus promissam consolationem, quando in Pentecoste Apostolis Spiritum Sanctum misit. *Actorum 2.*

Vide supra V. Benignitas Dei, & infra V. Tentatio, Patientia, &c.

Sententia alia de eadem.

Consolamini, consolamini popule meus. *Ieremia 40.*

Ergo conuertam luctum eorum in gaudium, & consolabor eos, & latificabo à dolore suo. *Ieremia 31.*

Benedictus Deus, Deus totius consolationis, qui consolatur nos in omni tribulatione nostra. *1. Cor. 1.*

Alia sententia infra V. Tentatio &c.

CONSTANTIA & FORTITUDO.

Fortem, strenuum, & audacem reddit hominem puritas conscientie. Moyses purus & innocens audacter & constanter stetit coram Pharaone arguens eum. *Exodi 5. & seqq.* Gedeon fortissimus in trecentis viris maximum populum viriliter superauit. Dixerat enim ei Angelus, Dominus tecum virorum fortissime. *Iud. 6.* In illa fortitudine liberauit Israel. *Iudicum 8.*

Dauid fortiter superauit leonem, & vrsum, & Goliathum. *1. Reg. 17.* Iudas Machabæus viriliter transiit Iordanem, & irruit in hostes suos. *1. Machab. 5.* Eleazar audacter irruit in Elephantem & occidit, licet ipse postea sit mortuus. *1. Machab. 6.* Machabæus & socij more Leonum irruentes in hostes occiderunt multitudinem inimicorum. *2. Mach. 11.*

Fortitudo perfectissima est tolerantia aduersorum. Tali fortitudine tolerauerunt fornacem 3. pueri dicentes Regi; Deus potest nos eripere de camino ignis. *Daniel 13.* Stephanus plenus gratia & fortitudine, viriliter sustinuit lapides; & sic de alijs Martyribus.

Non debet homo dimittere opus bonum, licet contingat eum tribulationem incurere. Nam Tobias remansit in timore Domini, licet plaga cæcitatatis euenisset ei, *Tob. 2.* Ridetur in Euangelio homo inconstans qui capit edificare, & non potuit consummare. *Luc. 14.*

Perseuerandum est in bono proposito, nec respiciendum retrò post egressum de societate malorum, ne accidat homini sicut uxori Loth post egressum de Sodomis, quæ retrò aspiciens, in statuam salis est conuersa. *Genes. 19.* Socij Danielis multum constantes & perseuerantes fuerunt, ne statuam quam erexerat Nabuchodonosor adorarent. *Dan. 3.*

Eleazar multa tormenta constanter sustinuit, ne ad impietatem declinaret. *2. Machab. 6.* Christus laudauit constantiam Ioannis Baptistæ, quod non similis esset arundini, quæ facile in omnem partem mouetur. Salutem denique æternam constantia promittit, dicens; Qui perseuerauerit usque in finem hic saluus erit. V. infra Fortitudo. Perseuerantia & plures de illis Sententias Fortitudini proprias.

Vide sententias alias infra verbo, Fortis, &c.

COR.

CORREPTIO FRATERNA.

Perfectam Regulam dedit Dominus Petro, dicens: Si peccauerit in te frater tuus corripere eum &c. Si audierit te, lucratus es fratrem tuum. *Matth. 18.* Ioannes Baptista cum magno seruire corripiebat Phariseos, quod essent progenies viperarum. *Matth. 3. Luc. 3.* Multa audacia & zelo arguebat Herodem, dicens: Non licet tibi habere uxorem fratris tui. *Matth. 14. Marc. 6.* Vnus de latronibus qui pendebat in cruce cum magno zelo alterum reprehendebat, dicens, neque tu times Deum &c. *Luc. 23.* Stephanus in concilio Iudæorum feruenter & audacter increpauit eos quod essent duri corde, & Deo resisterent. *Act. 7.*

Corrigere debent Prælati subditos suos, & eos de vitio arguere. Sic Sacerdotes resisterunt Oziæ Regi volenti offerre incensum, quod non erat sui officij, dicentes; Non est tui officij adolere incensum. *3. Paralip. 26.* Sic reprehendit Esdras filios transmigrationis, qui duxerunt contra legem filias alienigenarum. *1. Esdr. 9. & 10.*

Item debent eos reprehendere de violatione Festorum. Sic arguebat Neemias portantes munera Sabbatho, dicens: quæ est hæc res mala quam vos facitis & prophanatis diem Sabbathi, ut habetur. *Neem. 14.*

Item debent eos reprehendere de mendacio, & prauo exemplo, sic Petrus Ananiam & Saphiram. *Act. 5.* Sic Paulus Elymam magum durè reprehendit, qui nitebatur à fide auertere proconsulem. *Act. 13.* Et S. Petrus Simonem magum volentem emere Spiritum Sanctum. *Act. 8.*

Item de peccato carnis: Sicut Apostolus grauitè reprehendit Corinthios de fornicatione. *1. Corin. 5.*

Item de irreuerentia circa Sacramenta: Sicut Paulus eosdem arguit de irreuerentia erga Eucharistiam. *1. Corin. 11.*

VIDE EX BREVIARIO. *Correptio sapientis melior, quàm aduolutio stultorum.* Dom. II. Aug. ser. 5. l. 2. *Qui odit correptionem, vestigium est peccatoris.* Dom. V. Aug. ser. 6. l. 2. *cum quis à Deo corripitur, non deficiat.* Dom. I. Aug. ser. 2. l. 5. *Correptio debet fieri ex amore proximi.* Dom. III. Quad. ser. 2. l. 1. *Peruersi difficulter corriguntur.* Dom. II. Aug. n. l. 3. & Sabb. ibid. l. 3. *Nullius desperanda, ser. 5. Maij hebd. n. 2. l. 2. Debet fieri in spiritu lenitatis, 17. Sept. in Fest. Stigm. n. 1. & Dom. VIII. Pentec. ser. 5. & per dulcedinem charitatis.* Dom. III. Pent. n. 3. l. 2.

Vide Exhortatio.

Sententiæ selectæ de Correptione fraterna.

Melius est à sapiente corripì, quàm stultorum adulatione decipi. *Eccles. 7.*

Si peccauerit in te frater tuus, corripere eum inter te & ipsum solum. *Matth. 8.*

Non ut confundam vos hæc scribo, sed ut filios meos carissimos moneo. *1. Cor. 4.*

In conuiuio vini non arguas proximum. *Eccles. 31.*

Argue, obsecra, increpa in omni patientia, & doctrina. *2. Timoth. 4.*

Plus profuit correctio apud prudentem, quàm centum plagæ apud stultum. *Prou. 17.*

Vir prudens & disciplinatus non murmurabit correptus. *Eccles. 10.*

Argue sapientem & diliget te. *Prou. 9.*

Qui abiicit disciplinam despicit animam suam, qui autem acquiescit increpationibus possessor est cordis. *Prou. 15.*

Virga atque correctio tribui sapientiam. *Prou. 29.*

Si te audierit (corripientem) lucratus eris fratrem tuum. *Matth. 18.*

PATRES. Correctio est, errorem innatum, vel consuetudine factum, fræno rationis inhibere. *Aug.*

Quæ peccantur coram omnibus, coram omnibus corripienda sunt, ut omnes timeant: qui secreto peccauit in Te, secreto corripere: nam si solus nosti, & eum vis coram alijs arguere, non es corrector, sed proditor. *August.*

Foris terribilis personet increpatio: intus lenitatis teneatur dilectio. *Aug.*

Magis amat obiurgator sanans, quàm adulator dissimulans. *Aug.*

Peccatum vnius quod cognitum non arguitur, multos contaminat. *Idem.*

Qui non corrigit, ressecanda committit; & facientis culpam habet, qui quod potest corrigere, negligit emendare. *Gregor.*

Non nunquam qui inter flagellorum duritiem remanent incorrecti, dulci sunt admonitione mulcendi. *Gregor.*

Alterius pænis, fit castigatio lenis.

SENT. POET. ET PHIL. Cuncta prius tentanda, sed immedicabile vulnus.

Ense recidendum est, ne pars sincera trahatur. *Ouid. metaph. lib. 8. in mala exempla.*

Qui quem vult ridet, non sua facta videt. *Stanibursius.*

Si culpæ velis, culpabilis esse cauebis. *Idem.*

Amici

Amici vitia si feras, facis tua. *Seneca.*

Cum his versare, qui te corrigant. *Idem.*

Vitia transmittit ad posteros, qui presentibus culpis ignoscit. *Seneca.*

Bonis nocet, qui malis parcat. *Idem.*

Nobilis equus umbra virgę regitur, ignavus nec calcaribus concitari potest. *Seneca.*

Qui non vetat peccare, cum possit, iubet. *Seneca Poeta.*

CURIOSITAS.

Curiosi desiderant semper noua scire, & illa scientia maiores apparere. Idem prima mulier, quę desiderauit sicut Deus scire bonum & malum, pomum curiosę aspexit, & diuinum pręceptum contempsit. *Genes. 3.* Discipulorum curiositatem scire volentium tempus secundi Aduentus reprehendit Dominus dicens; Non est vestrum nosse tempora vel momenta. *Act. 1.* Athenienses, qui erant curiosi, non vacabant salutem, sed vt semper noua scirent. *Act. 17.* Iudęi videntes miracula a Christo fieri, adhuc signa de celo curiosę querebant. *Luc. 11.* Herodes curiosę desiderabat videre Christum, non vt crederet, sed vt videret ab eo signa fieri. *Luc. 23.*

Curiosi debent admoneri a prudentibus vt vilia sedentur & curiositatem relinquunt. Idem prędicante Apostolo in Epheso multi qui fuerunt curiosi sectati congesse runt libros, & combusserunt coram discipulis. *Act. 19.* Reprehendebat Apostolus quosdam Thessalonicenses curiosę ambulantes, & nihil operantes. *2. Thessal. 3.* Adolescentiores viduas monet Apostolus esse vitandas, quę sunt frequenter vagę & curiosę. *1. ad Timoth. 4.*

Similes sunt curiosi piscibus & volucris, quę per loca aliena & peregrina perpetuę vagantur, nec corpore aut mente secum habitant. *Aug. in Psalmos.*

VIDE EX BREVIARIO : Curiositas. *Alisora te ne quaeris. Dom. IV. Aug. ser. 5. est enim curiositas occupatio pessima. Dom. 2. Aug. n. 1. lect. 3.*

Sententia selecta de Curiositate.

Qui inuestigator malorum est, opprimetur ab eis. *Proverb. 12.* Non est vestrum nosse tempora vel momenta quę pater posuit in sua potestate. *Act. 1.*

PATRES. Curiosum genus hominum ad cognoscendum vitam alienam, desidiosum ad corrigendum suam. *Aug. lib. confess. 10.*

Curiosus foras egreditur, & exterius omnia considerat. *Bernardus.*

Quę Deus occulta esse voluit, non sunt scrutanda. *Prosper.*

PHILOS. POETÆ. Curiosus nemo est, qui non sit maleuolus. *Plautus.*

Non multum nocebit tibi ista transire, quę nec licet scire, nec prodest. *Seneca.*

Nouit famineum genus omnia, nouit & illud.

Iunonem duxit, quo pacto Iupiter olim. *Theodoricus.*

D.

DEIPARA.

Deiparę laus imitatio deducenda est ab æstimatione virtutum quę in ea eluxerunt, vt est Humilitas, Amor Dei, Liberalitas, Oratio perpetua, Abstinencia, Castitas, Compassio siue misericordia erga homines &c. Quę omnia in hoc Apparatu inuenies, & harum Virtutum exempla sub suis Titulis, quę in alijs quidem magna, in Deipara autem maxima fuisse ostendes.

2. Exponitur Deiparę excellentia ex varijs eius Figuris ex Scriptura desumptis. *Genes. 3.* Est secunda & melior Eva, & mater cunctorum viuientium per gratiam, quę serpentis caput contriuit.

Exodi 3. Est rubus ardens & incombustus, quia Christum vt ignem cęlestem concepit, & virginittis florem non amisit.

Iudicum 6. Est vellus Gedeonis, quia sola Deipara mansit nullo peccati imbre madefacta.

Numer. 17. Est virga Aaronis, quę sola floruit absque germine, & Christum peperit absque semine.

Ezech. 44. Est Porta clausa, & vir non transibit peream, quoniam Dominus Deus Israel ingressus est per eam, in Christi natiuitate, &c.

Comparatur etiam appositę cum Rebecca, cum Iuditha, cum Esthere, cum Susanna, & alijs mulieribus in Scriptura laudatis.

Item cum Arca Noe, quia per Deiparam a diluuio mortis æternę saluatum est genus humanum. Vocatur etiam propter eximiam castitatem Hortus conclusus, Fons signatus.

Item ob Pulchritudinem dicitur Columba formosa, lilium inter spinas, oliua fructifera, Rosa in Iericho. Propter Gloriam & potentiam dicitur etiam pulchra vt luna, electa vt sol,

sol, terribilis vt castrorum acies ordinata, & mulier amicta sole, lignum vitæ in paradiso Ecclesiæ. Tanquam mediatrix inter Deum & homines dicitur scala Iacob, per quam ascendit oratio & descendit misericordia, Ciuitas refugij, & propitiatorium. Plures alij conceptus percurrendo Litanias Lauretanæ facillè occurrunt, vt turris Daudica, fœderis Arca, Ianua cæli, Stella matutina &c. Quæ prudens Concionator facillè Virgini applicabit, v. g. considerando proprietates Stellæ, & eas in dotibus Deiparæ demonstrando. Vide de cultu Deiparæ & SS. contra Nouatores Tom. I. p. 109.

VIDE EX BREVIARIO. Figuræ Deiparæ Eua 8. Sept. noct. 2. l. 2. & 9. eiusd. num. 2. & 13. eiusd. num. 2. & Offic. de Beata Virgine in Sabbat. in Martio, Maij. Iu. Virgo Sacerdotalis Velus Gedeonis, 11. Sept. n. 2. l. 3. Porta orientalis. Ibid. Mulier Apocalyptica Vigil. Pentec. n. 2. l. 2. 11. Sept. n. 1. Mater Dei vera. 20. Mart. n. 3. Animata Arca Dei viuentis. 14. Aug. n. 2. Cælum animatum. Ibid. l. 2. Thalamus Sponsæ celestis. Dom. 19. Pentec. n. 3. l. 3. Radix Jesse. Dom. 2. Adu. n. 1. & 2. Flos campi & lilium. 8. Sept. n. 2. Nouum quod fecit Dominus. 11. Sep. n. 2. Miraculum. 12. Sep. n. 2. l. 2. Ecclesiæ decus. Ibid. l. 3. Causa vitæ nostræ. 13. Sept. num. 2. l. 2. Margarita pretiosa & lampas orbis. 15. Sept. n. 2. Templum indissolubile. Ibid. Mons sublimis. Offic. B. V. in Sabb. in Aug. Speculum & forma omnium virtutum, 8. Dec. num. 2. 21. Nouembr. num. 2. l. 2. Dom. III. Adu. fer. 4. l. 2. Exemplar Castitatis. 12. Sept. num. 2. l. 1. Humilitatis. Domin. 3. Adu. fer. 4. l. 3. Verecundiæ. 21. Nouemb. n. 2. l. 2. Offic. B. V. in Sabb. in Dec. Parsimonie, & Virgilit. 21. Nou. n. 2. l. 2.

De virtutibus eius in communi vide 25. Mart. & in omnibus eius festiuitatibus, & Offic. in Sabb. de Beata Vergine Apparet suis cultoribus. 5. Aug. n. 2. Mediatrix nostra Offic. in Sabb. in Octob. Eius beneficia cælum & terra experiuntur. 15. Sept. n. 2. l. 2. Patrocinium eius inuocandum. 9. Sept. n. 2. 3. & 12. eiusd. nu. 2. l. 3. Presentia eius magnum bonum adfert. 2. Iul. n. 3. l. 2. Imago eius seruos alloquitur. 17. Iul. fest. S. Alexij. Item dignitatem eius negantes. 20. Mart. num. 2. l. 3. Stellis coronata in cælis. 11. Sept. n. 2. l. 2. quo cum corpore & anima assumpta est. 18. Aug. n. 2. l. 2.

HÆRESES circa Deiparam vide supra. To. 1. pag. 212. verbo Maria Virgo. De Cultu Deiparæ ibid. pag. 109.

De Mysterijs & Festis Deiparæ, vide infra inter Festa per Annum.

DETRACTIO, & CALVMNIA.

Detrabunt homines pessimi viris bonis solum ex malitia, falsa imponentes. Sicut vxor Puthipharis, cui inserviebat Ioseph, iniquè detraxit ei apud virum suum, imponens ei quod eam voluisset opprimere. Genes. 29. Senes illi pessimi Susannam turpiter infamauerunt, crimen adulterij falsò imponentes. Daniel 13. Simon malè loquebatur de Onia prouisore & defensore gentis. 2. Mach. 4. Falsi testes detraxerunt Stephano dicentes: Homo iste non cessat loqui contra Deum. Act. 7.

Detractio vitium est inuidiorum, qui alios infamant, vt eos infra se opprimant. Sic principes detraxerunt Dauidi apud Achis, vt amouerent eum. 1. Regum 29. Satrapæ Darij inuidentes felicitati Danielis, detraxerunt ei apud Darium, Daniel 6. Pharisei inuidentes Christo multoties detraxerunt ei, quia cum Publicanis conuersabatur. Matthæi 9. Lucæ 5.

Detractores grauitè puniuntur à Deo in presenti & in futuro seculo. Nam Maria soror Moylis contra eum locuta est detrahendo ex modica occasione, sed citò est secuta lepræ pœna. Num. 12. Filij Israel detraxerunt terræ promissionis, sed in malum, quia nullus eorum intrauit eam, sed mortui sunt ab hostibus & bestiis consumpti in deserto. Num. 13. & 14. Etiam propter detractionem Chore & multi complices eius fuerunt occisi. Num. 16.

Detractio à superbia & ambitione procedit. Sic Abfalon ambiens regnum patris, detrahebat ei, singulis dicens. Non est qui audiat te constitutus à Rege. 2. Regum 15. Aman superbus, quia non adorabatur à Mardocheo detraxit omnibus Iudæis coram Rege, Hester 3. Alcimus qui volebat fieri summus Sacerdos detrahebat Iudæ coram Demetrio. 1. Machab. 7.

Detractores non debent audiri, nec verbis eorum est adhibenda fides. Nam Siba seruus Miphiboseth nequiter detraxit Domino suo coram Dauid, & Dauid temere fidem adhibuit verbis eius, & ided peruersum dedit iudicium, 2. Regum 16. Sapiens fuit Alexander Rex, qui viros pestilentes, qui venerunt aduersus Ionatham detrahentes ei, & interpellantes Regem aduersus eum, nullatenus audire voluit, 1. Machab. 10.

Detractor semper vertit bona in mala, vel tanquam mala intentione facta. Nam si ieiunas, dicit te hypocritam, si comedis voracem, si quiescis pigrum, si rides inquietum, si ta-

C ces

ces stultum, si loqueris, presumptuosum, si tua pauperibus das velerogas, dicit te esse vanum & gloriosum, si non erogas, avarum, si sapiens, superbum, si religiosus, dicit te hypocritam. Ideo de Ioanne Baptista multum ieiunante dicebant quidam detractores, demonium habet; De Iesu autem comedente dicebant: Ecce homo vorax, & potator vini. *Matth. 11.* Viso miraculo de ceco nato detraxerunt Christo Pharisei, dicentes, Nos scimus quia hic homo peccator est, & maledixerunt ei. *Ioan. 9.* Eiecit demonio & loquente muto, quidam detrahentes Christo miraculum peruerterunt, dicentes, in Beelzebub principe demoniorum eiecit demonia. *Luc. 11. Matth. 12.*

Comparat Scriptura detractorem cum Morfu serpentis, & gladio acuto. Serpens qui non edito sibilo, mordet, detractiori per omnia similes est, *Eccles. 10.* Filij hominum dentes eorum arma & sagittae, & lingua eorum gladius acutus.

Detractores similes sunt Canibus, qui contra omnes praetereuntes latrant, & nemini parant.

Sicut porticus Olympiae acceptam vocem per consonantiam septies remittebat, ita detractores & contumeliosi vno verbulo offensi sexcenta conuitia ingeminant. *Plinius.*

VIDE EX BREVIARIO. Detractio non est velut gladius acutus. *Fer. 4. Ps. 56. & 63. ad Matut. Adeam obsurdescendum. Fer. 2. Ps. 37. & 139. Ps. 38. Qui detrahit proximo, detrahit legi. Iac. 4. fer. 6. Dom. 4. Pasch. 13. Hinc David detrahentem proximo persequabatur. Ps. 100. in Sabb. & varia mala tali optabat. Ps. 108. ibid.*

Sententia selecta &c. de Detractione.

Sepulchrum patens est guttur eorum, linguis suis dolose agebant, venenum aspidum sub labijs eorum. *Psal. 13.*

Lingua eorum gladius acutus. *Psal. 56.*

Acuerunt linguas suas sicut serpentes. *Psal. 139.*

Beati estis cum maledixerunt vobis homines &c. *Matth. 5.*

Lingua inquietum malum est, plena veneno mortifero. *Iacob. 3.*

Si mordeat serpens in silentio, nihil minus habet, qui occulte detrahit. *Eccles. 10.*

Detractores Deo sunt odibiles. *Rom. 1.*

Nec rapaces, nec maledici, regnum Dei possidebunt. *1. Corinth. 6.*

Qui detrahit fratri, aut qui iudicat fratrem, detrahit legi, & iudicat legem. *Iacobi 4.*

Abominatio hominum detractor. *Prou. 24.*

Bilinguis serpens habetur, atque mortalis, eo quod diaboli minister aliud lingua loquatur, aliud corde meditetur. *August.*

Detractor & auditor diabolus portat, alius in aere, alius in lingua. *Bernard.*

Quisquis amat diabolus absentem rodere vitam.

Hanc mensam vetitam nouerit esse sibi. *August.* mensae suae inscripsit.

Difficilem oportet habere aurem ad crimina. *Seneca.*

Ex lingua stulta veniunt incommoda multa.

Dico prudentes homines non multa loquentes.

DISCORDIA.

Discordia multoties oritur ex inuidia etiam inter fratres. Patet in prima discordia inter Cain & Abel, quam mouit ex inuidia Cain, quia munera Abel Deo placebant. *Genes. 4.* Occiso à David Philistaeo & auditis cantantibus, Saul percussit mille, & David decem millia, Saul inuidia motus, quia minus dederant sibi, persecutus est David. *1. Reg. 18.*

Discordia fiunt aliquando ex auaritia. Nam propter multam substantiam quam habebat Abraham & Loth, facta est discordia & rixa inter eorum Pastores, *Genes. 13.* Quia Iacob decipit Esau in hereditate & benedictione paterna facta est discordia inter eos. *Genes. 27.* Propter auaritiam & tenacitatem Nabal facta est discordia cum Dauide, sed per liberalitatem Abigail vxoris fuit sapienter sedata. *Regum 1. cap. 25.*

Discordia oriuntur multoties ex superbia & ambitione. Hinc orta est discordia inter Absalon & David. *2. Reg. 15.* Propter superbiam, & duram Responsonem quam Roboam fecit populo, diuisum est eius Regnum. *3. Reg. 12.* Contentio inter discipulos facta est, quis eorum esset maior, quae per humilitatem sedata fuit. *Luc. 22.*

Discordia sunt frequenter propter mulieres, & luxuriam. Occasione Dinæ quam Sichem oppressit, facta est discordia, & secuta sunt homicidia, *Genes. 33.* Quia Thamar violata est ab Amon fratres eius, facta est discordia inter fratres, ex qua frater iussit interfici fratrem. *2. Reg. 12. & 13.* Propter vxorem Sampsonis alteri traditam dissensio facta est cum Philistaeis *Iudicum 15.*

Discordia oriuntur aliquando ex vitio gulae. Sicut accidit de filij Israel: qui iurgati sunt contra Moysen ductorem eorum, propter defectum cibi & potus. *Exodi 16. & 17.* Iterum filij Israel recusantes manna cibum celestem, rixa-

rixati sunt contra Moysen petentes carnes .
Numer. 21.

Discordes & rixantes debent Prælati & Maiores corrigere : Sicut Moyses corripuit rixantes Hebræos contra inuicem *Exodi 2.* Mulieres rixantes propter infantem viuum, Salomon cum vera iustitia prudenter sedauit, *1. Reg. 3.* Contentionem discipulorum, quis esset maior, Christus sedauit, de sua humilitate exemplum præbens, *Luc. 22.*

Sicut inflando, ex Scintilla vnica excitatur incendium, ita ex modica rixa magnæ discordiæ oriuntur. *Nazian.*

Sicut Mare, quod ex se tranquillum est, ventorum viagitari & turbari videmus, sic populus in pace tranquillus, turbulentorum hominum vocibus concitari solet.

Quemadmodum singula Hastilia seorsim separata facile franguntur, coniuncta verò frangi nequeunt, sic ciues inter se dissidentes facile superantur, concordēs verò insuperabiles manent, *Plutarchus.* Vide *Pax, Concordia.*

VIDE EX BREVIARIO. Contentiones aboleantur à Christianis. Dom. 1. Epiph. n. 1. & scissura. Fer. 5. Maij. hebdom. Bellum trahit ex malis concupiscentijs originem. Fer. Dom. 4. Pasch. Malum pridem vsitatum. Dom. Quinquag. fer. 3. 1. 2. Com. plur. Mart. n. 3. 1. 1. Non à quouis geri debet aut potest. Dom. 2. Octob. fer. 4. Deus per hoc maxime punit peccata. Dom. 5. Nouemb. n. 1. & fer. 3. ibid. propterea dicitur vocare fortes in ira sua. Dom. 2. Adu. fer. 2. 1. 1. In hoc plerumque nulli paritur. Ibid. fer. 6. sed omnia vastantur. Dom. 5. Nouemb. n. 1. & Dom. 4. fer. 3. etiam Tempia. Dom. 1. Octob. Sabb. 1. 2. Exactiones insuper extorquentur. Dom. 2. Adu. fer. 3. 1. 2. Ante eius congressum, auxilium à Deo (magna cum fiducia) petendum. Dominie. 2. Octob. Sabb. 1. 2. 1. 4. Septemb. n. 2. qui iuste bellantes protegit. Dom. 5. Octob. fer. 6. 1. 1. Bellum tunc iustum, quando pro gloria Dei suscipitur. Dom. 1. Octob. Sabb. 1. 3. quamuis etiam ex alijs motiuis geri possit. Domin. 3. Octob. n. 2. Quamdiu durat bellum? donec placuerint viæ hominum Domino. Domin. 1. August. Sabb. 1. 2.

Sententia selecta de Discordia.

Homo peruersus suscitatur rixas, & verbosus separat Principes. *Prou. 6.*

Qui prouocat iras producit discordias.

Noli esse sicut leo in domo tua, euerrens domesticos tuos, & opprimens subiectos tibi. *Ecclesi. 4.*

Omne regnum in se diuisum desolabitur : Et

omnis ciuitas, vel domus diuisa contra se non stabit. *Matth. 12. & Luc. 11.*

Non est dissentionis Deus sed pacis. *1. Corinth. 14.*

Si inuicem mordetis, & commedetis, videte, ne ab inuicem consumamini. *Gal. 5.*

PATRES. Dissentiones nunquam debent amari. *Augustinus.*

Discordia nemo benedicit Dominum. *Augustinus.*

Peruersos ipsos vnitas corroborat dum concordant, & tanto magis incorrigibiles quanto magis vnanimis fecit. *Gregor.*

PHILOS. POETÆ. En quo discordia ciues perduxit miseros? en quibus conseruimus agros. *Virg. eclog. 1.*

Discordia demens.

Intrauit cælos superosque ab bella coegit. *Virgilius.*

Si cupias pacem, linguam compesce loquacem. *Stanturius.*

Concordia res parua crescent, discordia res maximæ dilabuntur. *Salustius.*

DVRITIA CORDIS.

Duri & obstinati in malo per verba, & predicationes non emolliuntur: Sunt enim sicut duri lapides, super quos si cadet aqua interius non molescunt. Sic Heli filios verbo corripuit, sed non profuit, idēque interierunt, vt habetur. *1. Reg. 2.* Nabal fuit ita durus, vt ad dulcia verba nuntiorum Dauid flecti non potuerit. *1. Reg. 25.* Iudas ita fuit durus, vt osculo Christi emolliiri non potuerit in Euang.

Duri manens obstinati quantumcunque viderint signa & miracula fieri. Sic induratum fuit cor Pharaonis, qui ad nulla signa quæ Moyses de mandato Domini faciebat, emolliebatur ad credendum Domino. *Exodi 6. 18. & 19.* Iudæi qui apprehenderunt Iesum fuerunt durissimi, qui neque per sanationem auriculæ, neque per alia signa moti fuerunt. *Luce 22. Ioann. 18.*

Duri & obstinati non solum non quiescunt, sed etiam si reprehenduntur peiores fiunt. Sic tam durus fuit Cain correptus admonitione Domini, vt fratrem occiderit, *Genes. 4.* Obstinati Iudæi Zacharia increpante & admonente, cum crudeliter occiderunt, *2. Paralip. 24.* Stephanum increpantem Iudæos de eorum duritia, ipsi eum impiè lapidauerunt, *Act. 7.* Vide *Auaritia*, & è contra *Poenitentia, Obedientia, Libertas.*

VIDE EX BREVIARIO. Obstinatio vitium est maximè Iudæorum. Feste. Epiph. n. 3.

C 2 Eius

Eius causa etiam in alijs est neglectus Verbi Dei, Dom. 3. Pentec. n. 2. l. 3. *& inspiratione interna*. Dom. 3. Sep. Sabb. l. 3.

Vide supra *Auaritia*, *Poenitentia*, *Obedientia*, &c. cum Sententijs selectis.

E.

EBRIETAS.

Ebrietas & gula in tentatione obtinent primum locum. Prima tentatio filiorum Israel fuit de potu, secunda de cibo, *Exodi* 17. & 18. Volens diabolus Salvatorem tentare, prius ipsum gula, quam alio vitio agressus est, *Martinho* 4.

Ebrietas vitium luxuria nutrit. Hinc est quod Loth qui in Sodomis bonus fuit, inebriatus cum proprijs filiabus peccavit, & duplicem incestum commisit *Genesis* 19. Sicut enim pingua facilius flammam concipiunt, ita ebrijs flammam libidinis.

Ebrietas hominem dementat. Nam Noe qui erat vir perfectus, inebriatus sic dementatus est, ut sine verecundia denudatus iaceret; *Genesis* 9. Fatuus & demens factus est Esau, qui propter lentis edulium vendidit primogenituram fratri suo, *Genesis* 25. Propter vefaniam in epulis diues Epulo in siti & flammis cruciatur, *Luca* 16.

Crapula vitium in Clericis & religiosis est maxime detestabile. Idem dixit Dominus ad Aaron; Vinum & omne quod inebriat non bibetis tu & filij tui, quando intrabitis tabernaculum. *Leuit.* 10. *Numer.* 16.

Crapula & ebrietas multoties causa vel occasio est mortis. Vnde Philistaeis epulantibus & letantibus domus occidit super eos *Iudic.* 16. Amon in conuiuium temulentus, fuit ab Absalone occisus, 2. *Reg.* 13. Comedit Ionathas modicum mellis contra praecceptum patris, & fuit condemnatus ad mortem; sed populus ipsum liberavit. 1. *Reg.* 14. Benedab Rex Syriae temulentus per Principum prouinciarum pueros ad mortem fugatus est, 3. *Regum* 20. Filijs Iob vefcentibus & bibentibus vinum, domus cecidit, & eos oppressit, *Iob.* 1. Propter ebrietatem Holofernis Iudith habuit opportunitatem eum occidendi, *Iudith.* 12. Reuersus Aman à conuiuium letus, statim fuit cum duabus filiabus & cum decem filijs occisus, *Hester.* 9. Fecit Ptolemæus conuiuium Simoni, & eum cum duobus filijs interfecit. 1. *Machab.* ult. In conuiuium natalis Herodis innocens Baptista propter veritatem impiè decollatus fuit, ut habetur. *Marc.* 6. *Matt.* 14.

En quibus S. Chrysostomus comparat ebrios: Homo, inquit, ebrius est mortuus animatus, dæmon voluntarius, morbus veniam non habens, ruina excusatione carens, commune generis nostri opprobrium. *Homil.* 1. ad pop. *Antioch.*

Ebrius similis est Anseri, qui amat semper os in liquido habere, clamare, & otiari; sed sicut Anser in fine deplumatur, & ad ignem affatur, ita ebrius tandem omnibus bonis deplumatur à creditoribus, & postea in inferno affatur à dæmonibus.

Ebrijs sunt sicut paludes, in quibus tantum generantur ranæ, & serpentes, & noxia animalia, ita & in ebrijs otium, & luxuria, & insania, & omnia vitiorum genera aluntur.

VIDE EX BRVVIARIO. Ebrietas, *huic acclamatur va!* Dom. 3. Adu. fer. 2. *Eius varia mala.* Dom. 1. Adu. n. 2. Dom. 4. Sep. n. 2. Dom. Sexag. fer. 5. l. 2. Dom. 4. Sep. n. 2. *Pessimum est, quod etiam Regno Dei priuet.* Dom. 1. Epiph. fer. 4. *hinc Propheta praedicat, quod ebrijs ululabunt.* Dom. 3. Nouemb. fer. 3. *Cauenda ergo, maxime Ecclesiasticis.* Dom. 1. Adu. n. 2. *& detestanda,* Dom. 1. Pentec. fer. 3. *utique cum diabolus illa detestetur.* Dom. 3. Nou. n. 1. 3. *& legem diuinam per ieiunium acceptam Moyses, castrauerit.* Dom. 4. Quadr. n. 2. *non cogendum ad potum.* 5. Sept. n. 1. l. 3. Vide *Gula*.

Sententia selecta &c. de Ebrietate.

Sicut ignis probat ferrum durum, sic vinum corda arguet in ebrietate potatum. *Ecclesiast.* 3.

Non in comestationibus & in ebrietatibus, non in cubilibus, & impudicijs, sed induimini Iesum Christum. *Apost. ad Rom.* 15.

Neque ebrijs, neque maledici, regnum Dei possidebunt. 1. *Corinth.* 6.

Regnum Dei non est esca aut potus, sed pax & gaudium in Spiritu Sancto. *Ibidem.*

Fornicatio, & vinum, & ebrietas, auferunt cor. *Ioseph.* 4.

Nolite inebriare vino in quo est luxuria, ad *Thesal.* 5.

Operarius ebriosus non locupletabitur. *Ecclesiast.* 19.

Nullum secretum est ubi regnat ebrietas. *Proverb.* 31.

PATRES. Ebrietas est flagitiorum omnium mater, culparum materia, radix criminum, origo vitiorum, turbatio capitis, subuersio sensus, tempestas linguae, procella corporis, naufragium castitatis, amissio temporis, infania voluntaria, ignominiosus languor, turpitu-
mo-

morum, dedecus vitæ, animæ corruptela. *August. ad sacras Virgine.*

Vinum potatum moderatè, est medicamentum, plus iusto sumptum venenum esse cognoscitur. *August.*

Valde turpe est, vt quem non vincit homo, vincat libido, & obruatur vino qui non vincitur ferro. *Idem.*

Ebrietas est blandus dæmon, dulce venenum, suauem peccatum. *Idem.*

Ebriosus quem absorbet vinum, absorbetur à vino, abominatur à Deo, despicitur ab Angelis, deridetur ab hominibus, destituitur à virtutibus, confunditur à dæmonibus, conculcatur ab hominibus. *Idem lib. de penitent.*

Noë ad vnius horæ ebrietatem nudauit femora sua, quæ per sexcentos annos contexerat. *Hieronymus.*

Vbicumque saturitas & ebrietas ibi libido dominatur. *Hieron. Epist. ad Tit.*

Ebrietas in laico crimen est, in sacerdote sacrilegium: quia alter animam suam necat vino, alter spiritum sanctitatis extinguit. *Petrus Rauennas.*

PHILOS. ET POETÆ. Ebrius atque satius, nunquam bene philosophatur.

Multum merum pauca cogit sapere. *Menander.*

Sine Cerere & Baccho friget Venus. *Terentius.*

Multos cæcus amor cogit secreta fateri, Arcanum demens detegit ebrietas. *Ouid.*

Ebrio nemo secretum sermonem committat. *Seneca.*

Refertur Alexandri Macedonis exemplum, qui Clitum charissimum sibi ac fidelissimum inter epulas transfodit, & intellecto facinore mori voluit. *Seneca.*

Absentem lædit qui cum ebrio litigat. *Idem:* quia ebrius sibi præfens non est.

ECCLÉSIA.

Ecclésiæ cum sollicitudine & seruire debet à fidelibus edificari. Idèd feruentior fuit Salomon in ædificatione templi, quam domus suæ; quia templum in septem annis, domum verò in duodecim perfecit, 3. Reg. 3. Magnam curam habuit Dominus de ædificatione Ecclesiæ, quando præcepit Cyro vt ædificaret ei domum in Hierusalem, quod prius prædixerat per Esaiam, *Esaiæ 2. & Esd. 3.*

Ecclesiæ edificata debet solemniter, cum & gaudio consecrari. Idèd magnam solemnitatem fecit Salomon in dedicatione templi, 3. Reg. 8.

Ecclesiæ debet homo intrare mundus à peccato.

In cuius figura dixit Dominus Moyse; facies labrum æneum ad lauandum, & missa aqua lauabant Aaron & filij eius manus suas & pedes cum ingressuri erunt tabernaculum. Per manus signantur operationes, per pedes affectiones, *Exod. 30.* Non licebat nisi paucis & mundis intrare templum & tangere vasa eius, *Numer. 4.* Sæpè mundauit Dominus templum eiiciens vendentes, & ementes, & mensas, & boues, & columbas, quæ templum reddebant immundum. *Matth. 21. Luca 19.*

Instruendi sunt tam pueri quam prouecti, vt Ecclesiæ viscent. Exemplo Christi, qui die 40. à natiuitate voluit ad templum deferri: & quodennis in templo in medio Doctorem, fuit à Matre inuentus, *Luca 2.* Petrus & Ioannes ascenderunt in templum ad horam orationis nonam; & tunc claudum Petrus sanauit, *Act. 3.* Eunuchus Candacis Reginæ Æthiopium veniebat in Hierusalem ad visitandum templum, *Act. 8.* Vide infra, *Fides.*

Quam firmiter oporteat credere veræ Ecclesiæ, vide exempla in *Catechesi* infra de Symbolo cap. 1.

ARGUMENTA octo pro Ecclesia Romana, & contra Sectarios &c. vide supra in *Controuersia* Tom. 1. cap. 3. &c.

VIDE EX BREVIARIO. Ecclesiæ Columna & firmamentum veritatis. Dom. 5. Epiphan. fer. 2. 1. 3. Sanctorum varietate ornatur. 1. Nouembr. num. 2. habetque status diuersos. Dom. 6. Epiphan. n. 3. 1. 3. Comparatur Sagena. Dom. 5. Epiphan. n. 3. 1. 3. Vine. Dom. Sept. n. 3. Lucæ Octau. Ascens. num. 3. Ipsi B. Virgini Sabb. ante Pentec. n. 3. Coruis Dom. 9. num. 2. 1. 3. Regno Dei. Dom. 19. n. 3. & Comm. Virg. n. 3. Pusillo gregi 2. Com. non Pontif. num. 3. Decem Virginibus. Communi Virg. Agno. Comm. Virg. N. 2. Fundamentum eius est Petra 18. Ian. num. 3. 1. 2. licet prematur non opprimitur. Sabb. infra Dominic. Quinquag. potius augetur. 1. Iul. n. 2. 1. 1. Cura eius Petro commissa. Dom. 2. Pasch. n. 2. supra quem edificata. 18. Ian. N. 3. Romana omnium Ecclesiarum primatum tenet. 16. Ian. N. 2. 1. 3. Cuius Episcopus vniuersalis etiam Ecclesiæ Episcopus 12. Mart. n. 2. 1. 2. Dedicatio Ecclesiarum iam olim consueta. Dom. 2. Octob. fer. 2. eius origo, modus, & tempus celebrand. Octau. Dedic. n. 2. Dedicatio templi materialis, est figura spiritualis in nobis. Commune Dedic. N. 2. & fer. 6. num. 2. Templum principaliter ad Dei honorem (in quibus singulariter habitare vult. Dom. 8. Pentec. n. 1.) construuntur die 6. Dedic. num. 2. 1. 3. & ad Verbum Dei prædicandum, Sacramenta administranda, Missamque celebrandum. 2. Aug. Consecratio eorum 9. Nouemb. num. 2. & 18. n. 2. 1. 2.

G 3 item

item eorundem Dedicatio. 5. Aug. n.2. 1.3. Vide ſupra hic. *Templa edificare Deo gratum.* Dom.7. Sabb. 1.3. Dom.5. Nouemb. fer.5. 1.2. Aug. n.2. atque laudabile. die 6. Dedic. n.2. *quantiſ propter peccata populi eadem deinde DEV S abominetur.* Dom.8. n.1. 1.2. *Templa etiam Angeli edificarunt.* 8. Maij n.2. 1.3. 2.3. Nouemb. n.2. 1.3. poſſunt etiam ex adibus profanis fieri. 6. Ian. n.2. 1.2. *Frequentanda.* Dom.2. Pentec. fer.2. & negligentes puniendi. Dom.5. Nouemb. fer.5. 1.2. *Veneranda propter SS. Reliquias.* 18. Nouemb. n.2. die 6. Dedic. n.2. 1.3. *ſecularia in hiſ non tractanda.* Dom.1. Quadr. fer.2. *Augenda muneribus & donis.* 8. Octob. n.3. 1.3. 18. Nouemb. n.2. 1.3. *Spoliatores eorum non erunt impunes.* Dom.4. Octob. fer.4. *Deſtructa reſtauranda.* Dom.2. Octob. nu.1. *Prophgnata reconcilianda.* 27. Maij lect.2.

Sententia ſacrę &c. de Eccleſia.

EGo dico tibi, quia tu es Petrus & ſuper hanc Petram ædificabo Eccleſiam meam. *Matth.26.*

Fundamentum (Eccleſiæ) aliud nemo poteſt ponere, præter id quod poſitum eſt, quod eſt Chriſtus Ieſus 1. *Corinth.3.*

Hæc tibi ſcribo, fili, vt ſcias quomodo oporteat te in domo Dei conuerſari, quæ eſt Eccleſia &c. *Tim.3.*

Eccleſia columna eſt & firmamentum veritatis. *Paulus Apoſt.*

PATRES Adhuc habet Eccleſia, quo creſcat, donec impleatur, dominabitur a mari uſque ad mare. *Auguſt. ſuper Matth.*

Eccleſia velut Lilium inter ſpinas, malis & bonis eſt permiſſa. *Idem Auguſt.*

Hoc habet proprium Eccleſia, dum perſequitur floret, dum opprimitur creſcit, dum contemnitur proficit; dum læditur vincit; dum arguitur intelligit; tunc ſtat quum ſuperari videtur. *S. Hilarius.*

Sancta Eccleſia conſiſtit vnitate fidelium, ſicut corpus vnitate membrorum. *Gregorius.*

Proditorum ſe eſſe nouerit, quicumque eſt ille qui vitia quælibet in hanc domum conatur inducere, & templum Dei ſpeluncam vult facere dæmonum. *Bernardus.*

Sponſa, id eſt, Eccleſia Chriſti nihil ſibi glorioſius putat, quam Chriſti portare opprobrium. *Bernardus.*

EXHORTATIO.

Exhortatio retrahit à peccato. Sicut exhortatio Abigail Dauidem à peccato homicidij re-

trahit, 3. *Reg.25.* Quamdiu viuunt Sacerdos Ioſiada, tamdiu Ioſas probus fuit, ſed eo mortuo factus eſt peſſimus, 4. *Reg.12.* Ad exhortationem Neemiæ Uſurarij reddiderunt uſuras, & ulterius non acceperunt, *Neem.5.* Baptiſta exhortante populum, multi baptizabantur conſiſtentes peccata ſua, *Matth.3.*

Exhortatio boni confortat in tribulatione. Ideo Tobias adibat omnes in captiuitate poſitos exhortante eos, vt habetur *Tobia.1.* Tribulato Iob venerunt amici eius ad confortandum eum. *Iob.2.* Primum ſeptem fratrum Machabæorum, cum in ſartagine torqueretur, cæteri cum matre hortabantur, vt pro lege fortiter moreretur vt habetur 2. *Machabæorum.7.*

Exhortatio bona parentum filios facit probos. Sicut parentes vxoris Tobię monuerunt eam honorare ſoceros, maritum diligere, & gubernare domum, ſe ipſam irreprehenſibilem exhibere, *Tobia.18.* Moriturus Mathathias filios efficaciſter hortatus eſt ad agendum viriliter pro lege Domini, quod ipſi optime ſeruauerunt 1. *Mach.2.*

Vide infra, *Filiorum educatio.*

Exhortatio bona excitat alios ad virtutem. Sicut Iudith ſua exhortatione, animauit ciues Bethulię ad viriliter reſiſtendum Holoferni, & placandum Deum, *Iudith.8.* Iudas Machabæus hortabatur & armabat populum ſermonibus bonis, 1. *Machab.3.* & 4. & 2. 8. 10. Paulus & Barnabas hortabantur fratres & animabant vt permanerent in fide, *Actuum.14.*

Exhortationes Dei nomine debent Prædicatores libere & libenter præſtare. Propterea dixit Dominus, *Eſ.1.* Clama ne ceſſes, quaſi turba exalta vocem tuam, & annuntia populo meo ſcelera eorum, & domui Iacob peccata eorum.

Ioannes Baptiſta prædicando monuit Herodem de inceſſu, & Chriſtus Iudæos de incredulitate, etiamſi ideò ſe morituros præuide-

Exhortatione opportuna peccatores & infideles ad Deum conuertuntur. Sicut prædicatio Ionæ conuertit Niniuitas, qui propter peccata ſubuerſi debebant, *Ionæ.3.* Petrus in Pentecoſte ſic prædicauit vt circiter tria millia hominum conuerterit ad fidem, *Act.2.* Iterum ad prædicationem Petri tot crediderunt, vt factus ſit numerus credentium quinque millia, *Act.4.* Prædicantibus Paulo & Barnaba Iconijs crediderunt multi Iudæi, & Græci, *Act.14.*

VIDE EX BREVIARIO. Prædicatio Verbi Dei præmittenda, vt ſequatur Chriſtus. Commune Euang. n.3. 1.2. *Prædicatores Verbi Dei debent magna libertate id facere* 30. Sept. n.3. 1.2. 14. Octob. n.3. 1.2. *Charitate tamen bene ſe munire* de

debet, Commun. Euang. N. 3. l. 2. *in dicta bono exemplo confirmare* fer. 3. 12. Mart. N. 3. l. 2.

Vide supra, *Consilium bonum, Corruptio &c.* cum Sententijs selectis.

E V C H A R I S T I A.

IN hoc Sacramento verè Deus *memoriam fecit mirabilium suorum*. Res mira, solo Dei verbo Caeli formati sunt, magis mirum Christum solo verbo è caelo in terras adduci. Solo verbo dixit Deus, *Fiat lux*, & facta est lux; *fiat firmamentum*, & factum est firmamentum: Solo verbo iussit Iosue solem stare & stetit. Sed magis mirandum Christum filium Dei, Solem iustitiae, caeli terraeque Dominum, solo verbo, *Hoc est corpus meum*, è caelo descendere, sub panis & vini speciebus collocari, & hominibus in alimentum praeberi.

Mysterium huius Sacramenti varijs Figuris in Scriptura adumbratur, & explicatur, *Exodi* 12. Deus iubet offerri & manducari *Agnem Paschalem*, in Eucharistia manducatur Agnus Dei, qui tollit peccata mundi.

Exodi 16. Deus in deserto filios Israel pavit *manna caelesti* per 40. annos, Deus in deserto huius vitae pascit Christianos Sacra Eucharistia, ut non deficiant in via patriae caelestis, & in alimentum vitae aeternae, ut aperte dicitur *Ioannis* 6. *Non sicut manducauerunt Patres vestri manna in deserto & mortui sunt, qui manducat hunc panem vivet in aeternum.*

Exodi 40. Offerebatur Domino *Panis propositionis*, qui solum à puris & sanctificatis sumi poterat, ita ad hoc Sacramentum nemo debet nisi purus accedere, alias ut ait *Apostolus*. *Iudicium sibi manducat & bibit non dijudicans Corpus Domini.*

Genesis 14. Melchisedech in gratiarum actionem pro victoria per Abrahamum obtemperat, *Obtulit panem & vinum, erat enim Sacerdos Dei altissimi*; sic panis Eucharisticus offerretur Deo in Sacrificium pro victoria obtemperat vel obtinenda contra carnem, mundum, & demonem.

Ad Communionem Eucharistiae accedens debet prius *fontes peccatorum* per poenitentiam aut Confessionem abluere. Sic enim Christus ante institutionem Eucharistiae discipulorum *pedes lavit*, *Ioan.* 13. Et *Apostolus* monet *1. ad Corinth.* 11. v. 27. *Probet autem seipsum homo &c. sic de pane illo edat & de calice bibat*, id est, examinet se an sit dignus tanto Sacramento. Narratur *Matth.* 27. Ioseph ab Arimathia acceptum Christi iam defuncti corpus involuisse in syndone munda, & collocasse in monumento novo, quanto magis oportet Christi viventis cor-

pus in animam mundam suscipere, & cum novo affectu charitatis.

Huius Sacramenti institutio, fructus, & effectus tribus potissimum locis in Scriptura exprimentur. *Ioan.* 6. v. 48. *Ego sum panis vitae &c.* *Matth.* 26. v. 17. de ultima cena. Et *1. ad Corinth.* 11. ubi exponitur institutio, & dispositio requisita ad Eucharistiam.

De hoc Sacramento contra Hæreticos vide tradita in *Controversijs Tom. 1. part. 2. cap. 3. de Eucharistia.*

Varia Exempla vide infra in Catechesi cap. 4. de Eucharistia & Sacrificio Missae.

VIDE EX BREVIARIO. Eucharistia est *Sacramentum Corporis & Sanguinis Christi*, fest. Corp. Christi n. 1. & fer. 3. infra Octau. n. 2. l. 1. & 3. Maij l. 2. & 2. August. & Octau. eiusdem Corp. Christi n. 2. *Illo nihil pretiosius*. Fest. eiusdem n. 2. *nihil mirabilius*. Ibidem *nihil salubrius*. Ibidem l. 2. *Miraculorum omnium maximum*, ibidem. *De hac nihil carnale sapiendum*, fer. 6. eiusdem n. 3. l. 2. & fer. 2. infra Dom. eiusdem n. 2. *Conficitur verbis Christi*, fer. 2. ibidem n. 2. l. 1. & fer. 4. ibidem n. 2. *sub una specie exhibitum*. 7. Decemb. n. 2. l. 3. 2. August. l. 2. *Cuius frequentatio capit non longe post Pentecosten*. Fer. 6. infra Corp. Christi n. 2. l. 2. *sumenda ab omnibus*, 22. April. n. 2. *sed Baptizatis*, 3. Maij n. 3. l. 1. *à morituris*, 7. Decemb. n. 3. 27. Ian. n. 2. l. 3. *sed non nisi à bene dispositis*, fest. Corp. Christi n. 1. l. 3. & mundis, ibidem n. 3. l. 2. 12. Aug. n. 3. *Exhortatio ad Communicaturos*, Dominic. infra Octau. Corp. Christi n. 2. l. 2. & fer. 2. ibidem n. 2. *lecti. Pœna indignè communicantium non parva*, ibidem l. 2. *Communio unit nos Christo*. Sabb. infra Oct. Corp. Christi n. 2. & fer. 4. eiusdem n. 3. l. 2. & Octau. n. 2. & 3. *etiam corporaliter Vitam conservat* 30. April. n. 2. l. 1. *morbos pellit, & amentemque membrorum nostrorum legem sedat*, Octau. Corp. Christi n. 3. l. 3. *hostesque corporales fugat*, 12. August. n. 3. l. 3. *Reuerentiam illi exhibendam Angeli docent*, Dominic. infra Corp. Christi n. 2. l. 2.

Sententia sacra de Eucharistia.

FIGURÆ EUCARISTIAE. Panem de caelo præstitisti illis sine labore, omne delectamentum in se habentem, & omnis saporis suavitatem. *Sap.* 16.

Manna tuum non prohibuisti ab ore eorum. *Neb.* 9.

Anima polluta, quæ ederit de carnibus hostiarum pacificorum, quæ oblata est Domino, peribit de populis. *Leu.* 7.

Leprosus, aut patiens fluxum seminis, non

vescetur de his quæ sanctificata sunt mihi donec sanetur, *Leu. 22.*

PATRES. Accipe quotidie, quod quotidie tibi profit, sic viue vt quotidie merearis accipere, *Augusti.*

De totius mundi operibus legisti, quia ipse dixit, & facta sunt, ipse mandauit & creata sunt. Sermo igitur Christi qui potuit ex nihilo facere, quod non erat: non potest ea quæ sunt, mutare in illud quod non sunt? Non enim minus est nouas rebus dare formas, quam mutare naturas. *Ambrosi.*

Liquet, quod præter naturæ ordinem Virgo generauit, & hoc quod conficimus corpus ex Virgine est: Quid quæris naturæ ordinem in Christi corpore, cum præter naturam sit ipse partus ex Virgine. *Ambrosi. ibid.*

Qui vulnus habet medicinam requirit, vulnus est, quia sub peccato fumus: medicina est cæleste & venerabile Sacramentum. *Idem ibid.*

Christus tangi potest, sed affectu, non manu, voto non oculo, fide non sensibus: tanges manu fidei, desiderij digito, deuotionis amplexi, oculo mentis, *Bernardus.*

F.

FIDES IN DEVM, FIDV CIA.

Fidem magnam habentes in Scripturis frequentissime commendantur. Credidit Abraham Deo, & reputatum est ei ad iustitiam, *Genes. 15.* Moysen ex magna fide commendat Apostolus: Fides Moyses magnus effectus est, *ad Hebr. 11.* Mariam Virginem ob magnam fidem commendat Elizabeth, dicens: Beata es, quæ credidisti, quoniam perficientur ea quæ dicta sunt tibi à Domino, *Luc. 1.* Commendat Saluator fidem Centurionis, dicens, non inueni tantam fidem in Israel, *Matth. 8.* Credentes Dominus dicit Beatos, Beati qui non viderunt & crediderunt, *Ioan. 20.*

Fides aliquando acquiritur ex miraculis. Idem postquam filij Israel transierunt mare rubrum miraculose diuisum, & viderunt Pharaonem submersum, timuerunt Deum, & crediderunt Deo, *Exodi 14.* Magi videntes Stellam in Natiuitate Christi miraculose refulgentem, nouam in Christum fidem receperunt, firmiter credentes ipsum esse Deum, *Matth. 2.* Viso miraculo de claudo sanato per Petrum & Ioannem factus est numerus credentium quinque millia, *Act. 4.*

Fidei attribuitur victoria: Sancti per fidem vicerunt regna, *Heb. 11.* Hæc est victoria quæ vin-

cit mundum fide nostra. Idem dixit Ionathas cum magna fide armigero suo, non est Deo difficile saluare in multis vel paucis qui postea victoriam obtinuit, *1. Reg. 14.* Cum magna fide dixit Dauid ad Goliath: Tu venis ad me cum gladio, hasta, & clypeo: Ego autem ad te venio in nomine Domini; & sic de eo triumphauit, *1. Reg. 18.* Magna fide dixit Aza: Domine non est apud te vlla distantia vtrum in paucis auxiliaris, an in pluribus, & bellando victoriam habuit, *2. Paralip. 14.* Iudas Machabæus idem dicens, de hostibus triumphauit, *1. Machab. 3.*

Fides sepius operatur miracula. Idem Christus dixit, si habueritis tantam fidem, sicut granum sinapis, & dixeritis huic monti tolle & mitte te in mare, fiet ei, *Matth. 21. Marc. 11.* Signa autem eos qui in me credent, hæc sequentur, in Nomine meo dæmonia eicient &c. *Marc. 16.*

Fides sepe confert salutem animæ & corporis. Idem mulier patiens fluxū sanguinis ait intra se: Si tetigero fimbriam vestimenti eius salua ero, & sanata est, *Matth. 9.* Magna fuit Magdalene fides, propter quam dixit ei Christus, Fides tua te saluam fecit, *Luc. 7.*

Ex fide sanauit Christus cæcum dicens, respice, fides tua te saluum fecit. Beneficia ex fide accepta enarrat Apostolus plurimis Patrum exemplis, *ad Heb. 11.*

Fidem modicam habentes à Deo nihil reprehenduntur, & puniuntur. Idem Zacharia verbis Angelī fidem non adhibente, eum taciturnitate percussit, dicens, Non poteris loqui quousque hæc fient, pro eo quod non credidisti, *Luc. 20.* Reprehendit Saluator Petrum, dicens, Modicæ fidei quare dubitasti, *Matth. 14.* Thomam etiam non credentem Dominus arguit, dicens: Noli esse incredulus sed fidelis, *Ioan. 20.*

Homo confidens in Domino comparatur in Scriptura, *Jerem. 17.* cum arbore plantata iuxta aquas, quæ immittit radices suas, & non timebit, cum venerit æstus, scilicet tentationum aut iniuriarum, quia spes illius in Domino firmissimè radicata est.

Sicut spes futuri emolumenti omnes Artifices alit, & ad labores animat, ita ad arduum virtutis studium excitare debet spes gloriæ & regni æterni.

Sicut Nautæ in grauibz procellis iacta anchora nauim securam & tranquillam faciunt, sic spes & fiducia in Deo debet esse anchora qua homo Christianus in omni periculo intrepidus efficitur.

ARGVMENTA & Sententias pro vna Fide erga Deum, & in veram vnicamque Christi Ecclesiam &c. vide *Tom. I. in Controuers. c. 1. 2. 3.*
Exem-

Exempla plura de Fide, vide infra in Cathedra cap. 1.

VIDE EX BERVARIO. Non cuius spiritus credendum. Dom. infra Ascens. fer. 3. Fides in miraculis olim probata. Dom. 8. Sabb. etiam bonis miris Dei operibus. Dom. in Alb. n. 3. l. 2. & signis. Sabb. infra Ascens. post Octau. n. 3. probatur etiam per fidelium patientiam. Dominic. 4. Pasch. num. 1. Fides si non sit fides. Dom. 5. Epiph. l. 2. n. 1. reputabitur ad iustitiam. Felt. Circumcis. n. 1. l. 2. sine operibus nulla est, fer. 2. Pentec. adeoque mortua. Dom. 4. Pasch. fer. 4. ad fidem vera opera requiruntur. Domin. 5. Epiph. fer. 6. l. 3. & fer. 6. infra Ascens. n. 1. l. 3. 8. August. n. 3. l. 2. credit, qui moribus non contradicit, Sabb. infra Ascens. n. 2. 8. Aug. n. 3. l. 2. sed operando exercet, 21. Decemb. n. 3. l. 3. Vere fidei effectus illuminare sicut lucerna, 11. Nouemb. n. 3. montes transerre, 17. eiusdem n. 3. l. 2. Vitam dare. Dom. 3. Epiph. fer. 2. sine fide impossibile est placare Deo. Dom. 4. Epiph. fer. 6. l. 2. per eam cognoscitur à Deo, Commun. Euang. n. 2. quam qui non habet, est in regno diaboli, Dom. 3. Quad. n. 3. l. 3. propter quam Martyres tanta passi sunt. Sabb. infra Ascens. n. 2. l. 1.

FILIORVM EDUCATIO.

Filij instruendi sunt, & erudiendi in Lege Domini. Præcepit Dominus filiis Israel, ut docerent filios magnalia quæ fecerat eis, ut eum magis honorarent, ut habetur Deut. 10. Sollicitus erat Iob de filiis suis, ne forte Deum offenderent, idè pro eis quotidie Sacrificium offerebat, Iob. 1. Mater septem fratrum strenuè instruebat eos, in his quæ fidem & Deum spectabant, 2. Machab. 7.

Filij corrigendi, & increpandi sunt de vitijs quæ committunt. Sic Iacob increpabat Ioseph filium suum reuelantem somnia, ne superbia & ambitione videretur Patri, Matri, & fratribus dominari. Genes. 33. Quia Heli malè corripuit filios suos ipsi cum eo grauiter sunt puniti, 1. Reg. 4. Adonias quia non fuit correptus à patre volens superbè regnare, fuit à fratre occisus, 3. Reg. 2.

Parentes debent filios, & filias bonis moribus instruere. Sicut David appropinquans ad mortem instruxit filium suum Salomonem de bono regni regimine, 1. Paralip. 28. & Reg. 2. Tobias optimis monitis instituit filium suum ab infantia, Tobias 1. & postea in iuuentute, Tobias 4. postea in morte, ut habetur Tobias ult. Parentes Saræ mouerunt eam in omnibus seipsam irreprehensibilem exhibere, Tobias 18. Quia Parentes Susannæ fuerunt iusti, & optimè eam

erudierunt, ipsa noluit adulterio consentire, Danielis.

Similes sunt pueri molli Cera, quibus parentes instar sigilli quamlibet formam, siue Angelis, siue dæmonis, imprimere possunt.

VIDE EX BREVIARIO. Filij, seu liberi à Deo aliquando impetrantur. Dom. 1. Pent. fer. 3. l. 2. 2. Apr. n. 2. 7. Maij n. 2. Filius sapiens lætificat Patrem; stultus contristat Matrem, Dom. 1. Aug. fer. 5. Com. Pont. n. 2. l. 1. non semper sequuntur suos, etiam sanctos parentes, fer. 6. Dom. 4. Adu. n. 3. Parentum monita audiant. Dom. 4. Aug. fer. 6. eos honorent, ibid. l. 2. atq; obediunt, Dom. Epiph. fer. 4. l. 2. Dom. 3. eiusd. Sabb. nec correctionem eorum spernant, Dom. 1. Aug. v. 1. l. 2. multo minus in contumelia eorum gloriantur. Dom. 4. Aug. fer. 4. l. 3. Liberorum seu filiorum copia, est plerumque signum benedictionis diuinæ. Psal. 127. fer. 4. vesp.

Sententia sacre de Fil. Educatione.

Confusio patris est filius indisciplinatus. Eccles. 22.

Læta filium & pauentem te faciet: lude cum eo, & contristabit te, Eccles. 30.

Non des filio potestatem in iuuentute, & ne despicias cogitationes illius, Eccles. 30.

Melius est vt filij te rogent, quam te respicere in manus filiorum tuorum, Idem c. 33.

Qui parcit virgæ odit filium suum, Sap.

Super filiam luxuriosam confirma custodiam ne quando faciat te in approbrium venire &c. Sap. 33.

Filius sapiens lætificat patrem, filius verò stultus mæstitia est matris suæ, & despicit eam. Prou. 10. & 15.

PHIL. POETÆ. Ætas parentum peior auis, tulit.

Nos nequiores, mox daturos

Progeniem vitiosorem. Horat.

Qui non assuescit virtuti, dum iuuenescit,

A vitijs nescit desistere, quando senescit.

Vt flos, vt ventus, transibit nostra iuuentus.

FORTITVDO.

Fortem & audacem reddit hominem puritas conscientie. Moyses purus & innocens audacter & constanter stetit coram Pharaone arguens eum. Exod. 5. Iudith quia puram & bonam intentionem habebat, Holofernem strenuè interfecit, Iudit. 12. & 13. Gedeon fortissimus in trecentis viris maximum populum viriliter superauit. Dixerat enim ei Angelus, Dominus tecum virorum fortissime, Iud. 6. Et post hoc in illa fortitudine liberauit Israel, Iud. 8.

Vnus

Vnus formidolosus dissipat, unus fortis roborat totum exercitum. Idem dicit Gedeon, qui formidolosus est, reuertatur. *Iud. 7.* David fortiter superauit leonem & vrsu in eremo, & Goliath, *1. Reg. 17.* Iudas Machabæus viriliter transiit Iordanem & irruit in hostes suos, *1. Machab. 5.* Eleazar, audacter irruit in elephantem, & occidit, licet videret se casu elephantis opprimendum, *1. Machab. 6.* Machabæus & socij more leonum irruentes in hostes occiderunt multitudinem inimicorum, *2. Machab. 11.*

Fortitudo perfectissima est tolerantia rerum aduersarum. Vnde teste Philosopho; fortitudo est considerata periculorum susceptio, & laborum perpelio. Tali fortitudine tolerauerunt fornacem 3. pueri dicentes Regi, Deus potest nos eripere de camino ignis, *Dan. 3.* Stephanus plenus gratia & fortitudine viriliter sustinuit lapides: & sic de alijs Martyribus.

Fortes comparantur altis & firmissimis Rupibus, quas nullæ maris procellæ, nullæ res aduersæ commouere valent. Item Turri munitissimæ, quæ nullis telorum ictibus expugnari potest.

VIDE EX BREVIARIO. Fortitudo quorundam insignis. Dom. 1. Octob. n. 2. quæ in aduersis maximè probatur, Dom. 3. ibidem n. 2. est clavis ad cælum, 2. Nouemb. numer. 2. l. 2. Martyrum magnanimitas in tormentis, & fortitudo; Non tantum viri, sed & femina, imò pueri teneræque Virgines, imperterriti vsque ad effusionem sanguinis decertarunt, Sabb. infra Ascens. n. 2. gratias egerunt, 14. Maij. l. 1. 18. Aug. n. 1. 3. hymnos decantarunt, 15. Iun. l. 2. & 18. eiusdem 9. Nouemb. n. 3. l. 3. luctores osculati pacem comprecantes, 25. Iul. n. 2. l. 3. velut ad epulas, 18. Iun. vel ad thalamum occurrerunt, Iun. n. 2. l. 3. tormentis a flores repuant. 11. Aug. n. 3. l. 3. bestias alliciunt, 1. Febr. n. 2. l. 2. tyrannis insulant. Dom. 5. Octob. fer. 2. 10. Aug. n. 2. simulacra conspuunt, 30. Aug. instrumenta salutant, 30. Nouemb. n. 2. l. 2. vtrò in tormenta ruunt, 9. Febr. 23. Sept. n. 3. l. 3. tormenta non censerunt, 17. Aug. n. 2. l. 2. spectaculum Angelis, & hominibus, Commun. Apost. n. 1. l. 2. Eorum miracula, & virtutes magicis artibus attribuit, 11. Aug. n. 3. l. 3. & eiusdem 19. Sept. n. 2. l. 2. 27. eiusd. n. 2. l. 2. Martyrium potius vitam dat, quam eripit, 22. eiusd. n. 3. l. 3. dum crescit pugna, crescit & pugnantium gloria, 1. Nouemb. n. 2. l. 1. non timore ei se iniiciendum, 2. Maij. n. 3. l. 3. Martyres crudelitate primum perterriti, sed dein animosiores effoeti, 26. April. n. 2. l. 2. & 18. 20. Ian. n. 2. l. 2.

Vide Constantia, Patientia, Perseuerantia.

Sententia selectæ &c. de Fortitudine.

EXpecta Dominum, viriliter age & confortetur cor tuum, & sustine Dominum. *Psal. 26.*

Fortitudo mea & laus mea Dominus. *Exodi 15.*

Deus Israel ipse dabit virtutem & fortitudinem plebi suæ. *Psal. 67.*

Omnia possum in eo qui me confortat. *Philipp. 4.*

Si Deus pro nobis quis contra nos? *ad Romanos 8.*

Melior est sapientia quam vires; & vir prudens quam fortis. *Sapientia. 6.*

PATRES. Hæc est vera fortitudo, quæ naturæ vsum, & sexus infirmitatem, mentis deuotione transgreditur. *August.*

Ille solus vir fortis debet iudicari, qui temperans est, moderatus, iustus. *Lactant.*

Fortitudo atque constantia via regia est, à qua declinat ad dexteram qui temerarius est & pertinax, ad sinistram qui formidolosus est & pauidus. *Hieronymus.*

Iusti & fortis viri est nec aduersis frangi nec prosperis subleuari sed in vtroque esse moderatum. *Hieronymus.*

Stultus vt luna mutatur, sapiens enim non metu frangitur, non potestate mutatur, non extollitur prosperis, non tristibus mergitur: vbi enim sapientia, ibi virtus est, ibi constantia ibi & fortitudo. *Ambros.*

Iustorum fortitudo est carnem vincere, proprijs voluptatibus contrariè, delectationem vitæ præsentis extinguere, huius mundi aspera pro æternis præmijs amare, prosperitatis blandimenta contemnere, aduersitatis metum in corde faperare. *Gregor.*

Virum fortem iniuriæ probant. *Aug.*

PHILOS. POETÆ. Casibus aduersis fracta qui mente recumbit.

Fortuna nescit prosperiore frui. *Martial.*

Fortior est qui se, quam qui fortissima vincit Mænia.

Haud est virile, terga fortuna dare. *Senec.*

Superanda omnis fortuna ferendo est. *Virgilius.*

Audaces fortuna iuuat, timidosque repellit. *Idem.*

Rebus in angustis facile est contemnere vitam.

Fortiter ille facit, qui miser esse potest. *Martialis.*

Tu ne cede malis, sed contra audentior ito. Quæ tua te fortuna sinet. *Virgilius Æn. lib. 6.*

Au-

Audentes Deus ipse iuvat. *Ovidius Metamor-
phos. lib. 10.*

Tantum proficies, quantum tibi vim intule-
ris. *Axioma S. Ignatij.*

Magnanimi est rebus prosperis non insole-
scere, neque aduersis deijci. *Cic.*

Dulcia non meruit qui non gustauit amara.

Necessitas etiam timidos fortes facit. *Sal.*

Adagium omnium Antiquorum commune,
Sustine, & Abstine. Facile autem animus for-
titer *fuffinet*, dum corpus à vitijs *abstinet*.

G.

GLORIA CÆLESTIS.

Gloria æternæ magnitudo. Illam exponit
Apostolus 1. *Cor. 2. v. 9.* Oculis non vidit,
nec audiuit, nec in cor hominis ascendit quæ
præparauit Deus ijs qui diligunt illum.

Pro gloria cælesti calamitates tolerande. Quia,
inquit Apostolus, Non sunt condignæ passio-
nes huius temporis ad futuram gloriam quæ re-
uelabitur in nobis, *ad Rom. 8. v. 18.* Momenta-
neum & leue tribulationis nostræ supra mo-
dum in sublimitate, æternum gloriæ opere-
tur, *2. Cor. 4. 17.* Gloriamur in spe gloriæ filio-
rum Dei, *ad Rom. 5.* Ad gloriam illam Dei om-
nia purè referenda suis semper inculcat, *S. Ignatius.*

Omnis qui reliquerit domum, vel fratres &c.
centuplum accipiet & vitam æternam posside-
bit, *Matth. 14.* Lazarus pauper in sinu Abraham,
id est, in statu gloriæ, vidit à longè diuitem in
tormentis.

Beati carebunt omni miseria. Dicitur enim
Apoc. 11. v. 4. Absterget Deus omnem lachry-
mam ab oculis eorum, neque erit luctus, neque
dolor erit ultra. Idè clamat Propheta, d
Israel quam magna est domus Dei, & ingens
locus possessionis eius, *Baruch. 3. v. 24.*

Comparat sæpè Scriptura cælestem gloriam
cum Ierusalem, ciuitate sancta, & ornata au-
ro, saphyro, smaragdo &c. vt *Apocal. 21. v. 2.*
18. & 21.

Vide supra *Beatitudo*, & infra in Catechesi
alia Exempla *cap. ultimo.* Et in *Tom. II. part. 1.*
de Beatitudine, & visione Dei Dogmata Theo-
logica.

VIDE EX BREVIARIO. Beatitudo non
confistit in sola oculorum visione, *Dom. 12. n. 3. nec*
in voluptatibus corporalibus, 2. Commun. Apost.
n. 3. l. 3. Nec in numero annorum, ibid. eius speciem
Christus proposuit, 6. Aug. n. 3. l. 3. quæ pericundo
describitur, 2. Nouemb. n. 1. 3. & 4. eiusdem n. 2.
Habet vero suam diuersitatem, 5. Eiusd. propter re-

tributionem variorum laborum, 8. eiusdem n. 2. l. 5.
Cuius contemplatio merito Martyres confortauit,
ibidem, gaudia eius ineffabilia, ibidem n. 2. l. 3.
& n. l. 1. quæ non sine labore acquiruntur, ibidem
& 14. Nouemb. n. 2. l. 3. Psalm. 23. fer. 2. ad prim.
est portus tranquillitatis cælestis, Com. non Pont.
num. 3. Beatus est qui multis virtutibus ornatus est,
Psalm. 1. Dom. Offic.

Sententiæ supra de Beatitudine.

GRATITVDO ERGA DEVM.

Gratias sunt agenda generaliter pro multitudine
beneficiorum quæ à Deo recepimus: Idè Ia-
cob à Deo abundanter ditatus gratias agebat
Domino, dicens: Domine memor sum om-
nium &c. *Genes. 32.* Audiens David multa be-
neficia sibi promissa, gratias humiliter egit, *2.*
Reg. 7. Daniel pro multis beneficijs quæ à Deo
acceperat, benedixit Dominum dicens: Sit no-
men Domini benedictum, *Dan. 2.* Paulus Apo-
stolus gratias agebat pro beneficijs fratribus col-
latis, & omnes homines ad agendas gratias in-
ducebat, dicens; semper gaudete, sine inter-
missione orate, in omnibus gratias agite, *ad*
Ephes. 5. & prima ad Thessal. 5.

Gratias reddenda sunt Deo singulariter pro libera-
tione à periculis. Idè voluit Dominus vt libe-
ratio filiorum Israel de seruitute Pharaonis
nunquam recederet ab eorum memoria, di-
cens: Erit quasi signum in manu tua, *Exodi 13.*
Postquam filij Israel liberati sunt transitu ma-
ri rubro dixerunt; cantemus Domino gloriosè,
Exodi 15. Tres pueri benedicebant Deum, de
ignis incendio liberati: *Danielis 3.*

Gratias reddenda sunt Deo pro triumphis & vi-
ctorijs: Idè post mirabilem victoriam filij
Israel obtulerunt Domino dona, *Num. 31.* Si-
militer post victoriam de Sara, Barach, & De-
bora Domino gratias cecinerunt, *Iud. 4.* Habi-
ta victoria, & mundato templo per Iudam
Machabæum benedixerunt in cælum, *1. Ma-*
chab. 4.

Gratias referenda sunt Domino pro bonorum filio-
rum impetratione: Post Conceptionem Filij Dei
in se, Beata Maria Virgo laudauit Dominum,
dicens: Magnificat anima mea Dominum &c.
Luce 1. Nato Ioanne Zacharias laudauit Do-
minum, dicens: Benedictus Dominus Deus
Israel, *Luce 1.*

Gratias debet homo agere pro sanitate à Deo re-
cepta: Nam cum Tobias recuperasset visum,
ipse & vxor eius, & Nati glorificabant Deum,
Tobie 11. Turbæ videntes Paralyticum cura-
tum à Domino, glorificabant Dominum, qui
dedit talem potestatem, *Matth. 9. Marc. 2. Vnus*
de

de decem leprosis curatus reuersus est cum magna voce magnificans Dominum, *Luc. 22.*

Homo gratus *Similis* est Terræ Bonæ & fecundæ, quæ ex Dei donis tanquam semine, gratitudinis fructum copiosum Domino reddit.

VIDE EX BREVIARIO. Gratitude erga Deum Dom. 3. Sept. fer. 5. l. i. *Tobie*, *Iudith*, Dom. 4. Sept. Sabb.

Vide infra *Ingratitudo*.

GRATITVDO ERGA HOMINES.

Gratulus debet esse homo ei qui eum iuuat, vel à periculo liberat: Sic gratus fuit Abraham Rex Sodomorum, qui eum & populum suum à captiuitate liberat, offerens ei omnia spolia, *Genes. 14.* Benè remuneratus est Iosue Raab, conseruando totam eius familiam, quia exploratores eius ab hostibus liberat, *Iosue 6.* Cum Gedeon liberasset populum, gratus populus dixit Dominare tu nobis, *Iud. 8.* Tobias gratus fuit Raphaeli qui liberauerat eum à cecitate, uxorem à dæmonio, & filium à deuoratione piscis, offerens ei multa munera, quia homine credebat esse *Tobie 12.* Naaman liberatus à lepra, multa dona obtulit Helisæo, licet ipse reueret, *4. Regum 5.* Helias vt gratus esset propter beneficia recepta à vidua, eius filium à morte resuscitauit, *3. Regum 17.* Helisæus benè remuneratus est mulierem Sunamitem, apud quam transire & habitare consueuerat, impetrans ei filium, & suscitans mortuum, *4. Regum 4.*

VIDE EX BREVIARIO. Gratitude erga homines, Dom. Sept. fer. 6.

Sententiæ de hac gratitudine.

Meliora meretur suscipere qui probatur suscepta beneficia à corde non amouere. *Cassiodorus* ... Grates persolvere dignas.

Non opis est nostræ, tibi præmia numen ab alto.

Digna dabit tanti meriti, non immemor vntquam, *Virgilius Aeneidos 1.*

Bis est gratum, quod vltro oblatum, *Sen.*

Bis non spondebis, quod mox præstare valebis.

Gratia debetur pro munere, si cito detur.

Sed si tardetur non gratum munus habetur.

Dat bene dat multum, qui dat cum munere vultum.

Beneficia dare qui nescit iniuste petit. *Seneca.*

Beneficia plura recipit, qui scit reddere. *Seneca.*

Gratiarum actio est alterius beneficii postulatio. *Cic.*

G V L A.

Gula ab initio mundi semper hominibus grauius nocuit: Primos parentes Adamum & Euam in Paradiso gula perdidit, dum fructum vetitum comederunt quamuis alimentum licitum ipsis in copia suppetere, *De omni ligno Paradisi vescimur*: *Genesis c. 3.* Esau ex inordinato appetitu erga lentem siue pulmentum, vendidit sua primogenita Iacobo fratri. Quanto peius pro esca vetita ex gula animam dæmoni diuendere, *Genesis c. 15.* populus Israeliticus cui non deerat manna, & alimentum necessarium, inhiabat tamen ad ollas carnum quas habebat in Ægypto, & ided à Deo grauius punitus fuit: *Num. c. 15.* Dum Philistæi securè epularentur, & indulgerent genio, per Sampsonem ruina domus oppressi fuerunt, & in sua gula sepulti, *Iudic. cap. 16.* Quoniam Heli sacerdos permisit filiis suis contra morem carnes crudas populo extorquere, vt illas sibi lautius præpararent, vno die vterque filius occisus est, & ipse Heli collapsus ceruices fregit, *1. Regum c. 2.*

Demon grauius homines ad gulam tentat. Ided Iob pro filiis epulantibus confurgens diluculo sacrificium offerebat per singulos dies ne filij per epulas iugulam & alia peccata prolaberentur, *Iob. 11.* Prima tentatio qua diabolus Christum in deserto aggressus est, ad gulam pertinebat, Si filius Dei es, dic vt lapides isti panes fiant, *Luc. 4.*

Illustre est exemplum gulæ grauius punitæ in Diuite Epulone, qui epulabatur quotidie splendide, sed sicut ipse in vita sepultus erat in suis epulis & delicijs, sic post mortem sepultus est in inferno, & frustra quærebat vnâ guttam aquæ pro refrigerio suæ linguæ gulosæ, quæ inter flammæ cruciabatur, *Luc. 16.*

Epule multum impediunt orationem, & pietatem: Hoc ipsi discipuli post cænam sopore grauati non poterant in horto cum Christo orare, & à Christo increpantur, *Non potuistis vna hora vigilare mecum*, *Matth. 16.* Est enim gula & crapula instar fumi, aut nebulæ densissimæ, qua homo oppletus non potest lucem diuinam videre, aut oculos mentis ad cælum & res cælestes eleuare, vt notat S. Basiliius *hom. 1. de ieiunio.*

Gulosi *Similes* sunt Porcis, qui toto die ventrem replent, & in triclinio tanquam in harena versantur, aras & templa, & pietatem nihil curant, Sunt etiam gulosi instar Muscarum, quæ

quæ ea, a ueribus inhaerent, & de vno cadauere ad aliud volitant. Sunt etiam sicut Sepulchra quæ foris apparent speciosa, sed intus repleta sunt cadaueribus animalium quæ deuorant.

Gulæ deditus habet cor in ventre, instar piscis qui græcè dicitur Onos, idest, asinus, quem Aristoteles dicit solum ex omnibus animantibus cor suum in ventre habere.

Homo qui epulis inhiat solet esse similis *Militi ignaui*, qui horret audire sonitum tympani aut tubæ ad bellum euocantis, sicut neque ille potest audire sermonem de abstinentia aut ieiunio, & maximè in Quadragesima.

Sed remedium optimum gulæ est, quærere gustum & oblectationem in rebus diuinis, & animam illis explorare, habent enim in se epulæ spirituales & carnales instar bilancis, quantum vna pars eleuatur tantum altera deprimitur.

Vide *Ebrietas*.

Sententiæ selectæ &c. de Gula.

Vobis qui saturati estis, quia esurietis, *Luc. 6.*

Attendite vobis ne forte grauentur corda vestra in crapula & ebrietate, *Luc. 21.*

Non in comestationibus & ebrietatibus, non in cubilibus, & impudicijs, non in contentionibus & emulatione, sed induimini Dominum Iesum Christum, *Rom. 13.*

Quorum Deus venter est, & gloria in confusione ipsorum qui terrena sapiunt, *ad Philipp. 3.*

Ducunt in bonis dies suos, & in puncto ad inferna descendunt.

PATRES. Cor habet in ventre gulofus, lasciuus in libidine, cupidus in lucro, *Hier.*

Gula innumera vitiorum agmina ad animæ confectum producit, *S. Greg.*

Gula Paradisum clausit, primogenituram vendidit: suspendit pistorem, decollauit Baptistam: Nabuzardan Princeps coquorum templum incendit, & Ierusalem totam euerit: Baltazar manum contra se scribentem aspexit in conuiuium, & eadem nocte interfectus, est à Chaldæis. *Innocentius.*

Nunquam poterit ardentis concupiscentiæ stimulus inhibere, quisquis desideria gulæ refricare nequiverit, *Idem.*

PHILOS. ET POETÆ. Aprum amat & mulos, & fumen, & ostrea: non te.

Tam bene si cœnem, noster amicus eris, *Marialis.*

Ieiunius raro stomachus vulgaria temnit, *Horatius.*

Strangulat in mensis plures gula, quam necat ensis.

Estque hoc axioma antiquum: Plures occidit gula quam gladius.

Quidquid auium volitat, quidquid piscium natat, quidquid ferarum discurrit, nostris sepelitur ventribus, quare nunc cur subito moriamur? quia mortibus viuimus. *Seneca.*

Ventri obedientes, animalium numero computantur, non hominum. *Idem Seneca.*

Vna sylua pluribus elephantibus sufficit, homo verò pascitur vix terra & mari. *Idem.*

Venter præcepta non audit: poscit & appellat, non est tamen molestus creditur: paruo contentus, si das illi quod debes, non quod potes. *Idem.*

Vitium ventris & gutturis, non solum minuit ætatem hominibus, sed etiam aufert. *Cicero.*

H.

HOMICIDIVM.

Homicidium procedit aliquando ex inuidia. Cain motus inuidia fratrem suum occidit, *Genes. 4.* Tanta erat cupiditas Saulis ad occidendum Dauidem propter inuidiam, vt occiderit Abimelech, & alios Sacerdotes; cum mulieribus, & paruulis, *1. Reg. 22.* Iudæi occiderunt Saluatorem solum moti inuidia, sciebat enim Pilatus quod propter inuidiam tradidissent eum. *Matth. 27.*

Homicidia aliquando committuntur propter superbiam & ambitionem: Sicut Abimelech occidit septuaginta fratres suos, vt ipse solus dominatum obtineret, *Iudic. 9.* Zambri occidit Elam Dominum suum temulentum, vt regnaret post eum, *3. Reg. 16.* Athalia tanta libidine exarsit dominandi vt omne semen Regium interfecit, *4. Reg. 11.*

Homicidium valde Deo displicet, & grauiter puniunt. Nam homicidium Cain puniuit acerbè dicens, *Vox sanguinis fratris tui clamat ad me, Genes. 4.* Deus noluit vt Dauid qui sanguinem innoxium effuderat: sed potius Salomon templum sibi ædificaret, *3. Reg. 7.* Quia Ioas fecit Zachariam iniuste occidi, grauiter fuit punitus à Domino, neque in sepulchro Regio conditus fuit, *2. Paral. 24.*

De Homicidio vide *Quæst. Theologicas supra Tom. 2. tract. 5. cap. 5.*

VIDE EX BREVIARIO. Homicidium est *grate peccatum.* Dom. Sept. fer. 5. Dom. Sexag. fer. 4. 1. 3. Dom. 5. Pentec. Sabb.

Vide, *Inimicitia, Inuidia.*

Sen-

Sententia alie &c. de Homicidio.

Omnis qui odit fratrem suum homicida est: & scitis quoniam omnis homicida non habet vitam æternam in se manentem, *Ioan. 3.*

Quicumque effuderit humanum sanguinem, fundetur sanguis illius, *Genes. 9.*

Qui percusserit hominem volens occidere, morte moriatur, *Exod. 21.*

Si quis per industriam occiderit proximum suum, & per insidias, ab altari meo euellens cum ut moriatur, *Exod. 21.*

Qui percusserit hominem & occiderit, morte moriatur, *Leuit. 24.*

Si quis ferro percusserit, & mortuus fuerit, qui percusserit reus erit homicidij, & ipse morietur, *Ierem. 35.*

Omnes qui acceperint gladium, gladio peribunt, *Matth. 27.*

PATRES &c. Ille gladium accipit, qui nulla superiori, ac legitima potestate vel iubente, vel concedente, in sanguinem alicuius armatur, *August.*

Periculosè decipiuntur, qui æstimant eos tantum homicidas esse, qui manibus hominem occidunt, & non potius eos, per quorum consilium, & fraudem & hortationem homines extinguuntur. *Augustinus.*

ADAG. Homo homini Lupus, i. vitæ inimicus & insidiator.

HONOR PARENTVM.

Honorare debet homo parentes eis exhibendo reuerentiam: Sic Salomon honorauit Bersebee matrem suam, & surrexit de folio suo in eius occursum & posuit eam super sedem suam, *3. Reg. 2.* Tobias iustus inter alia quæ dedit filio documenta, & hoc fuit, Honorem habere matris tuæ, *Tobia 4.*

Honorare debet homo patrem & matrem, in præceptis omnibus obsequendo: Idèd filij Heli, quia non obedierunt Patri, ut desisterent à rapina in Sacrificijs, diuinam sententiam grauissimè incurrerunt, *1. Reg. 2.* Ionathas quia non obediuit præcepto patris, comedendo modicum mellis, mortis sententiam incurrat, *1. Reg. 14.* Puer Iesus ascendens in Nazareth cum parentibus, erat subditus illis, *Luce 2.* Et moriens matrem Ioanni dilecto discipulo commendauit, *Ioann. 19.*

Honorare debemus parentes propter premium, & penam consequentem: Vnde ait Dominus: Honoram patrem & matrem, ut sis longæuus super terram: & sequitur: Qui maledixerit patri vel

matri, sit ille maledictus, & morte moriatur, *Exodi 20. & 21.* Quia Sem & Iaphet patrem denudatum honorauerunt, idèd benedictionem acceperunt. Quia verò Cham patrem non honorauit, sed derisit, eius maledictionem incurrit, *Genes. 9.* Filio Ruben incestuoso dixit Iacob: Non crescas, quia ascendisti cubile patris tui, *Genes. 49.* Absalon impiè persecutus est patrem suum, idèd fuit morte pessima interemptus, *2. Reg. 18.*

VIDE EX BREVIARIO. Honorandi Parentes ore & opere. Dom. 3. Quad. fer. 4. l. 2. Dom. 4. Aug. fer. 4. l. 3. cum filios laudabiles habent, ipsi laudabiliores sunt, 24. lun. per totum, eorum negligentia erga filios castigatur, Dom. 1. Pentec. fer. 4. 6. & Sabb. Moneant diligenter filios dum viuunt. Dominica 3. Septemb. num. 1. l. 2. etiam morituri, Domin. 8. Pentec. fer. Dom. 1. Octob. fer. 5. Qui honorat Parentes, multis bonis replebitur. Domin. 4. August. fer.

Sententia &c. de Honore Parentum.

A Vdi patrem tuum, qui te genuit, & ne contemnas cum senserit mater tua. *Prou. 23.* Fili suscipe senectam patris tui, & non contristes eum in vita illius, & si defecerit sensu, veniam da, & ne spernas eum in tua virtute &c. *Eccles. 3.*

Qui timet Dominum honorat parentes, & quasi Dominus seruiet his, qui se genuerunt, *Eccles. 3.*

Honora patrem tuum, & gemitus matris tuæ ne obliuiscaris, & retribue illis, quomodo & illi tibi: Memento quoniam nisi per illos natus non fuisses, *Eccles. 7.*

Filij, obedite parentibus per omnia, hoc enim placitum est Domino, *Coloss. 3. & 5.*

Et qui maledixerit patri vel matri morte moriatur, *Matth. 5.*

Qui honorat patrem suum vita viuet longiore, *Eccles. 3.*

Qui percusserit patrem suum aut matrem morte moriatur; qui maledixerit patri suo aut matri, morte moriatur, *Exod. 21.*

PATRES, PHILOS. Amandus est generator, sed præponendus est Creator, *August.*

Preces parentum aduersus filios sæpe audiuntur, *Plato.*

Matres plus diligunt filios, quam patres, quia certiores sunt de eis, *Arist.*

Qui dubiat utrum oporteat Deos venerari, aut parentes honorare, non indiget ratione, sed pæna, *Arist.*

Nemo patricidæ supplicio misericordia commouetur, *Seneca.*

HOS-

HOSPITALITAS.

DEVS multum commendat erga peregrinos hospitalitatem, Deuteronom. c. 10. Deus amat peregrinum; & dat ei victum & vestitum, ergo & vos peregrinos amate, quia & vos adueni fuistis, Christus testatur seipsum in suis discipulis hospitio recipi, Luc. 10. Qui vos recipit me recipit, Paulus Apostolus impensè commendat hospitalitatem, ad Hebr. cap. 13. Hospitalitatem nolite obliuisci, talibus enim hostijs promeretur Deus. Inter opera misericordiæ recensentur etiam hospites esurientes pascere, recipere, & eorum pedes lauare.

Hospitalitatem sepe remuneratur Deus etiam in hac vita. Loth in specie peregrinorum Angelos hospitio recepit, necessaria ministravit, & ab iniurijs defendere voluit. Et idè Deus illum per eosdem peregrinos liberauit ab incendio Sodomæ & Gomorrhæ, Genes. cap. 19. Abraham etiam in specie peregrini Angelos suscipere meruit, Genes. cap. 18. Elias hospitio benignè exceptus, mulieris filium apud quam hospitabatur à morte suscitauit, 3. Reg. cap. 17. Eliseus etiam dum transiret sæpius à muliere Sunamitæ hospitio exceptus, grandi sane mercede filium illi à Deo impetrauit, quem postea mortuum suscitauit, 4. Reg. cap. 4. Martha & Magdalena Christum cum discipulis hospitio excipientes, meruerunt vt eorum frater Lazarus qui iacebat quadriduus in sepulchro ad vitam excitaretur, Luc. 10. Zachæus qui Christum & discipulos in domum suam gaudens recepit, meruit ex publico peccatore fieri filius Abrahæ, & amicus Dei, Luc. 19.

Vide *Misericordia*, & *Liberalitas*.

Sententia selecta, &c. de Hospitalitate.

FRANGE esurienti panem tuum, & egenos vagosque induc in domum tuam, Esaie 58. Qui accipit si quem misero (dicit Christus) me accipit: qui autem me accipit, accipit eum qui misit me, Ioan. 13.

Hospitalitatem nolite obliuisci, per hanc quidam placuerunt, etiam Angelis hospitio receptis, Hebr. 1.

PATRES. Disce Christiane, sine discretione exhibere hospitalitatem, ne forte cui domum clauferis, cui humanitatem negaueris, ipse sit Deus, Augus.

Qualem mercedem habet, qui propter Deum peregrinatur, talem habet qui suscipit peregrinantem, Chrysost.

POETÆ PROFANI. Turpius eiecitur

quam non admittitur hospes, Ouid. trist. 5. eleg. 7. Viuitur ex rapto: non hospes ab hospite tutus, Ouid.

SACRI. Quando eris in mensa, primum de paupere pensa.

Ostia cur claudis, dum vocem pauperis audis?

Fac quod Christus amat, dum pauper ad ostia clamat:

Tunc bene pandetur, cum Christus adesse videtur:

Si des, ipse dabit; si non des, ipse negabit.

HVMILITAS.

CVM humilitate debent homines alijs respondere. Quia iuxta Sapientis sententiam; Responsio mollis frangit iram, sermo durus suscitatur furor. Jacob fratri Esau humiliter respondebat, idè compescuit iram eius, Genes. 33. Si Roboam humiliter respondisset, nequaquam decem partes populi perdidisset, 3. Reg. 12. Quia mulier Chanaanæ respondit humiliter verbis Christi, quæ aspera videbantur asserens se esse quasi Catellum qui comedit de micis mensæ Domini, sanitatem integram filiae procurauit, Matth. 15.

Iuxta Saluatoris sententiam, qui se exaltat, humiliabitur, & qui se humiliat exaltabitur. In cuius figura Saul qui quærebat asinas, fuit à Domino super regnum Israel exaltatus, 1. Regum 1. Petrus humiliter dixit Christo: Exi à me, quia peccator sum ego; & postea officium Apostolatus ipsi Dominus benignè commisit, Luc. 5. Optimam regulam humilitatis ostendit Saluator, dicens: Cum inuitatus fueris ad nuptias, recumbe in nouissimo loco, Luc. 14.

Humiles debent esse homines ne in facilijs suis quærant ventum vanæ gloriæ. Nam Christus publica sua miracula prohibebat dici, vti patet in leproso mundo, Matth. 8. Et de duobus cæcis liberatis, Matth. 9. Et de surdo & mutuo sanato, Marc. 7. Et similiter de transfiguratione, Matth. 17. Ad fugiendam iactantiam & vanam gloriam, de bonis quæ agimus, multum valet exemplum de superbo Phariseo, & de humili Publicano, Luc. 18.

Humilitas meretur Indulgentiam peccatorum. Ahab nequissimus imponens sibi pœnam debitam pro peccatis humiliatus est, & Deus ipsi pœnam temperauit, 3. Reg. 21. Roboam & Principes eius humiliati sunt, & Dominus mutauit sententiam per Prophetam suum, 1. Paralip. 12. Ezechias humiliatus est: idcirco non venit ira Dei in diebus eius, 2. Paralip. 19. Nabuchodonosor humiliatus recognouit statum suum,

sum, & redactus est ad statum pristinum, *Daniel* 4. Quia viri Niniuitæ humiliati sunt, non est eorum ciuitas subuersa, *Ioan.* 3. Magdalena quia ad pedes Christi humiliter accessit peccatorum veniam impetrauit, *Luc.* 7.

Humilitatis exemplum à Christo accipiendum est. Humilis fuit in statu Natiuitatis, vitæ, & mortis. In Natiuitate concipi voluit in ciuitate ignobili Nazareth, *Ioan.* 1. Item de humili matre, *Luc.* 1. Collocari in humili præsepio, *Luc.* 2. Quomodo humiliter vixit, humiliter docuit, plena sunt omnia Euangelia. De morte autem, fuit vestibus spoliatus, in carne vulneratus, insipiens reputatus, à discipulis derelictus, hostibus traditus, flagellis cæsus, spinis per ludibrium coronatus, & inter duos latrones crucifixus.

Sicut quo profundius est in terra *Fundamentum* domus, aut *Radices* arboris, eo altius *Domus*, & arbor ascendet ad cælum, ita fit in ijs qui se profundè humiliant.

Sicut *Rami* arboris quantò plures fructus habent, tantò magis se incuruant ad terram, ita faciunt humiles multis virtutibus præditi.

Sicut *Aurum* & gemmæ in arca absconduntur ne abripiantur, ita optima virtutum custos est humilitas.

VIDE EX BREVIARIO. Humilitas facit membrum Christi. Dom. 3. Adu. n. l. r. iustificat: Dom. 4. n. 3. l. 3. Debet esse fundamentum nostre fabricæ. 4. Octob. n. l. 2. Humilia respicit Deus. Psal. 112. Dom. Vesp. & Dom. infra Ascens. n. 2. l. 2. humilitatem singulariter requirit, 24. Febr. n. 3. præferenda opibus, 5. Febr. n. 2. l. 1. meriti discenda, 15. Ian. n. 3.

Vide *Superbia*.

Sententiæ selectæ &c. de Humilitate.

Qui se humiliat exaltabitur, *Matth.* 23. Discite à me quia mitis sum & humilis corde, *Matth.* 11.

Quicumque humiliavit se sicut paruulus iste, hic maior vocabitur in regno cælorum, *Matth.* ibidem.

Deposuit potentes de sede, & exaltauit humiles, *Luc.* 1.

Hoc enim sentite in vobis, quod & in Christo Iesu, qui cum in forma Dei esset, non rapinam arbitratus est, esse se æqualem Deo, sed semetipsum exinaniuit formam serui accipiens, in similitudinem hominum factus, & habitu inuentus vt homo &c. *Philip.* 2.

Respexit Dominus humilitatem ancillæ suæ, scil. Deiparæ:

Gloriam præcedit humilitas, *Prou.* 15.

Humiliamini sub potenti manu Dei, vt vos exaltet in tempore visitationis, 1. *Pet.* 5.

Ad quem respiciam nisi ad pauperulum & contritum spiritum, & trementem sermones meos, *Esaiæ* 66.

Deus superbis resistit, humilibus autem dat gratiam, *Apostol.*

Excelsa est patria, humilis est via: ergo qui quærit patriam quid recusat viam, *August.*

Multi humilitatis umbram, veritatem pauci sestantur. *Hieronym.*

Virum humilem patientia ostendit, *Hieron.* Virginitate placuit Maria, humilitate concepit, *Bernard.*

Eslo paruus in oculis tuis, vt sis magnus in oculis Dei: tanto enim eris apud Deum pretiosior, quanto fueris in oculis tuis despectior. *Isidor.*

Contemnit laudem virtus, licet vsque sequatur.

Vide infra, *Superbia*.

HYPOCRISIS.

Hypocritæ & simulators intendunt semper aliam quam alijs deceptionem inferre. Sicut Ammon simulauit se languere, vt sororem suam Thamar deciperet, & opprimeret, quod & fecit, 2. *Reg.* 13. Giezi simulauit Dominum suum vestibus indigere, vt Naaman deciperet, & ipse acciperet vestimenta, 4. *Reg.* 5. Pharisei placida verba Saluatori dicebant, volentes eum capere in sermone, *Matth.* 22. *Marc.* 12.

Hypocritæ cauent sibi à peccatis minoribus maiora non curantes. De quibus dicit Dominus, excolantes culicem, & deglutientes camelum, *Matth.* 23. Pharisei noluerunt intrare in Parasceue Pilati Prætorium, vt non contaminarentur, & dicebant, sibi non licere interficere quemquam; Christum tamen innocentem eadem die occidere non dubitarunt, *Ioan.* 19.

Hypocritas punit Dominus maledictionibus, & flagellis. Nam vxori Ieroboam quæ de viri consilio, mutato habitu, se aliam simulauit, Achias Propheta Domini mandato multas maledictiones, & flagella, simul cum nece filij, nunciavit, 3. *Regum.* 14. Cum Scriptura diuina generaliter impium detestetur, tamen singulariter hypocritis comminatur, dicens; Vt vobis hypocritæ, *Matthæi.* 26. Manifestè Hypocritism Ananiæ & Saphiræ Petrus acriter increpauit, & morte puniuit, *Actor.* 5. Elymam magum Paulus grauiter de hypocrisi increpauit, *Actor.* 13.

Christus comparat hypocritas sepulchris dealb-

albatu: quæ foris apparent pulchra & candida, intus plena sunt tantum ossibus mortuorum spurcitia, & fœtore, *Matth. 23.*

S. Chrysostomus Hom. 30. Simulatorem comparat *Meretrici*, quæ ad decipiendum, vultum deformem fœtis coloribus depingit. Et S. Theophil. comparat *Hisirioni* qui semper personam mutat, & nunquam serio agit.

VIDE EX BREVIARIO. Hypochrasis veritate fraudat, 26. lun. n. 3. fermento comparatur, 9. Octob. n. 3. 1. 3. Deum, quem fide querit, nunquam inueniet, die 2. Epiph. n. 4. eo periculosior, quod sub nomine seruitutis Dei decipit, ser. 4. Ciner. & ser. 6. ibidem in negotio salutis declinanda, Dom. 5. Octob. n. 1.

Vide Mendacium, Infantia, v. Superbia.

Sententiæ selectæ &c. de Hypochrissi.

Innocens contra hypocritam suscitabitur in iudicio, *Iob. 17.*

Cum facies eleemosinam, noli antequam tuba canere, sicut hypocritæ faciunt in synagogis & vicis, ut honorificentur ab hominibus, *Matth. 6.*

Cum oratis non eritis sicut hypocritæ, amen dico vobis receperunt mercedem suam, *Matth. 6.*

Hypocrita, eijce primo trabem de oculo tuo, *Matth. 7.*

Non quæro hominibus placere, si hominibus placerem Christi seruus non essem, *ad Galat. 1.*

Omnia opera sua faciunt, ut videantur ab hominibus, *Matth. 23.*

Væ vobis Scribæ & Pharisei hypocritæ, quia similes estis sepulchris dealbatis, quæ à foris patent hominibus speciosa, intus verò plena sunt ossibus mortuorum, &c. *Matth. 23.*

Vestimentis induti sunt ouium, & intus sunt lupi rapaces.

Vos estis qui iustificatis vos coram hominibus, Deus autem nouit corda vestra, *Luc. 16.*

Satanas transfiguratur se in Angelum lucis, 2. *ad Corinth. 11.*

PATRES. Simulata æquitas, non est æquitas, sed duplex iniquitas, quia iniquitas est & simulatio, *August.*

Leuius est in alium aperte peccare, quam simulare & fingere sanctitatem, *Hier.*

Væ peccatori terram ingredienti duabus vijs, &c. *Sap.*

Vult hypocrita scire diuina eloquia, nec tamen facere, vult doctè loqui, nec tamen ita vivere, *Reginaldus.*

Omnis hypocrita corpus per abstinentiam

R. P. ArdeK. Tom. III.

afficit, sed tamen per amorem gloriæ mundo viu-
it, *Idem.*

Hypocrite volunt esse humiles sine despectu, bene vestiti sine sollicitudine, *Bern.*

PHILOS. POETÆ. Est facies testis, quales intrinsecus estis.

Vix placet ambobus, qui vult seruire duobus.

Qui fingit se amicum & non est, peior est eo, qui facit falsam monetam, *Arist.*

Compendiaria est via ad gloriam, ut qualis quisque haberi vult talis sit, *Cicer.*

Simulatio in omni re vitiosa, tollit enim iudicium viri, idque adulterat, tum amicitia repugnat.

Malus ubi bonum se simulat, tunc est pessimus, *Laertius.*

L

INFERNVS, DAMNATIO.

Anime impiorum sepeliuntur in inferno. Sic Christus dicit de Epulone diuite & auaro: mortuus est diues, & sepultus in inferno, &c. *Lucæ 16. v. 22.* Et alio loco monet: Timete eum qui postquam occiderit, habet potestatem mittere in gehennam.

Ignis inferni in æternum durabit. Quia Christus in iudicio reprobis dicit: Discedite à me maledicti in ignem æternum, qui paratus est diabolo & Angelis eius, *Matth. 25. v. 41.* Et postea additur. Ibunt hi in supplicium æternum, iusti autem in vitam æternam.

Homines ex delictis transeunt ad penas inferni. Via peccatorum complanatur lapidibus, & in fine illorum inferni, & tenebræ, & pœna, *Ecclesiæ 11. v. 10.* Ducunt in bonis dies suos, & in puncto ad inferna descendunt, *Iob. 11. v. 13.* Quantum glorificauit, & in delictis fuit, tantum date ei tormentum & luctum, *Apocal. 18. v. 7.*

In inferno erit ignis, luctus, & tenebræ, & vermis conscientie. Ideo interrogat Propheta peccatores, Quis poterit habitare cum igne deuorante, aut quis habitabit cum ardoribus sempiternis? *Esaiæ 30. v. 14.* Et Christus dicit de obstinatis Iudæis: Filij autem regni eijcientur in tenebras exteriores, ibi erit fletus, & stridor dentium, *Matth. 8.* Et iterum, monet melius esse luscum, vel claudum introire in regnum Dei, quam duos oculos, vel duos pedes, habentem mitti in gehennam ignis, ubi vermis eorum non moritur, & ignis non extinguitur, *Marc. 9. v. 47.*

Comparat S. Chrysost. Infernum cum Carcere ex ferro ardenti, vnde nullus vnquam dabitur

D

tur

regressus. Alij cum *Seagno* profundissimo ex ardenti sulphure & pice, vnde nullus datur ascensus. Alij cum *Exilio* longinquo, ex quo nullus dabitur in patriam regressus. Contra omnem peccandi tentationem semper cogitanda est hæc sententia: Momentaneum est quod delectat, æternum quod cruciat.

VIDE EX BREVIARIO. *Certa damnatio.* Dom. V. Pentecost. n. 3. l. 3. *Eius pena æterna.* Dom. I. Quadr. fer. 2. l. 3. *Intentionibus carnis meditando.* Dom. 5. n. 2.

Sententia selecta Cyc. de Inferno.

Infernus & perditio nunquam replentur, similiter oculi hominum insatiabiles. *Proverb. 3 & 7.*

Ignis numquam dicit sufficit. *Prou. 30.*

PATRES. Horrendo modo miseris est mors sine morte, finis sine fine, defectus sine defectu, quia & mors semper vivit, & finis semper incipit, & defectus deficere nescit. Mos perimit, & non extinguit, dolor cruciat, sed nullatenus pauorem fugat, flamma comburit, sed nequaquam tenebras excutit. *Gregor.*

Quisquis ad toleranda inferni mala descendit, nequaquam ad lucem ulterius redibit: quia nequaquam ultra misericordia parentis liberat quos semel in locis pœnalibus iustitia iudicantis damnat. *Gregor.*

Tunc edax flamma comburit, quos nunc carnalis delectatio polluit. *Idem.*

In inferno erit frigus intolerabile, ignis inextinguibilis, verberis immortalis, fœtor intolerabiles, tenebræ palpabiles, flagella cedentium, horrida visio dæmonum, confusio peccatorum, desperatio omnium bonorum. *Gregorius.*

POETÆ. Quod quisque fecit patitur, auiorem scelus.

Repetit; suoque premitur exemplo nocens. *Seneca Poeta.*

Facilis descensus auerni,
Sed reuocare gradum, superasque euadere ad auras,

Hoc opus, hic labor est. *Virgil.*

INGRATITUDO.

Ingrati sunt homines Deo, ipsius beneficia obliuioni tradentes. Sicut filij Israel eduati à Domino de seruitute Ægypti, fecerunt vitulum aureum, adorantes eundem, vt habetur *Exodi 32.* Citò etiam obliuati sunt beneficiorum Dei, quando fastidiebant manna, & murmurabant, *Num. 21.* Reprehendit Angelus

Iudæos ingratos, diuina beneficia recolendo, *Iud. 2.* Sublimauit Deus Ieroboam super decem tribus, & ille auertit populum à cultu Dei, *3. Reg. 12.* Ingratus fuit Iudas Christo qui post tot beneficia pro 30. argenti illum inimicis tradidit, *Matth. 27. v. 3.*

Ingrati sunt aliquando homines erga eos qui sibi fideliter seruiunt. Sic ingratus fuit Præpositus pincernarum aduersus Ioseph, qui succedentibus prosperis sui interpretis est oblitus, *Genesis 40.* Laban multoties voluit fallere Iacob, sibi fideliter seruientem, *Genesis 29.* Multa seruicia receperat à Dauide Saul, & tamen eum occidere sæpius nitebatur, *1. Regum 18.* Valdè ingratus fuit David Viri sibi fidelissimo, cui tradidit litteras mortis, *2. Reg. 11.*

Homo ingratus *Similis est Serpenti*, qui illum à quo fouetur veneno inficit.

Ingratitudo est quasi *Ventus vrens*, qui exsiccat fontem gratiæ diuinæ, ne plura beneficia profundat.

Ingrati sunt sicut pessimi *Debitorum*, qui quo plus debent, eo minus soluunt.

Vide *Gratitudo.*

Sententia Cyc. de Ingratitudine.

PATRES. Quanto maiora beneficia sunt hominibus constituta, tanto grauiora peccantibus iudicia. *Chrysostom.*

Ingratitudo est hostis gratiæ, inimica salutis: quoniam nihil ita displicet Deo, quemadmodum ingratitude. *Bernard.*

Quid eo miserius cui beneficia excidunt, hærent iniuriæ. *Seneca.*

Peruersi cordis est, occasiones ingratitude inuestigare. *Bernard.*

Improbis est homo qui beneficium scit sumere, & reddere nescit. *Plaut.*

Pertusum vas est ingratus homuncio, semper.

Omne quod infundis, perfluit in nihilum.

Adagium. Pasce canes, & mordebunt te.

INIMICITIA.

Inimici querunt bona corrumpere. Sicut diabolus, qui dormientibus hominibus superfeminauit zizania, vt corrumperet triticum, *Matth. 23.*

Inimicitia surgit ex inuidia. Nam inuidentes fratres Iosepho quod à patre cunctis fratribus plus amaretur, oderant eum, nec poterant ei quicquam pacificè loqui, *Genesis 37.* Ægyptij oderant filios Israel, quia creuerunt & multiplicati sunt, & affigebant eos, *Exodi 1.* Videns Saul,

Saul, quod Dauid prudenter ageret, & populus eum diligeret, factus est eius inimicus, 1. Reg. 18.

VIDE EX BREVIARIO. Hostis (per quem Deus punire solet) propter insolentiam etiam punietur. Dom. 2. Adu. fer. 3. & 16. eiusdem fer. 4. & Dom. 3. Adu. fer. 5. Dom. 4. eiusdem fer. 6. Etiam hostis seruanda fides. Domin. 3. Augusti num. 2. 1. 2. Occultus aliquando plus nocet quam apertus. Domin. 5. Quadrag. num. 2. 1. 3. Filius ira idem est, ac gebenna, Dom. 4. Quadr. fer. 4. Ira viri, iustitiam Dei non operatur, Domin. 4. Pasc. fer. 2. Odium, suscitatur plerumque rixas. Domin. 1. Aug. fer. 5. 1. 3. In via Domini contrarius, suo modo odisse licet. Com. vn. Mart. num. 3. 1. 3. & peccatoribus ex bono zelo indignari. Dom. 3. Pentec. n. 3. Diabolus unicuique odisse licet, fer. 3. Maij hebdom. Dom. n. 2. 1. 2. Non verum inimicum; potest enim esse ut sit frater tuus, ibid.

Vide Inuidia, Discordia, Odium.

Sententia Greg. de Inimicitia.

A Binimicis tuis separare. Eccles. 6. In labijs suis inculcat inimicus, & in corde suo insidiatur, ut subuertat te in foueam. Eccles. 12.

Verbum dulce multiplicat amicos, & mitigat inimicos, Eccles. 6.

Si offers munus tuum ad altare & ibi recordatus fueris, quia frater tuus habet aliquid aduersum te, relinque ibi munus tuum & vade prius reconciliari fratri tuo, & tum veniens, offers munus tuum, Matth. 5.

S. Greg. Frustra exteriores inimicos vincimus, si interioribus parcimus.

Grauiissimum inimicitiae genus est, esse corde aduersarios, & lingua simulare deuotos, Cassiod.

Boetius. Nulla pestis efficacior ad nocendum, quam familiaris inimicus.

Ouid. In fraudulentum inimicum Pax erit: hanc nobis, donec mihi vita manebit, (scilicet).

Cum pecore infirmo quæ solet esse lupo.

IRACUNDIA.

Vide supra Inimicitia.

Ira est homini maxime noxia in corpore & spiritu, & illius remedia.

Virum stultum interficit iracundia, Iob. 5.

Fatuus statim indicat iram suam. Prouerb. 12.

Vir iracundus protocat rixas, & qui ad indignationem facili est, erit ad peccandum procliuor, Prou. 15. & 29.

Zelus & iracundia minuunt dies, & ante tempus senectutem adducunt. Eccles. 30.

Sicut carbones ad prunas, & ligna ad ignem, sic homo iracundus suscitatur rixas. Prou. 26.

Graue est saxum, & onerosa arena, sed ira stulti utroque grauior. Prou. 27.

Responsio mollis frangit iram, sermo durus suscitatur furor, Prou. 15.

Qui imponit stulto silentium, iras mitigat, Prou. 26.

Noli esse amicus homini iracundo, neque ambules cum viro furioso, ne forte discas semitas eius, Prou. 22.

Ego dico vobis, quoniam omnis qui irascitur fratri suo, reuserit iudicio, Matth. 5.

Non vosmetipsos defendentes charissimi, sed date locum iræ, Apost. ad Rom. 12.

Ira malorum & inuidorum maxime declinanda est. Sic Cain iratus contra fratrem Abel eo quod munera illius magis essent Deo accepta, illum fraudulenter foras deduxit, & occidit, Genes. 4.

Saul audiens Dauidem præ se decantari & laudari, ira concitatus eum amplius ferre non potuit, 1. Reg. 18.

PATRIS, PHILOS. POETÆ. Ira inueterata odium est: ira festuca est, odium trabs: homines quotidie irascuntur filiis, non tamen oderunt filios, Augusti.

Diuina bonitas ideo irascitur in hoc seculo, ne irascatur in futuro, & misericorditer temporalem exhibet seueritatem, ne æternam ultionem inferat, Augusti.

Rectè illud laudatur Archib. Tarentini, qui cum villico iratus, iam te inquit, occiderem, nisi iratus essem, Hieron.

Ira sepe etiam innocentes ad crimen adducit, quia dum iusto amplius irascimur & volumus aliena coercere peccata, grauiora committimus, Ambros.

Melior est qui vincit iram, quam qui capit ciuitatem, Cassiod.

Ouid. Si quoties peccant homines sua fulmina mittat.

Iupiter, exiguo tempore inermis erit.

Vince animos, iramque tuam, qui cætera vincis. Ouid. ad Cas.

Ira, furor brevis est, animum rege, qui nisi parer.

Imperat, hunc frenis, hunc tu compeisce catenis. Horat.

Cum spirat ira sanguinem, nescit regi. Seneca Poeta.

Amantium iræ amoris redintegratio est. Terentius.

Furor, iraque mentem præcipitat, Virgil. Æneid. lib. 2.

D 2 Quas-

Quaslibet infirmas, adiuuat ira manus.
Ouidius.

Adagium. Qui non nouit dissimulare, non nouit regnare.

Olium magis rationi obtemperat, quam ira.

Aristot.

Ira fieri in quibus non oportet, insipientis est,
Aristot. Valer. &c.

Maximum remedium irae, est dilatio. *Seneca.*

INTENTIO BONA, AVT MALA.

Ex intentione opus iudicatur. Iudas dixit, peccauit, nec tamen veniam meruit, quia erat intentio eius deprauata. *Matth. 27.* Dauid dixit, peccauit, & Deus ille pepercit, quia rectam intentionem habuit, *2. Regum 12.* Ex turbis quidam sequebantur Christum, ut eum nequiter obseruarent, & hi grauiter peccauerunt, ut habetur *Luca 14.* Quidam ut de panibus eius saturarentur, & hi nec merebantur, nec peccabant, *Ioan. 6.* Alij ut audirent verba eius, & inde edificarentur, & hi multum merebantur, *Luca 5.*

Intentio & voluntas pro facto saepe reputatur. Nam commendauit Dominus bonam voluntatem Dauidis de edificando templo, licet ipse noluerit ut edificaretur per eum, *2. Reg. 7.*

Intentio saepe dissimilis est operi externo. Nam Dauid misit ad Vriam ut veniret & quiesceret, non propter eius quietem, sed ut suum peccatum celaret, *2. Regum 21.* Ornauit se Iudith, uti solent se ornare lasciuiae mulieres, sed ille ornatus non ex libidine, sed ex maxima virtute patriam defendendi processit, *Iudith 11.* Herodis intentio erat Christum occidere, sed eam sub adorationis pallio abscondit, *Matth. 2.* Sic orationem, ieiunium, eleemosynam praecipit Dominus fieri, non intentione placendi hominibus, sed placendi Deo, qui in abscondito videt, & iuxta intentionem remuneratur operantem, *Matth. 6.*

Intentio bona similis est Auro, quod omnia quibus applicatur splendescere facit. Comparatur etiam virgæ Midæ, quæ dicebatur omnia quæ tangebatur in aurum conuertere.

Intentio mala similis est Vermi, qui fructum operum nostrorum rodit & corrumpit.

VIDE EX BREVIARIO. Per hanc soli Deo placere debemus, *3. Commun. Virgin. n. 3. l. 2. sit ergo occulta, fer. 4. Cim. l. 1.*

Vide *Astutia, Adulatio, Hypocrisis*, cum Sententijs.

INVIDIA.

Invidia occasio est spiritualis, & corporalis mortis. Nam, ut scribit Sapiens invidia diaboli mors introiit in orbem terrarum. Cain mortuus invidia Abel fratrem suum occidit, quia eius munera & non sua Dominus accepit, *Genes. 4.*

Non miseris sed positis in diuitijs & honoribus inuidetur. Nam quia Dominus benedixerat Isaac, & multiplicatus est, ideo inuidebant ei Palæstini, *Genes. 26.* Propter honorem quem dabant Dauid canentes, Saul percussit mille, & Dauid decem millia, inuidere cepit Saul, & persequabatur Dauidem, *2. Regum 18.* Videntes Satrapæ & Principes quod Daniel eos honoribus superabat, quærebant occasionem contra eum, ut dicitur *Daniel. 6.* Principes Sacerdotum audientes à pueris Christum honorari, Osanna filio Dauid, & videntes miracula, sunt contra Christum per inuidiam indignati, *Matth. 21. Luc. 19.* Audientes Pharisei Lazarum suscitatum, & videntes turbam sequentem Christum, inuidentes contra eum collegerunt Concilium, *Ioan. 11.*

Inuidi non parant etiam propinquis. Nam Rachel Lyæ sorori suæ inuidebat propter focunditatem, *Genes. 30.* Fratres Ioseph inuidebant ei videntes quod à patre plus amaretur, *Genes. 37.* Frater filij prodigi videns fratrem suum cum honore receptum indignabatur ei, & noluit intrare, *Luc. 15.*

Sicut in Sole ambulantes comitatur umbra, sic homines virtute illustres sequitur inuidia.

Sicut vermis qui nascitur in ligno, ipsum lignum corrodit; sic inuidia ipsum inuidum consumit, *Chrysost.*

Inuidi similes sunt pessimis Canibus, qui non desinunt contra omnes latrare. Similes etiam sunt Vulturibus, qui amant cum foetidis cadaueribus, id est, cum hominum vitijs occupari, *Basil. Hom. de inuid.*

VIDE EX BREVIARIO. Inuidia. Hanc Deus aspernatur. *Dominic. 3. Quadrag. fer. 2. l. 1. sibi nocet, Domin. 2. August. fer. n. etiam cum suo incommodo cauenda, ibid. Emulatio parit inuidiam, Domin. 4. Pentec. fer. 4. l. 2.*

Vide *Inimicitia, Amor proximi.*

Sententia &c. de Inuidia.

A Noculus tuus nequam est quia ego bonus sum? *Matth. 20.*

Non

Non in contentione & æmulatione, *ad Roman. 13.*

Vir qui feſtinat Domino ditari, & alijs inuidet, ignorat, quod egeſtas ſuperueniet ei. *Proverb. 28.*

Deponentes igitur omnem malitiam, & inuidias & omne opus prauum, *Iacobi 3.*

Sicut modo geniti infantes, rationabiles, & ſine dolo lac concupiſcite &c. *1. Petri 2.*

PATRES. Inuide quid ſuſpiras? propriumne malum, an alienum bonum? *Baſil.*

Vt ærugo ferrum, ſic inuidia quem neſcit, animum conſumit, *Baſil.*

Inuidia peſtiferum malum, hominem in diaboli conditionem, ac in dæmonem immitiſſimum conuertit, *Chryſoſt.*

Fuge inuidiam, quæ non ſolum alienos, verum multo magis, eum quem poſſederit, lacerare conſuevit, *Ambroſ.*

Inuidia eſt filia ſuperbiæ: ſed iſta mater ſuperbia neſcit eſſe ſterilis: vbi fuerit, continuo parit: ſuffoca matrem, & non erit filia, *Auguſtinus.*

Tolle inuidiam, & tuum eſt quod habeo; tolle inuidiam, & meum eſt quod habes, *Idem.*

O inuidia, quæ ſibi ſemper eſt inimica: nam qui inuidet, ſibi quidem ignominiam facit, illi autem cui inuidet, gloriam parit, *Chryſoſtom.*

PHILOS. POETÆ. Nunquam melius torquebis inuidos, quam virtuti & gloriæ ſeruando, *Seneca.*

Inuidus ſeipſum tamquam hoſtem offendit, *Democritus.*

Nulli magis nocet inuidus quam ſibi.

Similis inuidet ſimili: & figulus figulum odit, *Ariſtoteles.*

Fertilior ſeges eſt alieno ſemper in agro.

Vicinumque pecus, grandius vber habet: *Ouidius.*

Inuidus alterius rebus marceſcit opimis, *Horatius.*

Dum canis os rodit, focium quem diligit, odit.

IVDICIVM IVSTVM.

Iudex debet cauſam prius diligenter examinare, ut rectè cognoſcat, quam ſententiam ferre debeat, Ided dicitur, cauſam quam neſciebam diligenter inueſtigabam, *Iob. 29.* Deus quem nil latere poteſt, ut de hoc Iudicibus exemplum demonſtrare, deſcendit videre ciuitatem quam ædificauerunt filij Adam, antequam eos puniret diuiſione linguarum in Babylo-nia, *Genef. 11.* Noluit Dominus de Sodomitis

iudicare antequam diceret: Descendam & vi-debo vtrum clamorem, qui venit ad me opere compleuerunt, *Genef. 19.* Salomon ſubtiliter & diligenter inueſtigauit cauſam duarum mulierum, quæ de infante contendebant, & ſciuſtum iudicium protulit, ut patet, *3. Reg. 3.* Diligenter & diſtinctè examinauit Daniel duos ſenes de falſo crimine in Suſannam, *Daniel 13.* Noluit Feſtus Præſes ſubito Paulum iudicare, ſed dixit; Non eſt Romanis conſuetudo aliquem iudicare antequam accuſatus fuerit, & detur locus defendendi ad obiecta crimina, *Actorum 25.*

Iudex ut rectè iudicet, conſulere debet Conſilium diuinum, pariter & humanum. Sic Moyses Conſilio Ietaro acquieuit, ut Dei populum ſalubriter iudicaret, *Exodi 28.* Ob hanc cauſam conſtituit Moyses maiores iudices, & minores, ut ſimul haberent Conſilium, *Exodi 18.*

Sicut *Balanx* ſiue ſtatera, ut ſit bona & iuſta, non debet ex ſe magis in vnā partem quam in alteram pendere, ita iudex æquus non debet ex ſuo affectu vni parti præ altera fauere, ſed debet ſequi pondus rationis.

Sicut qui ad *Metam* ſaculatur non debet ſupra vel infra ſed directè ad ſcopum collimare, ſic qui vult eſſe iuſtus debet omnino contendere ut cauſam veritatem & iuſtitiam attingat.

VIDE EX BREVIARIO. Iudex debet eſſe virtute potens. Dom. Aug. ſer. 2. l. 2. & patres, maxime erga pupillos. Dom. 4. Aug. ſer. 6. l. 1. Sedulo ſtudentium, ne in hoc cauſa pauperum negligantur, 2. Aug. n. 2. l. 3.

Vide etiam de *Iudicio iuſto*, Sententias &c. poſt Titulum ſequentem.

IVDICIVM INIQVVM.

Iudex tunc iniquè iudicat, quando ſignis & relationibus citò credit. Dominus Iosephi nimis citò credit verbis coniugis, Ioseph falſè accuſantis, & ipſum ſine examine carceri mancipauit, *Genef. 39.*

Iudicat iniuſtè qui per auaritiā incorruptus peruertit iudicium. Sicut dicitur de filiis Samue-lis: Declinauerunt poſt auaritiā, & peruerterunt iudicium, *1. Reg. 8.* Iniuſtè protulit Dauid ſententiam in Miphibofeth propter munera quæ dedit ei Siba, *2. Reg. 15.* De iudicibus malis dici poteſt quod de iudicibus & Principibus Iſrael: Principes tui infideles, ſocij ſurum, omnes diligunt munera, aurum ſequuntur, ut dicitur; *Eſaie 1.*

Iudicat non rectè, qui iudicat cum ira & furore. Sic Nabuchodonofor malè iudicauit quando

in furore & ira præcepit vt omnes Sapientes Babylonis interficerentur, quia eius somnium ignorabant, *Daniel 2.* Herodes iniquè iudicium protulit quando iratus occidit omnes pueros qui erant in Hierusalem & omnibus finibus eius, *Matth. 2.*

Iudex non rectè iudicat quando amore vel timore à via veritatis deuiat. Licet Darius Rex Persarum sciret Daniele innocentem, tamen ad petitionem Satraparum fecit eum mitti in lacum leonum, vt ibi à leonibus deuoraretur, *Daniel 6.* Ad vnus saltatricis petitionem iussit Herodes Ioannem iustissimum decollari, *Matthæi 14. Marci 6.* Iniquum iudicium dedit Pilatus, qui ad petitionem Iudæorum, volens ei placare, Barrabam seditiosum dimisit, & Iesum innocentem tradidit morti, *Matth. 27.*

Sicut oculo respicienti per vitrum rubrum omnia videntur esse rubicunda, etsi sint maximè candida; sic qui erga alium habet animum malè affectum, iudicat eius opera pessima, etsi in se sint optima & æquissima: habet enim suum iudicium, quod est mentis perspicillum, odio, aut inuidia aut alia passione infectum.

Sicut aliqui laborant vitio oculorum, quo fit vt res vicinas vix videant, obiecta verò remota ipsis maximè appareant, sic aliqui ad sua vitia non respiciunt, sed in aliorum operibus improbandis plusquam lyncei esse volunt. Quos etiam Christus pulchra comparatione pertingit: Vides festueam in oculo fratris tui, trabem autem in oculo tuo non consideras, *Matth. 7.*

VIDE EX BREVIARIO. *Iudicium impiorum est fallax.* Com. non Pontif. n. 1. *Recidit communiter in suum Iudicem,* Fest. Siluest. n. 1. *Et plerumque quando alios iudicamus, nos ipsos condemnamus,* Domin. 6. Pentec. n. 1. & Fest. Siluest. n. 1.

Vide Inimicitia, Inuidia.

Sententia de Iudicio iusto &c.

Æ Quum iudicium sit inter vos, siue peregrinus, siue ciuis peccauerit: quia ego sum Dominus Deus vester. *Exod. 24.*

Non peruenies iudicium aduenæ & pupilli: nec auferes pignoris loco viduæ vestimentum. *Deut. 24.*

Cognoscere personam in iudicio non est bonum, *Prouerb. 28.*

Non accipies personam, nec munera: quia munera excæcant oculos sapientum, & peruertunt causas istorum. *Deut. 16.*

Omnes diligunt munera, sequuntur retributiones, pupillo non iudicant, & causa viduæ non ingreditur ad eos. *Esaie 10.*

In iudicando esto pupillis misericors, vt pater, & pro viro matri illorum: & eris tu velut filius altissimi obediens, & miserebitur tui &c. *Eccles. 4.*

Quærite iudicium, subuenite oppresso, iudicate pupillo, defendite viduam & venite & arguite me dicit Dominus. *Esaie 1.*

Maledictus qui peruertit iudicium aduenæ, pupilli, & viduæ. *Deut. 27.*

Qui iustificat impium, & qui condemnat iustum, abominabilis est vterque apud Deum. *Prouerb. 17.*

PATRES PHILOS. &c. Feci iudicium & iustitiam, in iudicio non contempsi pauperem, non oppressi viduam in personam, diuites non recepi, in omnibus operibus misericordiam reseruavi. *Aug. in Ps. 118.*

Grauius lacerantur pauperes à prauis iudicibus, quam à cruentissimis hostibus. *Isidor.*

Seneca. Qui statuit aliquid, parte inaudita altera.

Æquum licet statuerit, haud æquus est. Iudicis officium est, vt res, ita tempora rerū.

Quærere, quæsito tempore tutus eris. *Ouid.*

Dicam si potero, male verū examinat omnis. Corruptus iudex. *Horatius.*

Tues iudex, ne quid accusandus sis vide. *Terentius.*

Accusare non licet, & simul iudicare. *Menander.*

Amor & odium, & proprium commodum, sæpè faciunt iudicem non cognoscere verum. *Aristoteles.*

Et sapientia iudicis in hoc vt non solum quid possit, sed etiam quid debeat pondere. *Cicero.*

Ad pænitentium properat, qui cito iudicat. In iudicando criminosa est celeritas. *Sen.*

De Iudicis, Aduocatis, & Testis obligatione ad restituendum &c. Vide supra *Tom. II. part. 2. Tract. 5. Cap. ultimo.*

IURAMENTVM.

Iurare possunt homines licitè ad seruandum promissa. Sic Abraham iuravit Abimelech quod non noceret ei, *Genes. 22.* Pepigit sædus amicitia Ionathas cum Dauid, & iurauerunt ambo, *1. Reg. 20.*

Faciunt aliqui temerè iuramentum peruersum obseruandum. Sic temerè iurabat Dauid destruere Nabal, & omnia quæ habebat, *1. Reg. 25.* Simile iuramentum fecit Iezabel, quod occide-

videret Heliam Prophetam, 3. Reg. 19. Nabuchodonosor iuravit per thronum suum quod vindicaret se de filiis Israel, *Iud. 1.* Male iuravit & pessimè seruauit iuramentum Herodes, dare saltatrici quicquid volebat, & concessit ei caput Ioanni Baptistæ, *Marc. 6. Matth. 14.*

Sicut in iudicijs hominum non licet personam Regis in testem adducere, utpote maiorem illis qui citant & inducunt, quanto minus licebit temerè, & irreuerenter Deum in testem aduocare.

Sicut qui habet vestem valdè pretiosam non vult ea abuti quotidie illam gestando, sic maximus est abusus per consuetudinem iurandi pretiosum Dei nomen quotidie in ore habere.

Vide *Blasphemia.*

Sententie de Iuramento &c.

Non assumes nomen Domini Dei tui in vanum &c. *Exodi 20.*

Et per nomen externorum Deorum non iurabis. *Exodi 23.*

Non usurpabis nomen Dei tui frustra, quia non erit impunitus, qui super re vana nomen eius assumpserit. *Deut. 5.*

Vir multum iurans, implebitur iniquitate, & non discedet à domo illius plaga. *Ecclesi. 23.*

Ante omnia autem fratres mei, nolite iurare neque per cælum, neque per terram, neque aliud quodcumque iuramentum: sit autem sermo vester, est, est, non, non, ut non sub iudicio decidatis. *Iacobi 5.*

Nemo est qui frequenter iurat, qui aliquando non perierit. *Chrysost.*

Ah miser! & si quis primo periuria celat:

Seca tamen tacitis, pœna venit pedibus.

Tibullus.

Non bene conducti vendunt periuria testes. *Ouid.*

IUSTITIA DIVINA & HVMANA.

Iustitia exigit ut malis retribuatur eadem mensura quam ipsi alijs retribuerunt. Adonibozeth iustè amputatæ sunt manuum summitates, sicut ipse amputauerat septuaginta Regibus, ut habetur, *Iud. 1.* Agab qui sine liberis fecerat mulieres, remansit sine liberis mater eius, 1. Reg. 15. Superbus Amans suspensus est in eodem patibulo, quod parauerat Mardocheo, *Hest. 7.* Hostes Iudæorum eodem die occisi sunt, quo ipsi Iudæos occidere decreuerant, *Hest. 9.* Viri qui Danielem fecerunt mitti in lacum leonum, missi sunt in eandem & deuora-

ti sunt, *Daniel 14.* Duo senes qui voluerunt iniuste occidere Susannam, à populo interfecti sunt, *Daniel 13.* In eodem loco in quo Andronicus occiderat Oniam, fecit eum Eunuchus occidi, 2. *Machab. 4.* Iason qui multos interfectos & insepultos abiecerat, insepultus ipse abiectus est, 2. *Machab. 5.* Antiochus blasphemus & homicida, pessimo vlcere interfectus est, 2. *Machab. 9.* A seruo nequam qui noluit conseruo dimittere, repetit Dominus debitum iam dimissum, *Matth. 18.*

Sicut presente sole maculæ etiam minimæ apparent, sic coram iustitia & iudicio diuino omnia hominum peccata quantumvis occulta deteguntur.

Sicut per ventum palæ à tritico separantur, sic iustitia diuina in extremo iudicio separabit malos de medio iustorum, & mittet eos in caminum ignis, *Matth. 13.*

VIDE EX BREVIARIO. *Iudicium Dei est pondus & statera.* Dom. Aug. 1. 3. Sabb. & secundum veritatem. Fest. S. Syluest. n. 1. *Iustitia Dei non scrutanda.* Octob. S. Ioan. Evan. n. 3. 1. 2. Sed potius rimenda, die 2. Epiph. n. 2. 1. 3. & 6. ibidem n. 2. 1. 3. *Quamvis punitionis diuine causæ non semper sciatur.* Dom. 4. Pentec. fer. 6. 1. 2. tamen ut plurimum propter peccata fit, Dom. 4. Nou. fer. 2. cum impio aliquando etiam iustus inuoluitur. Dom. 2. Nou. n. r. l. r. *Deus in punitione non aufert omnem misericordiam,* Dom. 5. Pentec. fer. 5. 1. 3. Pl. 88. fer. 6. & Cant. ad laudes ibid.

Sententie &c. de Iustitia.

Dico vobis quia nisi abui lauerit iustitia vestra, plusquam Scribarum & Phariseorum, non intrabitis in regnum cælorum. *Matth. 5.*

Iustitiæ Domini rectæ lætificantes corda. *Psal. 28.*

Et annuntiabunt cæli iustitiam eius. *Psal. 21.* Omnis qui facit iustitiam, ex Deo natus est. *Ioann. 2.*

Septies de die cadet iustus, & resurget. *Proverb. 24.*

Benedictio Domini super caput iusti. *Proverb. 10.*

Fructus iusti lignum vitæ. *Proverb. 30.*

In memoria æterna erit iustus. *Psal. 111.*

Nomen eorum viuet in generatione & generationem. *Ecclesi. 44.*

PATRES &c. Hæc est perfecta iustitia, qua potius potiora, & minus minora diligimus. *August.*

Iustitia magis alijs quam sibi prodest, & uti-

D 4 lita-

litas suas negligit, communia emolumenta præponens. *Ambros.*

Iustitia non nouit patrem, non nouit matrem, veritatem nouit, personam non accipit, Deum imitatur. *Cassiodor.*

Iustitia vtilibus rectum præponere sua fundet. *Claudian.*

Iustum & tenacem propositi verum.

Si fractus illabatur orbis.

Impavidum ferient ruinae. *Horat.*

Dat veniam Coruis, vexat censura columbas, id est innocentes.

L.

LIBERALITAS.

Liberalitatis exempla nobis præbuit Christus : Nam relinquenti temporalia promisit æterna. Centuplum in præsentem, & vitæ æternæ gloriam tribuens in futuro, *Matth.* 19. Non debet liberalis procrastinare beneficia : Sicut Christus non dixit latroni, cras mecum eris in Paradiso, sed hodie, *Luc.* 23.

Maiores virtutes reputatur liberalitas erga pauperes, quam diuites. Iob liberalis fuit ad pauperes qui ait; Cor viduæ consolatus sum, Pater eram pauperum, *Iob.* 29. Liberaliter magi Christo pauperi pannis inuoluto in præsepio stabuli reclinato, munera obtulerunt. *Matth.* 2. Saluator liberaliter paut pauperem turbam, quia non habebat quod manducaret, ut habetur *Matth.* 13. *Marc.* 8. Multum largus erat Zachæus, qui dicebat, dimidium bonorum meorum Domine do pauperibus, & si quem defraudauit reddo quadruplum, *Luc.* 19. In Euangelio valde liberalis fuit ille Rex qui nuptias fecit filio suo, & misit vocare inuitatos ad nuptias, donec mensæ discumbentium implerentur, *Matth.* 22.

Liberalitas debet esse reciproca. Regina Saba multa attulit Salomoni, & Salomon dedit ei omnia quæ petijt, *3. Regum.* 10. Iulius liberaliter recepit Paulum & socios eius, & Paulus uxorem eius ægram restituit sanitati, *Act.* 27. Quia viri Sochet & Phaniel non fuerunt liberales Gedeoni, ab eo grauiter sunt puniti, *Iudic.* 8. Nabal in maximo, propter tenacitatem suam, fuit periculo, nisi largitas Abigail suppleuisset, *1. Reg.* 25.

Similis est homo liberalis vberissimo Fonti, qui suas aquas sibi non seruat, sed eas alijs profluere & prodesse permittit : è contra auarus est instar stagni in quo aquæ semper manent, & putrescunt.

Sicut Sol circuit orbem ut lucem suam diffundat, & homines lætificet, nec tamen per hoc obscuratur; sic homo liberalis quærit occasionem alijs benefaciendi, & omnes eius aspectu lætantur.

Sicut vas plenum & vas vacuum, si pulsentur, optimum concentum præbent, ita optime conuenit inter diuitem benignum & pauperem vacuum & egenum.

VIDE EX BREVIARIO. Liberalitas non habet gratiam, si iniuriam perseverat. Dedic. die 1. n. 3. l. 2. Eleemosyna habet Deum inspectorem. Dom. 6. Aug. fer. 5. l. 3. Omnibus dictum est: Oculos à pauperes non auertas. Dom. 4. Aug. fer. 6. l. 3. Sic danda, ut abstinentia ieiunantis, sit refectio pauperis. Dom. 3. Adu. n. 2. l. 3. idque ex compassiva charitate. Dom. 3. Septemb. fer. 6. l. 3. peccata redimit. Dom. Nouemb. fer. 4. l. 3. Sicut ignem aqua extinguit. Dom. 4. Aug. fer. 5. l. 3. non facit pauperem, 2. Com. non Pontif. n. 3. l. 2. borrea replet. Dom. 1. Aug. fer. 2. l. 2. multis bonis in vita beat. Pl. 40. fer. 3. æternis post mortem, 2. Com. non Pontif. n. 3. l. 3. liberalis Regis Hungariae manus post mortem incorrupta. 20. Aug. n. 3. l. 3. 22. Nouemb. n. 3. l. 3. Exempla liberalis Eleemosinae, 17. Ian. n. & 30. eiusdem n. 2. 26. Iun. 12. Aug. n. 3. l. 3. 16. Septemb. n. 2. l. 3. 21. Oct. 1. 1. 22. Nouemb. n. 2. l. 3.

Vide Auaritia, Hospitalitas.

Sententie &c. de Liberalitate.

Diuitiæ addunt amicos plurimos. *Prov.* 19. scilicet liberaliter expensæ.

Hilarem datorem diligit Deus, *2. Cor.* 6.

Dat & dabitur vobis, *Euang.* 1.

Nesciat sinistra quid faciat dextera tua. *Matth.* 6.

PATRES, PHIL. POETÆ. Liberalitas est motus quidam animi, faciens & approbans, liberas largitiones sine spe retributionis. *Augustinus.*

Modus liberalitatis tenendus est, ut quod benefacis quotidie facere possis. *Ambros.*

Non solum quæritur quantum, sed de quanto, & quo animo detur. *Idem.*

In ipsa liberalitate modus adhibendus est rerum & personarum: rerum ut non omnia vni, sed singulis quædam præstentur, ut pluribus prodesse possimus. . . . personarum, ut primum iustis, dein peccatoribus. *Gregor.*

Nunquam est vacua manus à munere, si arca cordis repleta est bona voluntate. *Idem.*

Martial. Extra fortunam est, quidquid donatur amicis.

Quas dederis, solas semper habebis opes. *Collis.*

Collige thesaurum, qui gemmas vincit & aurum,

Tollere quem nequeunt fures, nec rodere mures.

Gazas congestas præcellit mentis honestas, scil. liberalitas.

Cicero. Liberalitate nihil est naturæ hominis accommodatius.

Melius apud bonos, quam apud fortunatos, beneficium collocatur. Cicero.

Vnum bene positum beneficium, multorum amissorum soluit damna. Seneca.

Bis est gratum, si quod opus est ultro offeras. Seneca.

Bis dat, qui cito dat. Idem.

L V X V R I A.

Luxuria causa vel occasio est homicidiorum. Nam propter violationem Dynæ habitatores ciuitatis Sichem sunt occisi, Genes. 34. Amon propter violationem sororis suæ Thamar, ab Absalone in conuiuio fuit occisus, 2. Regum. 13. Dauid pulchritudine Bersabee captus, cum adulterio homicidium perpetravit, 2. Reg. 11. Propter luxuriam Herodis & Herodiadis fuit Ioannes Baptista decollatus, Matth. 6. Marc. 14.

Luxuria deiecit potentes. Sic deiecit Sampsonem Dalila, Iud. 16. Decipit prudentes. Sic decipit Salomonem per mulieres, quibus adhæsit, 3. Regum 11. Diminuit viribus pollentes, sic diminuit Holofernem capite & vita, propter luditum quam concupiuit, Iud. 12. & 13.

Destruit ætate senescentes. Sic destruxit duos senes propter Susannam, eius pulchritudinem aspicientes, Dan. 3.

Luxuriam sequuntur graues poenæ. Nam causa diluuij videtur fuisse luxuria, quia omnis caro corruerat viam suam, dixit Deus ad Noe: delebo hominem, Genes. 6. Quia in animam quæ libidini vacat, habent potestatem demones, petierunt demonia intrare in porcos, id est luxuriosos, Matth. 8. Duo senes luxuriosi volentes Susannam opprimere, à populo sunt lapidati, Dan. 13. Mulier in adulterio deprehensa iubetur à Moyse lapidari, Leuit. 20. Sodoma & Gomorra ob libidinem deleta sunt.

Sicut filius prodigus viuendo luxuriosè dissipauit substantiam suam, & inter porcos vesci & viuere debuit, Luca 15. Sic alij per luxuriam dissipant & perdunt patrimonium regni celestis, & digni sunt ut potius inter imundos porcos, quam inter homines viuant.

S. Benedictus ut luxuriæ tentationes superaret in vepribus se tamdiu volutauit, donec

voluptatis sensus dolore opprimeretur, ut narratur in Breuiar. die 22. Martij leet. 4.

Sicut nemo nisi infans vellet haurire venenum mortiferum, etsi modico melle condia- tur, ita infans est luxuriæ peccato animam perdere, propter modicam & momentaneam voluptatem quæ in ea continetur.

Sicut qui in ardenti febris laborant, præ sensus stupore, suauitatem cibi non sentiunt, sic libidinosi veræ virtutis gustum non percipiunt, Cic. Phil. 2.

Vt fauus distillans labia meretricis, nonissima autem eius amat quasi absynthium, Pro- uerb. 5.

Sicut duobus modis ignis extinguitur; subtrahendo ligna, vel inspergendo aquam; sic flamma luxuriæ suffocari debet subtrahendo carnis incentiua, vel certè infundendo aquam lachrymarum.

VIDE EX BREVIARIO. Luxuria, hanc etiam mortuorum casti oculi auersantur, 29. Aug. l. 2. Adulterium est iniquitas maxima, Dom. 2. Sept. fer. 4. lapidatione olim puniebatur, Sabb. Dom. 3. Quadr. l. 2. de facto priuatione regni Dei, Dom. 1. Epiph. fer. 4. l. 2. Dom. 3. Epiph. fer. 3. Fornicatio fugienda, Dom. 1. Epiph. fer. 3. & fer. 4. ibidem l. 3. Dom. 4. Epiph. fer. 6. l. 1. imò, nec nominetur in vobis, Dom. 3. Epiph. fer. 6. l. 1. Fornicatores regnum Dei non possidebunt, Dom. 1. Epiph. fer. 4. l. 2. Qui etiam singulariter iudicabuntur, Dom. 4. Epiph. Sabb. l. 1. Item, molles regnum Dei non consequentur, Dom. 1. Epiph. fer. 4. l. 2.

Vide Castitas.

Sententia iſc. de Luxuria.

PATRES &c. Luxuria est inimica Deo, inimica virtutibus, perdit omnem substantiam (scilicet corporis, & animi.) August.

Sæuus criminum stimulus libido est, quæ nunquam quietum patitur affectum, nocte ferret, die anhelat. Ambrosius.

Dum seruitur libidini, facta est consuetudo: & dum consuetudini non resistitur, facta est necessitas. August.

Qui luxuriatur, viuens mortuus est. Hieron.

O ignis infernalis luxuria! cuius materia gula, cuius flamma superbia, cuius scintillæ praua colloquia, cuius fumus infamia, cuius cinis immunditia, cuius finis gehenna. Idem Hieronymus.

Luxuriæ circus quadriga voluitur vitiorum, ingluuie ventris, libidine coitus, mollitie vestium, otij soporisque resolutione: trahitur æquis æquæ duobus, prosperitate vitæ, & rerum abun- 11

abundantia : & qui his præsident duo , ignauia torpor , & infida securitas. *Bernardus.*

O extrema libidinis turpitudine ! quæ non olum mentem effeminat , sed corpus eneruat , non solum maculat animam , sed fædat personam. *Beda.*

Ouidius. Otia si tollas periere cupidinis arcus.

Florentes , quondam luxus quot vicerat vrbes.

Quippe nec ira Deum tantum , nec fela , nec hostes.

Quantum sola noce animo illapsa voluptas. *Silius.*

Turpe senex miles , turpe senilis amor. *Ouidius.*

Libidinosa , intemperansque adolescentia , effectum corpus tradit fenestuti. *Cicero.*

Viros triumphales , victores gentium , luxuria vicit. *Macrobius.*

Sine Cerere , & Baccho friget Venus. *Tertent.*

M

MATRIMONIUM.

DEbet vxor esse sociâ , non domina , nec ancilla. Ad quod designandum Dominus formauit Euam de costa viri , quæ est in medio , non de capite , nec de pede , vt eam diligit sicut cor suum , *Gen. 2.*

Matrimonio iuncti debent habere unitatem. Vir enim vnâ solam debent habere , & è conuerso : ided dixit Deus , Erunt duo in carne vna , *Gen. 2.*

Honestissima causa ducendi vxorem : Est illa quam exposuit Angelus dicens : Accipies vxorem cum timore Dei , & amore filiorum magis quàm amore libidinis , vt habetur *Tob. 6.* Propter hac causam noui coniugati prius debent vacare orationi , quam operi coniugali ; sicut Tobias , qui prima nocte , secunda , & tertia , docuit vxorem orare antequam coniungerentur , *Tob. 8.*

Matrimonium in nouo testamento , & veteri Deus multipliciter honorauit. Nam ordinem matrimoniale in Paradiso constituit , quando mulierem homini sociavit , *Gen. 2.* Destruente Domino mundum per aquas diluuii , solos Matrimonio coniunctos saluauit , scilicet Noë , & vxorem eius , & tres filios eius cum vxoribus eorundem , *Gen. 7.* Matrimonialibus nuptijs Christus cum matre , & discipulis voluit interesse , & ibi primum manifestum miraculum operari , vt ipsum Matrimonium honoraret ,

Ioannes 2. Cœleste , & spirituale conuiuium , matrimonialibus nuptijs , à Domino assimilatur , *Lucæ 14.*

Sicut corpus nihil potest operari absque anima , nec anima sine corporis adiutorio , sic vt res familiæ rectè gerantur , vir & vxor inter se concordia habere debent.

Sicut meritò suspectus est de morbo qui multum agit cum medicis , sic infirma iudicatur fidelitas viri aut vxoris , si minimum affe-
ctat consortium cum personis alienis.

HÆRESES de Nuptijs , vide *Tom. 1. pag. 253.* de Sacram. Matrimonij. *Tom. 2. pag. 335. tract. 5.*

VIDE EX BREVIARIO. Matrimonium est indissolubile. Vig. Epiph. n. 1. & Dom. ... Epiph. n. 5. 1. 3. 5. Febr. n. 3. 1. 1. adeoque non soluendum. 2. Commun. Virgin. n. 3. Diuortium est à diabolo. Dom. 1. Epiph. n. 3. 1. 2. Matrimonium à Christo ad Sacramenti dignitatem eleuatum , Dom. 2. Epiph. n. 3. 1. 2. etiam inter virgines esse potest , 8. Decemb. n. 3. 1. 2. 14. Iul. n. 3. 1. 3. magnum est eius debitum , seu obligatio , Dom. 1. Epiph. n. 5. Nuptiæ Christiani comparantur nuptialibus seru-
uit , Com. non Pontif. n. 3. 1. 3. Christus habet suas nuptias , Dom. 19. n. 3. 1. 3. virgines ipsæ , Dom. 2. Epiph. n. 3. 1. 3.

Sententia Cyc. de Matrimonio.

Creavit Deus hominem ad imaginem suam , ad imaginem Dei creauit illum masculum , & fœminam creauit eos. *Gen. 1.*

Quod ergo Deus coniunxit , homo non separet. *Matth. 19.*

Honorabile connubium in omnibus , & thorus immaculatus , fornicatores enim & adulteros iudicabit Deus. *Hebr. eos 13.*

Bonum est homini mulierem non tangere : propter fornicationem autem vnusquisque suam vxorem habeat , & vnaquæque suum virum habeat. *1. Corinb. 7.*

Vxori vir debitum reddat , similiter & vxor viro. *Ibidem.*

Trade filiam & grande opus feceris , & homini sensato ad illam. *Eccles. 7.*

Mulieres viris suis subditæ sint , sicut Domino. *Eccles. 5.*

Viri diligite vxores vestras , sicut Dominus dilexit Ecclesiam , & seipsum tradit pro ea. *Ibidem.*

Viri debent diligere vxores suas vt propria corpora , qui suam vxorem diligit seipsum diligit. *Eccles. 5.*

Ego autem dico vobis , quia omnis , qui dimiserit vxorem suam , excepta fornicationis cau-

cauſa, fecit eam mæchari, & qui dimiſſam duxerit mæchatur, *Matth. 5. Luc. 16.*

Alligatus ex vxori, noli quærere ſolutionem. *1. Corinth. 7.*

Propter hoc relinquet homo . . . Sacramentum hoc magnum eſt: ego autem dico in Chriſto & in Eccleſia. *Eccleſ. 5.*

PATRES &c. Deus maſculum & fæminam propagandi generis cauſa nuptiari caſtitate coniunxit, & ſecundas nuptias (poſt mortem) quæ in vnoquoque teſtamento permittuntur licitas eſſe monſtrauit. *Aug.*

Nemo melius ſcire poteſt, quid ſit vxor vel mulier, illo qui eam paſſus eſt. *Hieron.*

Si tu abſtineſ ſine vxoris voluntate, tribues ei fornicandi licentiam, & peccatum illius tuæ imputabitur abſtinentiæ. *Aug.*

Hanc maximè duc in vxorem quæ propete habitat. *1. tibi nota.*

Non bene inæquales veniunt ad aratra iuueni.

Si qua voles apte nubere nube pari. *Ouid.*

Quæ nubit toties, non nubit: adultera lege eſt. *Martialis.*

Vxorem quare locupletem ducere nolim:

Quæritis? vxori nubere nolo mæ.

Qui capit vxorem, capit abſque quiete laborem:

Vxorem duxi, ſed quantum poſtea luxi.

MENDACIVM.

Mendaces inique quærunt decipere audientes. Sic primum mendacium fuit à diabolo prolatum, ſcilicet: Nequaquam moriemini, vt hominem decipiendo traheret ad peccatum, quod, & fecit, *Gen. 3.* Gabaonitæ callidè cogitantes, Iofue mendacio voluerunt decipere, ſed ille bono uſus Conſilio paſtum initum non fregit, ſed eos vt meruerant in ſeruitutem redegit, *Iofue 9.* Proditoriè Triphon mentitus eſt Simoni, quando argentum & obſides pro Ionathæ liberatione recepit, qui poſtea Ionatham & filios eius interfecit, *1. Machab. 13.*

Mendaces ſunt peſſimi teſtes falſi. Sic duo falſi teſtes producti contra Naboth iniuſtè lapidati fecerunt, eum blaſphemaffe Deum mendaciter aſſerentes, *3. Regum 21.* Contra Suſannam falſum teſtimonium protulerunt duo iniqui ſenes, & falſi iudices, *Daniel 13.* Duo falſi teſtes qui locuti ſunt contra Stephanum, iniuſtè eum lapidari fecerunt, vt patet, *Act. 7.*

Os illius qui mentitur occidit animam, & aliquando corpus. Sicut Ananias, & Saphira excuſantes ſe mendaciter coram Petro, diræ mortis ſententiam incurrerunt, *Act. 5.* Chriſtus ſæpè

exprobrauit Phariſæi mendacia, vt *Ioan. 8. v. 44.* Vos ex patre diabolo eſtis: Ille homicida erat ab initio, & in veritate non ſtetit. Propter quod, inquit Apoſtolus, Deponentes mendacium, Loquimini veritatem vnusuiſque ad proximum ſuum.

Mendaces ſimiles ſunt Noſti, & tenebris, quæ orta veritatis luce ſtatim diſparent. Item Latronibus qui libenter in tenebris ambulant. Denique ſimiles ſunt Araneis quæ magno labore retia effingunt vt muſcas capiant, ſed faciliſſimè rumpuntur.

VIDE EX BREVIARIO. Os quod mentitur occidit animam, Dom. 3. Aug. n. 1. 1. 3. idèd fugiendum, Dom. 5. Aug. ſer. 2. 1. 3. mendax eſt, qui dicit ſe noſſe Deum, & mandata eius non ſeruat, Dom. infra Aſcenſ. n. 1. 1. 3.

Vide Aſtutia, Adulatio.

Sententia &c. de Mendacio.

Non mentiemini, nec decipiet vnusuiſque proximum ſuum, *Leuit. 19.*

Propter quod deponentes mendacium, loquimini veritatem vnusuiſque cum proximo ſuo, quoniam ſumus inuicem membra, *Epheſ. 4.*

Verbum mendax iuſtus deteſtabitur, *Proverb. 13.*

Vanitatem & verbum mendacij longè fac me, *Proverb. 30.*

Lingua fallax non amat veritatem, *Proverb. 17.*

Qui quod nouit loquitur, iudex iuſtitiz eſt: qui autem mentitur, teſtis eſt fraudulentus, *Proverb. 12.*

Quoniam non eſt in ore eorum veritas. Sepulchrum patens eſt guttur eorum, &c. *Pſalm. 5.*

Melior eſt pauper iuſtus, quam vir mendax. *Proverb. 19.*

Os autem quod mentitur, occidit animam, *Sapient. 1.*

PATRES &c. Inter eſt quemadmodum verbum procedat ex animo: ream linguam non facit, niſi rea mens. *Auguſtinus.*

Quomodo Deus Pater genuit Filium veritatem, ſic diabolus lapſus, genuit quaſi filium mendacium, *Auguſtinus.*

Mendacia ſi non habent quem decipiant, ipſa ſibi mentiuntur, ait *Pſalmiſtiſ.*

Nonnunquam peius eſt, mendacium meditari quam loqui, non loqui plerumque præcipationis eſt, meditari verò ſtudioſæ prauitatis, *Gregorius.*

Qui eſt multiloquax, idem ſæpiſſimè eſt mendax. Quia, vt *Sapiens* ait, in multiloquio

Quo non deerit peccatum.

Mendax hoc lucratur, vt cum vera dixerit, ei non credatur, *Aristoteles*.

M O R S.

Mortis sententiam homo pro peccato incurrit. Inuidia enim diaboli mors introiit orbem terrarum, *Sapient. 2.* Non solum secundum corpus, sed & secundum animam homo moritur certo modo per peccatum. Nam dictum fuit homini à Deo: quacumque hora comederitis, id est mandatum transgressi fueritis, moriemini, *Genes. 2.*

Mors bona, & in statu bono homini appetenda est. Tobias iustus desiderabat mortem, dicens: *Præcipe in pace deponi spiritum meum, Tobias 3.* Apostoli sic sunt post aduentum Spiritus Sancti confirmati, vt mortem & verbera non timerent, *Act. 5.* Desiderabat Paulus mortem cum dicebat: Non solum ligari, sed & mori, *Act. 21.* Et cupio dissolui, & esse cum Christo: *ad Philip. 5.* Martinus multum desiderabat ex hac vita migrare: in Breuiar. die 11. Nouemb. lect. 6. S. Laurentius dolebat quod Sixtus se ad mortem præcederet, in Breuiar. 10. Aug. lect. 4. die 3. infra eius Octauam:

Mortem desiderant homines, cum graues sustinent dolores, vt ab eis citius eruantur. Sic Elias sedens sub lunipero, quem persequabatur Iezabel, petiit vt moreretur, *2. Reg. 29.* Post contumeliam ab ancilla receptam Sara dixit, Peto Domine, vt de vinculo improperij huius eripias me, *Tob. 3.*

Christianus debet pro iustitia mortem libenter sustinere. Sic Christus factus est obediens vsque ad mortem Crucis durissimam, *Matth. 27.* Post Christum pro fide, & iustitia lapidatus est Stephanus, & mortem libenter subierunt Martyres innumeri, de quibus in Breuiario.

Mors omnibus certa. Nam sicut omnia flumina currunt ad mare à quo profluxerunt, ita omnes homines tendunt ad mortem, & ad terram ex qua formati sunt.

Hora autem mortis incertissima. Hinc Christus aduentum mortis comparat nocturno furi: Et iubet nos vigilare, quia nescimus diem neque horam.

VIDE EX BREVIARIO. Pro fide, & iustitia lapidatus est Stephanus, & mortem subierunt libenter Martyres innumeri, videnti eorum dies. *Impij cum morte videntur fœdus inisse, Dom. 3. Adu. fer. 2. 1. 3. Mors peccatorum pessima, Psalm. 33. fer. 2. Hac à Christo est destructa, Dom. 5. Epiph. fer. 3. 1. 3. Mors corporis comparatur somno, 22. Nouemb. n. 3. 1. 3. non adedtimenda, 27.*

Ian. n. 3. 1. 3. Sanctorum mors pretiosam conspectu Domini, Psalm. 116. fer. 2. Vesp. eos celos parturit, 24. Iun. n. 2. 1. 1. Mors aliquando optari potest; præsertim quando melius est mori, quam enormia mala videre, Dom. 1. Sept. fer. 4. Dom. 1. Octob. Sab. 1. 3. & 21. Iul. 1. 1. Commun. non Pontif. n. 1. Mors eligenda potius, quam Deum offendere, 11. August. n. 3. 1. 1. Præparatio, seria præmittenda; cum etiam sanctis sic terribilis, Dom. 2. n. 3. 1. 3. & à demone tum maxime homines tententur, 11. Nouembr. n. 2. 1. 3. Hinc merito admonentur: Ante obitum operare iustitiam, Dom. 5. August. fer. 5. 1. virtutis operatio est ad mortem dispositio, Dom. 5. August. n. 2. Morituri, eos, quos sua cura habuerunt, pœ adhortentur ad perfectionem Christianam, 17. Ian. n. 2. 1. 3. ad charitatem mutuat, 18. Aug. n. 2. 1. 3. ad pietatem, ibid. Crucis signo se muniant, 27. Ian. n. 2. 1. 3. celum intueantur, 11. Nouemb. n. 2. 1. 3. inimicis maxime condonent, Octau. Steph. n. 1.

Vide Timor Domini.

Sententia Eccl. de Morte.

Si mortui sumus cum Christo, credimus quia simul etiam viuemus cum illo, *Rom. 8.* Anima peccauerit ipsa morietur, *Ezech. 18.* Peccatum quod consummatum fuerit generat mortem, *Iacob. 1.*

Dimitte mortuos sepelire mortuos, *Matt. 8.* Stipendium peccati mors, *Rom. 6.* Omnes morimur, & quasi aquæ dilabimur in terram, quæ non reuertuntur, *2. Reg. 14.* Sicut in Adam omnes moriuntur, ita & in Christo omnes iustificarentur, *1. Cor. 15.* Stimulus autem mortis peccatum est, *Ibid.* Vigilate quia nescitis diem neque horam, *Euang.*

Melior est mors quam vita amara: & requies æterna quam languor perseuerans, *Ecc. 90.* Iustus si morte præoccupatus fuerit in refrigerio erit, *Sap. 4.* Beati mortui, qui in Domino moriuntur, *Apoc. 14.* Mortuo homine impio, nulla erit vltra spes, *Prou. 11.*

Verè enim mors peccatorum pessima: Nescis qua hora mors veniet: semper vigila, vt quod nescis quando veniet, paratum te inueniat quum venerit, *August.*

Timor de futura morte mentem necessariò concutit, & quasi clauis carnis omnes motus superbix ligno crucis affigit, *August.*

Latet vltimus dies, vt obseruentur omnes dies: fero parantur remedia, quum mortis imminet pericula, *Idem.*

Non

Non potest male mori qui bene vixerit : & vix bene moritur qui male vixit , *Idem*.

Nudi omnes nascimur, nudi morimur, nulla distinctio inter cadauera mortuorum, nisi forte quia grauius fetent diuitum corpora, luxuria distenta, *Ambr.*

Quid in rebus humanis certius est morte ? quid incertius hora mortis inuenitur, *Bernard.*

Omne crede diem tibi diluxisse supremum.

Grata superueniet, quæ non sperabitur hora, *Horatius.*

Peruigili cura, semper meditare futura.

Exigua fossa, clauduntur pellis & ossa,

Dic homo quid speres, qui mundo totus adhæres ?

Dum tumultū cernis, cur nō mortalia spernis ?

Tali namque domo, claudtiur omnis homo.

Cum moritur diues concurrunt vndiq; ciues.

Dum moritur pauper, sequitur vix vnus, & alter, *Stan.*

Cōtra vim mortis, nō est medicamē in hortis.

Serius aut citius metam properamus ad vñā.

Mors sceptrā lignonibus æquat.

Tendimus huc omnes, hæc est domus vltima.

Pallida mors æquo pulsāt pede pauperum tabernas regumque turres.

O.

O B E D I E N T I A.

Obedire debemus Deo magis quam hominibus, qui nobis præcipiunt salutis contraria. Vnde Marathias dixit nuncio Regis Antiochi, & si omnes obediant Regi Antiocho, ego & filij mei obediemus Deo, 1. *Machab. 2.* Vnus illorum septem fratrum qui noluerunt obedire Regi, vt carnes contra præceptum Domini comederent, dixit, Parati sumus mori prius, quam transgredi Legem Dei, vt dicitur, 2. *Machab. 7.* Petrus & Ioannes Principibus Sacerdotum præcipientibus ne in Nomine Iesu loquerentur, responderunt, Si iustum est vos potius audire, quam Deum, iudicate, *Act. 4.* Deinde cum arguerentur à Principibus dixerunt. Oportet obedire Deo magis quam hominibus, *Act. 5.*

Obedire oportet Prælati, siue sint boni, siue mali dummodo bona præcipiant. Idē dixit Christus; super cathedram Moysi sedebunt Scribæ & Pharisei, omnia quæcunque dixerint vobis facite, *Matth. 23.* Paulus electus in socium Barnabæ ambulabat confirmans omnes Ecclesias, & præcipientes obedire præceptis Apostolorum, *Act. 15.*

Obedire debet homo parentibus, si non præcipiant quæ impediant salutem. Idē dicit Paulus; Obe-

dite filij Parentibus vestris in Domino, *ad Ephef. 6. ad Coloss. 3.* Tobias iunior dixit Patri; omnia quæ præcepisti faciam Pater, *Tobias 5.* Descendit puer Iesus cum Maria & Ioseph in Nazareth, & erat subditus illis, *Luca 2.*

Obediendum est promptè & non procrastinandum. Sic obedierunt illi Apostoli, qui statim relictis retibus secuti sunt Saluatorem, *Matth. 3.* Simile etiam legitur de Matthæo, qui relictis omnibus, secutus est eum, *Matth. 9. Luca 5.* Paulus audiens vocem Iesu, promptè respondit dicens; Domine quid me vis facere?

Obedire debet homo quantumcumque mandatur difficile. Nam Abraham mandatū circumcisionis licet esset difficile non distulit adimplere, *Gen. 17.* Graue erat Abraham de filij immolatione præceptum, quod tamen nisi Deus aliter ordinasset sine mora voluit implere, *Gen. 22.* Propter hanc causam exemplum obedientiæ in Saluatore nostro proponit Apostolus dicens; Factus est obediens Patri vsque ad mortem Crucis & ponit fructum obedientiæ sequentem, dicens; Propter quod & Deus exaltauit eum; & dedit illi nomen, quod est super omne nomen, *ad Phil. 2.*

Obedire nolentes grauius puniuntur. Nam prima præcepti transgressio in parentibus grauius maledictionibus est punita, *Gen. 3.* Quia mandatum Iosue transgressus est Achior, idē fuit à populo lapidatus, & Iosue & populus ex illa inobedientia in bello fuerit superatus, *Ios. 7.* Saul qui contra præceptum Samuelis Sacrificium obtulit & Agag Regi contra præceptum Domini parcere voluit, fuit à Domino reprobatus, vt habetur, 1. *Reg. 15. & 16.* Dixit Dominus Salomoni quod si non custodiret mandata Dei, deleret de terræ superficie thronum eius, 2. *Paral. 7.* Ionas qui refugiebat Domino obedire præcipienti, vt in Ninive Verbum Dei predicaret, in mare Domino disponente coniectus fuit, *Ion. 2.*

Sicut Lutum in manu figuli, aut Lignum in manu fabri permittit se scindi, poliri, & in omnē formam mutari, sic homo obediens debet permittere à manu sui Creatoris se dirigi, disponi, & in omni fortuna ab eius voluntate gubernari. Aliam similitudinem veri obedientis assignat S. Ignatius de Baculo in manu senis, qui ad omnem vsum ei inseruit qui eum manu tenet.

Sicut optimus est Equus qui obtemperat fratri, ita obediens, qui se legibus accommodat. Sicut nos volumus vt lumenta & creatura nobis seruiant & obediant, ita debemus nos Deo per omnia obtemperare.

VIDE EX BREVIARIO. Est iter regni caelestis, Domin. 4. Pentec. nu. 3. 1. 2. ideo inculcanda, Domin. 5. Epiphan. fer. 6. Alia est erga Deum;

Deum; & hæc præponenda omnibus hominum mandatis, 11. Aug. n. 3. Commun. Apost. n. 2. l. 3. Alia filiorum erga Parentes, Dom. infra Epiph. n. 3. l. 3. Alia seruorum erga Dominos, Dom. 3. Epiph. phan. Sabb. Dom. 4. eiusdem fer. 3. l. 3.

Sententiæ &c. de Obedientia.

Quid autem vocatis me Domine, Domine & non facitis quæ ego dico vobis, *Luc. 6.*

Omnia quæ locutus est Dominus, faciemus, & erimus obedientes, *Exod. 24.*

Multo enim melior est obedientia, quam stulorum victimæ, qui nesciunt quid faciunt mali, *Ecc. 4.*

Nunquid vult Dominus holocausta, & victimas & non potius ut obediatur Nomini Domini, *2. Reg. 1. 5.*

En propono in conspectu vestro hodie, benedictionem & maledictionem: benedictionem si obedieritis mandatis Dei vestri, maledictionem, si non audieritis, *Deut. 11.*

Mens iusti meditabitur obedientiam, *Prou. 1. 5.*

Omnia ergo quæcumque dixerint vobis, seruare, & facite, *Matth. 23.*

Obedite præpositis vestris, & subiaccete eis: illi enim rationem reddunt pro animabus vestris, *Heb. 13.*

PATRES &c. Non semper malum est, non obedire præcepto, cum Dominus iubet ea, quæ sunt contraria Deo, tunc ei obediendum non est, *Aug.*

Quid iniquius, quam velle sibi obtemperari à minoribus, & nolle obtemperare maioribus, *Aug.*

Obedientia, non serui metu, sed charitatis affectu seruanda est, & non timore pœnæ sed amore iustitiæ, *Greg.*

Obedientia sola virtus est, quæ menti cæteras virtutes inserit, infertatque custodit, *Greg.*

Si vis esse sapiens, esto obediens, sic enim scriptum est: concupiscis sapientiam, serua mandata, & Dominus dabit illam tibi, *Bern.*

Perfecta obedientia legem nescit, *Bern.*

OPVS, & INTENTIO BONA.

Operatio bona ubique homini necessaria est. Voluit Deus ut in Paradiso homo operaretur: dicitur enim *Genes. 2.* Posuit Dominus hominem in Paradiso ut operaretur & custodiret illum: sic nullus status quantumvis bonus conseruari potest nisi bene operando. Et iterum de homine extra Paradisum posito dicitur, *Emisit eum extra Paradisum ut operaretur.*

terram, & addit, In sudore vultus tui vesceris pane tuo, *Genes. 2.*

Arguuntur à Christo qui stabant tota die otiosi, & dicit illis, Ite & vos in vineam meam, & pro diuersitate operis diuersa merces retribuitur, *Matth. 20.*

Seruus qui accepit quinque talenta, & cum eis lucratus est alia quinque à Domino laudatur, sed qui nihil operando abscondit pecuniam Domini sui, talentum perdit, & à Domino reprobatur, *Matth. 25.* Ex opere bono cognosci electos indicat Christus dicens, *Si filij Abrahæ estis, opera Abrahæ facite, Ioan. 8.*

Operantis intentionem plus Deus attendit quam opus. Cain obtulit de frugibus terræ munera Domino, & Abel de gregibus, optimo scilicet affectu, & intentione, idem respexit Dominus ad Abel & munera eius, ad Cain verò non respexit, *Genes. 4.*

Opera & prodigia in speciem familia fecit Moyses & ministri Pharaonis in Ægypto, sed quia hæc non erant sincera, nec in Dei nomine, non potuerunt Domino accepta esse, *Exod. 7.*

Ozias Rex Iuda voluit incensum super Altare Domini adolere, quod in se opus bonum est, sed quia bene, & licito modo non fiebat, Rex subito lepra à Deo percussus fuit, *2. Reg. 6.*

Opus bonum comparat Apostolus Sementi, cuius modica etiam grana, non modicum fructum adferunt: Et ut ad operandum animet. Qui, inquit, parce seminat parce & metet, & qui seminat in benedictionibus de benedictionibus & metet, *2. ad Corinth.*

Vide supra *Intentio, Adulatio &c.*

O R A T I O.

Orare debent Prælati pro suis subditis, ut suis orationibus à populo iram Dei auerant. Sic cum post adorationem vituli Deus populum vellet destruere, Moyses eorum prælatus pro eis seruentem orauit, & veniam meruit à Domino inuenire, *Exod. 32.* Propter orationem Moyfi absorptus est ignis, qui deuorabat castra murmurantium præ labore, *Num. 11.* Pro afflicto populo ignitis serpentibus orauit Moyses, & erecto serpente æneo à Deo remedium habuerunt, *Num. 21.* Samuel dixit ad populum: Absit à me hoc peccatum, ut cesset orare pro vobis: Ostendens peccare prælatos qui pro suo populo non orant, *1. Reg. 12.*

Orare debent omnes homines pro peccatoribus, & inimicis. Sic deuotè orauit Abraham Deum ut parceret Sodomitis, *Genes. 17.* Moyses multoties,

toties exorauit ut Deus plagam auerteret ab Ægypto, & licet Ægyptij essent mali, fuit tamen à Domino sapienter exauditus, *Exodi* 8. 9. & 10. Saluator noster pro inimicis orare nos docuit, *Matth.* 5. Et ipse pro Crucifixoribus suis orauit, *Luce* 23. Feruentius orauit Stephanus pro suis persecutoribus quam pro seipso quia pro se orans stetit, pro suis persecutoribus genua flexit.

Orare debet homo tribulatione ut de aduersitatibus liberetur. Sic Tobias cæcus vxoris improperijs tribulatus confugit ad orationis remedium, *Tobie* 3. Filij Israel tribulati ab Holoferne orantes ad Dominum clamauerunt, *Iud.* 4. Afflictus Mardocheus pro se, & populo Domino exorauit, *Hester* 4. Azarias & socij eius in tribulatione fornacis ad orationis remedium confugerunt, *Daniel* 3. Ionas afflictus in ventre ceti orauit, & saluus à Domino est eductus, *Ion.* 2. Quando Petrus seruabatur in carcere, oratio fiebat sine intermissione ab Ecclesia ad Deum pro eo, & liberatus est, *Act.* 12.

Placet Deo oratio breuis & humilis. Sic orauit leprosus qui genu flexo rogauit Dominum dicens; Domine si vis potes me mundare, *Matth.* 8. *Marc.* 1. Humiliter orauit Centurio pro paralytico seruo, indignum se reputans presentia Iesu Christi, *Matth.* 8. Ad orandum nos humiliter inducit exemplum Publicani, qui breuibus verbis meruit remissionem omnium peccatorum dicens: Deus propitius esto mihi peccatori, ut habetur *Luce* 8.

Oratio debet esse assidua. Non dimisit Daniel propter Regis decretum, quin oraret ter in die flexis genibus, sicut antè consueuerat facere, *Daniel.* cap. 6. Ad hoc idem hortatur nos Dominus dicens, Oportet vos semper orare & nunquam deficere, *Luce* 18. Ad orationis constantiam etiam Dominus nos inducit exemplo viduæ, quæ iudicem cum importunitate iudicare petebat; & exemplo amici qui panes instanter sibi petijt commodari, *Luce* 11.

Orant quidam & non exaudiuntur, quia non bene petunt, vel indigni sunt quia accipiant bona. Sic Dauid orantem pro populo, licet valde deuotè orauerit, Dominus non exaudiuit, quia non erat tunc dignus exaudiri, 2. *Reg.* 12. Sic reprobata erat oratio Ieremiæ, quando dicebat ei Dominus, Noli orare pro populo isto, nec sumas pro eis laudem vel orationem, quia non exaudiam eos, *Ierem.* 11. Iacobus dicit, Petitis & non accipietis ed quod malè petatis, *Iacob.* 4. Populo indigno & malo dixit Dominus, Cùm multiplicaueritis orationes vestras

non exaudiam vos, quia manus vestræ sanguine plene sunt, *Esaiæ* 1.

Oratio imperat remissionem peccatorum. Sic per orationem Moyſis dicentis, Dimitte eis Domine noxam hanc, aut dele me de libro in quo me scripsisti: Dominus populo suo peccatum dimisit, *Exodi* 32. Propter hanc causam docuit nos Saluator ut peccatorum remissionem in oratione Dominica peteremus dicentes: Dimitte nobis debita nostra, *Matth.* 6. *Luce* 11. In cuius figura dimisit Rex omne debitum seruo qui eum rogauerat, licet postea ex huius nequitia debita dimissa repetita fuerint, *Matth.* 18.

Oratio impetrat filios in sterilitate. Nam Isaac deprecatus est Dominum pro vxore sterili, & filios meruit obtinere, *Genesis* 25. Anna similiter deuotè Deum orauit cum lacrymis, & filium à Domino impetrauit, 1. *Regum* 1. Helisæus hospitiæ suæ sterili impetrauit à Domino filium: quem similiter suis orationibus resuscitauit, 4. *Reg.* 4.

Oratio facit Deum operari miracula. Nam per orationem Helia clausum est cælum ne plueret, & per orationem eius ad pluuiam est apertum, 3. *Regum* 17. Martha & Maria Dominum orarunt & impetrarunt Lazarum suscitari, *Ioan.* 11. Decem leprosi orantes ad Dominum, meruerunt recipere sanitatem, ut habetur, *Luce* 17.

Similis est oratio scalæ Iacob per quam homines animo & conuersatione à terrenis ad celestia ascendant. Est enim oratio ascensio mentis in Deum.

Oratio est instar Thuris suauissimi, cuius odor in cælum ascendit & Deum oblectat, sicut ait Psal. Ascendat deprecatio mea sicut incensum in conspectu tuo.

Sicut corpus viuit per animam, sic anima viuit per orationem. Oratio est sicut Armatura qua Christianus se contra mundi, carnis, & dæmonis assultos defendere debet.

VIDE EX BREVIARIO. Oratio non consistit in solis verbis, Dom. 3. Sept. fer. 4. l. 3. Dom. 1. Pentec. fer. 3. Magister eius Christus, fer. ante Ascens. l. 1. fer. 6. Pent. 24. Aug. n. 3. l. 2. negotijs nostris pramittenda, 7. Mart. n. 2. l. 2. 24. Aug. n. 3. l. 2. Bona est euan. ieiunio & e. demofyna, Dom. 3. Sept. fer. 5. l. 2. & gratiarum actione, Dom. 1. Epiph. fer. 2. l. 2. & fer. 4. l. 3. ibidem, qui petit alienum à salute, nihil impetrat. 2. Commun. plur. Mart. Paschali n. 3. l. 3. Vera oratio Publicanos iustificat. Dom. 10. n. 3. demones pellit, Dom. 3. Sept. fer. 4. Montes transfert, 17. Nou. n. 2. Locus orationis principaliter est Templum, Pl. 5. fer. 2. ad laud. Pl. 25. fer. 4. ad prim. in quo etiam efficacior promissio facta est. Commun.

mun. Dedic. n. 1.3. *Pro inuicem orare Deo gratum est.* Fer.6. Pentec. 1.2. 14. Sept. n.1. 1.3. Dom.2. Pentec. fer.4. 1.2. Dom.2. Septemb. Sabb. *pro inimicis orandum.* 2. Maij n.2. 1.3. Octau. Steph. n.1. 1.3. *Vui benefaciunt, orando pro mortuis,* 4. Maij. 1.2.

Sententia selecta de Oratione.

A Men amen dico vobis, si quid petieritis Patrem in nomine meo dabit vobis &c. *Ioannis 16.*

Petite & accipietis ut gaudium vestrum sit plenum. *Ioannis 16.*

Humilium & mansuetorum semper placuit deprecatio. *Iudub. 9.*

Cum oraueris intra cubiculum tuum, & clauso ostio ora patrem in abscondito &c. *Matth. 6.*

Quodcumque petieritis patrem in nomine meo, hoc faciam vobis, *Ioannis 14.*

Qui diligit Deum, orabit pro peccatis, & continebit se ab illis, & in oratione dierum exaudietur, *Eccles. 3.*

Vigilate & orate ne intretis in tentationem, *Matth. 26.*

Qui obturat aurem suam ad vocem pauperis, & ipse clamabit, & non exaudietur, *Proverb. 21.*

Si manseritis in me, & verba mea in vobis manserint, quodcumque volueritis, petetis & fiet vobis. *Ioannis 15.*

Si cor nostrum non reprehenderit nos, fiduciam habemus ad Deum, & quidquid petierimus, accipiemus ab eo, 2. *Ioan. 3.*

Fili, in tua infirmitate ne despicias teipsum, sed ora Deum & curabit te, *Eccles. 38.*

PATRES, &c. Multi languescunt in orando, & in nonitate conuersionis suae feruentes orant: postea languide, postea frigide, postea negligenter, quasi securi sint; vigilat hostis, dormis tu, *August.*

Oratio tua locutio est ad Deum, quando legis, Deus tibi loquitur, quando oras, cum Deo loqueris. *Idem Aug. in Psal. 85.*

Fideliter supplicans Deo pro necessitatibus huius vitae & misericorditer auditur, & misericorditer non auditur. Quid enim infirmo sit vtilius, magis nouit medicus quam aegrotus, *Augustinus.*

Oratio oranti est subsidium, Deo sacrificium, demonibus autem est flagellum. *Idem.*

Hæ sunt duæ alæ orationis, quibus volat ad Deum, si ignoscis delinquenti, & donas egen-
ti, *Idem.*

Quum orans, clama non voce sed mente

Moyse ad bella non vadit, sed orat, & tum vincit Israel. *Hieronymus.*

Quando fidelis & humilis, & feruens oratio fuerit, cælum sine dubio penetrabit. *Bernardus.*

Oratio serenat cor, abstrahit à terrenis, munda à vitijs, subleuat ad cælestia, *Cassiod.*

Dum cor non orat, nihil est quod lingua laborat. *Stan.*

P.

P A T I E N T I A.

Homo patienter ferre debet iniurias. Ioseph patienter tulit iniuriam quam ei fratres proprii intulerunt, eisque postea illatam iniuriam clementer indulsit, ut dicitur, *Genesis 37.* Cito orauit Moyse pro Maria sorore sua quæ cum offenderat murmurando, *Numer. 12.* Dauid persecutionem sustinuit, quam ei proprius filius inferebat, 2. *Regum 15.* Tobias patienter tulit consanguineorum impropria pariter & vxoris, ut habetur *Tobie 2.*

Patenter debet homo ferre tribulationes & penas à Deo, vel Dei causa infligatas. Sic Tobias excoecatus patienter sustinuit cæcitatem, *Tob. 2.* Iob fuit patiens perdendo sua, & filios, & quasi se ipsum per grauem infirmitatem, *Iob. 1.* & sequentibus. Eleazarus duos sustinuit patienter pro legum obseruantia cruciatus, 2. *Machab. 6.* Septem fratres cum pia eorum matre in suis tormentis, mirabilem patientiam habuerunt, 2. *Machab.*

Homo debet patienter offensas dimittere ex corde, non solum semel sed pluries. Nam Petro quarenti quoties dimitteret proximo, non solum septies, sed septuagies septies, *Matth. 18.* Ad patienter portandum iniurias inducit nos Christus exemplo serui nequam, cui dimissa fuerant decem millia talenta, ut patet *Matth. 18.* Exemplum etiam patientiæ habemus in Christo tempore passionis, quia patientiam conseruabit in verbis detractorijs & contumelijs, in factis & illusionibus, & verberibus crucifixione, blasphemijs, & morte, *Matth. 26. Marc. 14.*

VIDE EX BREVIARIO. Est omnium virtutum tutela. Domin. 5. Pasch. n.2. nobis necessaria, Commun. vn. Mart. n.2. per eam perditæ recuperantur, Domin.2. Sept. Sabb. Domin.3. ibidem fer.5. est melior quam arrogantia, Domin.2. August. Sabb. 1.2. debet esse constans, Dom.5. Pasch. n.1.

Vide Tentatio, Tribulatio, Perseuerantia.

Sen-

Sententia &c. de Patientia.

P A X.

Impatiens operabitur stultitiam. *Prou. 14.*

Patientia lenietur Princeps. *Prou. 25.*

Longanimus forti præstat, & qui animo suo imperat ei qui expugnat vrbes. *Prou. 16.*

In patientia vestra possidebitis animas vestras. *Lucæ 21.*

Charitas patiens est, benigna est, &c. *1. Corinth. 13.*

Qui patiens est multa gubernatur sapientia qui autem impatiens est, exaltat stultitiam suam, *Prou. 14.*

Qui timent Dominum custodient mandata illius, & patientiam habebunt vsque ad inspectionem illius. *Eccles. 2.*

PATRES &c. Paratus debet homo esse iustus, & pius, patienter eorum malitiam sustinere, quos fieri bonos quærit. *August.*

Tu bonus tolera malos: nam & Christus Iudam, cum sciret furem esse, tolerauit. *Idem.*

Tanto quisque minus ostenditur doctus, quanto minus compingitur patiens. *Gregor.*

Non est perfectè bonus, nisi qui fuerit, & cum malis bonus. *Idem.*

Nos sine flamma & ferro Martyres esse possumus, si patientiam in animo veraciter custodimus. *Idem.*

In proprijs iniurijs patientem esse, laudabile est, iniurias autem Dei dissimulare, impium est. *Chrysostomus.*

Si vindicare vis, file, & fanestam ei dedisti plagam. *Chrysostomus.*

Sunt quidam mites, sed quam diu nihil dicitur, vel agitur, nisi per eorum arbitrio: patebit autem quam longè sint à vera mansuetudine, si leuis oriatur occasio. *Bernardus.*

Dulcia non meruit, qui non gustauit amara. *Poeta.*

O passi grauiora! dabit Deus his quoque finem. *Virgilius.*

Perfer & obdura, dolor hic tibi proderit olim.

Sæpè tulit lassus succus amarus opem. *Ouid.*

Læsa sapius patientia, fit furor. *Valerius.*

Libenter feras quod necesse est, dolor patientia vincetur. *Seneca.*

Si magnanimus fueris, nunquam iudicabis tibi contumeliam fieri. *Seneca.*

Summa est stulticia summo confici mœmore. *Cicero.*

Deus pacem diligit. Patet ex his, quia in eius Natiuitate Angeli pacem annunciauerunt, *Lucæ 2.* Pacem præcepit discipulis inter se habere, *Ioan. 14.* Pacem commisit Apostolis prædicare, *Lucæ 10. Matth. 10.* Pacem in testamento reliquit, *Ioan. 14.* Et post resurrectionem suam pacem discipulis suis nunciavit, vt habetur *Lucæ 24. Ioan. 20.*

Aliquando pacem perturbat inuidia. Nam fratres Ioseph inuidentes ei, non poterant ei quidquam pacificè loqui. Ambitio etiam pacem perturbat, & discordias suscitatur inter propinquos, vt patet in Dauide, & Absolone eius filio, *2. Reg. 15.*

E contra, Pacis colenda amor, patet in Dauide erga Saulem se vbique hostiliter persequentem, quem cum in spelunca conclusum occidere potuisset, noluit eum attingere, sed maluit potius amicum præbere, & fateri se esse vnum pulicem, indignum quem Saul persequeretur, & sic lenitate magis quam vllis armis Saulis iram, & inuidiam superauit, eumque adegit vt Dauidem in gratiam reciperet, & illum se meliorem ac iustiores esse fateretur, *1. Regum cap. 24. & 26.*

Voluit expressè Deus Templum sibi à Salomone ædificari, ex eo quod esset Rex pacificus, & à bellis abstinere, *1. Paralip. c. 22.* Sic & nos Templum Dei esse non possumus, nisi in animo, cum alijs pacem conseruamus.

Pax falsa & ficta, apparet in Antiocho, qui cum Arcem cum nomine Silon expugnare non potuisset, cum obsessis pacem simulauit, & iurauit se eam seruaturum, sed intra mœnia receptus Arcem, & omnia funditus euerit, *1. Machab. 6.*

Alcimus Sacerdos cum à Iudæis ad Demetrium Asiæ Regem defecisset, simulans tamen amicum esse suis fratribus & Iudæis, pacem illis iurauit, & nihil se mali illaturum, sed postea ex illis sexaginta viros vno die crudeliter necauit, *1. Machab. 7.*

Triphon simulata pace cum Ionatha, eum in urbem honorificè introduxit, sed mox clausis portis Ionatham comprehendit, & omnes qui cum eo venerant occidi iussit, *1. Machab. c. 13.*

Sicut mundus non potest subsistere nisi inter Elementa terram, aquam, aerem, & ignem, sit pax & concordia: sic omnis Respublica, & Familia perturbatur & dissoluitur, nisi pax sit inter ciues, & domesticos.

E Sicut

Sicut dissonantia chordarum turbat musicam, ita discordia cordium & amorum perturbat familiam.

Pax est vinculum animorum, quam si sustuleris perit societas humana, & succedit confusio, sicut factum est per confusionem linguarum in ædificanda turri Babylonica.

VIDE EX BREVIARIO. Cum Deo habenda. Octau. Innoc. n. 1. l. 1. Pax redditur, si cessauerit prauaricatio, & peccatum. Domin. 3. Nouemb. Sabb. Pro pace merito laudandus Deus, Dom. 2. Aduent. Sabb. pro victoria, ibidem & Dom. 5. Aug. fer. 4. l. 3. Cantic. fer. 5. est à Deo, 30. Iun. n. 2. l. 3. quamuis etiam impio detur, Dom. 1. Nouemb. n. 1.

Sententia selecta de Pace.

Pse est pax nostra qui fecit vtraque vnum, scil. Christus. *Ephes. 2.*

Gloria in altissimis Deo, & in terra pax hominibus bonæ voluntatis. *Lucæ 2.*

Pacem relinquo vobis, pacem meam do vobis, &c. *Ioann. 14.*

Non est pax impijs dicit Dominus. *Esaia 48.*

Pax multa diligentibus legem tuam Domine. *Psal. 118.*

Cum his qui oderunt pacem, eram pacificus. *Psal. 119.*

Si fieri potest, quod ex vobis est, cum omnibus hominibus pacem habentes. *Rom. 12.*

Non enim est Deus dissensionis, sed pacis. *1. Cor. 14.*

Multitudinis autem credentium erat cor vnum, & anima vna. *Act. 4.*

Beati pacifici, quoniam filij Dei vocabuntur. *Matth. 5.*

PATRES, &c. Pax est serenitas mentis, tranquillitas animi, simplicitas cordis, vinculum amoris, confortium charitatis. *Aug.*

Si Dei vocantur filij qui pacem faciunt, proculdubio satanæ sunt filij, qui pacem confundunt. *August.*

Melius est vt pereat vnus, quam vnitas. *Bernardus.*

Lingua quandoque pacem prædicat, sed sæpius turbat. *Hug. viii.*

Pax optima rerum.

Quas homini nouisse datus est. *Silius.*

Pax plenum virtutis opus, pax summa laborum.

Pax belli exacti pretium est. *Mantuanus.*

Nulla salus bello, pacem te poscimus omnes. *Virg.*

Si cupias pacem, linguam compesce loquacem. *Stam.*

Omne quod est, tam diu manet, atque perficit, quamdiu est vnum, sed interit atque dissoluitur pariter atque vnum esse desierit. *Boetius.*

Quietissimam homines agerent vitam in terra, si hæc duo verba à natiuitate omnium tollerent, meum, & tuum. *Seneca.*

PECCATVM.

Peccatum nocet homini, quia multoties pœna corporali punitur. Vt patet in Adamo, & Eua expulsi de Paradiso cum alijs pœnis. Sodomitæ etiam pœna ignis, & sulphuris sunt puniti. *Genes. 29.* Vxor etiam Loth, quæ peccauit contra præceptum Domini se vertendo retrò, & in statuam salis est conuersa, *Genes. 19.* Pharaon etiam propter peccatum cognouit se flagellari dicens, peccaui in Deum verum. *Exodi 10.* Quia filij Israel multoties Deum ostenderunt, ab eo sæpius flagellati sunt. *Num. 16. Iosue, Regum, Iudith,* & per totum quasi vetus testamentum, &c.

Peccatum à Deo clamat vindictam. Sicut illud de quo dixit Dominus ad Cain: Vox sanguinis fratris clamat ad me de terra. *Genes. 18.* Clamor peccatorum vestrorum in aures Dei Sabaoth introiuit. *Iacobi 5.*

Scriptura comparat peccatum cum Igne ardente, qui hominem absumit. Cum Serpente venenato, *Eccles. 11.* Quasi à facie colubri fuga peccatum. Et cum Gladio ancipiti: Quasi romphæa bis acuta omnis iniquitas, plaga illius non est sanitas, *Ibid.*

S. Cyprian. Serm. de lapsis: Peccata sunt lapsis, quod Grando frugibus, quod turbidum Sydus arboribus quod armentis pestilens vastitas, quod nauigiis sæua tempestas.

Peccator, quia transgreditur decem Dei præcepta, decem plagis Ægypti punitur. Prima plaga est Sanguis, quia peccator meretur mortem, 2. est Rana, quia voluitur in sordibus peccatum, 3. est Cimex, propter aculeum conscientia, 4. est Musca, quæ ad candelam alas suas stultè comburit, ita peccator igne infernali, 5. Pestis animalium, quia habet animam peste peccati infectam, 6. Vesica turgens, per peccatum luxuriæ, aut superbæ, 7. Grando significat morbos, & pœnas cælitus immixtas, 8. Locusta omnia deuorans, opera peccatoris infructuosa, & sine merito, 9. Tenebræ densissimæ, sunt cæcitas peccatoris à via salutis aberrantis, 10. Mors primogenitorum, indicat mortem animæ propriæ, & maledictionem posteritatis iuxta psalmistam; Semen impiarum peribit. Et sicut Ægypti

P O E N I T E N T I A .

ptij cum Pharaone post has plagas fuerunt submersi in mari rubro, ita peccator in mari igneo inferni, qui paratus est diabolo & angelis eius.

VIDE EX BREVIARIO. Peccatum mortale animam occidit, Dom. 4. Quadr. ferm. 5. Dom. 15. Pentec. calceolus, Dom. infra Ascens. num. 2. venialis & mortalis differentia, Dom. 3. Quadrag. fer. 3. l. 3. & fer. 3. infra Oct. Corp. Christi n. 3. l. 3. Domin. 5. Pentecost. n. 3. Scandalum est magnum malum, 8. Maij n. 3. 29. Sept. n. 3. causa alterius peccati, Dom. 8. Pent. num. 2.

Vide singula peccata in particulari Superbia, Avaritia, Luxuria, &c.

Sententia &c. de Peccato.

Sensus & cogitatio humani cordis in malum prona sunt ab adolescentia. Genes. 8.

Non est ei bene, qui assidue est in malis. Eccles. 12.

Et qui in vno peccauerit, multa bona perdet. Eccles. 9.

Non est enim homo qui non peccet, 3. Regum 2.

Si dixerimus, quoniam peccatum non habemus, ipsi nos seducimus, & veritas in nobis non est. 1. Ioan. 1.

Per quæ quis peccat, per hæc & punitur. Sapient. 11.

PATRES &c. Nullus sanctus & iustus caret peccato, nec tamen ex hoc definit esse iustus sanctus, vel cum affectu teneat sanctitatem. August.

Qui pectus suum tundit, & se non corrigit, peccata solidat, non tollit. August.

Non regnet peccatum in vestro mortali corpore; non dicit non sit, sed non regnet: inest peccatum quum delectaris, regnat cum consenseris. August.

Nolite contemnere venialia, quia minima sunt, sed timete, quia plura sunt, plerumque enim bestiae minutæ multæ necant. August.

Timenda est ergo ruina multitudinis, etsi non magnitudinis. Idem.

Maior est culpa, manifestè quam occultè peccare, dupliciter enim reus est qui apertè delinquit, quia & agit, & docet. Isidorus.

Nihil peccant oculi, si non oculis animus imperet. Seneca Phil.

Si male fecisti, mox respice vulnera Christi.

Per miserere mei, tollitur ira Dei. Stan.

Poenitentia non debet differri usque ad senectutem, vel mortem. Hoc est etiam Consilium Sapientis, Ne tardes venire ad Dominum, & non differas de die in diem. Ad hoc facit Parabola de seruis vigilantibus, & expectantibus Dominum suum, quia diem & horam mortis penitus ignoramus: Nam secundum Gregorium, nihil certius morte, nihil incertius hora mortis.

Poenitentia debet esse cum dolore cordis. Sic peccatrix mulier poenitens lachrymis pedes Domini lauit, Luca 7. Fortè quia Dominus vidit magnam contritionem mulieris in adulterio deprehensæ, leuem ei poenitentiam dedit, dicens: Vade, amplius noli peccare, Ioanne 8. Petrus postquam negando Dominum peccauit, foras exiens, fleuit amarè, Matth. 26.

Poenitentia post contritionem requirit peccatorum confessionem. Dominus transulit peccatum à Dauide, quia ad reprehensionem Nathan se humiliter accusauit, dicens se peccatum commississe, 2. Reg. 12. In cuius figura Dominus decem leprosis poenitentibus dixit, ite & ostendite vos Sacerdotibus, & sequitur, dum autem irent mundati sunt, Luca 7.

Vide Confessionem.

Poenitentia post Confessionem requirit integram satisfactionem. Hæc maximè consistit in asperitate ieiuniorum, deuotione orationis, & largitione elemosynarum. Viri Niniuitæ fecerunt poenitentiam induti sacco, & ieiunauerunt, & Deus indulgit, Iona 3. Machabæus & qui cum eo erant deprecabantur Dominum, capita cinere aspergentes, & lumbos accincti cilicijs, ad crepidinem templi prouoluti, 1. Machab. 3.

Libenter Deus recipit peccatores ad poenitentiam. Sic Christus Magdalenam recepit, & multum commendauit, ut habetur Luca 7. Ad hoc facit exemplum de filio prodigo, qui benignè fuit receptus à patre, Luca 15. Deus de se testatur, Nolo mortem peccatoris, sed magis ut conuertatur & viuat: Et Christus ait, Non veni vocare iustos, sed peccatores.

VIDE EX BREVIARIO. Poenitentia est via ad calum, die 4. Epiph. n. 3. & die 6. ibid. non est differenda, Dom. 5. Aug. n. 2. Conuersio, ad conuersionem peccatoris tria miracula concurrunt, Dom. 3. n. 3. l. 1.

Sententia selecta de Penitentia.

Poenitentiam agite, appropinquavit enim regnum caelorum. *Matth. 3.*

Dico vobis quod ita erit gaudium in caelo super vno peccatore poenitentiam agente quam super nonagintanovem iustis, qui non indigent poenitentia. *Luce 15.*

Poenitemini igitur, & conuertimini, ut deleantur peccata vestra. *Act. 3.*

Fili peccasti, non adicias iterum, sed & de pristinis deprecare, ut tibi dimittantur. *Eccles. 21.*

Nisi conuersi fueritis gladium suum vibrabit, arcum suum tetendit, & parauit illum. *Psal. 4.*

Ne differas de die in diem, nam subito veniet ira illius. *Eccles. 5.*

Septies de die cadet iustus, & resurget, impij autem corrumpent in malum. *Prouerb. 24.*

PATRES &c. In tribunal mentis ascende contra te, & reum te constitue ante te. *Augustinus.*

Poenitentia sera raro vera. *Idem.*

Sunt multi quos peccare non pudet, sed pudeat poenitere: o incredibilis infamia! de vulnere ipso non erubescis, & de ligatura vulneris erubescis. *Idem.*

Peccauit Dauid, quod solent Reges, sed poenitentiam egit, fleuit, ingemuit, quod non solent Reges. *Ambrosius.*

Apud Deum non tam valet mensura temporis, quam doloris. *Idem.*

Fit plerumque grauior Deo, amore ardens vita post culpam, quam in securitate torpens innocentia. *Idem.*

Quis in seculo peccauit enormius Paulo? quis in religione grauius Petro? Illi tamen poenitentiam meruerunt assequi. *Petrus Chrysologus.*

O poenitentia! quid de te noui referam, omnia ligata tu soluis, omnia clausa tu referas, omnia aduersa tu mitigas, omnia contrita tu sanas. *Cyprianus.*

Vtile propositum est saeuas extinguere flammam.

Nec seruum vitij pestus habere suum. *Quid.*

Principijs obsta, sero medicina paratur.

Cum mala per longas inualuere moras. *Idem.*

Adagium. Sero sapiunt Phryges. *Cicero.*

PERSEVERANTIA.

Homo non debet desistere à bono iam incepto. Alias accidit exemplum de homine deridendo, qui cepit edificare, & non potuit consummare. *Luce 14.* Tobias remansit in timore Domini, licet plaga cecitatis ei obuenisset. *Tobie 2.*

Perseuerandum est in toleratione tormentorum pro Nomine Christi, & defensione Fidei. Exemplum Eleazari qui omnia tormenta perseueranter sustinuit, ne faceret contra legem, 2. *Macchab. 6.* Stephanus firmiter perseuerauit, durus iustus lapidum alacriter sustinendo, donec Christo moriens Spiritum commendaret, *Act. 7.*

Perseuerandum est in malorum operum detestatione. Quia respiciendum non est retrò post egressum de societatem malorum, ne accidat homini sicut uxori Loth post egressum de Sodomis, quæ retrò aspiciens in statuam salis est conuersa, *Genes. 19.* Socij Danielis multum constantes & perseuerantes fuerunt, ne statuam quam erexerat Nabuchodonosor adorarent, *Daniel. 3.*

Laurentius Iustinianus lib. de ligno vite c. 10. comparat Perseuerantiam cum viatore, qui non solet ab incepto itinere desistere donec ad destinatum terminum perueniat. Cum bellatore, qui non discedit de loco certaminis nisi obtenta victoria. Cum architecto, cui non sufficit posuisse fundamentum edificij, nisi ad culmen perducatur. Cum agricola, qui frustra seminat, si nolit messem expectare.

Quid prodest Nauarcho quod totum pelagum feliciter emensus sit, si tandem sua incuria patiat in portu naufragium? Quid iuuat medicum per multa pharmaca ægri salutem promouisse, si postea manum subtrahat, eumque interire permittat. Rhetor non in orationis exordio, sed in peroratione plausum accipere solet. Ita in studio salutis aut virtutis parum est inchoare, nisi per perseuerantiam ad optatum exitum perueniatur, ita fere S. Chrysost. Hom. 24. ad Hebræos.

Vide Patientia.

VIDE EX BREVIARIO. Perseuerantia petita impetrat, Dom. 1. Quadrag. 22. Iulij, n. 2. 17. Aug. n. 2.

Sententia &c. de Perseuerantia.

Esto firmus in via Domini, *Iob 17.* Nemo mittens manum ad aratrum, & re-

respiciens retrò , aptus est regno Dei ,
Luc. 9.

Quis enim ex vobis volens turrim ædificare : nonne prius sedens computat sumptus , qui necessarii sunt ad perficiendum ;
Lucæ 4.

Qui perseverauerit vsque in finem , hic saluus erit. *Matth. 10.*

In disciplina perseverate , *Hebr. 12.*

Sic currite vt comprehendatis . *1. Cor. 19.*

PATRES &c. Non requiruntur in Christiano initia sed finis. *Hieronymus.*

Vos fratres exhortamur in Domino , vt propositum vestrum in Domino custodiatis , & vsque ad finem vitę perseveretis. *Augustinus.*

Incausum bonum agitur , si ante vitę terminum deferatur : quia & frustra velociter currit , qui priusquam ad metas venerit , deficit. *Gregorius.*

Bonam vitam ego puto , mala pati , & bona facere , & si perseverare vsque ad mortem. *Bernardus.*

Perfer & obdura dolor hic tibi proderit olim. *Ovid.*

Resiste : magnis in malis vinci malum est. *Seneca.*

Principium nihil est , si non vistangere metam ,
Præmia dat finis , principiumque nihil.

S.

SABBATHI OBSERVATIO.

Sabbatum interpretatur requies . Quia in Sabbathis seu festis debet homo quiescere ab omni opere seruii , & festa celebrare : quia requieuit Dominus die septimo ab omni opere suo quod patrauerat , *Genes. 1.* Ob hanc causam filij Israel colligebant manna pro die festo in duplici mensura , vt Sabbatho feriantur . Mulieres sanctę parauerunt aromata ad vngendum Christum , sed Sabbatho siluerunt , *Marc. 16.* In huius figura requieuit Dominus die Sabbatho in sepulchro , *Lucæ 23.*

Benedixit Dominus diei septimo quia in ipso cessauerat ab omni opere suo , *Gen. 2.*

Sabbatum non custodientes debent corripi , & puniri . Nam colligens ligna in Sabbatho iussu Domini fuit lapidatus , *Num. 15.* Arguit Neemias calcantes torcularia , & portantes onera in die Sabbathi , *Neem. 11.* Vide Cateches. de præcepto 2. Decalogi , & præcepto Ecclesiæ.

VIDE EX BREVIARIO. Sabbathi observatio . Magna illius olim reuerentia fuit , Dominic. 1. Octob. num. 1. & Dominic. Oct. num. 2. non violatur per opera misericordie , Dominica 3. Quadrages. fer. 5. lect. 2. & Sabbatho infra octau. Pentecost. Dominicus dies etiam permittit laxare animum , die 3. Decemb. nu. 3. lect. 2.

SAPIENTIA. PRVDENTIA.

Sapientia , & prudentia in rebus agendis est optima gubernatrix vitę humane . Exemplum est in Rebecca muliere prudentissima , quę direxit filium suum Iacob quomodo possit parenti suo placere , & illius benedictionem obtinere prę suo fratre primogenito Esau ; & postea prudenter illum recedere fecit à conspectu fratris sui Esau , donec eius ira cum tempore desineret , *Genes. c. 37.*

Et ipse Iacob postea prudenter egit demulcendo fratrem suum , & mittendo ei munera , potius quam litigando , & eius iram in se prouocando . *Ibidem.*

Summa fuit sapientia Iosephi in domo Pharaonis , somnia Regis sapienter exponendo , & famem prædicando , & omnia rectè ordinando , & fratres qui ipsum venderunt pacificè , & amicè excipiendo , *Genes. cap. 41.*

De Dauide in ipsius laudem dicitur , *1. Reg. cap. 18.* quod in omnibus prudenter se agebat : etiam tunc quando apud Regem Achis se quasi fatuum simulabat , vt sic illatus ab eo dimitteretur , *1. Reg. 21.* Sapientis enim est in loco , & tempore suo desipere .

Abigail sapienter admodum Dauidem à marito suo Nabal grauitèr offensum placauit , munera pręmittendo , & se illi humiliter subiiciendo , *1. Reg. c. 5.*

Salomon litem inter duas mulieres , de infante vtrius esset , summa sapientia diremit , quasi volens infantem inter vtramque diuidere , & sic veram illius matrem explorauit , *3. Reg. cap. 3.*

Rex Ezechias intelligens Regem Assyriorum venire ad Hierosolymam obsidendam , sapienter præcepit capita fontium extra ciuitatem obturari , ne exercitus hostilis aquam haberet , *Paralip. cap. 32.* Sic oportet fontes , & occasiones vitiorum impedire , & amputare .

Prudentia Reginę Estheris , & Mardochei in liberando populo suo ab exitio quod Aman illis parauerat , pulchrè describitur in libro Esther c. 5. 6. 7.

E 3 Da-

Daniel adolescens sapientes duos senex ex ipsorum ore conuincit, & Susannam innocentem à morte liberauit, *Dan. c. 13.* Idem sapientissimè Nabuchodonosoris somnium exposuit, & ab eo honorari meruit, *Daniel. c. 2.* Christus iubet Apostolos, & fideles esse prudentes sicut serpentes, & simplices sicut columbas, *Matth. c. 10.* Vnde patet prudentiam non in versutia, & fraude, sed in simplici veritate, & virtute positam esse.

Virgines quinque in Euangelio, *Matth. c. 25.* dicuntur à Christo prudentes, quia curarunt in lampadibus suis oleum habere, id est, bona opera, fidem, charitatem, &c.

Similitudo est primò inter Sapientes & bonos Medicos, sicut enim Medici sanant morbos corporis. Sic Sapientes curant infirmitates, & passionis animorum.

Sapientia est instar Odoramenti fragrantissimi, quia non rantum Sapientem, sed etiam alios vicinos, & qui cum illo agunt Sapientia, & doctrina sua oblescat, & meliores facit. Hinc Regina Saba alijque concurrebant, vt audirent Sapientiam Salomonis.

Socrates apud Stobæum *sermone de virtute.* comparat Os sapientis, Ianuæ templi, quæ aperta, & altaria, & Sanctorum imagines, & pulcherrima virtutum simulacra conspiciuntur.

Sicut Nauarchus nouit se ventorum mutationibus varijs accommodare, & ita ad portum peruenire; sic etiam Sapiens per prospera, & aduersa tendit ad Deum, vt finem vltimum, & portum salutis æternæ.

Sapientia est instar Salis, quia per eam condiuntur mores hominum ne sint insulsi, & à corruptione vitiorum conseruentur.

Sapientis Mores in multis moribus Diuinis assimilantur; Deus maximè omnium intelligit, & minimè omnium loquitur, ita Sapiens. Deus per peccata hominum maximas iniurias patitur, & minimè turbatur, ita Sapiens. Deus præsens est inter omnes totius orbis mutationes, & ipse nunquam mutatur, ita Sapiens. Deus extra seipsum beatitudinem, & solatium non quærit; ita Sapientis proprium est ab animo suo rectè disposito omnem suam lætitiâ, & felicitatem habere, & solatia à creaturis non emendicare. Hæc sunt prima veræ sapientiæ ac felicitatis principia.

Principium aliud maximæ sapientiæ cum alijs tradit ipse Cicero lib. 5. Tusculan. Moderari & sistere cupiditates. Sicut (inquit) Stultitia, etsi adepta est quod concupiuit, nun-

quam tamen se consecutam putat, ad alia, & alia inhians; sic Sapientia semper eo contenta est quod adest, & ita nunquam illam suipannitet.

Sententia de Sapientia, & Prudentia.

Fons sapientiæ Verbum Dei, *Ecc. 1.*

Trahitur sapientia de occultis, *Iob. 28.*

In malenolam animam non introibit sapientia. *Sapient. 1.*

Initium sapientiæ timor Domini. *Psalms*

II. Sapientiam atque doctrinam stulti despiciunt. *Prou. 1.*

Sapiens timet & declinat à malo. *Prou. 14.*

Neminem diligit Deus, nisi eum qui cum sapientia inhabitat, est enim hæc speciosior sole. *Sapient. 7.*

Sapiens non odit mandata & iustitias, *Ecc. 33.*

Si quis videtur inter vos sapiens esse in hoc seculo, stultus fiat vt sit sapiens. *1. Cor. 3.*

Dicentes se esse sapientes, stulti facti sunt. *Rom. 1.*

Sapientia huius mundi, stultitia est apud Deum. *1. Cor. 3.*

PATRES, &c. Sapientia vera est noscere seipsum.

Ad veram sapientiam peruenire non possunt, qui falsæ suæ sapientiæ fiducia desipiunt. *Gregor.*

Sapientia illa clara est, non quæ in verbis volat, sed quæ virtutibus constat. *Greg.*

Discat qui nescit, nam sic sapientia crescit. *Stan.*

Odi sapientem, qui non est sibi ipsi sapiens. *Menandez.*

Non ætate, verum ingenio adipiscitur sapientia. *Plautus.*

Istuc est sapere, qui vbiicumque opus sit, animum possit flectere. *Terentius.*

Consilia omnia verbis prius experiri, quam armis, sapientem decet. *Idem.*

Nihil sapienti necesse est. *Seneca.*

Sapientia est sanitas animi. *Cicer.*

Nihil est turpius, quam sapientis vitam, ex insipientium sermone pendere. *Cicer.*

PRUDENTIA.

Estote prudentes sicut serpentes, & simplices sicut columbæ. *Matth. 10.*

Vbi non est gubernator, populus corruet, salus autem vbi multa consilia. *Prou. 11.*

Melior

Melior est sapientia quam vires, & vir prudens quam fortis. *Sapient. 6.*

Filij huius seculi prudentiores filijs lucis in generatione sunt. *Luc. 16.*

Verba prudentum statim ponderabuntur, in fatuorum cor illorum. *Eccles. 21.*

Stultus si tacuerit sapiens reputabitur. *Prou.*

Estote prudentes sicut serpentes, quia prudentia absque bonitate malitia est, & simplicitas absque ratione stultitia nominatur. *Hieronymus.*

Ex lingua stulta veniunt incommoda multa. *Stan.*

Fac mala, dic multum, si vis te reddere stultum. *Idem.*

Qui non os claudit, quod non vult sapius audit. *Idem.*

Prudentia est futuram iniuriam præcauere. *Democritus.*

Prudentes possumus dicere providentes. *Cicero.*

Si prudens fuerit animus tuus, tribus temporibus dispensetur, præterita cogita, præsentia ordina, futura prævide. *Seneca.*

Non potest esse iucunda vita à qua absit prudentia. *Cicero.*

Adag. Annona vulpes haud capitur laqueo.

Eum ausculta, qui quatuor sunt aures, idest, qui multum audit antequam loquitur.

SPES, FIDUCIA.

Sperare debet homo bonum repromissum, licet differatur. Multis annis expectauit Abraham filium, quia Centenarius erat quando natus est ei Isaac, *Genes. 21.* A promissione facta Abraham vsque ad ingressum seminis sui in terram promissionis fluxerunt anni 460. *Genes. 15.* Erat Simeon in Ierusalem diu expectans consolationem Israel, id est, aduentum Christi, *Luc. 2.* Ascensus Christi in cælum præcepit Apostolis, ne descenderent, sed expectarent promissum Patris, *Act. 1.*

Sperare debent homines consolationem in tribulatione. Afflictus corpore, spoliatus rebus, orbatu filijs sic dicebat Iob, Si occiderit me in ipso sperabo, *Iob 13.* Parentibus Tobiz iridentibus eum & dicentibus? Vbi est spes tua? Respondit, Filij Sanctorum sumus, & vitam illam speramus, quam daturus est Dominus his qui fidem non mutauerunt ab eo, *Tob. 2.* Cum Susanna esset morti condemnata, erat cor eius in Domino fiduciam habens, *Daniel 13.*

Spes & fiducia in Deum rectè comparatur

stellæ pollari, ad quam nautæ in tempestate respiciunt & cursum dirigunt: sic nobis in omni tribulatione respiciendum est ad Deum & eius auxilium ac promissa, vt cursum huius vitæ rectè, & securè dirigamus ad portum salutis. Præclare hanc spem, & fiduciam explicat totus *Psalmus 90. Qui habitat in adiutorio Altissimi &c.*

Spem nostram Locernæ comparat S. Augustinus in *Enchir.* Lucerna, inquit, animæ spes eius, ad illam operatur omnis homo quidquid boni ad spem facit, & in nocte ardet lucerna nostra. Oleum huius lucernæ est verbum Dei & eius promissa, quæ faciunt, vt lucerna spei nostræ non extinguatur.

Sicut peregrinantium labores & tædia releuat spes perueniendi in suam Patriam, sic labores huius vitæ multum mitigat spes perueniendi ad patriam cœlestem: hic enim sumus hospites & aduenæ super terram, vt loquitur Apostolus.

Spem nostram vocat Laurentius Iustinianus, in *ligno vitæ cap. 2.* Columnam firmissimam qua totum spirituale ædificium sustentatur, spe autem deficiente, totum ædificium corrui in barathrum desperationis.

Econtra spes quæ extra Deum reponitur in Homine, aut fauore, aut opibus, est instar Arundinis, cui si inuitatis statim frangitur, & te in lapsum præcipitat, Est etiam instar myricæ siue terræ siccæ, ac sterilis in qua nihil crescit, & nullum fructum habes, post inanem laborem: Hinc rectè Hieremias, Maledictus homo qui confidit in homine, & ponit carnem brachium suum, & à Domino recedit cor eius, *Hier. c. 17.*

VIDE EX BREVIARIO. *Spes*, Commun. non Pontif. num. 3. lect. 2. & Octau. Ascens. num. 2. lib. 2.

Vide *Fides*, *Benignitas Dei*.

Sententiæ selectæ de Spe & Fiducia.

Qui sperat in Domino beatus est, & non infirmabitur. *Prou. 16.*

Beatus vir qui confidit in Domino. *Ieremias 17.*

Beatus vir cuius est nomen Domini spes eius, *Psalm. 39.*

Mihi adhærere Deo bonum est, ponere in Domino Deo spem meam. *Psalm. 72.*

Si coram hominibus tormenta passi sunt, spes illorum immortalitate plena est. *Sapientia 3.*

Spes hypocritæ peribit. *Iob 8.*

Spes impiorum deficiet. *Prou. 10.*

E 4 Fides

Fides credit, spes, & charitas orant. *Augustinus.*

De spe incassum præsumit, qui timere Deū in suis operibus temni. *Gregor.*

Qui nihil potest sperare, desperet nihil. *Seneca.*

Sola spes hominem in miserijs consolari solet. *Cicero.*

Qui duos insectatur lepores, neutrum capit idest in eos qui nimis multa simul sperant.

Coruum delusit hiantem. *Horat.* in raptorem spe sua frustratum.

S V P E R B I A.

Superbia ducit hominem ad ruinam: ideo Christus dicit, qui se exaltat humiliabitur, *Matth. cap. 23.* Volentes superedificare turrim in cælum dispersi sunt per diuisionem linguarum, *Genes. 11.* Grauius fuit punitum peccatum elationis David, quando superbe populum numerauit, *2. Reg. 24.* Aman qui volebat ab omnibus honorari fuit in patibulo suspensus, *Hest. 7.* Nabuchodonosor per superbiam depositus est de folio, & gloria ipsius ablata est, *Dan. 4.* Baltasar per superbiam interfusus est, & Darius successit ei, *Dan. 5.* Herodes superbe indutus, cum populus ei acclameret laudes diuinas, ab Angelo est percussus, *Act. 12.*

Superbi similes sunt Fumo, qui sua leuitate in altum extollitur, & ipsa elatione in magnum globum intumescit, sed quanto globus ille fit altior, tanto magis euanesceat, sic superbus, quando magis exaltatur, tanto citius deficit, *Ita S. Aug. in Psal. 36.*

Similis est superbus Ebrioso, qui optimo vino abutitur ad vertiginem & insaniam, sic homo per superbiam suas virtutes vertit sibi in arrogantiam & iactantiam, & aliorum contemptum, *Ita S. Hieron.*

Quemadmodum corpus perdita humorum recta temperie fit obnoxium omnibus morbis, ita animus amissa humilitate omnibus passionibus & vitijs exponitur, & redditur tumidus, temerarius, imprudens, arrogans, & tantum non stultus, ut vix seipsum amplius cognoscat.

Quemadmodum avari quanto plus opum accumulunt, tanto magis se egere existimant, ita superbi, & arrogantes quanto maiori honore fruuntur, tanto magis magisque cupiunt honorari.

Quod in corporibus Tumor, hoc in animabus superbia est, sicut enim corpus quod immodice turgit sanum esse non potest, ita &

animos tumidorum dicimus mentis sanitate carere, *S. Chrysost. Homil. 13. in Timoth.*

Vt in area extollitur Palea super triticum, non quod sit dignior, sed sit leuior, sic in hac vita superbus fertur super humilem, non ob meritum & virtutem, sed ob vanitatem, & falsam opinionem.

VIDE EX BREVIARIO. Superbia quid sit, Domin. infra Ascens. nu. 2. l. 2. Domin. 2. Septemb. num. 2. lect. 3. Initium omnis peccati, 2. Nouembr. numer. 3. lect. 1. Gloriatio vana perdit beneficia accepta, Dominic. 2. Septembris num. 2. lect. 3.

Vide Humilitas.

Sententia selecta de Superbia. V. supra de Humilitate.

A Video dicere superbis, vtile esse cadere in aliquod apertum, & manifestum peccatum unde sibi displiceant, qui iam sibi placendo ceciderant. *August.*

Vermis diuitiarum est superbia: difficile est ut non sit superbus qui diues est; tolle superbiam, & diuitiæ non nocebunt. *August.*

Humilitas homines sanctis Angelis similes facit, & superbia ex Angelis demones reddit. *August.*

Superbia de superis cælestibus ad ima præcipitat, humilitas ab imis ad alta leuat. *Bernard.*

Superbia de Angelo diabolus fecit, & homini mortem intulit. *Cassiod.*

Omnis fere diligit sibi similem, solus superbus odit elatum, unde inter superbos semper sunt iurgia. *Cassiod.*

Omnis insipiens arrogantia, & plausibus capitur. *Menander.*

Video nos nihil aliud esse præter simulachra quædam, quotquot viuimus, ut vmbra lenem. *Sophocles.*

Inquinat egregios adiuncta superbia mores. *Claudius.*

Est verum verbum, frangit Deus omne superbum.

Cum fex, cum limus, cum res vilissima sumus,

Vnde superbimus? nescimus quando perimus. *Stan.*

IACANTIA. Filia est superbiæ.

Dicentes se esse sapientes, stulti facti sunt. *Rom. 1.*

Dum causa iactantiæ pauper pascitur: etiam ipsum misericordiæ opus in peccatum conuertitur. *Isidorus.*

Mirabile iactantiæ genus, ut non possis putari

tari sanctus, nisi sceleratus appareas. *Bernard.*

Iaquantia non est vitium laudis humanę, sed vitium animę peruersę amantis humanam laudem, spreto testimonio conscientię. *August.*

Qui sese laudat, laudis se munere fraudat.

T.

TENTATIO.

Tentat Deus aliquando hominem ut probet illum: Sic tentauit Abraham & dixit ei, tolle filium tuum quem diligis & offer illum, *Genes. 22.* Dixit Dominus ad Philippum: Vnde ememus panes ut manducet hi? hoc autem dicebat tentans eum, ipse verò sciebat quid esse facturus, *Ioann. 6.* Postquam Tobias fuit cæcatus sustinuit tentationem, quam permisit Deus peruenire illi, ut posteris exemplum patientię daretur, *Tob. 2.* Iudith dixit tempore obsidionis, memores esse debetis quomodo tentati sunt patres, ut probarentur si verè colerent Deum, *Iudith 8.* Iob propter multas tribulationes dicebat, probauit me Dominus quasi aurum quod per ignem transiit, *Iob 23.* Tentauit Deus Petrum ambulanti supra mare per ventum validum, id est, tribulationem, *Matth. 14.*

Non debent homines Deum tentare: Sicut populus Israel multoties tentauit Deum in deserto, *Num. 8.* Oziam qui statuit populo terminum, reprehendit Iudith, dicens: Qui estis vos qui tentatis Deum, *Iudith 8.* Iudæis quærentibus, si liceret censum dare Cæsari, tu Iesum caperent in sermone, reprehendite eos, dicens: Quid me tentatis hypocritæ? *Matth. 22.* Cum eiecisset Iesus dæmonium, & locutus est mutus, quidam tentantes eum quærebant signum de cælo, *Matth. 16.* Petrus increpans dixit Saphyræ uxori Ananiæ, Quid conuenit vos tentare Spiritum sanctum, ut patet *Act. 5.*

Tentat Diabolus mentiendo, vnum pro alio ostendendo: Sic falsò dixit Euz: Nequaquam moriemini, & promisit bona ex transgressione: Eritis sicut Dij, *Genes. 3.* Saluatori etiam ostendit regna mundi, dicens mentiendo. Hęc omnia dabo tibi si cadens adoraueris me, *Matth. 4.*

Tentationes volentes vitare, sapientia vti debent inuadendo. Christus à dæmone tentatus in gula, superbia, & avaritia, ad quæ possunt omnes alię tentationes reduci, sapienter ostendit quomodo oporteat nos tentationes superare, *Matth. 4.*

VIDE EX BREVIARIO. Tentatio fit suggestionē, consensu, delectatione, *Domin. 1.*

Quadr. num. 3. l. 3. tam de bono quam de malo periculosa est, *Dom. Pass. n. 2. l. 3.*

Vide Tribulatio, Consolatio diuina.

Sententię selectę de Tentatione.

Qui non est tentatus, pauca nouit, *Ecc. 34.* Fili, accedens ad seruitutem Dei sta in iustitia & timore, & præpara animam tuam ad tentationem, *Ecc. 2.*

Fidelis Deus qui non sinet vos tentari supra id, quod potestis, *1. Cor. 10.*

PATRES. Vita nostra in peregrinatione non potest esse sine peccato, & sine tentatione, *Augustin.*

Tantum admittitur diabolus tentare, quantum tibi prodest ut exercearis, *Idem.*

Hostis noster quanto magis nos sibi rebellare conspiciat, tanto amplius expugnare contendit, *Gregor.*

Humanum est in corde tentationem perpeti, dæmoniacum totum est in tentationis certamine superari, *Gregor.*

In tentationibus esto fortis, multos enim maiorum nostrorum illæ arguerunt, *Bern.*

Diabolus, quando decipere quemquam tentat, prius ad naturam vniuscuiusque intendit, & inde se applicat, vnde aptum hominem ad peccandum aspiciat, *Greg.*

Bellum graue quia occultum, *Cassiod.*

Vide infra sententiās plures, Verbo Tribulatio.

TIMOR DOMINI.

Omnis Dei timor, etiam ex metu pauę, per se bonus, & utilis est contra peccatum: Timor Domini expellit peccatum, *Ecc. 1.* Beatus homo qui semper est pauidus, *Prou. 28.* Verebar omnia opera mea, sciens quia non parces delinquenti, *Iob. 9.* Et idè à S. Bonau. timor comparatur ostiario, qui stare debet ad ostium cordis, ne permittat inimicum intrare, scilicet dæmonum, peccatum, tentationes, & prauas cogitationes. S. Bernardus multas breuiter similitudines & encomia de timore adducit, in *Cant. Serm. 86.* Timor verecundus & castus est omnium ætatum ornatus: est splendida gemma morum in vultu adolescentis: est bonę spei nuncius: est bonę indolis index: est testis innocentię: est lampas pudicę mentis. Est famę custos, vitę decus, virtutis sedes, naturę laus, insigne totius honestatis.

Timere debet homo Deum omni tempore. Quia in hac vita non potest esse securus. Nam Angeli in cælo, & primi parentes in terrestri Paradiso peccauerunt, ut patet *Genes. 3.* & *Esais*

Esaiæ 4. Loth qui inter pessimos peccatores in Sodomis fuit bonus, tamen postquam exiit est inebriatus, & cum filiabus peccauit, *Genes. 19.*

Timor Domini facit hominem à peccatis desistere, & cauere. Obstetrices Deum timuerunt, ided non necauerunt filios Hebræorum, *Exodi 1.* Eleazarus nolens vetita manducare, ait: Domine propter timorem tuum libenter hæc patior, *2. Machab.*

Timor Domini causa est quod homo bene operetur & diligat Deum. Ided voluit Dominus filijs Israel timorem incutere, & legem cum tonitru & igne dare, *Exodi 20.* Iosaphat docuit iudices vt timor Domini esset inter eos si bene vellent regere populum. Plus timens Tobias Dominum quàm Regem, rapiebat corpora occisorum & sepeliebat ea, vt patet *Tobie 2.* Item commendatur Iob, quod esset bonus, iustus, & timens Deum, *Iobi 1.*

Timorem Domini non habentes grauius puniuntur. Nam omnes quos misit Rex Babylonis ad inhabitandum Samariam non timuerunt Deum, & misit Deus Leones qui interfecerunt eos, *1. Regum 17.* Ionas qui Deum non satis timuit tempestatem meruit, id nauta videntes, timuerunt Deum, *Ione 1.* Ob hanc causam dixit Dominus: Timete eum qui potest corpus & animam perdere in gehennam, *Matt. 10.*

Sicut qui transit angustum Pontem semper timet ne cadat antequam ad terram firmam perueniat, sic Christianus inter angustias & pericula huius vitæ semper metuit ne labatur in peccatum, antequam veniat ad statum securum vitæ æternæ.

Sicut necesse est vt semper timeat qui Thesaurum portat per loca prædonum insidijs infesta, ita necesse est in decursu huius vitæ formidare, vbi infestissimi animarum prædones, dæmon, mundus, caro nituntur, nos pretioso diuinæ gratiæ thesauro spoliare.

Quemadmodum Fræno opus est equi ne à ferociente equo per auia & deuia abripiatur, ita fræno timoris diuini opus est, ne ab indomitis cupiditatibus & vitijs nostris in interitum præcipites abripiamur.

Sicut pueri in Scholis à negligentia ac petulantia detterentur dum vident socios suos examinari & supplicio affici, ita nos ex aliorum interitu debemus nobis formidare, & clamare ad Dominum, confige timore tuo carnes meas.

Vti Soli radius quando per foramen domum ingreditur quæ in ea sunt illuminat, ita si timor Domini fuerit in anima, efficitur omnia sua peccata etiam minutissima obser-

uet, *Climacus de discret. grad. 26.*

Sicut per Corium acu perforatum prius seta, & post eam filum ingreditur, sic timor Domini in animam hominis charitatem & iustitiam introducit, *S. August. in Epist. S. Ioannis.*

VIDE EX BREVIARIO. *Timor Domini discendus, Dom. 5. Nouemb. n. 2. l. 3. timor sanctus est salutaris, Dom. 1. Aug. n. 2.*

Vide supra *Penitentia, Humilitas.*

Sententia selectæ de Timore Domini.

Initium Sapientiæ timor Domini, *Prover. 9.* Timete eum qui potest & animam & corpus perdere in gehennam. *Matt. 10. Luc. 12.*

Noli altum sapere, sed time. *Rom. 11.*

Beatus homo qui semper est pauidus, qui verò mentis est duræ corruet in malum. *Prover. 28.*

Qui timet Dominum nihil negligit. *Ecclesiast. 7.*

Timor Dei initium dilectionis eius. *Ecclesiast. 25.*

Dedisti hæreditatem timentibus nomen tuum Domine. *Psal. 60.*

Beatus vir qui timet Dominum: potens in terra erit semen eius, gloria & diuitiæ in domo eius. *Psal. 111.*

Timenti Dominum bene erit in extremis, & in die obitus sui benedicetur. *Ecclesiast. 1.*

Plenitudo sapientiæ est timere Deum. *Ibid.*

Qui timet hominem citò corruet. *Prover. 29.*

Si Deus pro nobis, quis contra nos. *Rom. 8.*

PATRES, Deum time & mandata eius obserua, hoc est omnis homo, ergo si hoc est omnis homo, absque hoc nihil est homo. *Bern.*

Facile deuia à iustitia, qui in causis non Deum, sed homines pertimescit. *Chrysost.*

Si amor Dei te tenere non potest, saltem teneat & terreat timor iudicis. *Gregor.*

Stultos in summa pericula misit,

Venturi timor ipse mali, fortissimus ille est

Qui promptus metuenda pati. *Lucan.*

Degeneres animos timor arguit. *Virg.*

Audaces fortuna iuuat, timidusque repellit.

Parua necat morsu spatiosum vipera taurum.

A cane non magno sæpè tenetur aper, idest,

parui etiam timendi. *Ouid.*

Stultitia est timore mortis mori. *Cicer.*

Stultum est timere, quod vitari non potest.

Idem.

Tutissima res est nil timere præter Deum.

Idem.

Adag. Vmbra suam metuere. *Plato.*

In eos, qui pueriliter minima trepidant.

Item,

Item, ante tubam trepidat.

Domus Leonis, in acie Vulpes. In eos qui in suos savi, in subditos imperiosi, in alios nihil audent.

TRIBVLATIO.

Tribulationem libenter, & patienter sustinentes sequitur consolatio: Nam Ioseph plus creuit, & prosperatus est in exilio, quam si fuisset inter fratres suos, Genes. 14. Quanto magis Pharaon filios Israel affligebat, tanto plus multiplicabantur, & crescebant, Exodi 1. Heliam persecutum à Iezabel Angelus confortauit, & panem & aquam ei attulit, 3. Regum 19. Excæcatum, & derisum Tobiam Dominus multipliciter est, Tobie 2. & 10. Pueri in camino ignis receperunt angelicam consolationem, cum quibus Nabuchodonosor vidit similem filio Dei, Daniel. 3. Vnde per Psalmistam dicit Dominus, Cum ipso sum in tribulatione.

Tribulationes veniunt propter peccata hominum. Idem fratres Ioseph dixerunt. Merito hæc patimur, Genes. 42. Quia post obitum Iudæ Machabæi surrexerunt iniqui & peccatores, facta est fames magna, 1. Machab. 9.

Tribulationum remedium est oratio. Nam in tempore tribulationis clamauerunt ad te, & exaudisti eos, Num. 9. Susanna in damnatione mortis posita, non habens recursum ad humanum adiutorium, fletu orauit, & suspexit in cælum, Dan. 11.

Sicut Auis à canibus circumdata, & interposita, non habet refugium nisi eleuet se in altum, & volet versus cælum, ita homo in tribulatione.

VIDE EX BREVIARIO. Tribulatio. In tribulatione non deficiendum, Sabb. post Ciner. ex ea alie virtutes oriuntur, Octau. Innoc. num. 1. & 2. Quare immittatur, Dom. Passion. num. 2. 5. Maijn. 3. l. 3. Dom. 11. post Pentecost. n. 2. l. 1. Aegritudo morbi aliquando vitia significant, Sabbat. Pentec. leet. 3. Dom. infra Ascens. num. 2. Malum sæpe in melius bonum permittitur, Fest. Epiph. n. 2. l. 2. & Dom. Septuag. n. 2. l. 3. Inter malos vivere magna virtus, Dom. 1. Septemb. n. 2. l. 3. Paupertas, est parens aliarum virtutum, 2. plur. Mart. n. 1. l. 3. Persecutio facit Ecclesiam crescere, Iulij nu. 2. l. 3. Nou. nu. 3. l. 2. duo genera eius, 26. Iunij n. 3. l. 3. non timenda, ibid. & 14. Octob. n. 3. l. 3.

Vide Tentatio, Patientia.

Sententia selecta de Tribulatione.

Si bona suscepimus de manu Domini, male quare non sustineamus. Iob 1.

Probasti cor meum & visitasti nocte, igne me examinasti, & non est inuenta in me iniquitas. Psal. 16.

Multa tribulationes iustorum. Psal. 33.

Sicut igne probatur argentum, & aurum in camino, ita corda probat Dominus. Prov. 17.

In paucis vexati in multis bene disponuntur, quoniam Deus tentauit eos, &c. Sap. 3.

Vasa figuli probat fornax, & homines iustos tentatio tribulationis Eccles. 27.

Infirmas grauis sobriam facit animam. Eccles. 31.

Beati qui persecutionem patiuntur propter iustitiam, &c. Matth. 5.

Qui perdiderit animam suam propter me, inueniet eam. Matth. 10.

Nonne oportuit Christum pati, & ita intrare in gloriam suam. Luca 24.

Gloriamur in tribulationibus, scientes, quod tribulatio patientiam operatur, &c. Rom. 5.

Quis nos separabit à charitate Christi, tribulatio, &c. Rom. 8.

Sicut socij passionum estis, sic eritis & consolationis. 2. Cor. 4.

Omnes qui pie volunt vivere in Christo Iesu persecutionem patientur. 2. Timot. 3.

Christus passus est pro nobis, vobis relinquens exemplum, vt sequamini vestigia eius. 1. Petri 2.

PATRES &c. Intelligat homo medicum esse Deum, & tribulationem medicamentum esse ad salutem. August.

In fornace ardet palea, & purgatur aurum: illa in cinerem vertitur, & illud sordibus exurit. August.

Nullus seruus Christi sine tribulatione est: si putas te non habere persecutiones nondum cepisti esse Christianus. Idem.

Si promissa patris bene agnouisti, non timeas flagellari sed exheredari. Idem.

Aurem cordis tribulatio aperit, quam sæpe prosperitas huius mundi claudit. Gregor.

Cum recognosco Iob in sterquilinio, Ioannem esurientem in eremo, Petrum extensum in patibulo, Iacobum decollatum ab Herodis gladio, cogito qualiter Deus in futuro cruciabit, quos reprobatur, qui ita dare affligit, quos amat. Gregor.

Parua toleramus, si recordemur, quid biberit ad patibulum, qui nos inuitat ad cælum. Cassiodorus.

Dulcia

Dulcia non meruit qui non gustauit amara.
Vide Sent. de Patientia, Tentatione.

V.

V E R I T A S.

Veritas apud malos homines odium parit. Sic Zacharias filius Ioiadae verè & iustè arguebat Regem, & Principes, quod Dominum & eius legem dereliquissent, & idèd in odium veritatis ad imperium Regis Ioas lapidatus fuit, 2. Paralip. c. 24. Achior quia narrabat veritatem quæ Deus fecit populo Israelitico, indignatus est illi Rex Holofernes, & coactus est exulare, Iudith c. 6. Cum Propheta Baruch ex volumine legis prædixisset Regi Ioachim vera de futura captiuitate Israel, iussit Rex volumen in ignem proijci, Hieremia c. 36. Et Hieremias Propheta, quia ciuitatis Hierusalem captiuitatem prædixi, in lacum missus fuit, Hieremia c. 38. Et Daniel quia apertè probauit idolum Beel non esse Deum, in locum leonum missus fuit, vnde ipsum Deus, & veritas liberauit, Daniel c. 7. Quia Ioannes Baptista veritatem dixit Herodi. Non licet tibi habere uxorem fratris tui, in carcere decollatus fuit, Matth. c. 4. Cæcus à Christo illuminatus, quia Phariseis veritatem apertè dixit, extra Synagogam eum proiecerunt, Ioann. c. 9. Quando Apostoli Principibus Sacerdotum de doctrina Christi vera prædicabant, cæsi fuerunt, & iussi ne de Christo amplius loquerentur, Act. c. 5.

Cur denique passi sunt tot Martyres, Confessores, & hodie verbi diuini prædicatores tot iniurias, & contumelias patiuntur? Nisi quia veritatem liberè annunciant, & aliorum erroribus assentiri nolunt.

Qui veritatem studiosè sectantur, Similes sunt illis qui ex visceribus terræ aurum effodiunt: & qui è profundo maris gemmas pretiosas ac lucidissimas educunt.

Comparat S. Augustinus Epist. 9. Veritatem Christianam cum pulcherrima Helena Græcorum pro qua nostri Martyres, tot sæculis fortius dimicant, quam Græci pro sua Helena aduersus Troianos.

Bonorum ingeniorum est veritatem amare, & non pulchra verba, quid enim prodest clavis aurea, si aperire non potest, hoc est, ad veritatem ducere, idem S. August. l. 4. de doct. Christiana c. 2.

Sicut perdix optimus est cibus, non tamen si proponatur crudus; sic etiam veritas debet proponi excocta & condita sale prudentiæ, id est, suo tempore, & loco.

Sententia selecta de Veritate.

Super omnia vincit veritas. Esdra 3.
Scuto circumdabit te veritas eius. Ps. 90.
Veritas Domini manet in æternum. Psalm. 116.

Si vos manseritis in sermone meo, verè discipuli mei eritis, & cognoscetis veritatem, & veritas liberabit vos. Ioan. 8.

Ego sum via, veritas, & vita. Ioan. 14.

Magister scimus quia verax es, & viam Dei in veritate doces, &c. Matth. 22.

Ergo in hoc natus sum, & ad hoc veni in mundum, vt testimonium perhibeam veritati, Ioann. 18.

PATRES etc. Veritas dulcis est, & amara: quando dulcis est parit, & quando amara curat, August.

Si de veritate scandalum sumitur, vtilius permittitur nasci scandalum quam veritas relinquatur. August.

Ille veritatis defensor esse debet, qui cum rectè sentit, loqui non metuit nec erubescit. Ambrosius.

Veritas sola liberat, sola saluat, sola lauat. Bernardus.

Non amat veritas angulos. Idem.

Obsequium amicos, veritas odium parit: scilicet apud peruersos. Terentius.

V O T V M.

Votum offerunt Deo homines tribulationibus oppressi vt liberentur. Debellato Israel & ablata præda, votum vouit Israel Deo, & postea victor fuit, Numer. 21. & Iudith. 20. Viri qui erant in naui cum Iona tempore tempestatis timentes immolauerunt hostias, & vouerunt votum Domino, Iona 1. Antiochus postquam percussus est à Domino insanabili plaga, vouit se mirabilia facturum; si euaderet mortem, 2. Machab. 9.

Votum indiscretum non debet homo facere, aut seruare. Tale votum fecit Iephthe quando promisit immolare quod primo ipsi occurreret, Iud. 11. Pro indiscreta & mala causa vouit Absalon, volens rebellare patri, 2. Reg. 15. Crudele votum & impium fecerunt Iudæi dicentes, & deuotione vouimus nos nihil gustare donec occidamus Paulum, Act. 23.

Votum facientes debent votum reddere. Idèd Anna quæ vouit pro filio obtinendo, statim cum obtinuit filium adimpleuit votum, 1. Reg. 1. Axa Rex Iuda pater suus obtulit in domo Domini aurum & argentum, vt ostendatur quod ali-

aliquando vota Patrum debent reddere filij & hæredes, 2. Paral. 15. Omnis populus poſt viſitacionem venit in Hieruſalem, & tulerunt holocauſta, & vota ſua, Iud. 16.

ZELVS BONVS.

Zelus bonus eſt arguere acriter delinquentes. Nam videns Neemias onera portantes, & vxores ducentes alienigenas, & obiurgauit eos, & acriter arguit, Neemia 13. Conſidenter arguit Helias errantem populum, & Prophetas Baal fecit occidi, 3. Reg. 18. Miro zelo ferebat Ioannes Baptiſta, dicens Iudæis, Genimina viperarum, &c. Matth. 3. Luca 3. Et arguendo Herodem, dicens, non licet tibi fratris tui vxorem habere, Matth. 14. Marc. 6. Durè increpauit Dominus Scribas, & Phariſæos, dicens, Vt vobis Scribæ & Phariſæi, &c. Matth. 23. Ardenti zelo Stephanus arguebat Iudæos, dicens, dura ceruice, &c. Act. 7. Paulus cum feruore reprehendit Elymam quando dixit: O plene omni dolo, & omni fallacia, Act. 13.

Zelus bonus eſt etiam punire acriter iniuriam Deo inferentes. Moyſes iratus eſt de vitulo facto à populo, & tabulas confregit, & populum arguit, & eos acriter puniuit, Exodi 32. Multum placuit zelus Domini, quem habuit Phinees, quando tranſſodit adulterantes, Numer. 25. Præcepit Iofue Achior lapidari, & ſupelleſtilem eius comburi, quia tulerat de anathemate, Iofue 7. Magnus erat zelus Matathiæ, qui trucidabat homines impios ſuper aram Domini, 1. Macchab. 2. Plures eiecit Dominus vendentes & ementes de templo, facto ſtigello de funiculis, Ioan. 2. Luca 19.

ZELVS INDISCRETVS.

Zelus indiſcretus eſt quando correſtio non procedit ex iuſtitia, ſed ira vel vindicta. Sic Abiſai voluit amputare caput Semei maledictis Dauid, ſe Dauid id non permiſit, 2. Regum 18. Ionam iratus propter hederam deſiccata, volebat vt Deus deſtrueret Ciuitatem, Iona 4. Iacobus & Ioannes irati, quia nunciij Domini non fuerunt recepti, voluerunt vt ignis de cælo deſcenderet, & consumeret non recipientes, ſed Chriſtus reprehendit eos, Luc. 9.

Zelus erat indiſcretus Iudæorum pro obſervatione Sabbathi, quando Chriſtum reprehendebant quod in Sabbatho infirmos curaret, Matth. 12. Item quando arguebant diſcipulos Chriſti eſurientes, quod in Sabbatho ſpicas euellerent, & manducarent, Matth. 22. Non erat etiam diſcretus zelus Diſcipulorum qui indignè ferebant, quod Magdalena effuderit ſuper caput Domini, Iuda obmurmurante quod pretium iſtius vnguenti non daretur egenis, Matth. 26. Arguit etiam Dominus Petrum, quia ardore & zelo non ſatis conſiderato amputauit auriculam ſerui Principis Sacerdotum, Matth. 26. S. Paulus ante ſuam conuerſionem zelo non bono æmulator exiſtens paternarum traditionum, trahebat Chriſtianos viros ac mulieres vinētos in Hieruſalem, Act. 8. Denique Iudæi videntes quod vniuerſa Ciuitas conueniret ad audiendum prædicationem Pauli & Barnabæ, repleti ſunt zelo, & contradicebant his, quæ à Paulo dicebantur, Act. 13.

Homo zelofus, ſed indiſcretus eſt ſicut Equus generofus, qui frænum non habet, currit in incertum, in vepres, in foueas, & ſeipſum & alios lædit aut præcipitat. Sicut corpus in quo prædominatur humor cholericus, alimentum etiam optimū in choleram & bilem noxiam conuertit; ſic etiam zelus imprudens optimas aſtiones corrumpit & noxias facit. Sicut oculus cui per ſpicillum viride imponitur non diſcernit colores, ſed omnia etiam candida, ipſi apparent viridia: ſic zelus hominis indiſcreti nequit diſcernere inter bonum & malum, iuſtum & iniquum, ſed omnia vult iudicio imprudenti accommodare, & ſuo pede curuo omnia metiri. Vide Correſtio fraternæ, Charitas, Ira, Inuidia.

Vt in Apparatu præcedenti qualibet Materia promptius reperiatur, hic ſingulorum Titulorum Indicem ſuo ordine ſubnecto.

Alphabetici præcedentis.

A	Bnegatio.	pag. 4.	A	Eleemosyna. v. Liberalitas, Amor	Mendacium.	59
A	Abſtinentia.	6	A	proximi, &c.	Mors.	60
A	Acedia, Otium.	14	A	Exhortatio.	Mundi contemptus. v. Abnegatio.	61
A	Accuſatio.	15	A	Euchariftia.	O	62
A	Adulatio.	16	F	Allacia. v. Adulatio. Aſtu-	O	63
A	Ambitio. v. Superbia infra.	17	F	tia.	O	64
A	Amor Dei.	17	F	Fides in Deum.	uidia.	65
A	Amor Proximi.	18	F	Filiorum educatio.	Opus & Intentio.	66
A	Aſtutia.	20	F	Fortitudo.	Oratio.	67
A	Auaritia.	ibid.	F	Furtum. v. Auaritia.	Otium. v. Acedia. Opus bonum.	68
A	Auxilium Dei. v. Benignitas Dei.	21	G	Loria Caſteſtis.	P	69
B	Beatitudo.	22	G	Gratitudo erga Deum. ibid.	P	70
B	Bellum. v. Diſcordia.	23	G	Gratitudo erga homines.	P	71
B	Baptiſmus.	23	G	Gula.	P	72
B	Benignitas Dei.	ibid.	H	Æreſis. v. Fides. Eccleſia.	P	73
B	Blasphe mia.	25	H	Homicidium.	P	74
B	Bonitas Dei. v. Benignitas.	25	H	Honor parentum.	P	75
C	Aſtitas.	25	H	Hospitallitas.	P	76
C	Calumnia. v. Detraſtio.	27	H	Humilitas.	P	77
C	Charitas.	27	H	Hypocriſis.	S	78
C	Chriſtus.	ibid.	I	Actantia. v. Superbia.	S	79
C	Communio. v. Euchariftia.	28	I	Ieiunium. v. Abſtinentia.	S	80
C	Confeſſio peccatorum.	28	I	Infernus.	S	81
C	Conſilium bonum.	29	I	Ingratitudo.	S	82
C	Conſilium malum.	ibid.	I	Inimicitia, Odium, Diſcordia.	S	83
C	Conſolatio diuina.	30	I	ibid.	S	84
C	Conſtantia.	ibid.	I	Iracundia.	T	85
C	Contemplatio. v. Oratio.	31	I	Intentio bona, aut mala.	T	86
C	Correptio fraternæ.	31	I	Ira.	T	87
C	Curioſitas.	32	I	Inuidia.	T	88
D	Deipara.	ibid.	I	Iracundia. v. Inimicitia.	T	89
D	Detraſtio & Calumnia.	33	I	Iudicium iuſtum.	T	90
D	Deus, v. Amor Dei, Benignitas, &c.	34	I	Iudicium iniquum.	T	91
D	Diſcordia.	34	I	Iuramentum.	V	92
D	Dilectio. v. Amor.	35	I	Iuſtitia Diuina.	V	93
D	Duritia cordis.	35	L	Liberalitas.	V	94
E	Ebrietas.	36	L	Luxuria.	V	95
E	Eccleſia.	37	M	Aria Virgo. v. Deipara.	V	96
			M	Matrimonium.	V	97

P R A X I S

DICTIONEM CONFICIENDI

E X

Apparatu precedenti, & sequenti in Doctrina Christiana.

G. I.

Praxis conficiendi primam partem Dictionis.



Prima pars dictionis, facile componi poterit ex sola Narratione Euangelij quod presenti Die occurrit, adhibita qualiam amplificatione, & ornatu oratorio magis obvio, & ex rei natura desumpto. Ars autem huius amplificationis in eo consistit primo, ut singule partes Euangelij pluribus verbis & sententijs ad populi captum familiari modo exponantur, per interrogationes, responsiones, similitudines, comparationes dicti vel facti Euangelici, cum factis aut moribus populi presentis, ut ad imitationem virtutis, aut fugam vitij excitetur, ut infra in exemplo ostendetur.

Secundo, assignando causas cur singula à Christo dicta aut gesta fuerint, v. g. ad nostram doctrinam, ad penam malorum, premium bonorum, &c.

Tertio, expendendo modum rei gestæ, v. g. quanto cum amore, aut dolore, aut patientia res quæ narratur à Christo, aut alia persona, gesta fuerit.

Quarto, idem declarando aliqua comparatione aut similitudine, quales supra in Apparatu ad singulos fere Titulos subiiciuntur. Debet autem eiusmodi similitudo non verbo absolui, sed per partes deduci, comparando singulas eius proprietates cum re aut persona cui illam applicare intendimus. Exempli causa: quando Amorem Dei cum Igne comparamus, oportet considerare Ignis proprietates, & illas cum Amoris effectibus conferre: hoc modo: Sicut Ignis expellit frigus, ita Amor pellit temporem & negligentiam in obsequio diuino: Ignis dissoluit glaciem, ita amor cor peccatoris in lacrymas resoluit: in igne purgatur aurum & alia metalla, per amorem anima à peccatis expiatur: igne accenso domus illuminatur, ita amor replet hominem lumina gratiæ diuinæ: ignis semper ascendit sursum, amor diuinus semper anti-

mam à rebus terrenis ad cælestia attollit, &c. Simili modo alia exempla, & similitudines, quæ breuiter assignantur, poterunt latius deduci, & ad presentem materiam applicari.

Hoc autem ut facilius fiat, in singulis dictis aut factis latius exponendis, consideranda circumstantiæ quæ memoriæ causa hoc versiculo aptè comprehenduntur. Quis, quid, ubi, quibus auxilijs, cur, quomodo, quando?

Cuius rei breuem methodum & exemplum ante oculos ponemus in enarrando Euangelio Dominicæ primæ Aduentus de extremo iudicio, quæ infra inter Dominicas prima occurret.

*Primæ partis exemplum, Narratio
Euangelij.*

Proponitur nobis (Auditores) hodie Euangelium de secundo Christi Aduentu, & de signis præcedentibus iudicium extremum.

Quis illa nobis proponit: Ipse Christus, Deus, & homo, iudex viuorum & mortuorum, æterna veritas, quæ neminem potest fallere, quia est bonitas infinita, nec potest ipse falli, quia rerum omnium etiam futurarum scientiam habet.

Cur ea nobis pronunciauit? ut præparemus nos ad iudicium futurum per bona opera; ut deleamus peccata præterita per penitentiam, ut caueamus peccata futura in extremo iudicio seuerè vindicanda, simile, sicut latrones solent abstinere à rapinis quando vident eorum seuerio iudice sibi breui comparandum esse.

Quomodo Christus illa prædicit? summo affectu erga nostram salutem, tanquam prouidus parens, qui sollicitè monet filium ut caueat à periculo tempestatis, aut incendiij futuri.

Audite igitur eius verba. *Erunt signa.* Sed ubi illa signa apparebunt ut possimus ea cognoscere? In sole, & luna, & stellis, nempe in loco maximè conspicuo, ante omnium oculos, in ipsis cæli luminaribus, ut nemo ea possit

fit ignorare. Vis scire *quanam* erunt illa signa in sole, &c. Erunt eclipses, tenebræ, fulgura, & stellæ de cœlo cadentes. Comparatio: Cogita quo terrore concutimur quando ex aliqua parte cœli ingentes fragores audimus, & horrenda fulgura conspiciamus, quanto magis, quando illa totum orbem occupabunt. *Transitio*.

Sed ne putemus signa iudicij extremi in cœlo tantum futura, pergit Christus; Et in terris pressura gentium, præ confusione sonitus maris, & fluctuum. Quomodo trepidabunt homines, & maxime peccatores ad hanc pressuram ex terra, & horrendum sonitum ex turbatis totius Oceani fluctibus; *Arescentibus* (inquit) hominibus præ timore, & expectatione quæ superuenient vniuerso orbi. Nam virtutes cœlorum mouebuntur. Quanto magis debent commoueri corda peccatorum, & resolui ad lachrymas pœnitentiæ, simile, sicut post magna tonitrua solent nubes in pluuias resolui, *Transitio*.

Post hæc tremenda signa in cœlo, terra, & mari, videamus quid sequatur. Et tunc videbunt filium hominis venientem in nube cum potestate magna, & maiestate. O quam erit hoc signum iucundum Christi amicis, è contrario, quam erit formidandum eius inimicis. Veniet cum maiestate magna, quare? quia illum è cœlo comitabuntur omnes Angeli, & coram illo in terra stabunt iudicandi omnes Reges, Principes, & vniuersi homines qui ab initio vsque ad finem mundi vixerunt, simile, sicut Rex solet summa cum maiestate, & frequentia comparere quando in publico tribunali iudicium exercet. Simili methodo peragenda est, enarrando reliquam partem Evangelij.

§. II.

Praxis conficiendi secundam partem
Dictionis.

Pro secunda parte Conciónis, eligenda erit ex eodem Evangelio aliqua sententia particularis, quæ erit idonea ad instituendum discursum de aliqua virtute, aut vitio, aut alia doctrina ex mente Concionatoris.

Vt pro hoc discursu materia apta inueniatur, in Indice supra concinnato videnda erit virtus, aut vitium aut alia doctrina circa quam sententia electa, præcipue versatur; vt si sit Amor Dei, vide in littera A, si sit Iustitia, vide in littera I, & sic de cæteris. Vbi nota quando est discursus de Virtute posse etiam materiam peti ex Vitio illi

contrario, & contra, v.g. si agitur de Amore, videndus est etiam titulus de Odio, vel Inimicitia, vel Inuidia.

Postquam in Indice inuenta est materia, & exempla ad mentem Concionatoris idonea, expedit illa fufus legere in ipsa Scriptura loco citato. Deinde debent illa Exempla cum aliquo ordine, & ornato oratorio in charta describi, & deduci ad scopum à Concionatore intentum. Deductio autem illa ferè consistet in artificio, quod supra ostendimus in narratione Evangelij.

Exempli causa ex presenti Evangelio eligitur hæc particularis sententia: Tunc videbunt filium hominis venientem in nube cum potestate magna, & maiestate, nempe ad iudicandum. Quærat ergo in Indice iudicium, Iustitia, & ex illis desumat materiam, & discursus iuxta methodum sequentem.

Secunda partis exemplum, in Sententia deducenda.

Tunc videbunt Filium hominis venientem in nube, &c. Quinam videbunt? totus mundus, iusti, & impij simul congregati. Quid videbunt? Filium hominis scilicet Christum cuius passionem & mortem spreuerunt. Quare tunc Christum videbunt in nubibus venientem? Vt de omnibus hominibus ex æquo, & bono iudicium exerceat. (Vide iudicium iustum, & ex eo reliqua compone hoc modo) Index vt rectè iudicet debet causas diligenter examinare. Sic fecit Salomon Rex sapientissimus, 3. Regum 3. Quando duæ mulieres de filio contendebant vtra esset vera eius mater: vt veritatem exploraret voluit infantem in medio collocari, & deinde iussit sibi gladium adferri, dicens, se velle puerum inter vtramque mulierem ex æquo diuidere. Quid hic factum putatis? Mulier quæ non erat vera infantis mater, nulla eius commiseratione tacta, voluit illum in duas partes dissecari. Altera vero totis visceribus commota ex templo iussit potius infantem viuum atque integrum alteri consignari. Hinc statim collegit Salomon causæ veritatem, & huic tanquam veræ matri totum infantem adiudicauit.

Præclara quoque Sapientia eluxit in Daniele quæ narratur, Daniel 13. In occulta causæ veritate indaganda. Susanna nobilis Matrona à duobus senibus adulterij falso accusata ad extremum supplicium rapiebatur. Daniel, Deo impellente, Susannæ innocentiam sibi explorandam suscepit. Quid hic faceret? Causa erat occulta, aderant accusatores ætate & au-

& auctoritate graues, populus ad supplicium conuenerat, Susanna iam iam lapidibus obruenda erat. (*Narretur decore reliqua historia, & veritas tandem detecta.*)

Ecce quanta cura & sagacitate opus est iudicibus, ut in rebus humanis occulta veritas detegatur. Sed Christo supremo iudici in illa die nihil erit ignotum, nihil occultum, de quo dicitur, Iudex ergo cum fedebit, quidquid latet apparebit, nil in vultum remanebit. Quidquid in cubiculo, quidquid in syluis, quidquid in tenebris, quidquid in intima cordis cogitatione gestum est, ante iudicis oculos manifestè apparebit.

Cognitionem causæ & criminis sequetur iustitia: (*Vide Iustitia Dei, & inde perge hoc modo.*) Iustitia requirit ut qui peccando mala alijs intulerunt ipsis pari mensura mala infligantur. Superbus Aman odio incensus in Mardochæum eo quod sibi genua non flecteret, curauit erigi excelsum patibulum ut in eo suspenderetur: *Fusus Estheris* 7. Sed quid tandem factum? Supplicium quod alteri parauit ipse sustinuit. Nam à Rege Assuero morti iudicatus est, ut ex patibulo quod Mardochæo erexit ipse penderet. *Aman* est peccator, qui non dubitat alijs facto, aut verbo, aut praua voluntate iniuriam inferre. *Assuerus* est *Christus*, qui peccatorem in extremo iudicio pari supplicio adiudicabit. Hanc diuinæ iustitiæ mensuram, ut clarius intelligatis ponite ante oculos Viro iniquos qui curarunt Danielem in profundum lacum leonibus deuorandum demitti, *Fusus ex Daniel.* c. 14. Conclussit Dominus ora leonum ne innocentem attingerent. Sed homines scelerati, qui Danieli iniuriam intulerunt in lacum coniecti ex templo à leonibus deuorati fuerunt. Sic in extremo iudicio instar Danielis homines innocentes à peccatoribus iniuste vexati stabunt illæsi & securi. Peccatores autem in profundum inferni lacum præcipitati à tartareis leonibus æternum cruciandi abripiantur. *Plura exempla si velis ex eodem Indice. Conclusio.*

Cauendum igitur peccatum à iusto Iudice tam seuerè vindicandum, cauenda iniuria proximi, cauenda superbia, cauenda inuidia &c. *Descendendo ad particularia crimina, de quibus Concionator cupit suos admonere, quæ etiam in Indice videri possunt, & per Exempla illis posita dilatarari.*

§. III.

Tertia partis praxis & exemplum, ut supra de Sententia.

Leuate capita vestra quoniam appropinquat redemptio vestra. Quis hæc verba profert? Christus, qui non tantum est seuerus iudex, sed etiam benignus consolator. Quibus hæc dicuntur? Iustis & pijs hominibus, qui in vita fuerunt iniurijs & tribulationibus oppressi, nec permissi caput attollere, tunc tandem in die iudicii illis dicetur, *Leuate capita vestra.* Vide *Tribulatio, Tentatio, Patientia*, & ex illis (sicut supra ex *Iustitia*) feligantur exempla Iosephi, Tobia, &c. quibus ostendatur iustos, qui in hac vita multis tribulationibus opprimuntur in die iudicii viso Redemptore habituros gaudium, gloriam, consolationem; pro quo videri potest in *Indice, Consolatio & Gloria æterna.* *Poterit, si velis, pergere ad aliam sententiam ex Euangelio eligendam, & ex Indice deducendam iuxta praxim iam assignatam.*

In fine autem debet Orator maiori affectu, & vocis contentione perorare: Scopum etiam dictionis suæ repetere, & ardentius inculcare: quandoque per apostrophen fermonem ad Deum, aut Sanctos, aut alios pro re nata conuertere: auditores denique ad proposita firma & scopo dictionis consentanea vehementius incitare.

Ad hæc plurimum conducet, primò ante Concionem priuata oratione gratiam cum fructu prædicandi à Deo suppliciter postulare: Secundò, piæ meditationis exercitio affectum illum in se concitare, ad quem cupit auditores impellere: Tertio, modum prædicandi in optimis Concionatoribus accuratè obseruare, eumque conari in praxim reducere, quantum propriæ naturæ vires & inclinatio patietur: ille enim dicendi modus maximè placere solet, qui minimè affectus apparet.

Porro, ut prædictus Apparatus & praxis ex eo concionandi facilius ab incipientibus in usum redigatur, assignamus infra per reliquas Dominicas, 1. Euangelium diei: Punèta siue sententias ex eo selectas, & conceptus de singulis punètis ad concionandum idoneos, 3. Apponimus ad singulas sententias Titulum in Indice siue Apparatu contentum, ut ex eo in promptu habeat Concionator materiam idoneam ex qua sententiam suam & conceptum faciliè & copiosè deducat.

Denique eadem praxi, qua nos pro singulis Dominicis & Festis, pro faciliori tantum

norma, aliquas sententias & materiam adaptauimus, poterit deinceps Concionator, cum placuerit, sententias alias ex eodem Euangelio eligere, & illas materiam quam habet in Apparatu accommodare.

Ad extremum obserua, materiam pro Dictione peti posse non tantum ex Apparatu, sed etiam ex Controuersijs superius tractatis, & Exemplis alijsque in Catechesi infra inducendis, eorum Indices aut Titulos percurrendo, ubi pro omnibus Fidei mysterijs, & officijs iustitiæ Christianæ exempla selectissima fusius deducuntur.

M A T E R I Æ D I C T I O N I S

In Dominicis per Annum.

DOMINICA I. ADVENTVS.

Euangelium, Luca 21. Erunt signa, &c.

I. **N** Arratur totum Euangelium Dominicæ: Erunt signa in sole, & luna, & stellis, iuxta praxim primæ partis supra.

II. *Tunc videbunt Filium hominis venientem in nube cum potestate magna, & maiestate.* Aduentus Christi erit peccatoribus tremendus, quia stricto iudicio omnia occulta examinabit, & penam ex æquo retribuet. Vide ex Apparatu Iudicium rectum, Iustitia diuina.

III. *Tunc videbunt Hæretici Christum in nube cum tremore, qui noluerunt illum in Eucharistia, aut in vera Ecclesia agnoscere v. Eucharistia, Ecclesia.* Tunc videbunt Auari Christum in nube, qui illum noluerunt videre in paupere. V. Eleemofyna. Tunc videbunt Christum in nube lucida Operarij tenebrarum, qui non proposuerunt Deum ante conspectum suum. V. Luxuria, Astutia, &c.

IV. *Leuate capite vestra quoniam appropinquat redemptio vestra.* Iusti & pii qui in hac vita tribulationibus opprimuntur, in extremo iudicio leuabunt caput cum gaudio, & consolatione. Vide Tribulatio, Consolatio. Et infra in Catech. c. 5. in fine 4. Nouissima.

Conceptus alij de eodem Euangelio.

E runt signa in sole, luna, & stellis. Posuit Deus tam multa & clara signa futuri Iudicii & Mortis: quia horum memoria maximi momenti est ad naturam conuersionem, & virtutis exercitium, v. sup. Mors, Iudicium.

Cælum, & terra transibunt. Omnia huius mundi sunt fluxa, & mutabilia vt honores, opes, fanitas, amici, præter solum Deum: idè re-
tè additur. *Verba autem mea non præteribunt.* Quia veritas Domini manet in æternum, & ea sola hominem felicem facit. Vide supra in Apparatu V. Veritas.

Beatus, qui non fuerit scandalizatus in me. Scandalizantur in Christo qui nolunt sequi doctrinam, & exemplum illius, vt Humilitatem, Patientiam, Charitatem, &c. de quibus supra in Apparatu. Nihil magis scandalizat Ecclesiam Christi, quam improbitas Christianorum.

Dominica II. Aduentus.

Matth. 11. Cum audisset Ioannes &c.

I. **N** Arratio totius Euangelij, iuxta praxim Narrationis supra.

II. *Cum audisset Ioannes in vinculis opera Christi.* S. Ioannem in carcere, ita iustorum vitam exercet Deus per vincula patientiæ, morbos, paupertatem, persecutiones in hoc mundo, &c. Nam vt purum aurum in igne probatur, ita iusti in tribulatione. Vide in Apparatu, A. Patientia, & varia eius exempla, & documenta.

III. *Existis videre arundinem vento agitatam.* S. Ioannes mansit in aduersis constans, sed homines reprobis instar arundinis cum omni vento tentationis facillè inclinantur ad peccatum. V. Constantia, Peccatum, & species peccati, Superbia, Avaritia, &c. Item Catech. cap. 3. de præceptis.

IV. *Contra Hæreticos, Cæci vident, claudi ambulant &c.* Quomodo Fides (præsertim noua) debeat miraculis confirmari, vide supra in Polemicis part. I. pag. 40.

Conceptus alij de eodem Euangelio.

C Oeci vident, claudi ambulant, &c. Matth. 11. Peccatores alij cæci, alij claudi, alij leprosi &c. de hoc vide Alapide ad Ephes. 3. v. 1. item 1. Tim. 2. v. 8. fusè.

Quid existis in desertum videre arundinem vento agitatam. Fragilitas humana instar arundinis, quæ fortunæ ventis exposta est.

Hæc dici potest quantam fortitudinem Ioannes per tribulationem obtinuerit, quæ hominem Christianum decet, nam inconstantia multos à fide & virtute auertit. Alapide Ephes. 4. v. 13. n. 140.

Abeun-

Abeuntibus illis cepit Ieſus dicere. Chriſtianum eſt defendere honorem alienum iuxta illud: *Omnia quaecumque vultis, ut faciant vobis homines, & vos facite illis.*

Beatus qui non fuit ſcandalizatus in me. Scandalizantur in Chriſto, qui non ſequuntur doctrinam & exemplum eius. Nam illorum improbitas ſcandaloſa eſt Chriſto & Eccleſiæ.

Dominica III. Aduentus.

Ioan. I. Miſerunt Iudæi &c.

I. Narratio Euangelij, iuxta praxim Narrat. vbique ſeruandam.

II. *Tu quis es?* Homines ſuperbi, & qui ſe iactant, ſolent alios interrogare, *Tu qui es?* Sed deberent potius interrogare, & examinare ſeipſos, & ſua vitia. Vide in Apparatu *Iactantia, Superbia.*

III. *Ego vox clamantis in deſerto.* S. Ioannes ex humilitate dicit ſe tantum eſſe *voce*, quæ eſt res leuiſſima. Sed melius id poſſunt dicere multi homines, qui tantum habent verba, & voces, & nihil veritatis. *V. Humilitas, Mendacium.*

IV. *Ego baptizo in aqua.* Baptiſmus Ioannis tantum habebat aquam poenitentiae, ſed Baptiſmus Chriſti confert etiam gratiam, & ſalutem. *Baptiſmus, item in Catech. c. 4.*

Conceptus alij de eodem Euangelio.

Confeſſus eſt, & non negauit, Ioannis I. Mendacium homini noxium & pernicioſum, quapropter omnibus vt peſtis fugiendum, nam ex mendacio veluti ex fonte promanant, duplicitas, iniuſtitia, furtum, &c. Simplicitas, ſeu ſinceritas amplectenda, eſt contra vero hypocriſis fugienda. Confeſſio recta, & ſincera hominem ducit ad vitam coeleſtem, duplicitas & hypocriſis ad vitam gehennalem.

Ego vox clamantis in deſerto parate viam Domini. Humilitas Ioannis maxima fuit, & ex humilitate in tantum euasit ſanctum, vt ſacræ paginæ, non ſurrexiſſe maiorem inter natos mulierum Ioanne Baptiſta, de eo teſtentur: ſi igitur ipſius veſtigijſ inſiſtere velimus oportet in omnibus actionibus humilem eſſe, præcipue tamen hæc virtus exercenda eſt dum nos ad ſacram ſynaxim præparamus: deinde via, quæ eſt anima noſtra, præparanda eſt, & videndum num illa recta ſit, id eſt, num illa ſemper habeat rectam intentionem, num ſit iuſta, ſuum cuique tribuendo, quod ſuum eſt? Modus quo illa diſponantur eſt confeſſio frequens

fuga occaſionum, emanſio eſt conſortio prauorum, bona propoſita, &c.

Dominica IV. Aduentus.

Lucæ 3. Anno quintodecimo. Narr. Euang.

I. *Radicans Baptiſmum poenitentiae.* Poenitentia neceſſaria: eſt ſecundus Baptiſmus. *V. Poenitentia, Baptiſmus, Confeſſio peccatorum. Eadem in Catech. c. 4.*

Hæretici malè negant *Baptiſmum Poenitentiae* per Confeſſionem, & Abſolutionis Sacerdotis. Vide in *Polemicis par. I. pag. 131.*

II. *Parate viam Domini:* virtutes quæ requiruntur ad parandam viam Domini in noſtra anima. *V. Amor Dei, Humilitas, Fides, Spes, Oratio, &c.*

III. *Omnis mons, & collis humiliabitur.* Superbi ſicut montes ſupra alios elati, à Deo deſeruntur, & humiliantur. *V. Superbia.*

Natiuitas Domini.

Lucæ 2. Exijt edictum. Narratio.

I. *Atus eſt vobis hodie Saluator.* Quanta Dei bonitas, qui voluit Filium ſuum pro nobis incarnari, & in ſtabulo naſci. Vide *Benignitas Dei, Gratitude erga Deum, Chriſtus.*

II. *Inuenietis infantem pannis involutum, & poſitum in præſepio.* Si Filius Dei eſt cælo ad ſtabulum ad nos deſcendit, quomodo non debemus pro Deo nos humiliare, & mundi vanitates abnegare. *V. Humilitas, Abnegatio.*

III. *Gloria in excelsis Deo, & in terra pax hominibus bonæ voluntatis.* Homines bonæ voluntatis debent ex amore Chriſti habere pacem cum Deo, cum proximo, cum propria conſcientia. Vide *Pax, Concordia. Item Odium, Inuidia.*

Conceptus alij de eodem Euangelio.

I. *Inclinauit eum in præſepio, quia non erat &c.* *Luc. 2.* Cor noſtrum tabernaculum eſſe debet Chriſti Ieſu naſcentis.

Gloria in altisſimis Deo, & in terra pax hominibus &c. Diuinæ perfectiones communicantur à Chriſto nato hominibus bonæ voluntatis.

Cum in formam Dei eſſet exinaniuit ſeipſum. Philip. 2. Cur Dei filius ſe ad ſummam inopiam exinaniuerit & humiliauerit? nempe vt nobis exemplum præberet quomodo nos in hoc mundo gerere debeamus.

Paruulus natus eſt nobis, Iſaïe 9. Facilius nobis cum Filio Dei paruulo ſalutis negotium

traſtatur. 2. Datus eſt paruulus duſtor pau-
peris & cæci hominis mendicantis. 3. Datus
eſt nobis Dei filius obſes, & pignus noſtræ re-
demptionis.

Tranſeamus uſque in Bethlehem. Tranſeamus
de via peccatorum ad viam virtutum. 2. Ignis
cœleſtis, & diuinus abſconditus ſub cinere mor-
talis corporis.

Exultauit ut gigas ad currendam viam, Pſalm.
18. Deſiderauit valde filius Altiffimi opus re-
demptionis noſtræ.

Inuenietis infantem pannis inuolutum, &c. Fi-
lius Dei natus, mundo ignotus, & puer expo-
ſititiuſ.

Dominica I. poſt Natiuitatem.

Lucæ 2. Erant Ioseph & Maria. Narratio.

I. *Poſtus eſt hic in ruinam, & reſurrectionem*
multorum. Chriſtus improbis homini-
bus eſt ſeuerus Iudex ad ruinam, & bonis beni-
gnus Saluator ad gloriam, V. *Iuſtitia diuina,*
Benignitas Dei, Gloria cœleſtis.

II. *Tuam ipſius animam pertranſibit gladius.*
Sicut hic Deiparæ, ita iuſtis hominibus tribu-
lationes proueniunt ad ſalutem, V. *Tribulatio,*
Patientia.

III. *Quæ non diſcedebat de templo ieiunij, &*
obſecrationibus ſeruens nocte ac die. Et ideo me-
ruit Chriſtum videre, V. *Ieiunium, Oratio.*

Circumciſio Domini.

Luc. 2. Poſtquam conſummati. Narratio.

I. *Poſtquam conſummati ſunt dies cœlo ut cir-*
cumcideretur puer. Debent Chriſtiani ani-
mum circumcidere amputando peccata, luxu-
riam, gulam, &c. V. *Peccatum, Penitentia, Ab-*
ſtinentia, Luxuria, Gula.

II. *Vocatum eſt nomen eius Ieſus.* Id eſt Salua-
tor. Chriſtus pro ſtrenua noui anni offert in
circumciſione ſuum ſanguinem pro hominum
ſalute, vide *Benignitas Dei, Gratiſtudo erga*
Deum.

III. *Quot modis ſe Chriſtus hominum Sal-*
uatotem demonſtrat, v. Chriſtus.

Conceptus alij de eodem Euangelio.

V *T circumcideretur puer, Luc. 2.* Circumciſio
ſpiritualis eſt ſenſuum mortificatio.

Vocatum eſt nomen eius Ieſus. Inchoandus a-
nimus ab amicitia nominis Ieſu, 2. reliquit Do-
minus nomen Terribile quod in lege veteri

terrebat, & illud mutauit in dulciſſimum no-
men Ieſus, 3. Virtute nominis Ieſu Dauid vi-
cit Goliath: & nos vincemus diabolum, 4. In
circumciſione Saluator noſter maximè fuit hu-
miliatus; in receptione nominis Ieſu maximè
fuit exaltatus. Ita & nos &c.

In nomine Ieſu omne genuflexatur &c. Philip. 2.
Nomen Ieſu innocenti vbique auxilium.

Exaltauit illum, & donauit illi nomen, quod eſt
ſuper omne nomen. Exaltati ſumus per Ieſum
fratrem noſtrum ad ſtatum filiorum Dei, de
ſtatu filiorum diaboli.

Renouamini ſpiritu mentis veſtræ, Ephes. 4. Re-
nouandus homo intus, & foris ad imaginem
Dei.

Et vocatum eſt nomen eius Ieſus. Oportet nos
implere meſuram nominis Chriſtiani cum
Ieſu per virtutes illius.

Epiphania Domini.

Matth. 2. Cum natus eſſet &c. Narratio.

I. *V* *Idimus ſtellam eius in Oriente.* Fides eſt
ſtella quæ ducit nos ad Chriſtum, v.
Fides, Obedientia, & in polemicis argumenta Fi-
des, pag. 16.

II. *Renunciare mihi ut ego veniens adorem eum.*
Similes ſunt Herodi hypocritæ & hæretici qui
ſimulant pietatem, vide *Hypocriſis, Intentio,*
Aſtutia. Item, *Genius fallax Hæreticorum, p.*
151.

III. *Obtulerunt ei munera, aurum, thus, myr-*
ram. Per hæc tria munera ſignificatur Chri-
ſto offerenda Fides, Spes, Charitas ſive Amor
Dei. Item paupertas ſive abnegatio ſui, Ca-
ſtitas, Obedientia, v. Singulas iſtas virtutes in
Apparatu.

Conceptus alij de eodem Euangelio.

E *cce Magi, Matth. 2.* Non adeo miratur E-
uangelista de paſtoribus quam de magis,
quia pauperes & afflicti facilius Chriſtum quæ-
runt quam diuites, 2. Mirandum inſuper tot
hæſtenus Principes & Reges Saluatoris pauper-
tatem amplexos, cum paſſim paupertas vitetur.

Ab Oriente venerunt. Peccator illuſtratus lu-
mine gratiæ Dei ad eum ſe conuertit, 2. Ab in-
fantia Deus diligendus eſt.

Vbi eſt qui natus eſt Rex. Chriſtus Rex & Do-
minus vniuerſorum meritò nuncupatur.

Intrantes domum inuenerunt puerum. Domi-
nus ab humilibus inuenitur, & à ſuperbis ſe
ſubducit.

Vbi eſt, qui natus eſt Rex Iudaorum? vidi-
mus

emus stellam eius. Grauius obdurati & ingrati, & scientes, quam ignorantes peccant.

Procedentes adorauerunt eum. Non legitur pastores eum adorasse, quia signum sublimis animi est, se humiliare, Regiæ quoque dignitati conueniens.

Obtulerunt ei munera. Offerenda nobis sunt munera puero Iesu, nempe aurum charitatis, thus pietatis, mirra amoris, orationis & mortificationis.

Vidimus stellam eius. Frustra nobis stella diuinæ gratiæ lucet, si non ductum eius sequamur.

Dominica I. post Epiphaniam.

Lucæ 2. Cum factus esset Iesus. Narratio.

I. *Innuenerunt Iesum in templo.* Iesus inuenitur in vera Ecclesia, & in Oratione, vide *Ecclesia*, *Oratio*. Item, *Notæ veræ Ecclesiæ &c.* par. 1. pag. 32.

II. *Nescitis quia in his quæ Patris mei sunt oportet me esse.* Seruiendum Deo potius, quam mundo aut hominibus, vide *Obedientia*, *Abnegatio mundi*, *Amor Dei*.

III. *Et erat subditus illis.* Quantum debeant honorari parente, v. *Honor parentum*, *Educatio filiorum*. Et in *Catech. c. 3. de præcepto honorandi parentes*.

Conceptus alij de eodem Euangelio.

E*T cum factus esset annorum duodecim ascendit &c. Luc. 2.* Hic doceri potest quomodo Dominica & festa sint colenda, 2. Quomodo parentes infantes suos educare debeant in timore Dei &c. 3. Quomodo præcepta Dei sunt seruanda & adimplenda.

Secundum consuetudinem. Bona consuetudo arripienda, mala vero superanda & extirpanda est.

Et non cognouerunt eum parentes eius. Anima nostra quandoque Deum perdit, absque eo quod satis aduertit ad statum suum.

Fili quid fecisti nobis sic ecce Pater tuus & ego dolentes querebamus te. Quomodo Deum debeamus querere in confessione Sacramentali, in communione, in templis, in bonis consortijs &c. sed non in tabernis, non in hortis voluptatum &c.

Requirebant eum inter cognatos & notos. Deus non est querendus apud amicos & consanguineos, sed in oratione & bonis operibus, etiam apud inimicos &c. si eos amore prosequamur. Sed amici non nunquam vocationem Dei male impediunt.

Et erat subditus illis. Quantam ergo pueri obedientiam exhibere teneantur suis parentibus, superioribus, & quomodo puniendi eam recusantes.

Dominica II. post Epiphaniam.

Ioann. 2. Nuptiæ &c. Narratio.

I. *Nuptiæ factæ sunt in Cana Galilee:* Matrimonium honorandum est, & eius leges magna cura seruandæ tam à viro quam à muliere, in mutuo amore, fidelitate, concordia, vide *Matrimonium*. Et in *Catech. cap. 4. de Sacram. Matrim.*

II. *Omnis homo primo bonum vinum ponit &c.* Mundus primo præbet voluptatem, postea dolorem & tribulationem: Deus è contra primo præbet tribulationem: postea lætitiā & præmium æternum, vide *Tribulatio*, *Tentatio*, *Patientia*.

III. *Hoc fecit Iesus initium signorum, v. Christi miracula, v. Christi, Benignitas Dei.*

Conceptus alij de eodem Euangelio.

N*uptiæ factæ sunt in Cana Galilee, Ioan. 2.* Quanta sollicitudine nos præparare debeamus ad sacram communionem: & quomodo puniendi sunt qui indignè accedunt ad has nuptias spirituales.

Vinum non habent. Diua Virgo magnam de clientibus suis curam gerit, quibus prospicit in omnibus cum sit apud Deum potentissima.

Implete Hydrias. Christus ostendit exemplo suo, quantum patentibus deferendum sit.

Cum inebriati fuissent tunc id quod deterius est. Mundus homines decipit, voluptates eis proponendo, ob quas postea tot tormenta toleranda sunt, 2. Vt mundus hominibus illudit, ita quoque diabolus.

Dominica III. post Epiphaniam.

Matth. 8. Cum descendisset. Narratio.

I. *Descendente Iesu de monte, Ecce leprosus venit.* Leprosus dici potest quiuis peccator plenus vlcerebus superbiæ, avaritiæ, luxuriæ, gulæ, &c. v. *Peccatum*, *Superbia*, *Luxuria*, &c.

II. *Si vis potes me mundare.* Peccator debet cum magna fiducia & dolore ad Christum recurrere, v. *Fiducia*, *Pœnitentia*.

III. *Vade ostende te Sacerdotibus.* Debet etiam peccator peccata sua aperire & ostendere Sa-

F 3 cer-

cerdoti in Confessione sacramentali, v. *Confessio peccatorum*. Item *Sacramentum Penitentia* in *Catech. c. 4.*

Conceptus alij de eodem Euangelio.

Ecce leprosus veniens. Tribulatio hominem Christo coniungit, & si longè ab eo recesserit, ad Deum reuerti iubet.

Adorabatur eum. Adoratio Deo soli conuenit.

Si vis potes me mundare. Tribulatio docet orare, 2. Cordis munditia quanti facienda, 3. Misericordia Dei in hominibus subueniendo maxima.

Accersit ad eum Centurio. Qualis fuerit ille Centurio, & ex eo quodnam officium sit Dominorum erga seruos: & seruorum erga Dominos.

Domine puer meus iacet in domo paralyticus, &c. Peccatum paralysis est qui morbus animam maxime affligit, sua mala conscientia peccatum mortale homini viam sternit ad alia mortalia.

Dominica IV. post Epiphaniam.

Matth. 8. Ascendente &c. Narratio.

I. Ascendente Iesu in nauiculam, ecce motus magnus factus est in mari. Mundus est mare plenum procellis, id est, periculis, discordijs, litibus, vide *Discordia, Inimicitia*. Item *Pax*.

II. Domine salua nos perimus. Remedium in mundi periculis est auxilium Dei inuocare, v. *Oratio, Auxilium Dei, Fides*. Et in *Catech. c. 2. de Orat. Dominica*.

III. Quis est hic, quia venti & mare obediunt ei. Si mutæ creaturæ obediunt Dei præcepto, magis homo. v. *Obedientia, Timor Domini*. Et in *Catech. cap. 3. de præceptis*.

Conceptus alij de eodem Euangelio.

Ascendens Iesus in nauiculam, &c. *Matth. 8.* Quomodo Christum præcedentem debeamus sequi, 2. Præsentia Dei hominem cohibet à peccato.

Vt nauicula operiretur fluctibus. Fluctus maris, id est, mundi hominem opprimunt.

Ipsè vero dormiebat. Deus in anima afflicta optime quiescit.

Modice fidei &c. Fides nobis scutum in omnibus periculis & certaminibus.

Imperauit ventis. Quomodo passionibus nostris, quæ ventis non absumiles sunt, imperare oportet.

Dominica V. post Epiphaniam.

Matth. 13. Simile factum est. Narratio.

I. Simile factum est regnum celorum homini quæ seminauit bonum semen in agro suo. Semen bonum est fides, aut quæuis alia virtus, quæ seminatur in anima, vt postea proferat fructum vitæ æternæ, v. *Fides, Liberalitas, Amor Dei &c.* Et in *Catech. c. 1. de fide*.

II. Venit inimicus eius, & superseminauit zizaniam. Zizaniam sunt errores hæreticorum, aut peccata in quæ dæmon, & hæretici homines inducunt, v. *Tentatio, Mendacium, Auaritia, Luxuria, & alia vitia*.

III. Sinite utraque crescere vsque ad messem. Deus permittit probos & improbos simul viuere in hoc mundo, sed in morte & iudicio extremo illos separabit, ad præmium, vel penam æternam, v. *Mors, Iudicium, Iustitia diuina*. Et in *Catech. cap. 5. de quatuor Nouissimis*.

Conceptus alij de eodem Euangelio.

Cum autem dormirent homines &c. *Matth. 13.* Inimicus noster diabolus valde imbecillus est, quod vel hinc patet, quia homines non nisi dormientes, vel impeditos aggreditur, quos vincere haud potest, nisi velint. Vide supra in Apparatu, V. *Assedia*.

Venit inimicus homo &c. Diabolus nunquam dormit, & ideo inter omnia animalia soli vigilantissimo draconi assimilatur. Quia est infensissimus hominis hostis, quapropter nobis vicissim vigilandum est.

Et superseminauit zizaniam. Sufurrones Deo, Angelis & hominibus odibiles.

Alligata ea in fasciculis ad comburendum. Quandoque propter prauos homines etiam boni luunt & puniuntur à Deo.

Dominica VI. post Epiphaniam.

Matth. 13. Simile est. Narratio.

I. Simile est regnum celorum grano synapis &c. Granum synapis est vera fides in Christum, quæ nunc apparet parua, & humilis, postea autem crescit in gloriam immensam, & æternam, v. *Fides, Humilitas, Tribulatio*.

II. Granum sinapis dum masticatur elicit lachrymas, sed tamen conducit ad sanitatem: ita penitentia nunc causat dolorem; postea verò salutem operatur, vide *Penitentia, Pax*.

Scientia, tribulatio. Item in Catech. c.4. de pœnitentia.

III. Mundi sectatores non crescunt, sed decrescunt. Homo non vitans peccata venialia, sed ad mortale disponit.

Dominica Septuagesima.

Matthæi 20. Simile est. Narr.

I. **S**imile est regnum celorum homini Patrifamilias. Regnum celorum est Ecclesia ad quam Deus homines vocat ut bene operentur, v. Ecclesia, Obedientia. Et Fides in Catech. c.1.

II. Hi nouissimi vna hora fecerunt & pares illos nobis fecisti, qui portauimus pondus diei. Qui Deo feruiunt breui tempore ex pura intentione plus apud Deum merentur quam qui pro mundo diu, multumque laborant, vide Intentio bona, mala, Gloria celi.

III. Multi sunt vocati, pauci vero electi. Pauci sunt saluandi, eo quod pauci deserunt sua vitia, vide Superbia, Auaritia, Luxuria.

Conceptus alij de eodem Euangelio.

Exijt conducere operarios &c. Matth. 20. Constat labore salus, ad quem Dei nos vocat amor, paciscens mercedem, 2. Vineam, de qua Euangelium est anima nostra, quæ bene colenda, 3. Horæ diuersæ, sunt ætates, nempe puerorum, adolescentium, ac senum, quos vocat ad vineam suam.

Simile est regnum celorum Patrifamilias. Quam bonus sit Deus paterfamilias explicandum est.

Quid statis hic tota die otiosi. Otium perniciosissimum omni creaturæ cum sit puluinar diaboli, & sepultura viuorum. Nam aqua stagnans putrescit, ferrum quiescens attrahit ruginem &c. 2. Non procrastinanda est emendatio vitæ nostræ ne tota præterfluat, & otiosi reperiamur à iudice nostro.

Redde illis mercedem. Deus superabunde, virtutes ac bona opera nostra non solum in hac vita, verum etiam in futura remunerat, 2. In iusta retentio mercedis quam operarij labore suo promeriti sunt, est peccatum in celum clamans.

Murmurabunt &c. Murmuratio quantum sit malum, vide in Apparatu, Detractio.

An oculus tuus nequam &c. Cur oculus & non lingua reprehensa est? Ratio est quia ille concupiscit, & non lingua.

Multi sunt vocati, pauci vero electi. Nomen prædestinationis neminem à bonis propositis deijcere debet. v. Tom. I. in controuersijs.

Dominica Sexagesima.

Lucæ 8. Cum turba plurima. Narratio.

I. **S**emen est Verbum Dei. Magnificanda est, Fides & Prædicatio verbi diuini, quia est semen vitæ æternæ, vide Fides, Prædicatio.

II. *Ad tempus credunt & in tempore tentationis recedunt.* Necessaria ad salutem perseverantia in fide, & bonis operibus inter persecutiones, vide Perseuerantia, fortitudo, tentatio, tribulatio.

III. *Hi sunt qui in corde bono & optimo fructum adferunt in patientia.* Fructus bonorum operum haberi non potest sine patientia, v. Patientia, abstinencia, abnegatio.

Conceptus alij de eodem Euangelio.

Exijt qui seminat &c. Lucæ 8. Docetur hic modus quomodo seminator verbi Dei se gerere debeat, 2. quod semen sit verbum Dei, ager anima nostra, seminator Christus, 3. Qualis debeat esse terra, ut fructum proferat.

Cecidit in terram bonam. Terra bona censetur hi, qui à peccatis purgati, verbum Dei custodiunt & illo fructus bonorum operum producant, 2. Dicitur hic posset quam vberes ac suaves fructus verbum Dei in anima nostra germinet.

Aliud cecidit secus viam & conculcatum est &c. Omnis respectus humanus contemnendus, quia non curandum est nobis, num ab hominibus despiciamur ac nihili fiamus, dummodo apud Deum valeamus.

Super Petram. Petra sunt omnes obdurati ac inueterati peccatores, qui verbum Dei percipientes nullum fructum ex eo germinant, nec producant.

Inter spinas. Impedimenta verbi Dei sunt, peccata, diuitiæ, prosperitatis &c. Hic aduertendum quod ex quatuor seminibus partibus, vna tantum bene ceciderit ac fructum fecerit, ex quo collige exiguum bonorum numerum.

Dominica Quinquagesima.

Lucæ 18. Assumpsit Iesus &c. Narratio.

I. **E**cce ascendimus Hierosolimam &c. Quanta Christi benignitas qui vltro tendit Hierosolimam, ut pro peccatoribus patiat. Vide Benignitas Dei in peccatores, Amor noster in Deum.

F 4 II. E

II. Et postquam flagellauerint & occiderint eum, tertia die resurget. Maxima consolatio in tribulatione, & persecutione est futura mortuorum resurrectio, v. *Tribulatio, Persecutio, Beatitudo*.

III. Et ipsi nihil horum intellexerunt. Homines ingrati non intelligunt Christi in se amorem, & beneficia, vide *Ingratitudo, Benignitas Dei*.

Conceptus alij de eodem Euangelio.

Ecce ascendimus Hierosolymam, Luca 18. Passio Christi grauissima fuit: sed memoria illius optimum contra peccata remedium est, 2. Vnicus locus quietus in mundo est, nempe mons Caluariæ siue crux Saluatoris nostri.

Cæcus quidam sedebat secus viam &c. Cognitio propriæ miseræ, ducit ad quærendum auxilium, 2. Peccatores in via cælesti, inslar cæcorum currunt, 3. Ex optanda ac procuranda est oculorum cæcitas, in perspicendis rebus impudicis, 4. Custodia oculorum valde conducit ad inhonestas cogitationes vitandas, 5. Contra oculorum libertas, multorum peccatorum origo, 6. Cæcitas spiritualis, deterior corporali est.

Quid tibi vis faciam? Domine vt videam. Diabolus homines abducit à via cælesti cæcitate, & Deus illuminatione reducit, 2. Homo debet semper esse indifferens ad Dei voluntatem, siue ad patiendum, siue ad gaudendum.

Ipsi nihil orum intellexerunt. Affectus terreni, cognitionem spiritualium, ac cælestium tollunt aut impediunt.

Dominica Quadragesima.

Matth. 4. *Ductus est Iesus &c.* Narratio.

I. **C**um ieiunasset quadraginta diebus, &c. Quam utile & sanctum sit ieiunium Quadragesimæ, exemplo Christi, v. *Abstinentia, Ieiunium*.

II. *Accedens tentator dixit ei &c.* Christus voluit tentari, vt ostenderet Christianos debere per multas tribulationes intrare in regnum cælorum, v. *Tentatio, Tribulatio*.

III. *Hæc omnia tibi dabo si cadens adoraueris me.* Dæmon homines tentat & decipit promittendo illis falsa bona, mundi diuitias, voluptates, honores, vt vera & æterna bona illis auferat, v. *Auaritia, Luxuria, Tentatio*.

Conceptus alij de eodem Euangelio.

Ductus est Iesus in desertum à spiritu, Matth. 4. Filij Dei, spiritu Dei aguntur, qui illorum dux est, 2. Diaboli filij sunt, qui spiritu dæmonis ducuntur, 3. Spiritus Dei homines ad patiendas difficultates, misérias, cruces, &c. inducit, diabolus verò ad voluptates, 4. Christus in solitudinem discessit, vt ibi Deum Patrem suum nobis ieiunij, &c. facilem & placatum reddat, 5. Diabolus interdum hominem tentat sub specie boni Angeli, quem fallit, 6. Armantur iusti à Deo ad victoriam aduersus diabolum, 7. Salutaris cuique abstinentia, & recollectio mentis.

Et cum ieiunasset 40. diebus &c. Ieiunio vincuntur tentationes, & extirpantur passionēs maximè carnales, 2. Diabolus cum suis hæreticis maximus impugnator ieiunij est.

Accedens tentator. Tentatio vt fornax ardens in qua aurum purgatur, & stipula comburitur, id est boni præmium accipiunt honoris &c. mali verò consumuntur, 2. Diabolus bonos semper persequitur.

Si filius Dei es, dic vt lapides isti panes fiant &c. Diabolus adaptat tentationes iuxta cuiusque naturam & indolem, 2. Abstinentia iustos spiritu Dei confortat & munit, 3. Maluit Dominus conuertere panem in corpus suum, quam lapides in cibum corporalem, imo mault Deus duos lapides peccatorum in flexiles & iustos conuertere.

Mitte te deorsum. Se deorsum mittere (id est ad terrena despicere) filios Dei dedecet, cum mentem nostram semel occuparunt cælestia. Iuxta tritum illud *nemo mittens manum ad aratrum, respiciens retrò aptus est regno Dei*.

Non in solo pane viuit homo. Refectio mentis praualet refectio corporis, 2. Sacra communio est cibus animæ, 3. Verbum Dei confortat animam aduersus peccata.

Dominica II. Quadragesimæ.

Matth. 17. *Assumpsit Iesus &c.* Narratio.

I. **T**ransfiguratus est ante eos. Nempe ante discipulos, id est, homines pios, qui desertum cupiditatem mundi, & ascendunt cum Christo ad montem orationis, aut contemplationis, v. *Abnegatio, Oratio, Contemplatio, Amor Dei*.

II. *Domine bonum est nos hic esse.* Quantum bonum & beneficium est esse cum Christo in vera Ecclesia, in oratione, in operibus bonis, v. *Ec*.

v. Ecclesia, Oratio. Item in controuers. par. 1. c. 2. de vera Ecclesia contra hæret.

III. Surgite & nolite timere. Qui Christum timet, & in eo confidit, nihil debet in mundo timere; non minas hominum, non carcerem, non mortem &c. v. Timor Domini, Fiducia, Fortitudo.

Conceptus alij de eodem Euangelio.

Transfiguratus est ante eos, Matth. 17. Peccatum transformatur hominem in diabolum, pœnitentia in Angelum.

Domine bonum est nos hic esse. Nesciunt quid dicant, qui terram cœlo præferunt.

Ducit illos in montem excelsum. Necessè est hic portemus crucem Christi, vt gloriam cœlestem obtineamus iuxta illud Thomæ à Kempis. Non est alia via, nisi via sanctæ Crucis. 2. Maxima est stoliditas illorum, qui æternæ felicitati renuntiant, ne hic patiantur aliquantulum.

Resplenduit facies eius sicut Sol. Quam inexplicabilis est gloria beatorum.

Montem excelsum. Terminus crucis Christi gloria est, gloria vero mundi est Crux.

Dominica III. Quadragesima.

Lucæ 11. Erat Iesus &c. Narratio.

Erat Iesus eiiciens demonium, & illud erat mutum: Dæmonium mutum habent illi, qui in Confessione non aperiunt peccata, & qui non laudant Deum in oratione, v. Confessio, Oratio.

II. Omne regnum in se diuisum desolabitur. Quanta damna adferat discordia in regno, in ciuitate, in familia, v. Discordia, Pax.

III. Qui non est mecum contra me est. Deus odit simulationem & hypocrisim, vult autem habere mentem & intentionem rectam, v. Hypocrisis, Intentio recta.

Conceptus alij de eodem Euangelio.

Erat Iesus eiiciens demonium, & illud erat mutum, Lucæ 11. Dæmonia natura sua non sunt muta, sed muta dicuntur, qui eos quos obsident mutos efficiunt, 2. Grauior est obsessio animæ quam corporis, 3. Collaborandum est nobis cum Deo, vt dæmonia ex animabus nostris exterminet & eiiciat.

Tentantes signum de cœlo quærebant ab eo. Deus induratis plura salutis media negat, ne grauius postea eos punire debeat.

Cum fortis armatus custodit atrium suum. Af-

fociari Christo duci oportet, vt inimicum vincamus, 2. Inimicus imbecillus est, nam Cani catenato non est absumilis, 3. Diabolus totum hominem possidet, dum animam inuasit.

Assumpsit alios 7. spiritus nequiores se. Permittit Deus iustos à dæmone exerceri, vt sibi comparent thesaurum virtutum, prauos vero terri vt à peccatorum via declinent.

Omne regnum in se diuisum &c. Vnio animarum fidelium in Ecclesia necessaria, 2. Dissensio voluntatis humanæ pacem tollit, & discordiarum origo est.

Erat Iesus eiiciens demonium. Valde graue peccatum est pusillis scandalo, & peccandi occasione esse, 2. Difficillimum est dæmonem (id est malam consuetudinem peccandi) ex anima peccatoris extirpare, 3. Diabolus omnium perditorum hominum sensus euerit.

Vniuersa arma eius auferet. Deus diabolum proprijs armis impugnat, quia peccatores conuersi, olim fuerunt arma diaboli.

Dominica IV. Quadragesima.

Ioannis 6. Abijt Iesus trans mare. Narratio.

I. **E**rat autem proximum Pascha die festus Iudeorum. Quanta apud Catholicos debet esse obseruatio dierum Festorum & Dominicæ, v. Sabbati obseruatio. Et in Catech. 3. de præceptis.

II. Discubuerunt viri numero quasi quinque milia. Exemplo Christi quanta debet esse liberalitas fidelium erga peregrinos, maxime pauperes, & Religiosos qui Christum sequuntur, v. Liberalitas.

III. Iesus ergo ne facerent eum Regem fugit. Docemur hic fugere vanos honores, & mercedem liberalitatis à solo Deo expectare, v. Humilitas, Intentio bona.

Conceptus alij de eodem Euangelio.

Cum subleuasset oculos Iesus, Ioann. 6. Deus in hac vita sui sectatores milites solatijs gaudijsque afficit, 2. Prospicit etiam eis de necessarijs, tam ad vitam corporalem quam ad spiritualem, 3. Spectat Deus afflictionem suorum amicorum & miseretur, 4. Promittit Deus in cœlo meliorem communicantibus transactionem.

Sequebatur eum multitudo magna. Filij Dei perseuerantes in via salutis, Iesum sequuntur, peccatores siue filij dæmonis, mundū & amorē proprium, 2. Deo non seruiendum est propter mer-

mercedem vt turba de qua Euangelium, sed ex puro amore.

Vnde eternus panes vt manducant hi. Eleemofyna Deo gratissima, & ad cœlum consequendum quandoque necessaria, 1. Diuina prouidentia medium iuuandi inuenit, dum humana deficit, 3. Deus tantam nostri prouidentiam gerit, quantam mater partus vteri sui, 4. Adiutorio humano deficiente, maior consolatio à Deo exspectatur.

Ducentorum denariorum panes non sufficiunt eis. Mundanis non sufficiunt bona quæ possident, sed plura semper expetunt, & sitiunt.

Vt autem impleti sunt. Nulla mundi bona homini satietatem adferre possunt, præter Deum.

Dominica V. quæ est Passionis.

Ioann. 8. Dixit Iesus turbis. Narratio.

I. **Q**uia ex Deo est verba Dei audit. Signum est prædestinationis Conciones libenter audire & obseruare, vide *Prædicatio, Obedientia*.

II. Si quis sermonem meum seruauit mortem non videbit in æternum. Per obseruantiam mandatorum obtinetur vita æterna, v. *Obedientia, Gloria cœlestis*.

III. Abraham mortuus est, & Prophetæ. Nemo mortem euadet, debemus igitur semper esse parati vt transeamus ad alteram vitam, v. *Mors*, Item 4. *Novissima in Catech. c. 3.*

Conceptus alij de eodem Euangelio.

Quia ex vobis arguet me de peccato, Ioannis 8. Arguitur peccator à Deo Creatore, & redemptore de mala vita, 2. Optimus clypeus contra obtreſtatores, innocentia vitæ, 3. Christo similis est, qui verè de peccato argui nequit, 4. Arma mouenda contra peccatum, inimicum Christi & animæ nostræ, 5. Conscientia bona vtenti nihil timendum.

Qui ex vobis arguet me de peccato? Interroget quisque conscientiam suam. De peccato, nihil adeo fugiendum quam peccatum, cum adeo sit amarum, vt vnica eius guttula, oceanum beatæ dulcedinis amaritudine sua inficiat.

Qui ex Deo est verba Dei audit. Ex Deo non sunt, qui voluntati eius ac verbo resistunt.

Ego non quero gloriam meam &c. Deo cuncta nostra relinquenda, qui melius illa ad bonum nostrum dirigit, cum innocentium, id est, bonorum causam cordi habeat vt propriam.

Dominica VI. quæ est palmarum.

Matthæi 21. Cum appropinquasset, Narr.

I. **E**cce Rex tuus venit tibi mansuetus, Christi mansuetudo & humilitas Christianis imitanda, vide *Patientia, Humilitas*.

II. Strauerunt vestimenta sua in via. Hinc collige non tantum affectum internum, sed etiam sapè bona externa pro Christo exuenda esse, v. *Abnegatio, Amor Dei*.

III. Benedictus qui venit in nomine Domini. Benedictus & honorandus Deus in suis Sanctis & ministris, v. *Amor Dei, Honor parentum, Item cultus Sanctorum in cont. part. 2. &c.*

Conceptus alij de eodem Euangelio.

Ecce Rex tuus venit tibi mansuetus, Matth. 21. Felicissimus homo est ad quem Dominus Iesus accedit, infelicissimus vero à quo ille recedit, 2. Rex summus est, qui sibi in regno condidit nouit imperare.

Afinam alligam. Peccatores & serui diaboli per afinam figurari possint.

Hosanna filio David, Non sunt fideles amici Iesu, qui eum in sancta Eucharistia indignè recipiunt.

Benedictus qui venit in nomine Domini. Mundi fauor in odium facile euanesceat, nunc dicit Benedictus, post triduum Crucifige.

Dominica Resurrectionis.

Marc. 16. Maria Magdalena &c. Narr.

I. **E**merunt aromata vt venientes ungerent Iesum. Aromata Christo gratissima sunt virtutes, quæ impediunt corporis & animæ nostræ corruptionem, & Christi membra vngunt in suis pauperibus, vide *Castitas, Amor Dei, Liberalitas in pauperes*.

II. Nolite expauescere, Iesum queritis Nazarenum. Non debet timere qui seridò Christum querit, v. *Fides & Fidia*.

III. Surrexit non est hic. Per penitentiam oportet cum Christo resurgere ex sepulchro nostrorum peccatorum, vide *Penitentia, Peccat.*

Conceptus alij de eodem Euangelio.

Valde mane vna sabbati veniunt, Marcus 16. Primus fructus resurrectionis seruor est pietatis, 2. Saluator ab infantia, diligenti & prompto animo querendus est.

Maria

Maria Magdalena, &c. Mulieres magis orationi, deuotioni, virtuti, deditæ sunt quam viri: qua dere vide à Lap. 1. Cor. 15. v. 3. Item 1. *Timoth. 2. v. 9. Num. 35. v. 2.* Magdalena lachrymas tristitiæ feminans, lætitiæ lachrymas collegit. Iuxta tritum illud, *post nubila Phæbus*.

Hæc dies quam fecit Dominus, Psal. 117. Post marem sequitur lætitia: nam vt sol occidens rubicundè, serenitatis est indicium, ita verus sol sanguine tinctus moriens causa gloriæ & pacis fuit.

Quis reuoluet nobis lapidem? Videntes lapidis impedimentum, non omittunt inquirere & prosequi intentum, docendo perseverantiam, & constantiam in bonis operibus & virtutibus necessariam; nam illæ virtutes, obices vitiorum feruore spiritus tollunt, aut facilitant. Quoties quis aliquod bonum opus aggreditur, plurima intercurrere solent impedimenta: at peccare volentibus omnia fauent.

Viderunt lapidem reuolutum. Quanto maiores videmus difficultates, tanto magis in Deo confidendum est.

Surrexit non est hic. Verè non resurrexit, qui affectus prauos non exiit, 2. Iesus è sepulchro surrexit, sed nobis è sepulchro peccatorum resurgendum est, 3. Signum resurrectionis nostræ est, renouatio vitæ.

Veni Iesus ianuis clausis & stetit in medio &c. Inuisit Dominus amicos pacificè, inimicos metu percellens.

Dominica in Albis.

Ioan. 20. *Cum serò esset.* Narratio.

P*ax vobis.* Pax seruanda cum Deo, cum proximo, cum nostra conscientia, v. *Pax, Discordia.*

II. *Quorum remisistis peccata remittuntur eis.* Quanta Sacerdotibus concessa potestas, v. *Confessio peccatorum, Penitentia.*

III. *Beati qui non viderunt, & crediderunt.* Quantum Dei donum vera fides, v. *Fides, Fiducia.* Item in *Catech. c. 1. de Fide.*

Conceptus alij de eodem Euangelio.

P*ax vobis, Ioannis 20.* Pax quadruplex est, de qua vide fusius apud A lapide ad *Philip. 4. v. 7. & Coloss. 3. v. 15.* 2. Non intrat pax Christi, vt requiescat, nisi ad pacificos, 3. Refugium & securitas pacis nostræ in vulneribus Saluatoris.

Nolite timere. Ne in vllum incidamus pecca-

tum, optimum remedium est timere Deum non homines.

Vbi discipuli erant congregati. Vbi charitas & concordia, ibi Deus, iuxta scripturam, *vbi duo vel tres congregati sunt in nomine meo, ibi sum in medio eorum.*

Veni Iesus & stetit in medio. Iesus mediator noster in medio est, omnibus æqualis.

Cum serò esset die illa & fores essent clausæ. Qui Deum recipere cupit, debet omnes fenestras sensuum claudere, ne diabolus intret per fores apertas, 2. Non procrastinanda est vitæ nostræ emendatio, ne serò nos pæniteat, quando fores sunt clausæ.

Ostendit ei manus & latus. Retinuit Saluator noster illas thecas medicinales, vt nos sanet, 2. Frustra lingua promittit, nisi cor, manus & opera conspirent.

Dominica II. post Pascha.

Ioann. 10. *Ego sum Pastor bonus.* Narratio.

I. **B***onus Pastor animam suam dat pro ouibus suis, v. Zelus, Gloria Dei, Fortitudo.*

II. *Ego sum Pastor bonus, & cognosco oues meas, v. Christus, Dei benignitas erga suos fideles:* applicando illi officia boni Pastoris.

III. *Fiet vnum ouile, & vnus Pastor, v. Concordia, Pax, Item Ecclesia unitas, Controu. par. 1. cap. 3.*

Conceptus alij de eodem Euangelio.

E*go sum Pastor bonus.* Sanctus Paulus insignè exemplar Pontificum, Prælatorum, & Pastorum: vide A lapide, 2. *Corinth. 4. v. 1.* de eorum munere &c. 2. Pastor (idem dici potest de Patribus & Matribus familias) pascit tripliciter, vide A lapide in *Epistolas canonicas pag. 313.*

Ponit animam pro ouibus suis. An & quando vita pro proximo exponenda sit, vide ibidem pag. 477. 2. Vita nostra impendenda est ei, qui suam nobis impendit.

Cognosco oues meas &c. Tota nostra amicitia cum Iesu, dependet à cognitione nostra de ipso, 2. Oves Christi cognoscuntur, ex pia vita, virtutibus, & signo sanctæ Crucis.

Et cognoscunt me meæ. Oves Christi sunt, qui cognitioni sui student, vti Augustinus ait, *Domine Iesu, nouerim me, nouerim te.*

Et vocem meam audiunt. Oves Christi verbum Dei lubenter audiunt, & correctiones, & mandatorum eius obseruantes.

Domi-

Dominica III. post Pascha.

Ioan. 16. Modicum &c. Narratio.

I. *Terum modicum, & videbitis me.* Totum tempus & bonum huius vitæ modicum censi debet, v. *Mors, Gloria aterna.*

II. *Plorabitis & flebitis vos, mundus autem gaudebit.* vide *Tribulatio, Tentatio, Patientia, Seruorum Dei.*

III. *Sed tristitia vestra vertetur in gaudium, v. Consolatio diuina, Gloria aterna, Beatitudo.*

Conceptus alij de eodem Euangelio.

Modicum, & iam non videbitis me &c. Ioan. 16. Sua passio Christo visa est modica, ob magnitudinem dilectionis, 2. Modicum vitæ tempus malis conceditur, ne peiores fiant, 3. Modicum vitæ tempus & gratiæ à quo pendet aternitas, 4. Apud Deum omnia tempora sunt modica: vide *A Lapide ad Hebræos 10. v. 27. n. 275.*

Tristitia vestra vertetur in gaudium. Non est verum gaudium, nisi quod secura mens parit, 2. Quomodo differant tristitiæ sæculi, & tristitia quæ secundum Deum est: vide *A Lapide, 2. Corinth. 7. v. 9. 3. Fructus tristitiæ ibidem num. 136. 4. Consolationes diuinæ semper sunt maiores tribulationibus, 2. Corinth. 1. v. 5. 5. Differentia gaudij Sanctorum & mundanorum, vide *A Lapide 2. Corinth. 6. v. 10. 6. Afflictio & tribulatio, quomodo hominem probent, vide *A Lapide in Apocalypsim pag. 217. 7. Gaudium mundi, quam citò transeat idem pag. 452. in Epistolas canonicas, 8. Lætitia spiritalis est quidam prægustus cœli, ibidem pag. 210. & pag. 232.***

Plorabitis & flebitis vos. Cur Deus amicos suos sæpe durius probet, quam impios, 2. Præstat hoc temporali inferno torqueri, quam cœlum amittere.

Iterum videbo vos & gaudebit &c. Deus suos subinde deferit, vt solatio maiori compenset.

Dominica IV. post Pascha.

Ioan. 16. Vado ad Deum. Narratio.

I. *Cum venerit Paraclitus arguet mundum de peccato, & de iustitia, & de iudicio, v. Peccatum, Iustitia diuina, Iudicium iniquum, reatum.*

H. *Paraclitus Spiritus docebit vos omnem veritatem.* Veritas & fides est à Spiritu Sancto,

mendacium & hypocrisis à spiritu maligno, v. *Fidem, Mendacium, Hypocrisis.*

III. *Non enim loquetur à semetipso, Hæretici quia loquuntur à semetipsis, non à Deo, sunt mendaces & fallaces, v. Mendacium, Fallacia. Item vera Ecclesia Contr. p. 1. c. 3.*

Conceptus alij de eodem Euangelio.

Vado ad eum qui misit me, & nemo ex vobis, &c. Ioan. 16. Deus velut sol, induratos deserit, 2. Non est perniciosior & tristior separatio, quam Dei ab hominibus, 3. Quisque sibi finem suum, ac vitæ suæ media præfigere debet, 4. Mundus carcer est, quo captiui innocentes & rei tenentur.

Nemo ex vobis interrogat me quo vadis. Ex hac vita discedenti, quantum referat scire terminum, quo ituri simus.

Cum venerit spiritus veritatis. Mendacium homini Christiano perniciosissimum, quia multorum malorum origo, 2. Spiritus veritatis detegit mundi falsitatem.

Arguet mundum de peccato. Vnicum peccatum sufficit de quo arguamur & damnemur, 2. Mundus in maligno (id est, malo igne) positus est, est enim sub diabolo sua malignitate, vide *fusus A Lapide in Epist. Can. pag. 514. 3. Peccati pœnæ & fructus A Lapide in Apoc. pag. 236. 4. Conscientiam assidue examinandam esse, ibid. pag. 305.*

Dominica V. post Pascha.

Ioan. 16. Amen dico vobis. Narratio.

I. *Siquid petieritis Patrem in nomine meo dabit vobis.* Quanta est vis orationis, v. *Oratio.*

II. *Ipse enim Pater vos amat, quia vos me amatis, v. Amor Dei, & Benignitas.*

III. *Et credidistis, quia à Deo exiui: Fides vera in Christum quanti momenti, v. Fides, & in Catech. c. 1.*

Conceptus alij de eodem Euangelio.

Exui à Patre & veni in mundum, Ioan. 16. Gratias debemus Iesu ductori, & protectori nostro.

Petite & accipietis. Dum spiritualia prius petuntur, non negat Deus temporalia, 2. Deus ab amicis rogari cupit, licet pronus sit ad largiendum, 3. Preces amicorum armatæ, Deum etiam quali inuitum cogunt, 4. Debet mens & lingua conspirare ad impetrandum, 5. Efficacissima petitio apud Deum est eleemosynæ larg-

largitio, 6. Quznam conditiones in oratione requisitæ, vide A Lapide *Ephes. 6. v. 18. 7. Ab oratione omnis nostra actio inchoanda, 1. Timoth. 2. v. 1. de loco orationis ibid. v. 8. Primum Apostolicorum virorum munus est oratio, idem in Acta Apost. pag. 113.*

Vt gaudium vestrum sit plenum. Conscientiæ bonæ quantum sit gaudium, vide A Lapide pag. 332. Propendet Deus ad dandam, idem in *Epist. canonicas pag. 30. 31. & seqq.*

Vsque modo non perisistis quidquam &c. Frustra peccator petit in nomine Christi mediatoris, nisi se emendare velit.

Amen dico vobis, quidquid petieritis Patrem, &c. Non petitur in nomine Saluatoris, quidquid est contra rationem salutis, ita *August. 2. Obstringit se Christus promittendo, vt iure debiti exigamus.*

Ascensio Christi.

Marci 16. *Recumbentibus undecim &c.* Narr.

I. **E**xprobrauit incredulitatem eorum, & duritiam cordis. Quantum malum duritia cordis in credendo, & dolendo de peccatis, v. *Duritia cordis, Penitentia.*

II. *Qui crediderit, & baptizatus fuerit saluus erit.* Quantum Dei donum est Baptismus, v. *Baptismus, Item Catech. c. 4.*

III. *Quanta Dei gratia est vera Fides, v. Fides, Constantia, Perseuerantia.*

Conceptus alij de eodem Euangelio.

Videntibus illis eleuatus est, Act. 1. Eleuandum cor ad cælum, alis pietatis & misericordiæ. 2. Affectus terreni non finunt nos à terra eleuari, 3. Spes ascensionis nostræ vnicum solamen in hoc exilio, 4. Eleuari ad cælum debemus velut animantia, terræ affixa.

Sicut Aquila prouocans ad volandum, Deut. 32. Viam cæli facilitauit nobis Dominus Iesus velut aquila.

Viri Galilæi quid statis aspicientes in cælum, 1. In cælum oculos defigere identidem oportet, vide A lapide in Acta Apost. pag. 146. 2. Frustra cælum aspiciemus nisi conemur ascendere, 3. Typus egregius ascensionis Christi est chrysolithus, vide A lapide in Apocal. pag. 331. Ascensionis, eius forma & modus in Acta Apost. pag. 46. plura alia inuenies apud eundem de ascensione Domini in cap. ad Ephes. 4. v. 8. & 10. 6. Ascendit Christus in cælum vt nobis viam & locum præpararet, ad Hebræos 7. v. 10. 7. De ascensione spiritali in cælum, idem Coloss. 3.

v. 1. n. 2. 8. Ante Christi ascensionem nullus cælum intravit, ibid. v. 13. n. 120.

Sedet à dextris Dei. Vt ibi dexteram Dei vindictiuam retineat, ne nos puniat.

Dominica post Ascensionem.

Ioann. 5. *Cum veneris,* Narratio.

I. **C**um venerit Paraclitus, Paraclitus idem est quod consolator, Spiritus enim sanctus consolatur homines in tribulatione, & operibus bonis, v. *Consolatio diuina.*

II. *Ille testimonium perhibebit de me, & vos testimonium perhibebitis.* Per fidem, spem, amorem, de Christo testimonium perhibemus quod est ei grauissimum, vide *Fides, Spes, Amor Dei.*

III. *Hæc facient vobis quia non nouerunt Patrem neque me: Hæresis, & peccatum excæcat homines, vt non videant quantam iniuriam faciant Deo persequendo innocentes, v. Persecutio, Peccatum, Inimicitia.*

Conceptus alij de eodem Euangelio.

VT non scandalizemini, Ioannis 15. Scandalum quid sit & quotuplex, vide A Lapide *Rom. 4. v. 13. 2. Scandalizantes proximum, quomodo in Christum peccem, idem 1. Corinth. 8. v. 12.*

Vos testimonium perhibebitis de me. Catholicorum improbitas, scandalo est, gentibus, hæreticis &c. 2. Doctrinam Christi profiteri nos oportet probitate vitæ, 3. Cur mundus oderit viros sanctos, Vide A Lapide in *Epistolas canonicas pag. 474. Tribulatione summum bonum acquiritur, vide A Lapide ibidem pag. 13. 4. Crux via ad cælum, pag. 252. 5. Christianiducem suum per aspera sequantur, ibidem pag. 331.*

Venit hora vt omnis qui interficit vos &c. Vtetur Deus malitia improborum, ad probationem iustorum, 2. Non excusat malos, quod Deuse eorum malitia vtatur in bonum.

Dominica Pentecostes.

Ioann. 14. *Si quis diligit,* Narratio.

I. **S**i quis diligit me sermonem meum seruabit, & pater meus diligit eum. Quantum bonum diligere Deum, & quomodo diligendus, v. *Amor Dei, & in Catech. c. 3. de Charitate.*

II. *Qui non diligit me sermones meos non seruat.* Quantum malum non diligere Deum eius præ-

præcepta violando, v. *Obedientiam*. Item *peccata in specie*.

III. *Pacem relinquo vobis*. Testamentum vltimum quod Christus hominibus in terris reliquit, est pax cum Deo, & proximo, vide *Pax, Concordia*.

Conceptus alij de eodem Euangelio.

Apparuerunt illis dispersitæ lingue. *Act. 2.* Ignis diuinus illuminat intellectum, & accendit voluntatem, 2. Proprietates ignis Spiritui Sancto applicari possunt.

Cum complerentur dies Pentecostes, erant omnes, &c. Separatio à mundo, locum parit ingressui Spiritus Sancti.

Venit Princeps huius mundi, & in me non habet quidquam. Munienda arx cordis nostri, gratia Spiritus Sancti contra aduersarios.

Repleti sunt omnes Spiritu Sancto, & ceperunt loqui. Operatio & inhabitatio Spiritus Sancti, lingua & sermone proditur.

Qui Spiritu Dei aguntur, hi sunt filij Dei. Spiritus Sanctus rector, & triumphator est cordis filiorum Dei.

Si diligereis me gauderetis trique. Christus ab Apostolis amore concupiscentiæ amabatur, quia societate eius gaudebant, sed amore amicitiae exagebat Christus, vt non ab amicis nostris.

Vt cognoscat mundus, quia diligo Patrem. Amans cupit amorem suum palam facere, vt omnes cognoscant.

Ad eum veniemus, & mansionem apud eum faciemus. Per Spiritum Sanctum fiunt iusti hæredes & domestici Dei Patris, & cohæredes filij Dei, 2. Spiritus Sancti inhabitatio, nos honore & donis replet, 3. Anima cum Deo vnienda, vide A lapide 1. ad *Corinth. v. 17. & seq.* 4. Spiritus Sanctus 4. modis est in nobis, idem ad *Romanos 11. v. 36. n. 76.* 5. Secundum Spiritum Christiani debent vivere, idem ad *Rom. 8. v. 13.* 6. Sancti Spiritus sigillum in anima est sanctitas, ad *Ephes. 1. v. 13. n. 34.* 7. Quodnam in nobis sit testimonium Spiritus Sancti? *Rom. 8. v. 16. n. 130.* 8. Quatuor efficacia testimonia, quod quis habeat Spiritum Sanctum in se, ibidem *n. 134. & seqq.*

Dominica SS. Trinitatis.

Matth. 28. Data est mihi &c. Narr.

Intes docete omnes gentes baptizantes eos in nomine Patris, & Filij, & Spiritus Sancti. Quanta sunt dona quæ percipimus à

SS. Trinitate per Baptismum, & vocationem ad fidem &c. v. *Baptismus*. Item in *Catech. exempla c. 4. de Sacram. Baptismi.*

II. Docentes eos seruare omnia quæcumque mandauimus vobis. Non sufficit Baptismus & Fidei sine bonis operibus, & obseruatione mandatorum Dei, v. *Obedientia*. Item in *Controu. tract. 2. c. 2.* Item in *Catech. cap. 3. Præcepta decalogi.*

III. Ego vobiscum sum omnibus diebus vsque ad consummationem sæculi. Quantum bonum Christum semper habere præsentem, per potentiam diuinitatis, omni loco, per præsentiam humanitatis in sacra Eucharistia, vide *Christus*. V. *Eucharistia*. Item in *Catech. cap. 4. de Sacramento Eucharistiæ.*

Conceptus alij de eodem Euangelio.

Docete omnes gentes baptizantes &c. *Matth. 28.* In Baptismo signantur cruce in nomine sanctissimæ Trinitatis, vt iuuat crucem portare, 2. Anima baptizata templum Sanctissimæ Trinitatis est, 3. Egemus potentia Dei Patris, sapientia Filij, & iustificatione Spiritus Sancti.

Euntes docete omnes gentes. Cura salutis nostræ commissa est à Christo soli Ecclesiæ catholicæ, 2. Neccesarij instruendi fideles cognitione Sanctissimæ Triadeos.

Baptizantes eos, Baptismi vis, vide A Lapide in *Titum 3. v. 4. & 5.* Et ad *Galat. 3. v. 27. n. 88.* 4. Baptizatis quare detur vestis candida, 1. *Corinth. 1. v. 7.* & 1. *Corinth. 5. v. 7. n. 67.* 5. De caeremonijs Baptismi, tit. *v. 4. & 5.* 6. Immersione in aqua Christo figuramur, *Rom. 6. v. 5. n. 10.* 7. Baptizati quare vngantur oleo? 1. *Cor. 9. v. 25. n. 80.* 8. In Baptismo quomodo quasi iterum creemur, *Ephes. 2. v. 10. n. 60.* 9. Aqua Baptismi est aqua purgans & emundans, *Hebr. 10. v. 22. n. 23.* 10. Baptismus iterari non potest, *Hebr. 6. v. 6. n. 266. 11.*

In nomine Patris, & Filij, & Spiritus Sancti. Crux ad initium operum nostrorum formanda est, vide A Lapide *Philipp. 3. v. 18. n. 42.* 2. De Sanctissima Trinitate, *Rom. 8. v. 33. n. 22.* 2. Item *Rom. 11. v. 33.* Item 1. *Cor. 12. v. 6.* Item 2. *Cor. 13. v. 13.* Item ad *Rom. 11. v. 36.* 3. Eam ex creaturis Philosophi cognoscere non poterunt, ad *Rom. 1. v. 19.*

Festum Venerabilis Sacramenti.

Ioan. 6. v. 48. Caro mea. Narr.

Caro mea verè est cibus. In institutione Eucharistiæ Deus fecit memoriam mirabili-

rabiliū suorum, vide *Eucharistia*: Item in *Catech. c. 4. Sacrament. Eucharistie*: Item in *Controu. tractat. 2. pag. 79. De Eucharistie Sacram. contra hereticos*.

II. Non sicut manducauerunt Patres vestri manna, & mortui sunt. Quomodo virtus Eucharistie varijs figuris in Scriptura adumbratur, *ibid.*

III. Qui manducat hunc panem viuet in eternum. Quanta prœmia dentur ijs qui ad Communionem dignè accedunt, quanta pœna si indignè, *ibid.* & infra in *Diarij*, & libri fine.

Conceptus alij de eodem Euangelio.

Caro mea verè est cibus. Ioannis 6. Quanta reuerentia ad hoc Sacramentum accedendum in quo Iesus se naturæ nostræ accommodauit per cibum & potum.

Qui manducat hunc panem &c. Dispar effectus & fructus communicantium ex eodem cibo.

Vincenti, dabo edere de ligno vitæ, *Apocal. 2.* Hic cibus antidotum contra venenum serpentis tribuens immortalitatem.

Si dederit homo omnem substantiam, *Cantic. 8.* Infinites plus accepimus à Domino, quam reddere possumus: prospexit diuina prouidentia homini non minus de cibo animæ, quam corporis, imo dedit omne quod poterat dare: quando suum corpus, & sanguinem nobis testamento donauit.

Notas facite in populo ad inuentiones eius, &c. *Isaig 12.* Inuenit diuina Sapientia modum veniendi ad nos, & manendi in cœlo per Euchar.

Et verbum Caro factum est, & habitauit in nobis, *Ioann. 1.* Solo verbo è pane carnem suam fecit, vt habitaret in nobis.

Cum dilexisset suos, in finem dilexit eos, *Ioan. 13.* Excessus dilectionis Iesu in S. Eucharistia vsque ad finem potentie fuit, 2. Excedit Venerabile Sacramentum, omnem mensuram altitudinis, & latitudinis scilicet ad omnes homines, cuiusvis conditionis se extendit, longitudinis vsque ad finem mundi sine fine dilectionis, profunditatis, humilians se sub vili specie panis.

Memoriam fecit mirabiliū suorum, &c. Cupit Dominus memoriam sui seruari apud nos per venerabile Sacramentum.

Dominica II. post Pentecosten.

Lucæ 14. Homo quidam fecit cœnam, Narr.

IET cœperunt omnes simul excusare. Magna ingratitude est, Deum per gra-

tiam & prædicatores suos ad cœnam vitæ æternæ inuitantem non sequi, vide *Ingratitudo*, *Exhortatio*.

II. Primus, dixit ei villam emi, &c. Multi excluduntur à conuiuio regni cœlestis per cupiditatem & auaritiam, v. *Auaritia*, item in *Catech. c. 5. de peccato capitali Auaritie*.

III. Alius dixit, uxorem duxi non possum venire: Multos etiam cœlo excludit luxuria, vide *Luxuria*. Item in *Catech. cap. 5. de peccato capitali Luxurie*.

Conceptus alij de eodem Euangelio.

Homo quidam fecit cœnam magnam, *Luc. 14.* Saluator noster neminem excusat à Communionem, sed omnes inuitat.

Et vocauit multos. Quidquid nocumenti gula primi parentis nobis attulit, id cœna Eucharistica restauratur.

Misit seruum suum dicere inuitatis, quia iam parata &c. Ad salutem nostram, cuncta parauit Dominus, tantum deest voluntas nostra.

Vt venirent, non singulis cœnam mittit, sed omnes ad illam conuocat quia vult nos quoque cooperari, & venire, & quærere.

Cœperunt omnes simul se excusare. Nulla in negotio salutis excusatio apud Deum acceptatur, nam cuncta videt & cognoscit, etiam intima cordis nostri, quia Dominus est scrutator cordium iuxta illud Scripturæ sacræ, ego Dominus *Scrutans corda & renes. 2.* Plerique stultè præferunt lautitias temporales æternis. 3. Metus & respectus humanus neminem excusare possunt, quo minus hanc Sanctissimam cœnam frequentent.

Villam emi &c. necesse habeo videre illam. Emerat ille villam & non viderat, en stultitiam hominum qui aliquid emunt absque eo quod videant & rem cognoscant. Hic enarrari possunt incommoda & mala quæ ex inconsideratione nascuntur, 2. Per emptorem villæ intelligi potest superbus, 3. Christus est speculum humilitatis. A Lapide in *Epist. ad Philip. 2. v. 4. 4.* Humilitatis motiua, idem *Ephes. 4. v. 2. 5.* Christiana humilitate, *ad Philip. v. 14. 6.* Stimulus ad retundendam superbiam, *ad Roman. 3. v. 33. n. 170.*

Iuga bouem quinque. Peccator suauissimum Christi Saluatoris nostri iugum ferre recusat, & grauiissimum difficillimumque dæmonis iugum portare cogitur, 2. Per emptorem bouum avarus potest intelligi, Auaritiæ detestatio, A Lapide *ad Ephes. 4. v. 19. n. 151.* Et *Ephes. 5. v. 5. 4.* Diuitiarum appetitus quot secum incommoda afferat, 1. *Timoth. 6. v. 9. & 10.*

Vxo

Vxorem duxi, & ideo non possum venire. Matrimonium neque nullus vitæ status excusat à seruitio Dei, 2. Consortia diuersi sexus omnino vitanda, nam mulieris affectus virum omnino attrahit, & maxima mala inde nascuntur, 3. Mulierem tangere quam periculosum A Lapide 1. Corinth. 7. v. 1. & seqq. 4. Carnalium hominum descriptio, 2. Corinth. 10. v. 2. n. 183. 5. Quænam sit arma carnalia ibidem 24. 6. Ex opposito posset hic agi de virginitate, eiusque laude, & commodis A Lapide 1. Corinth. 7. v. 34. & seqq.

Pauperes & debiles, cæcos & claudos. Omnes affligi promissionem cœlestem habent.

Compelle intrare. Tribulationes & pauperies stimuli sunt, nos ad Paradisum cœlestem directè incitantes.

Nemo virorum illorum &c. Ingens malum est hac cœna priuari, & contra, 2. Bona conscientia iuge conuiuium, & mala conscientia ferocissimum tormentum.

Dominica III. post Pentecosten.

Luc. 15. Erant appropinquantes. Narratio.

I. **Q**uia hic peccatores recipit. Quanta Dei benignitas qui paratus est omnes peccatores per penitentiam in gratiam recipere, v. *Benignitas Dei, Penitens, Item in Catech. cap. 4. de Sacram. Pœnit.*

II. *Gaudium erit in cœlo super vno peccatore penitentiam agente.* Quantum placeat Deo seria penitentia, *ibid.*

III. *Item pax conscientie ex penitentia & confessione peccatorum, ibid. & V. Confessio.* Item *Status gratia in fine Part. 2.*

Conceptus alij de eodem Euangelio.

Erant autem appropinquantes ad Iesum, *Luc. 15.* Peccatores pœnites Deo gratissimi sunt. 2. Mundi prauitas à Deo homines auertit, quos eius bonitas ad se attrahit. 3. Nemo tantus Dei inimicus & reus est, quin habeat spem veniæ. 4. Gratissimum Domino Iesu opus est; peccatorum misereri. 5. Summa est Dei erga peccatores clementia. Vide à Lapide in Epistolam 1. ad Timoth. 1. v. 13. num. 33. Peccatores tantum ad Christum accedere nitantur, quantum peccando ab eo recesserunt A lapide Philipp. 3. v. 12. n. 22.

Murmurabant Pharisei. Detractores & murmuratores vt pestis fugiendi. 2. Quantum malum sit detractio & murmuratio, sup. in App. v. *Detractio*, 3. Non desinit Dominus bene ope-

rari propter obloquia & murmurationes prauifas, ideo respectus humanus contemnendus est, 4. Conuersionem peccatorum impediētes, vt Pharisei Christum denuò crucifigunt.

Hic peccatores recipit. Susurriones Deo & hominibus odibiles sunt, malum seminant, vt inuidiam alijs concitent.

Gaudium est in cœlo super vno peccatore. In nostra manu est exhibere lætum aut triste spectaculum in cœlo. 2. Quantum Angeli & Deus lætentur propter bonum nostrum.

Congratulamini mihi, quia inueni ouem, &c. Non parcat Iesus labori vt errantes peccatores ad se reducat.

Dominica IV. post Pentecosten.

Lucæ 5. Cum turba irruerent. Narratio.

Tota nocte laborantes nihil capimus. Superbi, auari, luxuriosi, qui tota nocte, id est, tota vita laborant pro honore opibus, voluptate, nullum laboris præmium à Deo percipiunt, v. *Superbia, Auaritia, Luxuria.* Item in *Catech. cap. 3. & 5.*

II. *Exi à me quia homo peccator sum.* Peccatorem omnia mala comprehendunt, quia deserit illum Christus, v. *Peccatum.*

III. *Relictis rectibus secuti sunt eum.* Bona huius mundi sunt retia quibus anima capitur, & ideo pro Christo abneganda, v. *Abnegatio, Fallacia mundi.*

Conceptus alij de eodem Euangelio.

Ascendens Iesus in vnā nauim, *Luc. 5.* Agi hic poterit de Ecclesia, eiusque certitudine, qua vesteres suos ducit ad portum salutis, quomodo eam Deus gubernet, per medios & horribiles huius mundi fluctus, 2. Ecclesiam numquam defecisse supra *Tom. 1. in Controuersijs.* Item nauis est fides, anchora spes, velum, & vexillum, charitas.

Cum turba irruerent. Funibus charitatis Saluator cunctos ad se trahit.

Per totam noctem laborantes, &c. In nocte peccati labor inutilis, & frustraneus est, secus in die gratiæ, 2. Disparitas magna est inter seruos Dei & mundi huius laborantes, 3. Plures capiuntur retibus diaboli quam Christi.

Duc in altum, & laxate retia, &c. Enitendum vnicuique nostrum est, vt ad altiore vitam perfectionem suæ virtutis gradum perueniat, 2. Nemo, nisi propria sua culpa numero electorum excludetur.

In verbo tuo laxabo rete. Cooperatio Dei & homi-

hominis ad salutem necessaria est, 2. Quam præclara & Deo grata prompta obedientia est, 3. Omnia nostra opera ad obsequium Dei referenda sunt, A Lapide *Rom. 14. v. 8.* 4. Deo fidendum etiam in rebus desperatissimis, A Lapide *Hebr. 11. v. 17.* 5. Homo ex se nihil potest, in Deo omnia. 1. *Cor. 4. v. 8.*

Rumpebatur rete. Peccatum discordiæ, læsionis fraternæ charitatis, & schismatis, quantum malum sit, vide A Lapide *Ephes. 4. v. 3.* item *Hebr. 10. v. 26.*

Faciám vos fieri piscatores hominum. Sicuti piscatori multa toleranda, à ventis, mari, frigore, æstu &c. ita & ijs qui volunt animas capere multum patientiæ opus est, vide A Lapide in *Dominicam 2. post Pascha.*

Relictis retibus secuti sunt eum. Omnia sunt contemnenda, vt ipsum Saluatorem nostrum lucremur & sequamur.

Dominica V. post Pentecosten.

Matth. 5. Amen dico vobis. Narratio.

I. **O**mnis qui irascitur fratri suo reus erit Iudicio. Quam rigide Deus à nobis requirit amorem erga proximum, v. *Amor proximi:* Item in *Catech. c. 3. Charitas proximi.*

II. *Qui autem dixerit, fatue, reus erit gehennæ ignis.* Quantam penam meretur inimicitia, & contumelia contra proximum, Vide supra in Appar. *Inimicitia, Inuidia.*

Conceptus alij de eodem Euangelio.

Nisi abundauerit iustitia vestra &c. *Matth. 5.* Iustitia Christiana abundare debet, non solum interna, sed etiam externa virtute. 2. Non est vera iustitia, quæ non ponderat culpas graues. 3. Deus veræ virtutis & iustitiæ æstimator est. 4. Victoria sui, humanæ prudentiæ & iustitiæ nutrix est. 5. Plura ab ijs exiguntur, quibus plura & maiora data sunt, aut qui plura sciunt.

Plusquam Scribarum & Phariseorum. In operibus bonis, non laus, non propria gloria, sed Dei quærenda est. Externa etiam operatio non sufficit, sed interna intentio requiritur. 3. Agi hic posset contra stolidam hæreticorum confidentiam, qui sufficere aiunt solam fidem ad salutem, de qua hic *Tom. I.*

Non occides: Peccatum homicidij grauissimum est, cuius malitia non solum æstu externo sit, sed etiam sola mente fieri posset.

Omnis qui irascitur fratri suo reus erit &c. Odij fomitem extingues facillimè, sæpius cohiben-

R. P. *Aside K. Tom. III.*

do iram. 2. Quantum damnum ira homini afferat, vide supra in Appar. V. *Iracundia.*

Quomodo iram cohibebis & domabis, vide A lapide in *Epist. ad Ephes. 4. n. 26.* Item quomodo iræ alienæ cedendum: *Roman. 12. v. 9.* Item ultionem non esse quærendam ibidem.

Si offers munus tuum ad altare. Nullum sacrificium Deo gratum est, quod non sale amoris fraterni conditum est.

Relinque munus tuum ante altare, & vade prius reconciliari. Nullus Deo gratus esse potest qui discors est cum proximo suo.

Dominica VI. post Pentecosten.

Marc. 8. Cum turba multa. Narratio.

I. **M**isereor super turbam, quia ecce iam triduo sustinent me. Si tam benignus est Christus erga suos, qui tantum triduo illum secuti sunt, qualis erit illis, qui tota vita mundum abnegantes illum sequuntur, v. *Benignitas Dei, Abnegatio mundi.* Item in *Catech. cap. 8. consilia Evangelica.*

II. *Quot panes habetis: qui dixerunt, septem.* Septem panes mysticè designant septem Sacramenta, quibus populus Christianus roboratur & alitur in vitam æternam. V. *Sacramenta in particulari:* Item in *Catech. cap. 4.*

III. *Et præcepit turbæ discumbere:* Christi exemplo exercendo liberalitas erga egenos & esurientes, V. *Liberalitas:* Item in *Catech. cap. 5. Opera 7. misericordiæ.*

Conceptus alij de eodem Euangelio.

Misereor super turbam. *Marc. 8.* Dei in nos Misericordia, vide A Lapide *ad Rom. 12. vers. 1. & 2. Corin. 1. vers. 3.* Item *Hebræos 2. vers. 18. 2.* Non potest misericors Dominus suorum indigentiam obliuisci. 3. In Deserto tribulationis veri Dei sequaces cognoscuntur.

Iam triduo sustinent me. De perseverantia in virtute, vide A Lapide *Philip. 1. v. 6.* Item *Hebræos 4. v. 3.* 2. Dei liberalitas in suos effusa præuenit indigentiam eorum. 3. Plus sollicitus Deus pro corporis nostri inopia, quam nos pro spirituali nostra. 4. Amanti longum tempus exiguum videtur, vnde huic turbæ non videbatur longum ieiunium. 5. Agi etiam hic potest de Prouidentia Dei non solum erga hunc populum, sed erga omnes creaturas, quas mirè pascit, gubernat, &c.

Si dimisero eos ieiunos in domum suam, deficiunt. Deus non durus est, vt homines, G sed

sed compatitur seruis, infirmis & deficientibus.

Dabat Iesus discipulis suis, ut apponerent turba. Officium patris familias est, non permittere ut pueri, aut serui patiantur vel affligantur, dum potest mederi, vel auertere.

Sustulerunt quod supererat de fragmentis. Eleemosyna de bonis superfluis quantum curanda.

Dominica VII. post Pentecosten.

Matth. 7. Attendite à falsis &c. Narratio.

I. **A**ttendite à falsis Prophetis, qui veniunt ad vos in vestimentis ouium: Cauendum ab hypocrisis & simulatione, qualis est hæreticorum, Vide *Hypocresis, Astutia, Adulatio.*

II. Omnis arbor, quæ non facit fructum bonum excidetur, Vide *Iustitia diuina, Mors, Infernus.*

III. Non omnis qui dicit mihi Domine Domine intrabit in regnum cælorum: Non sufficit fides sine bonis operibus, & obedientia mandatorum, V. *Contr. Traët 2. c. 2. Item in Apparatu, V. Fides, Obedientia.*

Conceptus alij de eodem Euangelio.

Attendite à falsis Prophetis, *Matth. 7.* Homo cinctus impostorum insidijs eget diuino auxilio. 2. Vitandi hæretici ut pestis. A lapide 2. *Timoth. 2. v. 16.* 3. Hæretici quomodo verbum Dei truncant, & adulterant vide supra in *Tom. 1. pag. 122.* 4. Eorum vaniloquentia 2. *Timoth. 2. &c. 3.* 5. Eorum Hypocrisis ibidem *v. 5.* 6. Eorum peruersa conscientia 1. *Timoth. 4. v. 2.* 7. Quomodo cum ijs sit agendum ad *Titum 3. v. 11.* 8. Sunt similes Iudæ, ibidem num. 111. 9. Sunt semper superbi 1. *Timoth. 6. v. 1. n. 88.* A lapide, alijque Interpretes, ibidem.

Intrinsæcus autem sunt lupi rapaces: Sunt tales qui exterius se sanctos simulant, & interius odio, furoreque exeduntur.

Ex fructibus eorum cognoscetis eos: Opera externa Testimonium dant interni hominis.

Non potest arbor bona malos fructus facere: Ex radice bonæ voluntatis, nihil mali nascitur, dum talis manet.

In ignem mittetur: Ignis infernalis, quam diuturnas, vorax, horribilis &c. Vide in Appar. Infernus.

Dominica VIII. post Pentecosten.

Luc. 16. Homo quidam erat diues. Narratio.

I. **R**edde rationem villicationis tuæ: Reddenda est ratio operum nostrorum in hac vita per Confessionem, ne à nobis in morte seuerius exigatur, V. *Confessio, Mors, Item in Catech. cap. 4. Confessio, &c. cap. 5. 4. nouissima.*

II. Facite vobis amicos de mammona iniquitatis. Redimenda peccata per eleemosynas, V. *Liberalitas: Item in Catech. cap. 5. opera misericordie.*

Conceptus alij de eodem Euangelio.

Homo quidam erat Diues: Diuitiæ cælestis Patriæ his perituris præferendæ sunt.

Et habebat villicum: Nos omnes in hac vita villici Dei sumus.

Diffamatus est: Cauenda Testimonia falsa sunt, seu accusationes. 2. Amor proprius in se prodigus, in alios durus accusator.

*Quasi dissipasset bona: Adiungit quasi, quia nullus Deum suis bonis & Dominio priuare potest. 2. Etiam bonæ famæ cura habenda est, A lapide 2. *Cor. 3. v. 45.**

Quid hoc audio de te? Deus ad vindicandum tardus in hac vita est: 2. Abusus diuinæ bonitatis rigorem iustitiæ prouocat.

*Redde rationem villicationis tuæ: Quam horrendum sit futurum iudicium post hanc vitam: 2. Memoriam iudicii istius semper præ oculis habendam esse, cum valde ad salutem nostram operandam, conducatur: Vide A Lapide *Roman. 14. versu 10.* 3. Diem iudicii instare, A Lapide *Philippenses 4. versu 6.* 4. In iudicio isto quisque suum onus portabit, idem *Galatas 6. versu 5.* 5. Quisque habet librum computum & rationum cum Deo, *Philippenses 4. versu 15.* 6. Liber vitæ quid sit, & quomodo in eo scribamur, *Philip. 2. versu 2.* 7. Dilatio reddendæ rationis vsque ad finem vitæ nostræ, incurios haud facere debet: 8. Cura carnis, & neglectus animæ, terribile reddit tribunal Dei: 9. Deus exactè, & vsque ad vltimum obulum requiret in altera vita: 10. Reddenda erit ratio de vita nostra integra, cui plus impenderimus, an sensualitatibus & vanitatibus, an vero in seruiendo Deo & pauperibus: 11. Permutat Deus munia & status ad cohibendos homines.*

Ait villicus intra se: Hic agi posset de examine conscientie, quam bona sit praxis quotidie

se examinare vesperiante cubitum, & quam utilitatem afferat.

Dominus aufert à me villicationem: Non con- querendum est, dum Deus aufert bona tempo- ralia, vxorem, maritum, filiorum, charissi- mum, patrem vel matrem &c. quia Dominus omnium illorum est.

Facite vobis amicos de mammona iniquitatis. Opera misericordiæ, patrociniū parant apud iudicem.

Quantum debet? Examinando conscientiam nostram facile videre poterimus, quanti sumus Deo debitores.

Filij huius seculi prudentiores filijs lucis: Sapien- tia huius mundi stulta est, vide A lapide 1. v. 20. Item 1. Cor. 3. v. 18. & 19. 2. De prudentia carnis & spiritus idem Rom. 8. v. 6.

Dominica IX. post Pentecosten.

Luc. 19. Cum appropinquaret. Narratio.

I. VIdens ciuitatem fleuit super eam: Anima peccatrix rectè comparatur Hieroso- lymæ breui destruendæ, talem animam Chri- stus luget, quia illa seipsam non deset lacry- mis pœnitentiæ, Vide Peccatum, Pœnitentia; etiam in Catechesi, cap. 4.

II. Scriptum est, quia domus mea domus orationis est. In Templo non fabulis, sed soli orationi vacandum est, V. Oratio: Ecclesia item in Catech. cap. 2. de Orat. Dominica, &c.

Conceptus alij de eodem Euangelio.

VIdens ciuitatem fleuit super illam. Quomodo Dei amor in hominem & indignatio in peccatum simul configant: 2. Quanti momen- ti sint iustorum lacrymæ etiam peccatorum apud Deum si ex contrito corde promanent: 3. Non minus gaudium Deo iusti pariunt, quam impij dolorem: 4. Tam inuitus est Deus ad punitiōem, quam inimicus ad vindictam pronus: 5. Fleuit Iesus prauis Ecclesiæ suæ afflictiones & damna: 6. Causa propria animæ nostræ tam debet nobis cordi esse quam Chri- sto: adeoque à nobis seridè desleri.

Si cognouisset &c tu: Prosperitas huius mundi oculos nostros claudit, aduersitas illos aperit: 2. Cæcitas mentis quantum malum: 3. Cæcitas vrbs Hierosolymitanæ causa fuit exitij illius, Vide A lapide Hebræos 10. v. 25. num. 260. 4. Sicut suo tempore Deus ciuitatem puniuit istam, ita nunc peccatores scelerum mensura impleta: Idem 1. Thess. 2. v. 16.

Coagustabunt te: Tribulationes Ierosolymita-

næ ciuitatis, Symbolum sunt angustiarum quas anima patitur in mala conscientia.

Dominica X. post Pentecosten.

Lucæ 18. Dixit Iesus ad quosdam. Narratio.

I. Non sum sicut ceteri hominum: Vitium est iactantiæ præ se alios aspernari: V. in Appar. Iactantia.

II. *Omni, qui se exaltat, humiliabitur*. Super- bis proxima est Dei vindicta & ruina: V. Su- perbia ibidem.

III. *Et qui se humiliat exaltabitur*. Proprium est Deo humiles exaltare in vita præfenti, & futura: V. Humilitas ibidem.

Conceptus alij de eodem Euangelio.

DVo homines ascenderunt in templum Luc. 10. Cor humile orantis capacissimum ad hauriendū gratiam: 2. Accessum præbet Deus humilibus in domum suam, superbis negat.

Apud se orabat: Oratio quæ tantū sit labijs, nullam est, nec ab angelis ad cælum defertur, mens quoque ad Deum eleuetur & collaboret iuxta illud Christi populus *hic labijs me honorat, cor autem eorum longè est à me*.

Gratias tibi ago Domine: Immunis à grauiori- bus tantū delictis verè probus haberi nequit: 2. Pro omnibus Deo gratiæ agendæ sunt assi- duo.

Non sum sicut ceteri hominum: Nostri non aliorum defectus considerandi sunt. Cornelius A lapide 1. Timoth. 1. v. 23. Item Galat. 6. v. 4. 2. Quomodo omnes debeamus putare alios meliores: Idem Philip. 2. v. 3.

Publicanus à longe stans: Verecunda & humi- lis confessio, vincit cor Dei offensi. 2. Humili- tas viam ad cælum sternit.

Deus propitius esto mihi peccatori: 1. Prius dete- standi delicta sunt, vt Deo conciliemur: 2. Nihil contra corruptæ naturæ prauitatem præstantius, quam propriæ imbecillitatis confessio.

Descendit hic iustificatus in domum suam: Deus promptissimus & paratissimus ad peccatorem recipiendum, & peccata eius condonanda.

Omnis qui se humiliat exaltabitur: Tam auerti- tur Deus à superbis se erigentibus, quam ad humiles conuertitur.

Dominica XI. post Pentecosten.

Marc. cap. 7. *Exiens Iesus. Narratio.*

I. **A**ducant ei surdum, & mutum: Surdus est qui non audit verbis Dei præcones: V. *Prædicatio.*

II. Item mutus est qui non audet peccata sua confiteri, V. *Confessio: item in Catech. cap. 3.*

III. *Bene omnia fecit, & surdos fecit audire & mutos loqui.* Inter maxima Christi miracula non minimum est tales surdos & mutos per gratiam suam ad penitentiam adducere: V. *Christus: Item in Catech. cap. 4. exempla penitentiae.*

Conceptus alij de eodem Euangelio.

Aducunt ei surdum & mutum Marc. 7. Proximi necessitatibus prospiciendum, la *Nuza Hom. 22. n. 2. 3. 4.* 2. Theophilactus putat per dæmonem hunc surdum & mutum effectum esse: Dæmoni certè proprium est, homines surdos facere *Hom. 19. n. 43. 44. Mutos ibidem n. 49. & seq. 3.* Felix quam Dominus periculo subducens curat & saluat: 4. Non minor miseria spiritualiter, quam corporaliter esse surdum & mutum: 5. Periculosum malum, cui curando non quæritur medicina: 6. Surdus & mutus peccator est *Rom. 6. v. 9. Alapide.*

Apprehendens eum de turba seorsim, 1. Cura & correptio fraterna seorsim, & amicè facienda.

2. Si sanari cupis à Domino, subducas te aliquantisper mundanæ turbæ. *Lanuza Hom. 11. num. 12. 13.*

Tetigit linguam eius, 1. Linguam particularem & accuratam requirit medicinam, Hom. 23. n. 25. & seqq. Item Hom. 13. num. 5.

2. Lingua bene custodienda est à mendacijs, impudicijs, detractionibus &c.

Suspexit in celum, & ingemuit. Peccatoribus non est acerbè irascendum, sed misericorditer compatiendum, *Lanuza hom. 31. n. 56. item homilia, 32. n. 68. 69. homilia, 26. num. 42. 43. hom. 25. n. 89. hom. 38. n. 140.*

Præcepit ne cui dicerent, 1. Bona opera per studium humilitatis abscondenda, idem hom. 1. n. 28.

Quanto magis tu abscondes, tanto Deus apertiuilla manifestabit, *hom. 26. n. 17. 18. 19.*

Bene omnia fecit. In utilitatem proximi bene faciendum, non sicut aliqui mundani homines, qui multa magnificè operantur, sed

in bonum proprium, & in damnum creditorum, pauperum, subditorum, proximi, *hom. 8. n. 44. & seqq. item homil. eadem n. 39. vs. que 45.*

Dominica XII. post Pent.

Lucæ 12. *Beati oculi, Narr.*

I. **D**iliges Dominum Deum tuum ex toto corde tuo, v. in Appar. Amor Dei: Item in *Catech. c. 3. de Charitate.*

II. *Et proximum tuum sicut te ipsum, v. ibid. Amor, & Charitas proximi.*

III. *Homo quidam incidit in latrones, qui & dispoliauerunt eum.* Hac parabola pulchrè exhibetur status peccatoris, cuius plagas sanat Christus tanquam pius Samaritanus, v. *ibid. Benignitas Dei, Christus &c.*

Conceptus alij de eodem Euangelio.

Diliges proximum tuum sicut te ipsum 1. Dilectio proximi præualeat dilectione sui ipsius, vide *Dominicam 17. post Pentec.*

2. Sine dilectione est, qui se à proximi subsidio auertit.

3. De dilectione utraque, vide *Alapide Rom. 13. v. 9. n. 182.*

Quid faciendo vitam æternam possidebo &c. Etiam tua hæc esse debet præcipua cura & sollicitudo, nam vita præsens brevis & ærumnosa est, indigna nostris votis, quibus æterna & longè maiora parata sunt, *Lanuza hom. 32. n. 70. 71. 72. Item hom. 49. n. 4. 5. 6.*

Homo quidam descendebat ab Hierusalem in Iericho. Per hunc hominem intelligi potest Genus humanum, quod per Adamum, veluti dire prorem æternæ felicitatis, exutum est donis gratiæ; ac præterea in tribus animæ potentijs graui vulnera accepit. Huic medetur Christus verus Samaritanus oleo charitatis &c.

Infundens oleum & vinum. Peccator mansuetudine & lenitate conuertendus, tractandus, corripiendus: non iracundia, & asperitate, ne arceatur à confessione & remedijs salutis.

Dominica XIII. post Pent.

Lucæ 17. *Dum iret Iesus, Narr.*

I. **O**ccurrerunt ei decem viri leprosi, qui steterunt à longè. Decem leprosi mysticè sunt homines infecti peccatis contra decem præcepta, qui ideo longè absunt à Christo, v. *Peccatum, Item in Catech. c. 3. in 10. Præcepta.*

II. *Ito*

II. *Ite ostendite vos Sacerdotibus.* Remedium contra lepram peccati optimum est se manifestare Sacerdoti per confessionem, vide *Confessio*. Item in *Catech. de Sacramento Penitentia*. Item *Remedia sing. peccat.*

Conceptus alij de eodem Euangelio.

Occurrerunt ei decem viri leprosi. *Luca c. 17.* Morbus & vexatio, occasio fuere, cur hi decem leprosi ad Christum accurrant, sic tribulatio nos ad Deum reducit, *Salazar in Prou. Tom. I. pag. 201. n. 86.*

IV. Lepra contagiosa est, ideoque vitanda, ita malum consortium, exemplum &c. A lapide *1. Corin. 6. v. 14. Hebr. v. 25.*

V. Sicut mala societas noxia, ita bona maximum ad virtutem incitamentum. Idem *Hebr. 10. v. 24.*

Steterunt à longè. Melius fuisset propius accedere, nam Dauid dicit *accedito ad eum, & illuminamini*, à longè stant, qui volunt se emendare, sed non præcitant, id est non ad actum perueniunt.

Ostendite vos Sacerdotibus. Requirit Deus, remissa culpa, satisfactionem pœnalem ostendendi se Sacerdoti.

Dignitas Sacerdotis maxima, A Lapide *2. Corin. 3. v. 6. & Hebr. toto capite.*

Non est inuentus qui rediret, & daret gloriam Deo. 1. Ingratitudo repugnat naturæ rationali, & animalibus detestabilis est, nam ratio docet si flagret domus, homines eripere flammis &c. quamquam inimici sint, multo magis si dona ab eis acceperimus: ratio docet, dum aliquis ægrotat, curare ut sanetur &c. Bruta docent exemplo suo gratitudinem. De Leone cui spina extracta &c.

Dominica XIV. post Pentecosten.

Matth. 6. Nemo potest. Narratio.

I. **N**emo potest duobus Domini seruire. Nempe Deo & cupiditati diuitiarum, v. *Auaria*. Item in *Catech. c. 5. de 7. pecc. Capital.*

II. *Ne solliciti sitis anime vestre quid manducetis.* Hic pulchro exemplo volucrum, &c. excitamur ad fiduciam in paterna Dei prouidentia, vide *sup. in Appar. Spes, Fiducia: & in Catechesi c. 12. de Spe.*

Conceptus alij de eodem Euangelio.

Nemo potest duobus Domini seruire. *Matth. 6.* 1. Mundus ergo contemnendus eiusque

vanitates, sed Deo soli adhærendum est.

2. Eodem loco, non potest esse habitatio Dei, & Diaboli, quia ædificia illorum nimium differunt, Deus humilis, diabolus elatus, & superbus.

Non potestis Deo seruire & mammonæ. 1. Qui diuitis acquirendis student, serui & mancipia diuitiarum sunt.

2. Dæmon homines illos decipit, sicut per spicialia punctata, quæ rem in visione multiplicat, sed nihil videnti plus tribuunt.

3. Exigit à nobis Deus integrum seruitium, ut solus Dominus, iure creationis, & redemptionis, &c.

4. Qui mammonæ seruit, curis euisceratur, ideoque Deo seruire non potest.

Ne solliciti sitis anime vestre quid &c. 1. Cura corporalis moderanda, ne spirituales impediatur.

2. Cogitandum non est nobis de die crastina, quem forte non videbimus, sed hodiernus bene & sanctè transigendus.

Nonne anima plus est quam esca? Prima cura debetur animæ, tamquam parti nobiliori, 2. corpori.

Querite primum regnum Dei, &c. Seruitium mundi, & Dei sibi contrariantur, quia mundus proponit, quæ Deus prohibet.

Deus nobis sufficit, diuitiæ non possunt nos beare *A lapide Philip. 4. v. 11.*

Dominica XV. post Pentecosten.

Luca 17. Ibat Iesus in ciuitatem. Narratio.

I. **N**oli flere. In fletu, & tribulatione recurrendum est ad consolationem diuinam, v. *sup. Tribulatio, Consolatio diuina.*

II. *Adolescens tibi dico surge.* Quanta Christi potentia & bonitas ut homines iuuat, & eleuet à morte peccati, vide *Christus, Peccatum.*

Conceptus alij de eodem Euangelio.

Ecce defunctus efferebatur, &c. 1. Desendi sunt potius spiritu quam corpore defuncti, ut sunt, qui peccarunt mortaliter.

2. Tristior separatio animæ à gratia Dei est, quam à mortali corpore.

3. Nemo ætati fidat ad procrastinandam vitæ correctionem.

4. Peccatum plus damni, quam mors corporalis homini affert.

5. Quando Deus filios mori permittit, sepe per hoc vult saluare matrem, ipsoq; hoc exemplo misericordiam intimat.

G 3 Noli

Noliflere, 1. Lachrymæ quæ ad bonam, rectam & sinceram confessionem feruiunt, vtilissimæ sunt.

Lachrymæ viduarum & pupillorum, cælum penetrant, & apud Deum iustitiam exigunt.

Et accessit & tetigit loculum. Christus ad visum, & contactum cadaueris nihil perterritus, accessit, tetigit, mortuum resuscitauit: quid enim sibi vita timeret à morte? Non secus nobis obuiandum est diabolo, & tentationibus eius, veniat licet cum magno apparatu, & multitudine, qui enim in nomine Domini pugnat, vincit.

Resedit qui erat mortuus, & cepit loqui. Cadauer defuncti, viuax, & efficax prædicator est viuientibus.

2. De morte, & mortificatione huius vitæ, vide A lapide *Coloss.* 3. v. 5. n. 12.

3. Quomodo sit mori lucrum, *Phil.* 1. v. 21.

4. Sancti quomodo ad mortem aspiraue- rint, *ibid.* n. 4. v. 23. n. 46.

5. Pij mors non est timenda, 2. *Timor.* 4. v. 6. n. 196.

6. Adolescentes etiam moriuntur, adeoque semper vigilandum. 1. *Thess.* 5. v. 6.

7. Mortui moderati sunt lugendi. *Phil.* 1. v. 21.

Dominica XVI. post Pentecosten.

Lucæ 14. Cum intrasset Iesus. Narratio.

I. **S**i licet *Sabbat* curare. Diebus Domini- cis, & Festis exercenda sunt opera pietatis, non verò seruilia, ludii, aut symposita. V. *Sabbat* obseruatio. Item in *Catech.* cap. 3. præcepto 2.

II. *Recumbe in nouissimo loco.* Qui quærunt pro Christo in hac vita esse nouissimi, in futura vita erunt primi, & contra, V. *Humilitas*, *Superbia*.

Conceptus alij de eodem Euangelio.

Homo quidam *Hydropicus* erat ante illum. *Luc.* 14. 1. *Hydropicus* hic ab alijs quidem ferebatur, sed & ipse optima erga Christum erat voluntate. Quare non sufficit vt alij pro nobis orent, vel quidpiam boni faciant, sed debemus ipsi saluti nostræ cooperari. 2. Homo auarus siti rerum terrenarum insatiabilis, *hydropicus* est.

Cum inuitatus fueris ad nuptias. Spiritualiter ad Sacramentales nuptias inuitamur, & vltimo loco collocare nos conuenit, id est magna humilitate accedere. 2. Quam sobriè esse con- fuerint conuiuii primorum Christianorum,

A lapide ad *Ephes.* 5. v. 19. 3. Quomodo in nu- ptijs agendum sit, nempe parcè bibere, non se ingurgitare &c.

Ne forte honoratio te. Nemo securius in hoc mundo sedet, quam humilis, nam nullus ei vltimum locum inuidebit.

Qui se humiliat exaltabitur. 1. Nemo in cælis altius ascendit, quàm qui in terris descendit: 2. Humilitas scala ad gloriam est, nam ea Christo Domino & Mariæ Matri Iesu assimilamur, quæ humilitate sua meruit Mater esse Iesu, iuxta Bernard. *virginitate placuit, humilitate concepit.*

Dominica XVII. post Pentecosten.

Matth. 22. Accesserunt ad Iesum. Narratio.

I. **A**ccesserunt ad Iesum *Pharisæi*. Peccatores debent accedere ad Christum per penitentiam: V. *Penitentia*, *Sper.*

II. *Diliges Dominum Deum tuum, &c.* Debent etiam accedere per amorem Dei, & Proximi. De hoc vide *suprà* in *Dominica 12.*

Conceptus alij de eodem Euangelio.

Diliges Dominum Deum tuum. *Matth.* 22. Deus à nobis totalem dilectionem appetitiam exigat. 2. Requirit à nobis Deus, filialem dilectionem præ seruili obedientia: 3. Non patitur Deus partem aut mensuram dilectionis, sed totum cor vult habere: 4. Vult Deus prior esse in affectu, proximus in executione. 5. Non debet dilectio Dei minor esse in aduersis, quam prosperis. 6. Omnia Dei præcepta seruatur facilia sunt, & qui illa obseruat, diligit Deum, iuxta illud: *Qui habet mandata mea, & seruat ea, ille est, qui diligit me.*

Vnus ex legis Doctores. Homo sapiens (id est qui multa scit) si scientiam suam malitiæ applicet, ad tentandum erit diabolo non multo absimilis.

Dominica XVIII. post Pentecosten.

Matth. 9. Ascendens Iesus. Narratio.

I. **E**t ecce offerebant ei paraliticum iacentem in lecto. Similes sunt huic paralitico, qui iacent in lecto luxuriæ, acediæ, & aliorum vitiorum: V. in *Appar.* *Luxuria*, *Acedia*.

II. *Tunc ait paralitico: Surge, tolle lectum tuum.* Id est, resurge à peccatis per penitentiam, & desere consuetudinem vitiorum in qua iaces: V. *Penitentia* ibidem.

III. *Ec*

III. *Et vade in domum tuam*: Nempe ad Ecclesiam & Patrem cælestem cum filio prodigo, dicens, *Peccavi in Cælum & coram te* &c. v. Confessio peccatorum. ibidem.

Conceptus alij de eodem Euangelio.

Offerebant ei paralyticum. *Matth. 9. 1.* Affectus peccandi, & habitus hominem paralyticum & insensibilem reddunt. 2. Opus diuinum est non humanum, curare inueteratum peccatorem: 3. Fideles amici, vt hi offerentes, non minus alienum bonum, quam proprium querunt.

Vt quid cogitatis mala in cordibus vestris. 1. Solus Deus iudex, & scrutator cordium, & reum: 2. Quantum malum sit iudicium temerarium.

Surge tolle lectum tuum &c. Nusquam homo melius est, quam dum domum cordis sui rectè disponit.

Confide fili: In Deo semper sperandum, A lapide in c. p. 1. *Hebr. 13. v. 5. n. 85. &c. v. 6.* spei & fortitudinis exempla *Hebr. 6. v. 17.*

Remittuntur tibi peccata tua. 1. Causa multorum malorum & afflictionum sunt peccata: 2. Fides in Christo saluatore omnibus necessaria.

Vt autem sciatis &c. Salus corporis, ad salutem animæ ordinatur, ideo Christus ab hac incipit.

Dominica XIX. post Pentecosten.

Matth. 22. Loquebatur Iesus. Narratio.

I. **M**isit seruos suos vocare inuitatos ad nuptias. Deus mittit suos Sacerdotes, vt per prædicationem inuitent homines ad fidem Christi, & vitam æternam V. in Appar. Prædicatione, Fides, Gloria æterna.

II. *Illi autem neglexerunt.* Quam periculosa est negligentia, & duritia cordis quando à Deo vocamur ad animæ salutem: V. *Duritia cordis, Inobedientia*, ibidem.

Conceptus alij de eodem Euangelio.

Rex fecit nuptias filio suo. *Matth. 22. 1.* Quomodo Ecclesia, & quæuis anima, sit sponsa Christi, & Christo desponsata: A lapide 2. *Corinth. 11. v. 2. n. 199.* 2. Perfectissimè Deo illa desponsatur per votum virginis. 2. *Corinth. 11. v. 2. n. 105.*

Et nolebant venire. Omnis malitia à voluntate nostra pendet.

Misit seruos suos &c. Salus & perditio nostra

ex nobis, cum Deus hic neminem inuitandum excipiat. 2. Permittit Deus hominem liberum, vt veniat ad nuptias vocationis diuinæ.

Perdidit homicidas illos. Postquam Deus homini misericordiam suam ostenderit, & non se emendauerit, gladio iustitiæ illum aggreditur.

Nuptiæ quidem paratæ sunt. Indigni sunt regno Dei, qui temporalia æternis præferunt.

Amice quomodo hic intraisti &c. 1. Christianus inexcusabilis, sine veste nuptiali gratiæ moriens: 2. Vestis nuptialis amissa, tempestiuè recuperanda est: 3. Sordidus erit, qualitercumque vestiarius, nisi etiam charitate Christiana amiciaris.

Ligatis manibus & pedibus mittite eum &c. 1. Nuptias cælestes respuunt, qui hic imparati viuunt: 2. Inferni ignis quam horribilis. De Ponte Tom. 2. *Hom. 93. 3.* De pena damni. ibid. *Hom. 96. 4.* De puritate requisita in sumptione venerab. Sacramenti: ibid. *Hom. 82. 5.* De præparatione ad eam necessaria: ibid. *Hom. 83.*

Multi sunt vocati, pauci vero electi. 1. Solatium veris Christianis est, plures ex ijs saluandos, quam damnandos: 2. Paucitas saluandorum, nos sollicitos reddere debet: 3. Solummodo vnus hic non vestitus reiectus fuit, quomodo ergo pauci electi? quia amor diuino, vnus perditus, plurimi videntur.

Dominica XX. post Pentecosten.

Ioan. 4. Erat quidam Regulus. Narratio.

I. **D**omine descende priusquam moriatur filius meus: Si Regulus tam sollicitè orat pro vita corporali filij sui, quantò magis oportet habere zelum pro vita spiritali proximi sui: V. *Zelus, Amor proximi.*

II. *Dixit ei Iesus: Vade filius tuus viuit.* Quam potens est humilis oratio ad obtinendam à Christo salutem: V. *Oratio, Christus, Benignitas Dei.*

Conceptus alij de eodem Euangelio.

Erat quidam Regulus, *Ioan. 4.* Diues in bonis, sed pauper in fide, pro salute corporali filij sollicitus, pro salute animæ suæ nihil petit.

Erat regulus. Omnes magnates respectu Dei in hoc mundo, tantum Reguli, imò minores sunt.

Cuius filius infirmabatur &c. 1. Afflictio & ægrotudo corporis multis salutaris est: 2. Non est dignus Dei seruus, aut miles Christi, nisi exercitatus fuerit; Anima nostra, peccatis venialibus maculata, infirmatur non moritur.

G 4 *Abijo*

Abijt ad eum. Tribulatio peccatorem ad Deū reducit, vide suprà *Domin. 13. post Pent.*

Rogabat eum. 1. Orandum assidue est, vt à Deo aliquid obtineamus, vel aliquo malo liberemur. 2. Tribulatio optima orationis magistra est.

Regulus orat pro filij sui salute. 1. Opes, vitam, & honorem filiorum voluit Deus perdere ob peccata parentum. 2. Parentes filios perficere debent, vt artifex statuam, *Tom. 2. pag. 18. n. 20. Salazar.* 3. Parentum probitas egregios filios efficit: *Tom. 2. pag. 239.* 4. Sicut hic Regulus, sollicitus fuit de salute corporis filij sui, ita parentes esse debent, de salute animæ liberorum: A lapide *Ephes. 6. v. 4.* 5. Liberis quantum proposit parentum pietas. 2. *Timoth. 1. v. 6.*

Domine descende priusquam moriatur. Compellit necessitas corporis, quos animæ salus non trahit, cupit Dominus in ægitudine, & afflictionibus agnosci, vt peritissimus Medicus.

Credidit ipse & domus eius tota. 1. Ab exemplo parentum & superiorum pendet probitas subditorum: 2. Fides illuminans, & charitas operans, ad salutem necessaria.

Dominica XXI. post Pentecosten.

Matth. 18. Simile est regnum Cælorum. Narr.

I. **M**isertus Dominus serui illius dimisit eum, & debitum dimisit ei. Docet tota hæc parabola diligendum esse proximum, & iniurias ei remittendas: V. *Amor proximi:* Item in *Catech. cap. 3. de Char. proximi.*

II. Et iratus Dominus tradidit eum tortoribus donec redderet vniuersum debitum. Deus ex rigore iustitiæ meritò nihil remittet illis, qui nihil alijs volunt remittere: V. *Iustitia diuina.*

Conceptus alij de eodem Euangelio.

Voluit rationem ponere cum seruis suis. *Matth. 18.* Tota vita nostra consistit in solutione debitorum, nam sumus debitores, 1. Deo: 2. Proximo: 3. Nobis: in vsu creaturarum, & proprij corporis, & animæ.

Patientiam habe in me. Debitor & creditor patiens, est Deus, ita & nobis faciendum vt ei conformes fiamus.

Misertus autem Dominus serui illius. 1. Deus hominem peccato obnoxium creauit, vt suam in eum bonitatem exerceret: 2. Diuina misericordia & bonitas superat malitiam hominum. 3. Nemo hic diffidat de bonitate Dei, cuius thronus gratiæ patet.

Nonne oportuit te misereri, &c. 1. Meminisse misericordiæ oportet, ius suum & iustitiam non rigide exigendo: 2. Mitius agit Deus cum peccatore reo, quam homo cum debitore suo. 3. Bonitas & satisfactio redemptoris, docet nos misereri.

Tradidit eum tortoribus quoad vsque redderet: Iustitia diuina, nemini parcat post hanc vitam, sed ei soluendum erit ad vltimum obulum.

Sic & Pater meus cælestis &c. Misericordiam Dei auertunt, qui alieno exemplo non misererentur: 2. Exemplum aliorum debet nos à peccatis auertere.

Si non remiseritis. De remittendis iniurijs A lapide *Ephes. 4. v. 13. Roman. 12. v. 20.* Deum oportet imitari, in remittendis offensis. *Ephes. 5. v. 1.*

Dominica XXII. post Pentecosten.

Matth. 22. Abeuntes Pharisei. Narratio.

I. **A**beuntes Pharisei consilium inierunt vt caperent Iesum in Sermone: Similes Phariseis sunt homines fallaces qui student alios decipere in verbis, contractibus &c. V. *Astutia, Mendacium.*

II. Magister scimus quia verax es, & viam Dei in veritate doces, & non est tibi cura de aliquo: Ars fallendi præcipua, est adulatio, idè ab adulatoribus cauendum: Vide *Adulatio.*

Conceptus alij de eodem Euangelio.

Abeuntes Pharisei consilium inierunt. *Matth. 22.* 1. Frustra improbi impugnant veritatem & iustitiam: 2. Captiosi homines, vulpibus similes: *Salazar Tom. 1. pag. 268. numer. 245.* 3. Dolosos & adultores Deus odio habet *Tom. 1. pagina 460. numero 129.* 4. Proprium adulatorum est, præsentibus blandiri, & absentibus detrahere *Tomo 1. pag. 922. numer. 240.* 5. Eorum guttur, optimè dicitur sepulchrum patens: *Tom. 5. pag. 983. n. 37.*

Cognita autem Iesus cogitatione, &c. Deus cunctas cogitationes cordis cognoscit ac inuoluetur.

Cuius est hæc imago? 1. Denarius anima nostra est, imago in ea est Dei, quia imagine Sanctissimæ Trinitatis insignita est: 2. Omnes apud Deum æquales sumus signatura creationis: 3. Dependet homo totus à Deo, sicut vmbra à corpore: In quo sita fit imago Dei in homine, A lapide *Ephes. 4. vers. 24.* 5. Imago veri Christi.

Christiani, *Ephef. 6. v. 13. & seqq.* Ut pecunia, ita anima insignita imagine Dei debet manere, ut pretium habeat.

Reddite quæ sunt Cæsaris Cæsari. 1. Homini- bus, id est, superioribus dandum est, & obe- diendum, in quantum non legibus diuinis pro- hibetur, quod præcipiunt, A lapide *Tir. 3. v. 1.* & 2. Totus homo cum tribus suis potentijs & omnia quæ habet, Deo debentur & reddi debent.

Dominica XXIII. post Pentecosten.

Matth. 9. Loquente Iesu ad turbas. Narratio.

I. **S** Iterigero tantum vestimenta eius salua ero. Sit tangere vestimenta & reliquias Chri- sti & Sanctorum confert ad salutem, quanto magis tangere Corpus Christi in sacra Com- munionem, v. *Eucharistia.*

II. *Confide filia, fides tuæ salutem fecit.* Cum viuua fide & fiducia ad Christum, & sacram Eu- charistiam accedendum est, v. *Fides & Fiducia.* Item in *Catech. c. 1. de Fide.*

Conceptus alij de eodem Euangelio.

A Dorabat eum. *Matth. 9.* Tribulationes & miseræ, etiam Principes se humiliare coram Deo cogunt.

Filia mea modo defuncta est. Quia filia in do- mo Principis mortua erat, tota domus turba- ta erat, pari modo fieri debet, dum anima pec- cato mortali mortua est.

Veni impone manum tuam. 1. Manus Dei, au- xiliatrix omnibus ad salutem necessaria. 2. Ne- cessaria impositio manus Sacerdotis, ad animæ viuificationem.

Accessit retrò. Qui peccat, retrocedit & Deo deuia, nam peccatum pudorem generat, quo minus propius accedere audeat.

Dicebat intra se, si tetigero tantum &c. Ex de- fectu fidei, exiguus fructus sacræ Communio- nis à tangente percipitur, 2. Deus facilius re- medium animæ, quam corpori præscribit, quia illam plures facit.

Dominica XXIV. post Pentecosten.

Matth. 24. Cum videritis abominationem. Narrat.

I. **S** Urgent enim Pseudo-Christi & Pseudo-Pro- phetæ &c. Monentur Christi fideles ut caueant à fallacia, & hypocrisi hæreticorum, vide *Fallacia, Hypocrisis.* Item in *Catech. c. 1. de Fide.*

II. *Et tunc videbunt Filium hominis venientem in nubibus celi, cum virtute multa, & maiestate.* v. sup. in *Dominic. 1. Aduentus de extremo iudicio.* Item in *Catech. de 4. Nouissimis.*

Conceptus alij de eodem Euangelio.

T Vne qui in Iudæa sunt fugiant ad montes. *Matth. 24.* 1. Solitudo quam desiderabi- lis, & secura, quia hominem à multis malis præseruat, nempe detractioe &c. 2. Societas malorum, quantum bonos affligat. *Hebr. 10. v. 27. n. 164.*

Cum videritis abominationem desolationis. Obli- uio Dei & salutis, rectè dicitur abominatio desolationis.

Tunc apparebit signum Filij hominis &c. Crux Christi signum erit iustis ad gloriam, iniustis ad confusionem.

Mittet Angelos suos cum tuba. Tuba prædica- tionis incutiat timorem, ne tuba iudicij incu- tiat æternum dolorem & desperationem.

Nisi abbreviati fuissent dies illi. Peccatores dies suos abbreviant, quam maxime pondere peccatorum: & moriuntur ante tempus suum.

Similitudo sit horologii, si plura pondera ei appendantur, citius cursum seu circulum ab- soluet, quā si pondus conueniens appendatur.

Reliqua vide, prima Dominica Aduentus.

P R A X I S

Concionis conscienda in Festis Sanctorum ex Apparatu superioris &c.

Praxis prima de quouis Festo.

P Rima est communis cum Dominicis. In prima parte Concionis enarrari poterit totum Euangelium quod in Festo San- cti occurrit, deducendo iuxta methodum o- stensam in Euang. Domin. I. Aduentus.

In secunda parte, eligenda est in Euang. vel Epist. aliqua Sententia particulari, quæ referri possit ad aliquam virtutem in Apparatu con- tentam: v. g. de Apostolo referri poterit ad *Amorem Dei, Fidem, Zelum &c.* & ad *Vitia* illis opposita in Auditoribus emendanda. De Mar- tyre ad *Fortitudinem, Patientiam, Perseueran- tiam &c.* De Confessore ad *Abnegationem, Li- beralitatem, Humilitatem &c.* De Virgine ad *Castitatem, Orationem, Amorem Dei &c.* Prout materia & vita requirit.

Tertia

Tertia pars eodem modo de alia quapiam *Sententia* ex eodem Euangelio vel Epistola conficienda erit. Conclusio poterit esse brevis repetitio præcedentium, hortando & commouendo ad imitationem Sancti, vel dehortando à vitijis oppositis.

Praxis secunda de eodem.

Prima & præcipua pars consistet in vita & morte Sancti enarranda, siue ex Breuiario, siue ex alio Authore, applicando, eius virtutes ad mores Auditorum, & hortando ad imitationem.

Secunda pars fiet eligendo ex vita Sancti vnum particulare punctum quod in ea maxime elucet, v. g. in vita S. Nicolai insignem eius Liberalitatem erga egenos, recurrendo in Apparatu ad v. *Liberalitas*, & eam ex materia ibi inuenta fufius deducendo, & auditoribus inculcando.

Tertia pars simili modo conficietur, de fælici morte, & gloria huius Sancti, auditores hortando ad eius imitationem, fælicem mortem, amorem Dei, spem gloriæ, recurrendo in Apparatu ad v. *Mors*, *Amor Dei*, *Spes*, *Gloria celestis*, &c.

Censui etiam, pro maiori Lectoris commodo, hic in particulari subiiciendam seriem omnium Festorum per annum, cum breui Annotatione Diei, Euangelij, & Materię quæ ex Apparatu, aut aliunde in singulis adhiberi possit.

FESTORVM OMNIVM

Series per Annum, cum Annotatione Diei, Euangelij, Materię &c.

*Festum Purificationis Beate Mariæ.
2. Februarij, Euang.*

Postquam impleti sunt dies purgationis Mariæ secundum legem Moysi, &c. Lucæ c. 2. Hoc die acquirenda est puritas animi ab omnino peccati: Vide in Apparatu, *Penitentia*, *Confessio*, *Peccatum*, *Castitas* &c.

Venit in spiritu in templum, scil. Simeon. Quo docemur, spiritu pietatis, & reuerentiæ ad templum, & Eucharistiam veniendum, vt Christum, in vlna & animum recipiamus:

vide in Apparatu, *Aucharistia*, *Ecclesia*, *Amor*, *Gratitudo*.

Lumen ad reuelationem gentium. Quisque in suo statu, lucernam iustitiæ Christianæ gerere debet bono exemplo. Debent Christiani in Ecclesia Dei lucere velut mundi cerei, qui in hoc Festo exhibentur.

Nunc dimitte seruum tuum &c. Securus viuuit & moritur Iesu & Mariæ cultor in lumine fidei, spei, & charitatis: qui hæc negligit, mortis metu semper trepidat.

Festum S. Matthiæ Apostoli. 24. Febr.

Confiteor tibi Pater, Domine celi & terræ. Matth. c. xi. Quam necessarium est firma fide Deum confiteri, & in eius paterna bonitate confidere, præsertim inter huius vitæ tribulationes & persecutiones, vide in Apparatu *Fides*, *Fiducia*, *Benignitas diuina*, *Tribulatio*, &c.

Discite à me quia mitis sum, vide *Bona Patientia*. Et humilis corde, vide in Apparatu exempla *Humilitatis*, in Christo, & Sanctis.

Cecidit fors super Matthiæ. Matth. 21. Non est fors aut fortuna humana quæ cuncta regit, sed diuina prouidentia, cuius hæc fors effectus fuit. Quisque suam à Diuina electione reprobationem sibi adscribere debet.

Venite ad me omnes qui laboratis, &c. Exoneratio cordis à pondere peccati parit summam animi quietem. Promittitur auxilium & solamen oneratis, & libertinis ad Deum recurrentibus.

Discite à me quia mitis sum & humilis corde. In mansuetudine, & humilitate perfecta cordis quies sita est.

Tollite iugum meum super vos. Seruitium Dei pacificum & honorabile est.

Iugum meum suauis est & onus meum leue. Vnctio gratiæ Dei cum spiritu patientiæ, reddit iugum crucis leue.

Festum Annuntiationis B. V. 25. Martij.

Ingressus Angelus ad eam dixit, Ave gratia plena, Lucæ 1. Quanta sit plenitudo gratiarum in Virgine Deipara, vide in Appar. *Deipara*, item de cultu Deiparæ & Sanctorum contra Nouatores sup. Theol. Tripartita, Tomus 1. pag. 231.

Ecce ancilla Domini fiat mihi secundum verbum tuum. Virgo Maria per humilitatem concepit, & Dei mater effecta, & supra omnes puras creaturas exaltata est: quam ergo nobis operandum humiliari in terris, vt exaltemur in cœlis,

cœlis, V. in Apparatu *Humilitas, Beatitudo, Gloria.*

Respexit humilitatem ancilla sua. Felix quem Deus oculo gratiæ suæ respicit, ut exaltet, præcipue humiles.

Missus est Angelus Gabriel. Homo humilis maxime Angeli dignus est consortio.

Festum SS. Philippi & Iacobi Apost.
1. Maij.

Non turbetur cor vestrum, creditis in Deum, in me credite, Ioan. 14. Quanti momenti sit vera fides, vide in Apparatu *Fides*. Sed sola Fides non sufficit ad salutem sine bonis operibus, vide de hoc in Theolog. Tripart. Tom. 1. pag. 191.

In domo Patris mei mansiones multe sunt. In cœlo quam vasta sint beatis cœlorum spatia. Quanta & quam diuersa animi, & corporis felicitas, vide in Apparatu *Beatitudo*.

Ostende nobis Patrem & sufficit nobis. Abnegandæ sunt creaturæ ut Creator inueniatur, qui solus animus satiat, Vide *Abnegatio*.

Non turbetur cor vestrum. Difficillimum sanè est in hoc tribulento mundi pelago se quietum, & imperturbatum conseruare. Stoici omnem sollicitudinem ex corde humano auferre studebant, sed in vanum laborarunt, solus id potest mundi propter Deum contemp-
tus.

Festum Natiuitatis S. Ioannis Baptiste.
24. Iunij.

Elisabeth impletum est tempus pariendi, Lucæ cap. 1. Non sufficit concipere bona proposita, sed debet adesse tempus pariendi in exequendo: Vide *Penitentia, Abstinentia*, & alias virtutes. Nec parentibus sufficit prolem parere, sed debent illam in bonis moribus educare: Vide in Apparatu *Filiorum educatio*.

Et Zacharias Pater eius repletus est Spiritu Sancto. Multi magis student repleti vino, aut opibus, quam Spiritu Sancto orationis, & amoris Dei, vide in Apparatu *Ebrietas, Auaritia, Oratio, Amor Dei*.

Quis putas puer iste erit, Lucæ 1. Præstat magnum esse coram Domino quam mundo: Quisque hic in Theatro mundi placere debet Creatori suo, & spectatori Deo apud quem præferuntur pauperes, & humiles serui Dei cum sancto Ioanne.

Festum SS. Petri & Pauli Apost. 29. Iunij.

Quem dicunt homines esse Filium hominis. Matth. cap. 16. Notæ & signa quibus vera Christi Ecclesia à modernis Sectis discernitur, Vide in Theol. Trip. Tom. 1. pag. 52.

Tu es Petrus & super hanc petram edificabo Ecclesiam meam. Agnoscenda est necessariò auctoritas infallibilis in Pontifice Romano Petri successore, Vide in Theol. Trip. Tom. 1. &c. Quodcumque solueris super terram erit solutum & in cœlis: Vide ibidem de Confessione peccatorum, & in Appar. V. *Confessio*.

Caro & sanguis non reuelabit tibi. Fides & zelus gloriæ Dei à carne & sanguine non docentur: Contraria suggerunt homini caro, & Spiritus Dei: Terrena tantum non cœlestia à carne & sanguine suadentur.

Festum Visitationis B. Mariæ. 2. Iulij.

Exurgens Maria abiit in montana cum festinatione, Lucæ cap. 1. Nescit tarda molimina Spiritus Sancti gratia, Vide in Apparatu *Amor, Zelus*.

Vnde hoc mihi ut veniat Mater Domini mei ad me? Accommodandum hoc est aduentu Christi ad nos in Communione, Vide in Appar. *Eucharistia*.

Beata quæ credidisti. Vera Fides radix beatitudinis, vide in Appar. *Fides, Beatitudo*.

Abiit in montana cum festinatione. Mulieres extra domos suas festinanter sua peragere debent sine otiosa euagatione.

Et visitauit. Quomodo nos Deus sapissime visitet vnum tribulatione, alterum consolatione, alterum desolatione, alium aegritudine &c.

Exultauit spiritus meus. Lætitia iniquorum spiritum non tangit, sicut lætitia iustorum.

Festum S. Iacobi Apostoli. 25. Iulij.

Acceffit ad Iesum mater filiorum Zebedæi adorans, & petens aliquid ab eo. Matth. cap. 20. Oportet Deum adorare, id est, per Bona opera Iustitiam, Abstinentiam, Obedientiam mandatorum, prius honorare, & postea beneficia ab eo postulare: aliqui contrarium faciunt, & ideo quod petunt à Deo non impetrant, vide in Apparatu *Obedientia, Abstinentia, Opus bonum &c.*

Christus autem dixit ei, Quid vis? Quanta benignitas Dei, paratus est nobis dare quod volumus, modo bona benè velimus, & ad nostram

stram salutem, vide *Benignitas Dei*. Sed ecce stultam matris postulationem, *Die ut sedeant hi duo filij mei, unus ad dexteram tuam, & unus ad sinistram*: Vide, *Superbia*. Respondit meritò Christus, *Nescitis quid petatis*. Hinc discite quid, & quomodo orandum: Vide in Apparatu, *Oratio*.

Sampsoni fortissimo similis videtur sanctus Iacobus Apostolus: etenim sicut ille sponfam gentilem acceperat; hic in Hispaniam pergendo, primus extitit Apostolorum qui Gentibus prædicauit: 2. Si Sampson moriendo plures occidit inimicos, quam viuendo, sanctus Iacobus plures post mortem quam in vita conuertit: 3. Si ille in ore Leonis mel reperit, hic in ore crudelis Leonis carnificis inquam, fidei confessionem inuenit: 4. Si ille in manus inimicorum suorum à dilecta sua traditus fuerit, hic propter amorem, quem erga sponfam suam, Iudæam nempe, gerebat, ab Herode captus, & condemnatus fuit: Vterque denique fortitudinem à Sancto Spiritu se recepisse cognouit.

Die ut hi duo filij mei sedeant, &c. Matth. 20. Prius hic standum, & laborandum, & patientium, quam sedendum in regno Dei: Qui Deum ex amore proprio colunt, sibi non Deo seruiunt.

Nescitis quid petatis. Qui temporalia præ celestibus petit, nescit quid petat: Nesciunt parentes & homines carnales, quid sibi & filijs expectant.

Festum Assumptionis B. Virginis.
15. Aug.

Intrauit Iesus in quoddam castellum, & mulier quadam Martha nomine excepit eum in domum suam. Quanta merces Hospitalitatis, & liberalitatis, præcipue erga Sacerdotes, & Ministros Christi: Vide in Apparatu *Hospitalitas, Liberalitas*.

Martha, sollicita es, & turbaris erga plurima. Sic turbantur qui nimis multa volunt habere in diuitijs, delicijs &c. Vide in Appar. *Auaria, Gula* &c. Porro unum est necessarium. Veræ diuitiæ, deliciæ, beatitudo sunt in solo Deo: Vide in Appar. *Beatitudo vera*.

Fuit Beata Maria fons exiguus præ humilitate, & creuit in flumen magnum propter abundantiam gratiæ: & in solem conuersa est, propter gloriam, ideoque de ea melius quam de regina Esther illud dictum fuit.

Mariam optimam partem elegit, quæ non &c. Lucæ cap. 10. Pars optima in electione vitæ æstiuæ, & contemplatiuæ inuenienda: In ami-

citia Iesu, & Mariæ nobis pars optima querenda.

Martha, Martha sollicita es: Non oportet se nimis dare in conquirendis rebus transitorijs, ne sic æterna obliuiscamur.

Festum S. Bartholomæi Apost. 24. Aug.

Exijt Iesus in montem orare, & erat pernoctans in oratione Dei, Lucæ 6. Quantum absunt quinoties & dies totos transigunt in sympositijs, aut in otio, & vix mediam horam in oratione, Missa &c. vide *Ebrietas, Otium, Oratio*. Et exemplum est in ipso BARTHOLOMÆO, qui scribitur centies de die, & centies de nocte, & quidem flexis genibus Deum orare solitum.

Et omnis turba quarebat eum, 1. Christum, tangere, quia virtus de illo exibat, & sanabat omnes. Quare nos non sanamur à morbis nostris animi, & corporis? Quia non satis sæpè, & deuotè quærimus Christum tangere in sacra Communione: Vide in Apparatu, *Eucharistia*.

Sponsa in Canticis dilectum suum quærens male excepta fuit ab excubijs. *Tulerunt pallium meum, vulnerauerunt me*. De hoc tamen minime conquerebatur, sed præ amore Sponsi languebat. Pari modo S. Bartholomæus, adeo diuino amore inflammatus fuit, ut nihili faceret pallium, id est, pellem suam amittere, modo Saluatorem suum retinere posset.

Apostolus Paulus corpus nostrum Domum vocat: Sancti de corpore exire non magis curabant, quam domo egredi. Sic S. Bartholomæus libenter propriam reliquit pellem, sciens sibi aliam meliorem præparatam.

Rursum circumdabor pelle mea &c. Iob 19. Induenter bonis æternis qui hic pro Christo temporalibus se exuerunt.

Festum Natiuitatis B. Virginis. 8. Septemb.

Liber generationis Iesu Christi, Matthæi 1. vide in Apparatu, *Deipara*, & eius prærogatiuas, & *Cassitatem, Charitatem*, &c. ut supra in alijs eius Festis, præsertim Annunciationis.

Liber generationis, Matth. 1. Felix nobilitas Christianorum è spiritali generatione in Iesu & Maria.

De qua natus est Iesus, qui vocatur Christus. Fortitudo animi cohæredes nos facit Iesu & Mariæ.

Eccce tabernaculum Dei cum hominibus, Apoc. 21. Sub protectione tabernaculi Mariani cultores eius quiescunt.

Festum

F. S. Matthæi Apost. 21. Septemb.

Vidit Iesus hominem sedentem in telonio Matthæi nomine, & ait illi, sequere me. Matthæi 9. Vide hic Benignitatem Dei omni generi hominum dicentis, sequere me, 2. Quam felix de quo exemplo Matthæi dicitur, Surgens secutus est eum. Ut Christum sequaris necesse est prius surgere de cœno vitiorum, Avaritia, Luxuria &c. Item surgere de lecto Otij & Acediæ in quo pigri iacent: vide in Appar. Acedia.

Vidit Iesus hominem sedentem, Matthæi 9. Virtus in oculo Christi trahente miraculosa. Deferenda sunt viliora bona mundi, pro pretiosis cœli. Oculos diuinæ misericordiæ miseros peccatores benignè respicit & vocat:

F. S. Michaelis Archang. 29. Septemb.

Quis putas maior est in regno cœlorum? Matth. 18. Sola humilitas hominem exaltat, Superbia autem præcipitat in ruinam, ut patet in lapsus Angelorum, & primorum parentum: vide in Apparatu Superbia, Humilitas. Ideo Respondit Christus, Nisi efficiamini sicut paruuli non intrabitis in regnum cœlorum. Expende proprietates paruulorum esse, non studere opibus, aut honoribus, aut luxuriæ, non simulare, non mentiri, sed potius alijs se regendos, & docendos præbere: vide in Appar. Avaritia, Luxuria, Astutia, Mendacium. E contra qui volunt in mundo magni esse, student artibus politicis, simulationi, mendacio: vide in Appar. Simulatio, Mendacium, Hypocrisis. De his simulandi artibus politicis, præclara sunt quæ deducit S. Gregorius in lib. 10. Moral. cap. 6. & habentur in Lect. 2. Nocturni de communi Confessoris non pont. Deridetur iusti simplicitas &c.

Angelis suis mandauit de te &c. Psal. 90. De auxilijs, protectione & dignitate Angelorum. Vita humana periculis multis obnoxia, eget Angelo tutelari. Angelorum custodia omnibus necessaria, ob infirmitatem & ignorantiam.

Festum SS. Simonis & Iudæ. 28. Octob.

Hec mando vobis ut diligatis inuicem. Ioan. cap. 15. vide in Apparatu Amor proximi. Cui contrariatur, Odium, Inuidia, ibidem. Si mundus vos odit, scitote quia me priorem vobis odio habuit: vide in Apparatu, Patientia, Persecutio.

Si mundus vos odit, scitote quia me &c. Ioan. 15. Amicis & discipuli Christi parum curandum mundi odium:

Mementote sermones mei, non est seruus maior Domino suo. Solatium afflictis affert Christi exemplum; & monitum.

Si non venissem & locutus fuisset eis &c. Culpa cuiusque est, non uti medijs in statu suo ad salutem necessarijs.

Mundus me odit, quia ego testimonium perhibeo. Veritas correctionis odium parit, improbis & superbis.

F. Sanctorum omnium. 1. Nouemb.

Beati pauperes spiritu, Marci c. 5. Mundus ponit suam beatitudinem in diuitijs, & honoribus, Christus in paupertate & contemptu mundi: vide in Appar. Beatitudo vera, Abnegatio mundi: contra, Avaritia, Superbia, ibid. Beati qui lugent, v. Pœnitentia. Beati misericordes, vide Liberalitas, Eleemosyna &c. ibid. Beati pacifici, v. Pax. Beati qui persecutionem patiuntur, v. Persecutio, Odium &c.

Beati qui persecutionem patiuntur &c. Hinc Beatitudo cœlestis contraria lege obtinenda, quam mundana.

F. S. Andrea Apostoli 30. Nouemb.

Venite post me. Quanta felicitas abnegare mundum & sequi Christum: Vide in Apparatu, Abnegatio, Obedientia, & alias virtutes hominis Christiani. Faciam vos fieri piscatores hominum. Tales hominum piscatores sunt qui alios hortatione & exemplo docent, & ad salutem adiuuant: vide in Apparatu, Exhortatio, Zelus animarum. Denique amor Crucis in S. Andrea cruci affixo, v. Persecutio, Tribulatio, Amor Dei.

Ambulans iuxta Mare &c. Matth. 4. Mare tribulationis sæpè optima dispositio ad conuersionem & salutem.

Venite post me & faciam vos fieri piscatores hominum. Filius Dei omnes ad se trahere venit ex retinaculis mundis per se & alios. Inuitamur omnes ad arborem crucis ad carpandos fructus salutis. Explicanda retia zelosæ charitatis ad animas capiendas.

F. Conceptionis Immaculæ B. V. 8. Dec.

Liber generationis Iesus Christi &c. Matthæi 1. Non possumus esse amici, aut imitatores Virginis immaculæ nisi per castitatem, & puritatem à macula peccati: vide in Appar. Castitas,

stias, Baptismus, Peccatum. De Immac. Conceptione, & cultu Deipar. Vide aliqua in Theolog. Trip. Tom. I. pag. 137.

Psal. 19. Opus grande est non enim homini preparatur habitatio sed Deo. Omnes suos thesauros & perfectiones Deus impendit Deiparæ Virgini, tamquam suo throno, & habitaculo.

Sanctificabit tabernaculum suum altissimus. Ps. 45. Tabernaculum Marianum soli Dei Filio summo Sacerdoti sacratum.

Inimicitias ponam inter te & mulierem, Gen. 2. Sola Virgo Maria noua Eua serpentis morsum euasit, tam originalem, quam actualem.

F. S. Thomæ Apost. 21. Decemb.

Thomas unus ex duodecim non erat cum eis quando venit Iesus, Ioan. c. 20. Quam periculosum est abesse à consortio fidelium in templo, concione, sacro &c. vide in Apparatu, Ecclesia, Exhortatio, Eucharistia. Et contra Hæreticos, v. in Theol. Trip. Tom. I. notas veræ Ecclesiæ pag. 32. &c. & de Sacramento Eucharistiæ & Sacrificio Missæ ibid. 6. *Beati qui non viderunt, & crediderunt:* vide in Apparatu, Fides, & Eucharistia: in his Christus feliciter creditur, etsi non videatur.

Venit Iesus ianuis clausis. Ad Apostolos clausis ianuis intrauit in cor tamen Sancti Thomæ intrare noluit, nisi illud aperiret, quia hominis libertatem conseruare volens, non illi violentiam adhibet.

Pax vobis. Iusti in medijs quoque tribulationibus pacem habent.

Dicit Iesus Thomæ, noli esse incredulus sed fidelis

Ad fidem igitur etiam pia voluntas concurrat. Requiritur fides viuua, & operatiua ad salutem non sufficit mortua.

Beati qui non viderunt & crediderunt. Magnum hinc nobis solatium qui credimus non per sensum sed per intellectum.

F. S. Stephani Protomartyris 26. Decemb.

Ecce ergo mitto ad vos Prophetas & Sapientes, & ex illis occideris. Matth. c. 23. Boni & sancti homines sunt qui præcipuè à malis persecutionem sustinent: vide in Apparatu, Persecutio, Tribulatio; Odium. Sed illæ tribulationes sunt clauis cæli. Hinc Stephanus cum lapidaretur dixit, *Ecce video cælos apertos, & Iesum stantem:* vide in Apparatu, Beatitudo, Gloria cælestis, Benignitas diuina.

Ecce video cælos apertos. Iustus patiens iucundum Deo & cælo spectaculum est. Et vicissim solatium iustis patientibus Christum habere spectatorem, & remuneratorem.

Lapidabant Stephanum inuocantem & dicentem. Lapidibus & malleis afflictionum aptari debemus ædificio cælesti.

F. S. Ioannis Euangelistæ 27. Decemb.

Conuersus Petrus uidit illum Discipulum quem diligebat Iesus. Quare Iesus Ioannem tantopere diligebat? Propter Ioannis singularem Castitatem, Humilitatem, Zelum Apostolicum, Amorem erga Christum: sicut enim ignis ignem excitat, ita amor amorem: Vide in Appar. illas Virtutes, & vitia illis opposita, vt Luxuriam, Superbiam, Acediam.



PARS TERTIA
S V M M A
DOCTRINÆ
CHRISTIANÆ

P. Petri Canisij Soc. IESV

Cum breui Elucidatione, & selectis Exemplis
nunc primum adiectis.

P R Æ F A T I O,
& notitia operis.



Ostquam præcedentes Tra-
ctatus pæne ad calcem ad-
duxi, visum est multis ad
subsidiũ animarum, à
nobis vnicè intentum, plu-
rimum conducere, si huic
operi adiungeretur ipsa Do-
ctrina Christiana breui ex-
positione & exemplis illustrata: ut hac opportuni-
tate iam commoda Curatores animarum ad Doctri-
na adeo necessaria frequentem explicationem faci-
lius inducantur. Eoque magis quod simul in eodem
Libro adiunctas habeant Controversias Fidei,
Theologicas resolutiones, atque Apparatum sele-
ctæ materie: quæ omnia ad singulas Doctrinæ
Christianæ partes doctè accuratèque exponendas, ac
probandas subsidium optatissimum suppeditant.

Vt igitur huic opportunitati, & amicorum vo-
tis operam meam ac commodarem, reliquo Operi
hanc Doctrinæ Sacræ Elucidationem adiungere de-
creui, non sine auxilio quorundam Theologorum
huius Collegij Louaniensis, qui ad hoc animarum
subsidium operam, exempla quædam opportuna se-
ligendo, promptissima voluntate obtulerunt: in hoc
imitati non tantum Bellarminum summosque
Theologos, sed ipsum quoque Sanctum Augusti-
num, qui inter sublimes rerum diuinarum com-
mentationes sibi decorum existimauit de Catechi-
zandis rudibus tractatum vtilissimum elabo-
rare.

Assumpsit autem præ cæteris hac expositione elu-
cidandum Catechismum P. Petri Canisij Societ.

IESV Theologi eximij, tum propter dilucidum
eius ordinem & breuitatem, tum propter commu-
nem vsum atque approbationem; quam in Repu-
blica Christiana passim obrinuit. Nam, ut alia
præteream, tam Ferdinandus Imperator, quam
Philippus Rex Hispaniarum, hunc vnicum Cani-
sij Catechismum in suis ditionibus prælegendum
sua auctoritate aut publico diplomate proposuerunt.
Et vsus ipse etiamnum docet quanta verborum
energia, quanta soliditate Doctrinæ, quamque
perspicua præ cæteris breuitate totam Doctrinæ Chri-
stianæ Summam complectatur.

Pro vsu autem adiunctæ à nobis expositionis:
Aduerte primò, pro meliori distinctione, ipsum
Catechismi contextum siue Questionem & Respon-
sionem seorsim imprimi, & post modicum spatium,
Expositionem cum exemplis singulis pæne Catechis-
mi questionibus subiungi, ut vna cum questione,
quæ explicatur, ipsa quoque expositio ante oculos
babeatur; quod in nullo hactenus Catechismo fa-
ctum reperimus.

2. Aduerte, ex peculiari delectu aliquas quæ-
stiones præ alijs fustis illustrari, eo quod ad my-
sterium aliquod fidei exponendum, vel mores for-
mandos plus momenti habeant, aliquas verò bre-
uius perstringi, quia vel earum doctrina spectat ad
questionem principalem, quæ explicatur, vel quia
in alia Catechismi parte magis appositè elucidan-
tur, non enim debent de singulis semper questioni-
bus exempla proferri.

3. Quamuis sæpè de vna questione plura exem-
pla apponantur, necesse non est ut Catechista om-
nia simul producat; sed poterit seligere vnum vel
alterum quod presentibus magis conuenire iudi-
cabit.

4. Nar-

4. Narratio exempli, similitudinis, aut sententiae quam selegit, ut maiori cum gratia, facundia, & arte proponatur, plurimum conducat expendere singulas exempli partes & circumstantias, quis, quid, ubi, quibus auxilijs, cur, quomodo, quando, &c. Iuxta praxim supra traditam in fine Apparatus ad Doctrinam sacram.

Praxis tradendi Doctrinam Christianam.

Primò, debet Catechista ex maturioribus statuere vnum vel alterum syndicum, qui pueros aduenientes suis locis ordine constituat, & in modestia ac silentio contineat.

II. Hora audita, & dato per campanam signo, Catechista stans in medio populi sui, ex utroque latere secundum sexum discreti, sicut ab omnibus videri & audiri facile possit, formabit signum Crucis vernaculè; & dum procurat ut omnes se præeuntem clara & distincta voce sequantur, cauebit ne quis verba sua vel antevertat, vel iusto serius subsequatur.

III. Curabit deinde per vnum à se designatum, & in medio stentem clara voce recitari orationem Dominicam vernaculè, cuius verba cæteri per partes distinctè repetent: hoc enim modo mysteria fidei facillimè memoriæ mandantur tam à paruulis, quam à maioribus natu, qui alio ferè modo ea addiscere erubescunt.

Tum iterum efformabit crucem, ut supra.

IV. Primum horæ quadrante dabit petendis quæstiunculis facilioribus, potissimum de ijs quæ scitu necessaria sunt necessitate medijs, ut Deum esse vnum in Natura, trinum in Personis, Remuneratorem nostrorum operum, ac Filium Dei esse nostrum Mediatorem ac Redemptorem. Deinde necessaria necessitate Præcepti, ut Symbolum Apostolorum, decem Præcepta, septem Sacramenta, vnaquaque vice vnum punctum accuratè enucleando, & identidem idem repetendo varijs modis & formulis ut altius inhæreant, errantes suauiter corrigendo, balbutientes iuuando, omnes pro merito laudando: neque de facili quemquam corripiat, ob ignorantiam, nisi or tam ex supina negligentia.

V. Secundo quadrante quæstiones proponat paulò difficiliore, easque fere desumptas ex ea lectione quæ Dominica proximè præcedenti publicè recitata, & explicata fuit.

Tum iubebit ex modestioribus, doctiorem aliquem clara voce pronunciare Exemplum, quod præcedenti Dominica Catechista attulit ad Lectionis explanationem.

VI. Tertio quadrante, iubebit binos vel plures ex aduerso stantes in medio Catechismi, & si fieri possit, loco etiam eminentiori, clarè pronunciare de memoria lectionem ea die explicandam.

Mox Catechista lectionem iam recitatam clarè & breuiter explicabit sermone facili, & ad parui sui auditorij captum accommodato, idem sapiuscule alijs, atque alijs verbis repetens, adhibitis breuibus subinde interrogationibus, & responsionibus ut maiorem sibi conciliet attentionem.

VII. Quarto quadrante, vnum aut alterum producat exemplum selectum, quod tragicè quidem, & cum emphasi, sed vulgari sermone & phrasi pueris accommodato narrabit: postea præmonēbit, se proxima vice visurum quis narratum Exemplum optimè retinebit.

VIII. Post hæc iterum formabit crucem, iubebit legi salutationem Angelicam, vel Symbolum Apostolorum, &c. per vices; ut hoc modo omnes, qui adueniunt, ea addiscant. Concludet ipse omnibus iterum præeundo in formanda cruce, ut dictum supra. Postea pueros sine tumultu binos vel ternos ex ordine dimittat.

Aduertat autem ne Catechismus spatium horæ excedat, cum fructus temporis diuturnitate sapius vel tollatur, vel minuat.

IX. Singulis quos interrogauit præmiolum aliquod vel notam elargiatur statim, vel his deficientibus eorum nomen in librum referat ut postea præmio afficiantur: & adiungat ad bona responsa subinde encomium aliquod: mirum enim quantum etiam pueri laude animentur.

Oblata opportunitate sapius inculcet obligationem quam habent Parentes ut mittant prolem ad Catechismum, ut Domini mittant seruos & ancillas, Ludimagistri scholares, Magistratus sibi subiectos, præsertim pupillos & orphanos; ac sapius vsu venire, ut quando hac in parte officio suo defunt, & ipsi grauiter peccent, & illos quorum curam gerunt, peccatis & erroribus exponant.

Obligatio Curatorum.

VT autem ipsi Curatores animarum intelligant quanta ipsis obligatio incumbat ad plebem sibi commissam Doctrina Sacra instituendam, audiant ea de re Decretum Concilij Tridentini Sess. 5. cap. 2. *Archipresbyteri, Plebani, & quicumque Parochiales vel qui alias curam animarum habentes Ecclesias quocumque modo obtinent, per se vel alios idoneos, si legitime*

impediti fuerint, diebus ſaltem Dominicis & Feſtis ſolemnibus plebes ſibi commiſſas pro ſua & earum capacitate paſcant ſalutaribus verbis; docendo quæ omnibus ſcīre neceſſarium ad ſalutem, annu-
ciandoque eis cum breuitate & facilitate ſermonis Vitia quæ declinare, & Virtutes quas ſe-
clari oportet, vt panam æternam euadere, & celeſtem gloriam conſequi valeant. Id verò ſi quis eorum præſtare negligat, etiam ſi ab Episcopopi iuriſdictione quauis ratione exemptum ſe eſſe prætenderet; etiam ſi Eccleſiæ quouis modo exemptæ dicerentur, aut alicui Monasterio, etiam extra Diœceſim exiſtenti, forſan annexæ, vel vnitæ, modò re ipſa in Diœceſi ſint; prouida paſtoralis Episcoporum ſolici-
tudo non deſit, ne illud impleatur, *Ieremia Thren. cap. 4.* Paruuli petierunt panem, & non erat qui frangeret eis. Atque Episcopis ibidem demandatur, vt qui poſt admonitionem trium menſium ſpatio muneri ſuo deſuerint, ad illud exequendum, ſi neceſſe ſit, per Cenſuras Eccleſiaſticas, aut alias ad Episcopopi arbitrium cogantur. Idemque de explicanda Doctrina Chriſtiana ſingulis Dominicis, & Feſtis Solemnibus ſub graui obligatione item denunciat in Trident. *de Reformat. Seſſ. 24. cap. 4. his verbis.*

Iſdem etiam ſaltem Dominicis, & alijs feſtiuiſ diebus pueros in ſingulis Parochijs (Vide Conſtit. Pij V. Ex debito. 1571. quam ampliavit Gregorius XIII. 30. Octobris 1572.) fidei rudimenta, & obedientiam erga Deum & parentes diligenter ab ijs, ad quos ſpectabit, doceri curabunt, & ſi

opus ſit, etiam per Cenſuras Eccleſiaſticas compellent: non obſtantibus priuilegijs & conſuetudinibus. In reliquis, ea, quæ de prædicationis munere Seſſ. 5. cap. 2. de Reſor. ſub eodem Paulo III. decreta fuerunt, ſuum robur obtineant.

Quod ſi ad hoc munus explendum Curatores animarum ſeueriſſimis Conciliorum Decretis vbique adſtringantur, quântò magis ea obligatione vrgentur illi qui in partibus Hæreticorum Paſtoris officio funguntur. Facile enim inferent Hæretici teneris puerorum mentibus errorum ſuorum ſemina niſi prouida veri Paſtoris cura, & institutione præueniantur. Inſcient paulatim incautos plebis incultæ animos falſæ doctrinæ veneno mortifero, niſi, contra illud virus, Doctrinæ Chriſtianæ antidoto muniatur. Cumque pedetentim hæc peſtifera lues occultè irrepſerit, ignaros tenellæ ætatis animos infecerit, & cum adoleſcentibus error, & ignorantia ſenſim adoleuerit, tum demum deprehenditur per longam incuriam morbus incurabilis, & cui fruſtra ſanioris Doctrinæ medicina admouetur. Ne igitur Curatores animarum hanc gregis ſui ruinam ſerò lugeant, & neglecti officij rationem in diſtricto Dei iudicio reddere cogantur, ad hoc curam ac cogitationem ſuam ſeridè adijciant, vt à teneris annis commiſſum ſibi populum in Doctrinæ Chriſtianæ myſterijs, ac Dei timore conſtanter erudiant: quo fiet vt animas pretioſo Chriſti ſanguine redemptas ab interitu conſeruent, & amplam ſibi in cœlo laboris ſui mercedem acquirant.

INDEX CAPITVM

Summæ ſequentis.

Caput Primum. De Fide, Eccleſia, & Symbolo Apoſtolorum.

Caput Secundum. De Spe, Oratione Dominica, &c.

Caput Tertium. De Charitate, Præceptis Decalogi, & Eccleſia.

Caput Quartum. De Sacramentis ſingulis.

Caput Quintum. De Officijs Iuſtitie Chriſtiane, Peccatis, Virtutibus, & 4. Nouiſſimis. Cum Exemplis Conſtantiz illuſtribus inter perpetuas pro Fide Romana Perſecutiones, &c.

S V M M A DOCTRINÆ CHRISTIANÆ.

C A P V T I.

De Fide & Symbolo Apostolorum.

Q V Æ S T I O.

Quis dicendus est Christianus atque Catholicus?

R Esp. Qui Baptismatis Sacramento initiatus, *Iesu Christi* veri Dei atque hominis salutarem doctrinam in eius Ecclesia profitetur: neque *Sectis* vel opinionibus ullis ab Ecclesia Catholica alienis adhæret.

Expositio.

S Vmma dignitas est habere nomen veri Christiani. Quia per Baptismum, & Fidem Christianam homines fiunt filij Dei, & hæredes regni cælestis. *Quotquot autem receperunt eum dedit eis potestatem filios Dei fieri*, Ioan. 1.

S. Augustinus lib. de Catechizandis Rudibus cap. 16. comparat veros Christianos cum optimo Tritico, & falsos cum Palea, quæ quamvis ad tempus cum tritico permixta sit in Area, id est, in Ecclesia, non erunt tamen simul in Horreo, id est, in Cælo. Non, inquit, sibi blandiantur quod in Area possunt esse cum frumento Dei, quia in Horreo cum illo non erunt, sed igni debito destinabuntur.

Exemplo illustri patet, quanta sit Virtus in doctrina veri Christiani, ex factis S. Dominici, qui cum diu disputaret pro Christiana Religione, contra hæreticos Albigeneses, tandem conuentum est, ut libellus S. Dominici, & alter libellus Albigenisum pro experimento veræ doctrinæ in ignem projiceretur. Et ecce, libellus partis hæreticæ statim comburitur, libellus verò doctrinæ Christianæ non tantum ab igne non læditur, sed etiam ex igne longè profligit. Et cum secundò ac tertio in ignem proiectus fuisset semper in virtute veræ ac Christianæ doctrinæ illæsus permanfit. Ita fufius tradit S. Antoninus in Chronico par. 3. tit. 19. c. 1. & Surius S. August.

Tantam quoque Virtutem, ac robur suppeditat nomen *Christiani*, ut S. Blandina Virgo cum inter acerbissima tormenta inclamaret, *Sum Christiana*, nullum doloris sensum passa fuerit, imò visa est inter summas delicias versari, ut refert Euseb. in Historia Eccles. lib. 1. cap. 5.

Tantus honor est nominis Christiani, ut S. Ludovicus Rex Galliarum solitus fuerit dicere, se in nulla parte Regni sui tantum honoris vnquam accepisse, quantum Possiaci. Quia nempe ea in vrbe Baptismo initiatus Christiani nomen accepit, ideoque profitebatur se summo cum lætitiæ sensu præ cæteris omnibus in ea vrbe commorari, vti per Belleforestum in eius vita narratur.

Hinc Reges Galliarum nomen *Christianissimi*, & Reges Hispaniarum nomen *Catholici* pro summi honoris titulo à Sede Apostolica acceperunt, & hæcenus semper retinuerunt.

Hæretici verò, etsi vocentur Christiani, quia in nomine Christi Baptismum susceperunt, non sunt tamen Catholici: quia *Sectis & opinionibus ab Ecclesia Catholica alienis adhærent*: exempligratia negant Missam, cultum Sanctorum, & alia puncta fidei, quæ contra hæreticos probantur suprà de Controuers. Fidei par. 1. tract. 2. pag. 67. 69. & 74.

Q. Quod signum hominis Christiani?

R Esp. Signum Sanctæ Crucis, quod formatur hoc modo: In nomine Patris, & Filij, & Spiritus Sancti, Amen.

Expos. Signum Crucis docet nos vnum esse Deum: quia dicimus, *In nomine*, non verò in nominibus. Et tres esse personas diuinas, quia additur nomen trium personarum, *Patris, & Filij, & Spiritus Sancti*. Deinde manum demittendo à fronte ad pectus, profiteamur secundam personam scilicet Filium Dei pro hominum salute descendisse in vterum B. Virg. Mariæ. Postremò transferendo manum à sinistra ad dexteram, declaramus per Christum nos translatos esse à maledictione ad benedictionem. Hæc Mysteria scire & credere omnibus adul-

adultis necessarium est ad salutem necessitate medij, sic ut ignorantia non excuset. *Vnde cum prædicta praxi formande Crucis valde aptè doceri, & retineri possunt.*

Signum Crucis est Armatura hominis Christiani, ut exemplo declaratur. Constantinus Imperator ad Christianam fidem conuersus circa annum Christi 312. à Maxentio tyranno cladibus varijs affectus est: & postea à Licinio Imperatore circa annum 318. Cum autem diuino auxilio fretus cum paucis copijs hosti potentissimo occurre pararet, virtute salutiferæ Crucis ab imminente periculo liberatus fuit. Nam supra eius copias lucidissimum Crucis signum in aere apparuit, & vox de celo audita est, *In hoc signo vinces*, cuius præsidio munitus præclaram victoriam ab hostibus reportauit: In cuius rei memoriam deinceps signum Crucis suis vexillis inscribi curauit. Baronius tom. 3. ad annum 312. & 318.

Refert S. Gregorius l. 3. Dial. c. 7. quemdam Iudæum nocte ingruente vrbe exclusum, in vetusto Appollinis templo pernoctasse. Hic à tenebrosa dæmonum caterua circumcingitur. In his periculis misero Iudæo nulla spes auxilijs affulget. Tandem occurrit Christianos solitos aduersus pericula se Crucis signo munire. Signat igitur se signo Crucis, & ecce tota dæmonum turba ex templo in fugam agitur, exclamans, *Vas vacuum, sed signatum.*

Geneuam versus Catholicus cum hæretico iter agebant: orta subita tempestate cum tonitru & fulgure, Catholicus de more sese identidem cruce signabat: hæreticus verò per iocum & ludibrium percunctatur, an Catholicus se signando muscas abigeret. Sed Deus non irridetur: horrendo statim fragore crucis contemptorem fulmen è dubibus lapsum extinxit, Catholicus qui eius lateri adhærebat incolumis permansit. Florimon. l. 8. c. 4. §. 1.

Q. Quibus de rebus primum docendi sunt Christiani?

R Esp. De Fide, Spe, Charitate, Sacramentis, & officijs iustitiæ Christianæ.

Q. Quid est Fides?

R Esp. Donum Dei, ac lumen, quo illustratus homo, firmiter assentitur omnibus quæ Deus reuelauit, & nobis per Ecclesiam credenda proposuit: siue scripta illa sint, siue non sint.

Expos. Fides debet esse integra: quia qui peccat in vno factus est omnium reus. Sicut naui,

quæ in cæteris integra est, si vnam rimam habeat, per eam submergi potest.

Hinc ergo erant huius temporis Libertini & hæretici, qui dicunt quemlibet Christianum in sua fide posse saluari, quod supra refutatur Tom. 1. in contr. p. 1. c. 3.

Quanta sit vis veræ fidei singulari Exemplo declaratur. Anno Christi 471. Duo philosophi, quorum alter erat Ariana hæresi infectus, de fide acriter disceptabant. Tandem orthodoxo Philosopho visum est, relicta verborum contentione, virtute potius diuina fidei suæ veritatem comprobare; obtulitque Ariano, ut accenso igne luculento vterque in medias flammæ descenderet, victor haberetur, qui in igne immunis persisteret. Hanc conditionem cum Arianus detractaret, orthodoxus fidei veritati confusus, ardentem rogam solus ingressus est, & inde cum Ariano illæsus, & intactis etiam vestibus disputauit: Baron. Tom. 6. anno 471. & Nicephor. Lib. 15. cap. 23.

Simile exemplum legitur in vita Sancti Patritij, qui ut Magum Fidei obstantem conuinceret, iussit Benignum comitem suum collocari in domuncula ex aridis lignis & stipulis confecta, Magum ex aduerso in domo ex humido & viridi ligno erecta: iniecto utrimque igne, Benignus penitus illæso, Magus cum tecto viridi continuè exarsit.

Huc facit exemplum S. Gregorij Thaumaturgi, qui virtute fidei montem è suo loco transtulit, & plura in Martyrum vitis prodigia. Vide supra in Apparatu, Ver. Fides.

Vide etiam obligationem ad Professionem externam Fidei, sine restrictione pure mentali, &c. supra Tom. 2. par. 2. tract. 6. pag. 180.

Q. Quæ summa est Fidei seu omnium credendorum?

R Esp. Symbolum Apostolorum, in duodecim distinctum articulos.

Enpos. Symbolum Apostolorum cuius Catholicus scire & credere tenetur: & peccant parentes filios suos illud docere negligant. Est enim norma fidei, qua Christi fideles ab infidelibus distinguuntur, sicut per tesseram & Sacramentum militare Imperator proprios milites ab alienis discernit, & dignoscit.

Præclarum in hoc genere est exemplum S. Petri Martyris ex illustri Ordine S. Dominici. Cum natus esset ex parentibus Manicheorum hæresi infectis, ab ipsa tamen quasi infantia contra hæreses pugnavit. Dum puer

H 2 septem

septem annorum scholas frequentaret, à patruo hæretico interrogatus, quid in scholis didicisset: respondit intrepidè se Christianæ fidei Symbolum didicisse. Et quamvis multis Patris, Patrique blanditijs, & minis tentaretur, nunquam potuit ab illa fidei constantia & Symboli professione dimoueri. Huius Professionis magnam illi Dominus coronam præparauit. Cum enim postea factus Religiosus, magno ardore fidem & pietatem prædicaret, Deumque sæpè rogaret vt pro ea posset vitam profundere. Ecce tibi Mediolanum redeuntem hæreticus Sicarius ex insidijs aggressus est, & stricto mucrone eius capiti repetitis ictibus lethale vulnus infixit. Ille verò, in ipso mortis articulo, consuetum fidei suæ scutum assumens, Symbolum Apostolorum quod à pueritia constanter tenuit, magno animi gaudio recitauit, & cum ea tessera ad perpetuam constantiæ palmam in cælum migravit, vti patet ex Breu. Rom. 29. Aprilis.

Q. *Qui sunt illi duodecim articuli?*

- R Esp. Hi videlicet:
1. Credo in Deum Patrem omnipotentem, Creatorem cæli & terræ.
 2. Et in Iesum Christum filium eius vnicum, Dominum nostrum.
 3. Qui conceptus est de Spiritu Sancto, natus ex Maria Virgine.
 4. Passus sub Pontio Pilato, crucifixus, mortuus, & sepultus.
 5. Descendit ad inferos, tertia die resurrexit à mortuis.
 6. Ascendit ad cælos, sedet ad dexteram Dei Patris omnipotentis.
 7. Inde venturus est iudicare viuos & mortuos.
 8. Credo in Spiritum Sanctum.
 9. Sanctam Ecclesiam Catholicam, Sancto-
rum communionem.
 10. Remissionem peccatorum.
 11. Carnis resurrectionem.
 12. Et vitam æternam, Amen.

Q. *Quid sibi vult primus Symboli articulus, Credo in Deum Patrem?*

R Esp. Ostendit primam in Deitate personam, Patrem scilicet cælestem & æternam, cui nihil factu impossibile sit, vel difficile, qui cælum & terram, visibilia simul & inuisibilia cuncta ex nihilo produxerit, & producta vsque conseruat, & gubernat summa bonitate, & sapientia.

Expos. Omnipotentiam suam Deus vel maxime ostendit, creando, seu, è nihilo producendo totum hoc vniuersum, idque sine labore, sed solo nutu, & imperio voluntatis. *Dixit enim, & facta sunt omnia, mandauit, & creata sunt. Psalm. 148.* Hanc Dei omnipotentiam (vt refert Polidorus) insigniter edoctus est Canutus Angliæ Rex, qui ob magnam suam potestatem arrogantior, sedili in tumidi maris littore posito, ipsum mare sic allocutus est: Mare tu regni mei pars es, ego tibi impero, tu mihi volo obtemperes: vix verba protulerat, continuò intumescens mare impetu in Regem facto è folio illum in terram deiecit: Ad se reuersus auream hanc protulit sententiam: *Vana est omnium Regum potestas; solus Deus omnipotens:* & corona Cruci imposita pietatis postea, ac modestiæ cultor extitit egregius. *Polyd. Virg. ex Chronic. Germanorum.*

Aliud exemplum diuinæ potentie notius, & illustrius patet *Exodum capit. 7.* Quando Deus per Moysen debellauit Regem Pharaonem conuertendo virgam in serpentem, & omnes aquas in sanguinem, & diuidendo mare rubrum, dum populus Dei transiret, Aegyptios autem omnes maris fluctibus obruendo. *Ibid. etiam Exod. c. 14.*

Si coram adultis doctrina sacra exponatur, poterit Dei existentia & potentia doctè demonstrari ex rebus creatis, per argumenta superius tradita in Controuer. *Part. I. c. I.* Vel per exempla ex Apparatu, verbo, *Benignitas Dei.*

Q. *Quid verò secundus articulus: Et in Iesum Christum filium eius?*

R Esp. Commonstrat secundam in Deitate personam, Iesum Christum scilicet, filium Dei naturalem, vnicum illum, ab æterno genitum, & Patri consubstantialem, Dominum ac Redemptorem nostrum, vt qui nos perditos liberauit.

Expos. Augustissimum nomen Iesu in amore & veneratione habendum docuit Apostolus Paulus ad Philip. 2. v. 9. *Deus exaltauit illum, & donauit illi nomen, quod est super omne nomen: vt in nomine Iesu omne genuflectatur cælestium, terrestrium, & inferorum.* Sed an etiam vtile est nomen illud innocare in angustiis suis? Multò maxime: Refert Athanasius in *vita Sancti Antonij* 17. Ianuarij. S. Antonium, inuocato solo Iesu nomine, non semel integram demonum cohortem fugasse. Simile exemplum refert P. Petrus Ribadineira in *vita S. Ignatij*, Sq.

Societatis *Iesu* Auctoris, *Lib. 5. Cap. 9.* his verbis: Dormientem Ignatium strangulare diabolum voluisse Romæ anno 1541. audiui: Guttur eius quasi manu iniecta præfocare conatus est, tam fortiter vt nullo conatu posset Ignatius SS. *Iesu* nomen inuocare: sed cum nervos omnes intenderet, vim vi repellens in suauissimam vocem tandem erupit, Iesumque inclamavit; qua voce diaboli conatus repulsus est. Porro ex contentione Ignatius, quod postea vidimus, per dies aliquot raucus omnino & sine voce fuit.

S. Bernardus ex ordine S. Francisci nominis *Iesu* summus cultor fuisse legitur.

Sed qui concipi potest *Iesum* Christum esse verum Filium Dei Patris, & ab illo per veram generationem procedere? Id facile colliges ex frequenti similitudine: Deum quis speculum iocuetur, illicò producit imaginem adeò sibi similem, vt nullum possit inueniri discrimen: quæ imago sine vilo labore, sine instrumento, in ictu oculi momentoque formatur. Pari modo Deus Pater oculo intellectus speculum diuinitatis suæ ab æterno intuitus, statim imaginem sibi ipsi simillimam formauit, & hæc imago est Filius. Sed dum nos in speculo producimus nostri imaginem, illa imago non vocatur noster filius; cur magis diuina imago vocatur Dei Filius? Ideò scilicet, quia Deus huic suæ imagini, totum esse suum totamque naturam contulit, quod nos intiendo facere non possumus. Si opus sit, plura de Christo dabit Apparatus supra, verbo, *Christus*.

Q. Quid porro tertius: Qui conceptus est de Spiritu Sancto?

R. Esp. Mysterium proponit Dominicæ Incarnationis. Quia idem Dei filius de cælis descendens, humanam naturam assumpsit: sed modo singulari prorsus, vt qui conceptus fuit sine patre, ex virtute Spiritus Sancti, & natus ex Maria Virgine illibata.

Expof. Mirabilem hanc Christi in vtero Virginis Conceptionem, partumque virgineum & illèsam Deiparæ virginitatem ante partum, in partu, & post partum, iam olim à Prophetis prædictam non vno loco testantur Scripturæ. *Isaïe 7. vers. 14. Ecce Virgo concipiet, & pariet filium, & vocabitur nomen eius Emanuel, &c.*

Et verò quamuis hæc verba de Mysterij veritate dubitare non sinant, tamen voluit illam Deus aliquando triplici miraculo certissimam reddere. Hærebat dubius in re certissima ma-

gnus Theologiæ Doctor ex Ordine S. Dominici, proposita sibi non fidei, sed rationis difficultate, qui fieri posset vt Maria Mater esset, & Virgo? multos annos hæc anxia fluctuatio viri animum occupauit, cum tandem illi Magistrum misit Deus: quem putatis? Eximium fortassis Theologum? Minimè: sed humilem Fratrem Aegidium ex Ordine S. Francisci, qui hominis tentationem diuinitus edoctus, baculo, quo se sustentabat, terram pulsans his illum verbis anteuenit: Frater Prædicator; Maria, Virgo est ante partum: statimque candidissimum è terra ortum est lilium. Mox iterum percussa homo: Frater, Maria, Virgo est in partu, alterumque exortum est lilium. Deia tertid terram feriens, Maria, inquit, etiam Virgo est post partum, simulque tertium prodijt lilium, quo viso miraculo Doctor Dominicanus omnem deinceps dubitationem libenter deposuit. *In vita S. Aegidij apud Surium 23. Aprilis.*

Similitudinem, si desideres, quæ mirabilem hanc claustrum Virginalis ipso partu integritatem aliquo modo exhibeat: hanc habe: Sol effectum suum, calorem, & lumen producit per medium aliquod corpus vitreum, ita tamen vt vitrum integrum omnino maneat & illæsum; sic & Christus in hunc mundum prodijt ex vtero Virginis, hunc omnino integrum reliquendo & inuiolatum. Plura in Appar. V. *Deipara*.

Q. Quid vero quartus: Passus sub Pontio Pilato?

R. Esp. Mysterium tractat redemptionis humanæ. Nam idem verus Dei filius secundum humanam illam naturam assumptam, extrema verè passus est pro nobis & peccatoribus omnibus redimendis. Vnde licet agnus esset sine macula, tamen sub Pontio Præsede in crucem suffixus, in cruce mortuus, & sepultus fuit.

Expof. Seriem totius Christi Passionis, paucis his verbis contentam dabunt fusius Evangelistæ *Matth. 17. Marci 15. &c.* imò & Prophetæ, qui de Passione & morte Domini multa vaticinati sunt, vt Dauidem omittam, *Isaïæ* oracula tam clara sunt, vt rectè dici queat eum rem gestam potius exposuisse, quam futuram prædixisse. *Isaïæ cap. 53. & alibi.*

Sed si Christus Deus fuit: qui mori potuit. Verè mortuus est Christus, qui Deus erat & homo, secundum humanam naturam: sicut rectè loquimur dum dicimus ille homo mortuus est: cum tamen anima, quæ altera hominis

H 3 pars

pars est, mori non possit. Figura huius mysterij in Veteri Testamento fuit Isaac diuinam naturam representans, qui occisus non fuit, sed eius loco aries, qui humanam naturam referebat. *Vt notat S. Ambrosius in Psalm. 39.*

Sed age videamus quam gratia sit Passionis Christi memoria, de qua Albertus Magnus sic ait: *Simplex recordatio Passionis Dominicae plus valet, quam si integrum annum ieiunaret quis in pane & aqua, vel si quotidie virginis & flagellis cedere. tur usque ad effusionem sanguinis.* Idem ferè reuelasse Deum Sancto cuidam Eremitae testatur Ludouicus à Saxonia de *Vita Christi* cap. 58. SS. Gertrudi, Birgittae, Mechtildi, Catharinae, paria fere reuelata tradit Ludouic. Blosius cap. 2. *Montil. Spirit.*

Rem subinde prodigio confirmavit Deus. Seruiebat tyranno cuidam gentili captus quidam adolescens Catholicus, qui gemebundus & dolens regiam obibat, cum tamen liberalissimè haberetur, causam petit tyrannus; reposuit Dei seruus, stigmata Domini sui se in corde portare. Indignatus Tyrannus, expe-riar, inquit, num vera sint quae dicis: Iubet itaque aperto Iuuenis pectore cor eius euelli, & bifariam secari: mirum dictum! apparuere in ipso corde, Christi Passionis instrumenta: rei nouitate attonitus Tyrannus cum suis ad Christi fidem conuersus est. *Cantiprat. lib. I. cap. 25. Pars. 8.*

Similia Christi Passionis instrumenta inuenta sunt in corde B. Clarae de Monte Falco, vt legitur in eius vita 17. Augusti. *Fasti Mariani ex Monum. Eccl. Mont. Falconis.*

Q. Quid autem quintus: Descendit ad inferos?

R Esp. Mysterium Resurrectionis Christi completitur, qui secundum animam quidem Patres à limbo liberaturus descendit: tertio vero post mortem die, resumpto corpore, vi propria factus est rediuuius.

Expos. Resurrectionem suam die post mortem tertia crebrò in Euangelij legitur Christum praedixisse Matth. 13. *Oportet filium hominis pati, & tertia die resurgere.* Et Cap. 20. *Filius hominis tradetur ad crucifigendum, & tertia die resurget.* Figuram huius Resurrectionis habemus in Veteri Testamento, *Genes. 42.* In Iosepho qui è carcere ad regnum euectus, Christi post mortem ad suos reditum expressit. Et *Iona cap. 2.* in ipso Propheta Iona, qui tribus diebus, & tribus noctibus in ventre Ceti, sepulturam Christi & tempus resurrectionis expressit; sicut ipse Christus exposuit, *Matth. 12. & Luc. 11.*

Sed nec post Christi tempora defuerunt figurae huius resurrectionis. Septem erant germani Fratres sub Decio Imperatore à patre proditi, quia Catholici, & in specu conclusi, fame omnes enecandi. Mirum dictu, post aliquot secula viui comparuerunt, eo scilicet tempore quo surrexerat haeresis, quae resurrectionem mortuorum negabat; ex his Fratribus vnus ciuitatem ingressus omnia videt mutata, pecuniam profertimenti aliquid ceteris comparaturus, sed nec ipse nec moneta agnoscitur. Ad loci Episcopum, qui & ipsum Imperatorem Theodosium protrahitur, qui re prudenter examinata comperiunt septem illos fratres annis omnino 372. dormis- se. Paulò post omnes sacro epulo refecti pariter obierunt, & cum illis simul ista haeresis extincta est.

Exemplum aliud potest esse in Lazaro post quadriduum à Christo ad vitam resuscitato, & pluribus alijs. Quod Deo non est magis difficile, quam efficere vt ex femine quod in terra sepelitur flores & fructus exurgant, de quo plura infra *Art. XI. de Carnis Resurrectione.*

Q. Quid sextus articulus. Ascendit ad caelos?

R Esp. Mysterium affert gloriose Ascensionis Christi, vt qui post expletum Redemptionis nostrae opus, ad Patrem transiit ex hoc mundo, & caelos sua virtute Triumphator ascendit, atque in ipsa aeterna Patris gloria super omnia est collocatus.

Expos. Christi gloriosa in Caelos ascensio nobis describitur Act. 1. *Videntibus illis eleuatus est, & nubes suscepit eum, &c.* Et olim illam videtur vaticinatus Propheta Dauid Psalm. 46. *Ascendit Deus in iubilò, & Dominus in voce Tubae.*

Hæc Ascensio in Caelos, vt Christo gloriosa, ita illius grata & pia memoria hominibus salutaris est: Confirmat id Blosius hoc exemplo *tom. 1. de signis Eccl. lib. 5. cap. 2.* Nobilis quidam ethnicus iam pluribus annis iacuerat in lecto paralyticus, inuisit illum forte Christianus, narrauitque non omnino de sanitate desperatum, si spem poneret in Christo, eiusque nomen imploraret; cuius rei causa, imaginem agro reliquit Christi ascendentis in celum. Agrotus, hortante Christiano, maximo animi studio Dei nomen implorauit, rogauitque vt per gloriosam in caelos ascensionem, posset è lecto sanus ascendere. Mirum dictu! multis aspicientibus repente è lecto sanus ascendit, & Christo nomen dedit: quo cognito Imperatore Cochinchinae Legatos Macaum misit qui.

qui legis Christianæ prædicatores ad se acciperent, quo ipse & sui subditi veram Christi legem amplecterentur.

Q. Quid septimus: Indè venturus est iudicare?

R Esp. Demonstrat extremum iudicii diem, quando Christus humana in carne visibilis rursus de cælo descendet, ac tremendum aget iudicem omnium, proborum ac improborum, & reddet unicuique secundum opera eius.

Expos. Sanctum Divini huius & extremi iudicii timorem conceperat S. Iob, de quo in Scripturis legitur Iobi 9. *Verebar omnia opera mea sciens quod non parceres delinquenti.* Et cap. 30. *Quid faciam cum venerit ad iudicandum Deus?* Sanctus Clemens Petri Successor de Beato Apostolorum Principe scribit, frequenter dicere solitum: *quis peccare poterit si semper ante oculos postremum iudicium ponat: Quam lectionem adeo altè mentibus suis impressam voluerunt viri Sancti, ut semper postremum hoc iudicium sibi ob oculos ponerent, quo se à peccatis immunes servarent.* Sanctus Hieronymus de se ipso testatur ad Eustochium: *Quoties diem illum considero toto corpore contremisco: siue enim comedo, siue bibo, siue aliud quid facio, semper videtur mihi tuba terribilis sonare in auribus meis: Surgite mortui, venite ad iudicium.* Exemplum de adolescente quodam narrat S. Vincentius Ferrerius *Concion. 3. in Sexages.* Illum propositum sibi extremo iudicio, ita cohorruisse, ut repente ex timore omnes eius capilli instar senis canitiem contraxerint. Vide plura exempla supra in Apparatu v. *Timor Domini.* Et v. *Iustitia Divina.*

Q. Quid verò octauus. Credo in Spiritum Sanctum.

R Esp. Exhibet tertiam in Trinitate personam Spiritum Sanctum, qui ex Patre Filioque procedens, vnus verus æternusque Deus est, & regnat cum Patre & Filio, & proinde cum utroque simul adoratur & conglorificatur.

Expos. Articulus hic exhibet Spiritum Sanctum cum Patre, & Filio eundem esse naturam, non personalitatem: ut clarè testatur S. Ioannes Apostolus, Ioann. 5. *Tres sunt qui testimonium dant in cælo, Pater, Verbum, & Spiritus Sanctus, & hi tres vnus sunt.*

Et verò bona non mediocria à Spiritu Sancto in homines descendunt. Exemplum est

in adolescente ex studiosa iuventute, qui ad monita salutaria surdus iacebat. Intempesta nocte virum videt maiestate vultus venerandum, Deum scilicet Patrem, qui illum æternæ damnationis reum denunciavit. Sub alteram noctem vir adest integra ætate crucem humeris baiulans, & sanguinem suum in faciem eius proiciens: hæc addens: *Erubescere, & thesseram damnationis cape, futuram salutis si maluisses.* Desperabat iam æger de salute: Fratris tamen suasu ad Spiritum Sanctum se conuertit, qui tertia nocte apparens misero scelerum veniam, & beatam mortem nuntiavit. *Ex Specul. Exempl. & Fast. Mar. in Fest. Pentecost.* Vide infra in Catech. cap. 5. ad finem de 7. donis Spiritus Sancti, & 12. fructus eiusdem.

Q. Quid nonus articulus. Sanctam Ecclesiam Catholicam: & Sanctorum Communionem.

R Esp. De Ecclesia docet quatuor nobis credenda esse: Primum, Ecclesiam esse vnā, nimirum in vno Spiritu Christi Iesu, in vna fide, fideique & Sacramentorum doctrina, in vno capite ac rectore vniuersalis Ecclesiæ, Vicario Christi scilicet ac Diui Petri Successore. Secundo, hanc ipsam sanctam esse, quia tum à Christo capite & sponso suo, cui per fidem & Sacramenta coniungitur, & sanctificatur: tum à Spiritu Sancto perpetuo gubernatur. Tertiò, eandem esse Catholicam seu vniuersalem, quia toto orbe diffusa, Christi fideles omnes omnium temporum comprehendit. Quartò & postremò, in hac ipsa Ecclesia Communionem esse Sanctorum, puta non eorum solum, qui interris credentes peregrinantur, verum etiam qui carnis mortalitate exuti, vel regnant in cælo, vel illic regnaturi, in igne purgatorio, suorum peccatorum sordibus expiantur. Qui quidem veluti vnus corporis membra, se inuicem iuuant mutuis officijs, meritis, orationibus: & sacrosancti Missæ Sacrificij Sacramentorumque Ecclesiæ virtutem participant.

Expos. In Sanctorum Communionem fundantur Indulgentiæ ad quas dispensandas in Ecclesia esse authoritatem patet ex Scripturis: *Quaecumque solueritis super terram erunt soluta, & in cælo.* Matth. 18.

Exemplum est in eo quod contingit S. Francisco, qui cum à Christo ad eius Capellam de Portiuncula, ipsius Virginis Mariæ instinctu, petisset Indulgentiam plenariam omnibus qui istam Ecclesiam contriti & confessi subi-

H 4 rent.

rent. Annuit Dominus, mandauitque vt Vicarium suum Summum Pontificem ea de causa adiret, à quo huiusmodi Indulgentias impetraret, quas paulò post illi Honorius III. Summus Pontifex liberaliter indulgit: *In vita Sancti Francisci cap. 88.*

Indulgentiarum vim & efficaciam hinc colligit: Confluebant ad orbis caput Romam ad Indulgentias lucrandas ex omni orbis parte non pauci; inter alios qui ex Slauonia aderant, mulier fuit, quæ dum in Patriam omnes iter & reditum parant, repente moritur, suis apparet in via, & declarat se vi Indulgentiarum reſcè cælum petiſſe, addens, si Indulgentias lucrata non fuisset, multis annis se igne purgatorio fuisse torquendam. *Pedagog. Christi. de Indulg.*

Vnde qui Indulgentias, vel negligant, vel contempnunt, non minus stulti sunt quàm ij, qui cum debita sua graua facillè possent dissoluere ex ærario Regis aperto, id negligunt. Dum enim Indulgentias lucramur, dissolui-mus pœnas quibus per peccatum obnoxij eramus ex publico Ecclesiæ thesauro per Indulgentias ex Christi & Sanctorum satisfactione nobis concessas.

De Indulgentijs fusius agitur suprà Tom. 2. in Refol. Theol. part. 3. pag. 171. & seqq.

Q. Quid porò decimus. Remissionem peccatorum?

R Esp. Offert præsentem Dei gratiam peccatoribus omnibus, ne quis de venia peccatorum suorum consequenda vnquam desperet, modò in Ecclesia perseueret Catholica, & ritè eiusdem Sacramentis vtatur.

Expos. Duo hic articulus comprehendit: videlicet non solum remissionem peccatorum in Ecclesia Catholica reperiri, quod omnes Catholici admittunt, & passim extat in Scripturis; sed etiam in ea esse potestatem peccata dimittendi per Sacerdotes, quam Petro & Successoribus dedit Christus Matth. 16. v. 19. *Quodcumque ligaueris super terram erit ligatum & in cælis, & quodcumque solueris super terram, erit solutum & in cælis.* Ioann. 20. *Quorum remiseritis peccata remittuntur eis.* Vnde deplorandum omnind est aliquos Christianos, medijs, quæ in Catholica Ecclesia reperiuntur, non perindè ac deberent, vt ad salutem. Nemo, vel qui læsus est, vel aduersa laborat valetudine dubitat ea adhibere remedia quæ sanitati restituendæ possunt conducere, quantò magis illi qui spiritualiter ægri sunt, & in peccatis suis hærent, debe-

rent ea media adhibere quæ Dei sapientia ad curationem animorum, atque aded ad vitam reparandam instituit, & in sua Ecclesia reliquit?

Porò in Ecclesia per Christum indubitata esse peccatorum remissionem declarat exemplum S. Mariæ Magdalene *Luca cap. 7.* & boni Latronis *Luca cap. 24.* Accedit exemplum Clodouæ Regis Francorum de quo in officio Ecclesiæ Tornac. legitur: Cum exci-tus fama Sancti Eleutherij Tornacum aduenisset, occultum gerens animi vulnus, seu peccatum mortale quod confiteri erubescibat: motus pijs Sancti Eleutherij monitis crimen profosis lachrymis fassus est. Sed cum dubius hæreret num crimen sibi esset condonatum, Sanctum Eleutherium rogauit vt pro se Deum deprecaretur, quo id sibi ad securitatem animi constaret. Postero die Eleuthero ad aram facienti adfuit Angelus, qui peccatum Clodouæ remissum nuntiavit. Vnde Rex Ecclesiæ Romanæ, cui recens se adiunxerat, dein accerimus defensor exstitit.

Pro expositione Confessionis Sacramentalis contra Sectarios, vide argumenta suprà Tom. 1. in Contr. tract. 2. c. 6. Casus ad eam pertinentes traduntur fusè in Refol. Theol. Tom. 2. part. 2. c. 1. 2. & deinceps.

Q. Quid autem undecimus. Carnis resurrectionem?

R Esp. Mortuos ad vitam excitandos asserit, & nouissimum iudicij diem confirmat: Nam ante Christi tribunal in carne rediutui omnes apparebimus, vt recipiat vnusquisque, prout gessit in suo corpore, siue bonum, siue malum.

Expos. Carnis resurrectionem tam Vetustam quam Nouum Testamentum certam facit: illud quidem Iob cap. 19. *Et in carne mea videbo Deum saluatorem meum.* Hoc vero Ioan. cap. 5. *Qui bona fecerint procedent in resurrectionem vitæ, qui vero mala agerint in resurrectionem iudicij.* Sed qui fieri potest vt exustum corpus v. c. cineres qui in flumen proiecti sunt, reuiuifcat? Mirum id minimè videbitur, si Deum omnipotentem esse recolamus, qui si potuerit cælum & terram è nihilo producere, cur nequeat corpus in fauillas redactum ad statum pristinum reuocare? cum hoc facilius sit quam illud. Et cum cernamus arbores ornatum suum, fructus, & vitam quasi in hyeme amittere, sed vere dein appetente, velut quadam resurrectione adueniente, erumpere folia, flores germinare, fructus producere, cur

ita

ita inquit S. Gregorius *Homil. 28. in Euangelio.* mortuorum corpora Deus nequeat ad vitam reducere?

Mysterij huius veritatem exemplo comprobabat S. Gregorius Turon. *de glor. Confess. c. 50.* S. Seuerinus cum obequitans fortuito à mespilo arbore grauer percuteretur, illi maledixit, ipsoque momento arbor arefacta est. Post dies aliquot rediens, vidensque arborem aridam, orare cepit Dominum: *Tu Domine in signum quod corpora nostra resurgent, præcipe ut reuiuifcat hæc arbor.* Mirum dictu! ipso momento arbor frondescere cepit, & paulatim pristino vigori est restituta. Huc reduci possunt quæ dicta sunt de Resurrectione Christi ad huius Symboli *Art. 5.*

Q. Quid demum positemus. Et vitam æternam?

R Esp. Fidei & virtutis Christianæ præmium beatam immortalitatem ostendit, ut certò sciamus, post hanc vitam superesse aliam longè diuersam, verèque securam, beatam, ac sempiternam, quæ credentibus & obtemperantibus Christo destinata sit.

Expos. Hanc vitam æternam, seu gloriam cælestem certam faciunt passim sacri Codices, quanta verò ea sit non explicant, nec porro explicare possunt, ut fatetur Apostolus *1. ad Corinth. 2. Oculis non vidit, nec auris audiuit, nec in cor hominis ascendit quæ præparauit Deus diligentibus se.* Sed quæ in re illa gloria seu vita æterna consistit? In eo potissimum quod similes Deo futuri simus in gloria, beatitudine & claritate. *Similes ei erimus quia videbimus eum sicuti est. 1. Ioan. 2.* Non minus quam ferrum ignitum, quod etsi ferrum maneat, magistamen ignis apparet quam ferrum. Vel ut ait S. Cyprian. *de Singul. Cleric.* Sicut sol in specula apparens vero soli simillimus est, ita homo ad cælestem visionem eleuatus Deo similis erit.

Gloriæ huius magnitudinem ipse dæmon aliàs mendax aliquando professus est F. Iordano Ordinis Prædicatorum, viro Sanctissimo. Interrogatus enim ubi foret lubentius? In celo respondit, idque ut faciem creatoris mei possem intueri: Lubentissimè enim vnus omnia omnium damnatorum tormenta subirem vsque ad diem iudicij, ut vel ad minimum temporis spatium Deum, & eius gloriam possem intueri. Rogatus dein aliquam cælestis pulchritudinis cum terrenis rebus comparisonem: frustra id quæri respondit dæmon, cum nihil omnino in terris sit, quan-

tumcumque pulchrum, quod vel per speciem cum cælesti illa beatitudine possit comparari: *Howld. in Promptuario exempl. Littera G. Rb & alij.*

Q. Quæ est summa omnium Symboli articulo- rum?

R Esp. Corde & ore confiteor Dominum Deum, quo nihil aut maius, aut sapientius, aut melius potest excogitari, eum & vnum in essentia seu natura diuina, & trinum in personis esse, utpotè Patrem, & Filium, & Spiritum Sanctum: ita ut hi tres vnum sint, vnus verus, æternus, immensus & incomprehensibilis Deus: ex quo, per quem, & in quo sunt omnia. Pater est Conditor vniuersorum, Filius Redemptor hominum, Spiritus Sanctus, Ecclesiæ, seu Christi fidelium sanctificator & rector. Igitur huic sanctissimæ & indiuiduæ Trinitati respondent Symboli tres præcipuæ: Prima, quæ de Creatione est, Patri; Secunda, quæ de Redemptione, Filio: Tertia, quæ de Sanctificatione, Spiritui Sancto accommodatur.

Q. Quid est Ecclesia?

R Esp. Est omnium Christi fidem atque doctrinam profitentium congregatio, quæ sub vno & summo post Christum capite & Pastore in terris gubernatur.

Q. Qui ab Ecclesia prorsus alieni sunt?

R Esp. Primùm Iudæi & infideles omnes, atque à fide apostatæ, deinde hæretici, ij scilicet, qui cum baptizati sint, contra Catholicam fidem cum pertinacia tuentur errorem. Præterea Schismatici, qui à pace & vnitatē Catholica ipsi segregant. Postremò qui à Communione Sanctorum, à participatione Sacramentorum, & ab Ecclesiæ suffragijs, diuinisque officijs per Ecclesiasticam potestatem legitimè excluduntur: vnde & Excommunicati dicuntur: Qui omnes à Christi corpore, quod est Ecclesia, seiuncti & alieni sunt, proindeque spiritualis vitæ ac salutis expertes manent, Satanæ mortique perpetuæ, nisi resipiscant, obnoxij. Ac vitandi quidem illi omnes Catholicis, sed imprimis hæretici, & schismatici, non minùs quàm pestes quædam exitiales, fugiendi ac execrandi sunt.

Q. Quæ

Q. Quæ demum est simplex, brevis & recta fidei regula, quæ Catholici ab hæretici discernuntur?

R Esp. Ea est, Christi fidem atque Ecclesiæ auctoritatem integram profiteri, illudque ratum ac fixum tenere oportere, quod Ecclesiæ Catholicæ Pastores atque Doctores credendum definierunt. Cæterum si quis Ecclesiam non audierit, sit tibi, inquit Christus ipse, sicut ethnicus & publicanus. Non enim habebit Deum Patrem, qui Ecclesiam noluit habere Matrem.

Expos. Vnica est Christi Ecclesia, sicut unus est Deus, una Fides, unum Baptisma, eaque Romana Apostolica, Vniuersalis, extra quam, sicuti durante diluuiio, extra arcam Noe nullus emerit, ita nullus omnino saluari potest, ut præclare S. Augustinus Lib. 4. de Symbol. ad Catech. cap. 13. *Si quis absque Ecclesia inuentus fuerit, alienus erit à numero filiorum, nec habebit Deum Patrem, qui Ecclesiam noluerit habere matrem.* Vnde Hæretici & Schismatici neque salui esse possunt, neque vera sunt membra Ecclesiæ, sed à S. Cypriano dicuntur membra putrida à corpore abscissa, & comparantur ramo ab arbore præciso, item radio, qui si à Sole seiungatur, deficit: & fluuiio, qui si à suo fonte separetur, necesse est illum exsiccari.

Hanc Ecclesiam contra hostes suos semper Deus defendit, ut staret inconcussa veritas, Porta inferi non præualebunt aduersus eam. Fridericus II. Imperator Schismaticus, Ecclesiæ Romanæ meditabatur exitium, scribebatque Pontifici Innocentio IV. propediem destruendam omnino Romanam Ecclesiam: reposuit illi Pontifex, breui illum, ni resipisceret, moriturum, & æterno igne puniendum. Ita euenit, nam paulo post à proprio filio Manfredo strangulatus fuit Anno Domini 1250. Ita ex Alberico refert Crispinianus, quamuis Pontificum hostis acerrimus, & ex his Bozius Signo 19.

De vera Ecclesia, & Hæreticis extra Ecclesiam, explicatio & exempla data sunt initio huius Capit. 1. ad Quæst. *Quis dicendus est Christianus? Quod eius signum? Quid est Fides?* &c. Argumenta 8. pro Ecclesia Romana vera & unica, habes supra in Controu. part. 1. cap. 2. & 3. &c. Item pro Pontifice, & alijs fidei Articulis contra Hæreticos, vide ibidem.

CAPVT II.

De Spe & Oratione Dominica.

Q. Quid est Spes?

R Esp. Virtus est diuinitus infusa, per quam certa cum fiducia nostræ salutis & æternæ vitæ bona expectantur.

Q. Vnde modum rectè sperandi & petendi discimus?

R Esp. Ex Oratione Dominica, quam Christus ipse Dominus & Magister noster ore suo sacrosancto tradidit & præscripsit.

Q. Recita per partes Orationem Dominicam?

R Esp. Pater noster qui es in cælis, Sanctificetur nomen tuum.
2. Adueniat regnum tuum.
3. Fiat voluntas tua, sicut in cælo & in terra.
4. Panem nostrum quotidianum da nobis hodie.
5. Et dimitte nobis debita nostra, sicut & nos dimittimus debitoribus nostris.
6. Et ne nos inducas in tentationem.
7. Sed libera nos à malo. Amen.

Q. Quid sibi vult initium huius Orationis, Pater noster, qui es in cælis?

R Esp. Præfatiuncula est quæ nos memores reddit summi beneficii quo Deus Pater per Christum nos sibi in filios adoptiuos, & hæredes cooptauit. Atque hoc dulci Patris nomine prouocantur, tum ad eum redamandum, tum ad precandum magna cum fiducia.

Q. Quid explicat prima petitio. Sanctificetur nomen tuum?

R Esp. Proborum filiorum iustum & liberale desiderium. Hi petunt semper, & vbique in se alijsque promoueri cognitionem, timorem, honorem, amorem, & cultum æternæ maiestatis, & quicquid demum ad summi optimique Patris gloriam spectat.

Q. Quid

Q. Quid secunda petitione agimus. Adueniat regnum tuum;

R Esp. Petimus gloriam regni cœlestis; æternæque felicitatis nobis donari, vt cito cum Christo in sempiternum regnemus.

Expos. Orationis huius præstantiam præ cæteris omnibus orationibus inde collige, quod ab ipso Christo Domino nostro facta sit: si enim picturas & alia manu facta eo maioris solemus æstimare, quo auctorem habent magis celebrem, quomodo hanc non æstimabimus orationem, quæ auctorem habet ipsum Deum?

Quanta autem sit huius orationis vis, & efficacia docebit nos hoc exemplum: Episcopus quidam in extasim raptus puerum vidit aureo hamo mulierem è profundo lacu expiscantem. Ad se reuersus cœpit ea, quæ viderat, ruminari; ad templum se conferens offendit, eundem paruulum sepulchro matris suæ insidentem & orantem rogatus puer quid ageret; respondit: orare se, & identidem recitare Orationem Dominicam pro anima matris defunctæ, cognouit ergo Episcopus hunc esse, quem aureo hamo piscantem viderat, hoc est, Matris animam ex piacularibus flammis per Orationem Dominicam liberantem, *Auctor Speculi Exempli. Titul. Defuncti Exemp. 23.*

In secunda Petitione, Regnum Dei quærere iubemur, iuxta dictum Christi Matth. 6. *Querite primum Regnum Dei, &c.* Quæ fuerunt hoc diligenter adeo S. Ignatius de Loyola, & S. Nicolaus Tolentinas, vt legitur in eorum vita, vt continuè ferè ad Deum aspirarent cupientes dissolui hoc mortali corpore, & esse cum Christo. Peregrinamur enim hic omnes in terra, dum ad patriam perueniamus, quæ regnum Dei est quod his petimus. Pulchrum est quod legitur in hanc rem de Sancto Adriano apud Adonem Viennens. in *Martyr. 8 Sep.* Hic Sanctus etiamnum ethnicus videns Christianos maxima tormenta cum gaudio sustinere, ab illis petit, quodnam pro his præmium exspectarent? Reposuerunt illi, *Adueniet nobis regnum Dei.* Hæc audiens Adrianus suum etiam petit in Christianorum numerum nomen referri, & post grauius tormenta ad regnum illud Dei illustris etiam Martyr euoluait.

Q. Quid tertia, Fiat voluntas tua?

R Esp. Petimus diuinæ gratiæ nobis opem adesse, vt Patris voluntatem in terra, &

cut Beati omnes in cœlos faciant, sincere, alacriter, & constanter adimpleamus.

Expos. Ad regnum Dei perueniet, qui voluntatem Dei fecerit, *Qui facit voluntatem Patris mei, qui in Cœlis est, ipse intrabit in regnum Cælorum:* Matth. 7. Quare S. Gertrudis, vt legitur in eius vita, subinde trecenties sexagesies quiniæ hæc verba: *Fiat voluntas tua*, piissime iterabat, hocque gratissimum Deo fuisse sacrificium, ipsi Deus reuelauit. Vnde quodam tempore à Christo iussa eligere sanitatem aut morbum; respondit: *Veementissime desidero Domine non facias voluntatem meam, sed tuam.* Plura de hoc exempla leguntur supra in apparatum verbo *Obedientia.*

Q. Quid quarta, Panem nostrum quotidianum da nobis hodie?

R Esp. Petimus suppeditari nobis, quæ ad vitam siue corporis, siue animi fouendam & sustentandam spectant, vt victum & vestitum, verbum Dei & Ecclesiæ Sacramenta.

Expos. Panem quotidianum sic rogantibus Deus largietur vt promisit: *Querite primum regnum Dei & iustitiam eius, & hæc omnia adicientur vobis:* Matth. 6.

Id aliquando miraculo comprobauit, vt legitur in vita S. Dominici *Lib. 3. cap. 4.* Cum domini nihil cibi esset, iussit hic vir sanctus Fratres mensæ nihilominus accumbere, & illi benedixit. Vix accubuerant, ecce ingressi duo Angeli eleganti specie singulis fratribus (erant numero centum) singulos candidissimos panes apposuerunt, quo facto exhibita reuerentia disparuerunt. Simile est exemplum quod legitur in *Annal. Minorum P. Lucæ V Vaddingi Anno Christi. 1219.* Accumbente S. Francisco cum quingentis Fratribus, pari modo viginti Angeli succincli, panes & vinum ministrarunt. In Apparatu *V. Benignitas Dei.*

Q. Quid quinta, & dimitte nobis debita nostra?

R Esp. Petimus veniam ac remissionem peccatorum, paracti vicissim remittere, quod in nos alij peccauerint.

Expos. Si Proximo non dimittamus, neque Deus dimittit nobis peccata, vt Christus disertè asserit Matth. 6. *Si non dimiseritis hominibus, nec Pater vester dimittet vobis peccata vestra.* Et patet in Exemplo quod præclare refertur in vita S. Nicephori apud *Henschenium, 16. Februarij.* Venit in odium Sapphici Sacerdotis Nice-

Nicephorus, hic sapius tum per se, tum per internuncios dimitti sibi petierat, si quid peccasset, sed inexorabilis persistebat Sapricius. Postea capitur Sapricius, quia Christianus erat, & pro Christo tormentis admouetur. Ibat iam ad palmam Martyr Sapricius; per viam ad genua eius accidit Nicephorus veniam petens: sed iterum repulsam passus est; tandem Sapricius ceruicem præbere iussus, mortem turpi vita redemit, Christi fide eiurata, quo viso se Christianum proclamat Nicephorus, & coronam Martyrii quam Sapricius amiserat, iusto Dei iudicio, adeptus est.

Vide in Apparatu *Amor proximi*.

Q. Quid penultima, Et ne nos inducas in tentationem?

R Esp. Petimus in hac tanta vitæ imbecillitate diuina virtute fulciri, atque aduersus Mundum, Carnem, Dæmonemque defendi, ne quocumque modo tentationi succumbentes, peccato consentiamus.

Q. Quid septima & postrema, Sed libera nos à malo?

R Esp. Petimus Dei benignitatem, qua ipse nos liberet, & vindicet à miseria tum corporis, tum animi, siue in hac vita, quoad salutem nostram congruit, siue in futura. Et additur: *Amen*, hoc est, fiat, siue fiet, ut spem desideriumque monstremus accipiendi ea, quæ septem his petitionibus continentur.

Q. Quæ summa est priorum orationis huius Petitionum?

R Esp. Priores quatuor ostendunt, quæ his bonas sperare ac petere debeamus: Inter quæ primum ac summum est, diuinæ Maiestatis honor & gloria: proximum, nostra felicitas: huic accedit Deo debita obedientia: Postremum est, corporis animæque sustentatio necessaria. Hæc summam continentur prioribus quatuor.

Q. Quæ summa est reliquarum Petitionum?

R Esp. Tres posteriores continent mala, quæ deprecari debeamus: ut sunt peccata, quæ nobis Dei regnum præcludunt: Tum tentationes, quæ, nisi ope diuina protegamur, sua vi ad peccandum nos pertrahunt: ac postremo huius ac futuræ vitæ calamitates.

Docet igitur Dominica precatio simul & bona petere, & mala deprecari.

Expof. In Petitione 6. & 7. liberari petimus à malis animæ potissimum, cum mala corporis multum subinde conducant ad salutem, & gloriæ augmentum, ut colligimus ex eo, quod Deus multa mala viris Sanctissimis euenire patiatur.

Pulchrum est quod ad hanc rem declarandam exemplum adfertur ex adis Nerei, & Achillei cap. 9. *Apud Surium* 13. *Maij.* Cum S. Petrus cum discipulis domi suæ pranderet, ex ijs vnus Titus nomine à Petro petijt, ne, cum tam multos curaret, filiam suam Petronillam ex paralyti pateretur decumbere? Cui Petrus, hæce infirmitas facit ad salutem: in cuius rei veritatem mandauit ut surgeret & accumbentibus ministraret. Surrexit & ministravit incolumis, sed ministerio expleto, iussit eam Apostolus iterum ad lectum redire, ne scilicet facili hoc ad perfectionem obtinendam medio frustraretur.

A malo autem animæ Deus hominem liberat per gratiam suam efficiendo ne consentiat tentationi & peccato. Sic liberauit Susannam, quando à duobus Senibus ad committendum adulterium tentata fuit, præbendo illi, ad diuinam opem confugienti, tantum gratiæ robur ut diceret: Melius est mihi incidere in manus vestras & mori, quam peccare in conspectu Dei mei. Plura exempla haberi possunt ex Apparatu supra.

V. Tentatio, Tribulatio.

Q. Quomodo Salutationem Angelicam recitat Virgini Matri?

R Esp. Ave *Maria* gratia plena, Dominus tecum, benedicta tu in mulieribus, & benedictus fructus ventris tui *Iesus*, Sancta *Maria* Mater Dei, ora pro nobis peccatoribus, nunc, & in hora mortis nostræ; *Amen*.

Q. Vnde hic modus Deiparam Virginem salutandi profuxit.

R Esp. Primum ab exemplo Angeli Gabrielis, & sanctæ Elisabethæ: deinde ex vsu ipso, & consensu Ecclesiæ Catholicæ ortum ducit.

Q. Quem vero fructum adfert hæc salutatō?

R Esp. Sacrosanctæ Virginis & Dominicæ Incarnationis gratiam, & equè salutarem

nobis refricat memoriam, ac præterea monet, vt gratia à Virginis fauorem, atq; apud Deum intercessionem nobis conciliemus.

Q. *Quid discimus ex hac salutatione?*

R Esp. Eximias dotes ac laudes incomparabilis Virginis, vt quoddam Dei donis ac virtutibus amplissimis referta, quoddam eadem Virgo & Mater, quoddam inter omnes omnium temporum mulieres benedicta, quoddam Regis Regum Christi Dei & Domini nostri Parens, ac perinde inuentrix gratiæ, ac Genitrix vitæ nobis exitit.

Expos. Quam gratum sit Beatissimæ Virgini hanc Angelicam Salutationem frequenter recitari collige ex Exemplo S. Gertrudis, quod refert Blosius *Mon. Spir. c. 3. §. 9.* S. Gertrudis lecto affixa cum horas legere non posset, aliasque preces ex voto Beatissimæ Virgini persolvere: quod vnum ægè poterat hæc verba identidem repetijt, *Aue Maria gratia plena, Dominus tecum.* Apparuit illi Deipara Virgo induta pallio aureis floribus exornato; cumque flores hos laudaret Gertrudis, reposuit Virgo: hos flores esse Salutationes Angelicas, quas illa non sine labore protulerat, hoc tam insigni pallio se à Gertrude exornatam, siquidem nihil magis placeret, quam frequens illius orationis repetitio.

Quanta autem sit huius orationis vis & efficacia sequens declarabit exemplum. Cùm quidam è familia B. Catharinæ Suediæ somno correptus è curru decidisset equorum vngulis obtritus, & rotarum pondere oppressus animam ageret. B. Catharinæ Virginis opem implorauit, recitata semel Salutatione Angelica. Res mira! è vestigio surrexit, & ita sibi restitutus est; vt nullum mali vestigium superesset. In vita B. Catharinæ Suediæ *apud Surium, & P. Henschen. Martij 22.* Alia in Apparatu verbo Deipara.

CAPVT III.

De Charitate & Decalogo.

Q. *Quid est Charitas?*

R Esp. Infusa à Deo virtus, qua ipse propter se proximus autem propter Deum diligitur.

Expos. Vim Charitatis Diuinæ insigniter experta est Beata Virgo Theresia, quæ tanto diuini amoris incendio conflagrauit, vt viderit Angelum ignito iaculo sibi præcor-

dia transfuerberantem. Ita habetur in vita illius.

S. Ignatius Martyr tanta in Christum charitate flagrabat, vt summis votis exoptaret pro eius amore omnium tormentorum genera sustinere, his verbis; Ignis, Crux, bestia, confraçtio ossium, membrorum diuisio, & totius corporis contritio, & tota tormenta diaboli in me veniant, tantum Christo fruatur. Cum verò in tormentis iam constitutus sanctissimum Iesu nomen sæpius repeteret, rogatus cur nomen illud toties ingeminaret? Respondit: *Quia nomen hoc cordi meo insculptum gero.* Et hoc ita se habere miro prodigio deprehenderunt illi qui post eius mortem in medio cordis nomen Iesu aurei litteris expressum inuenerunt. Ita Padagog. Christianum ex S. Chrys. in Epist. ad Ephes. 4. vers. 14. Alia de Charitate hic sequuntur.

Q. *Quot sunt Charitatis præcepta?*

R Esp. Dūd sunt principalia. Diliges Dominum Deum tuum ex toto corde tuo, ex tota anima tua, ex tota mente tua, ex totis viribus tuis. Hoc est primum & maximum mandatum. Secundum verò simile huic: Diliges proximum tuum sicut teipsum. In his præceptis vniuersa Lex pendet, & Prophetæ.

Expos. Rectè dicitur Charitas Dei primum & maximum mandatum: quia ex perfecto Dei amore cæterorum mandatorum observatio procedit. Sicut enim multi arboris rami ex vna radice prodeunt, sic multæ virtutes ex vna charitate generantur, nec habet aliquid vriditatis ramus boni operis, si non manet in radice charitatis. Ided si dederit homo omnem substantiam domus suæ pro dilectione quasi nihil despiciet eam. *Cantic. 8.* Sæpius S. Ioannes Euangelista, discipulos suos ad charitatem proximi his verbis adhortabatur: Filiioli, diligite alterutrum, præceptum Domini est, & si solum fiat, sufficit. Ribadenera in eius vita.

Magnus ille Ioannes cognomento Eleemosynarius, qui in charitatis exercendæ occasiones continuè inuigilabat: Cum ob eximiam planeque profusam in pauperes munificentiam à quodam plurimum laudaretur: *Quiesce, inquit, frater, nondum pro te sanguinem fudi, sicut mandauit mihi Dominus meus Christus.* Lorinus in 1. Ioan. c. 2. v. 17.

Q. *Quo*

Q. Quo indicio se prodit Charitas erga Deum?

R Esp. Si eius obserues mandata. Hæc est enim Charitas Dei, ut mandata eius custodiamus, & mandata eius graua non sunt. Et Christus ipse docet: qui habet mandata mea, & seruat ea, ille est qui diligit me.

Expos. Desiderabilia super aurum & lapidem pretiosum sunt præcepta Dei, & dulciora super mel & fauum: Etenim seruus tuus custodis ea, in custodiendis illis retributio multa. Psalm. 118. Hæc suauitate allectus Rex Dauid exclamat Psalm. 118. Viam mandatorum tuorum cucurri cum dilatasti cor meum: nempe per ardorem charitatis. S. Gregorius Nissenus Oratione 2. de pauperibus amandis, explicans hæc verba Christi Ioan. 5. Iugum meum suauis est, & onus meum leue, ait: Tale iugum ne detractemus, ne excutiamus, suauis est, leue est, subeuntis ceruicem non atterit, sed demulcet.

De hac Charitate plurima dicta & exempla, si cupis, vide supra in Apparatu verbo Amor Dei, & Obedientia mandatorum. Motiua idonea ad Amorem Dei excitandum habentur hic in fine de part. 4. Praxi Assistendis moribundis.

Q. Quomodo se procedit & agnoscat Charitas erga proximum?

R Esp. Charitas patiens est, benigna est: Charitas non æmulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet.

Expos. Omnis homo est hominis proximus, nec ulla est cogitanda longinquitas generis, ubi est natura communis. Ita Sanctus Augustinus scribens in Psalmum 118. Sanctus Paulinus Nolæ Episcopus, ut viduæ filium à Barbaris captum redimeret, seipsum in seruum vendidit, vide in Breviarium Romanum 22. Iunij. Sanctus Ignatius de Loyola ut lasciuum iuuenem ad amasiam properantem corrigeret, aquis se collo tenus hyemali tempore immergit, cumque infelix libidinis mancipium id aduerteret, exclamauit Ignatius, Perge miser ad foedissimas tuas voluptates, impendentem capiti tuo ruinam non vides? Ego me hic tua causa frigore constringam, donec iustissimum Dei furem in te paratum auertam. Ribadeneira in eius vita.

Sed præterire non possum illustre exemplum summæ in proximum Charitatis, simul & humilitatis, in S. Eduardo Anglorum Rege. Cum hic in palatio suo iuxta Ecclesiam S. Petri moraretur, superuenit vnus natione Hibernus pedis vtriusque officio priuatus, sicut retrorsum factum in modum pedum articuli carnis inhaerent, & suppositis scamnis repere cogeretur. Hic ad Regis cubicularium nomine Vgolinum conuersus, Sexies, inquit, limina Apostolorum sic rependo visitauit, & sanitatem nondum obtinui: sed ab ipso Apostolo Petro in mandatis accepi Regem adire, ut me suo dorso subuectum ab Ecclesiam palatio vicinam perferret, & hoc si fecerit, me membrorum meorum integram sanitatem obtenturum. Hæc ubi nunciata sunt Regi, summa statim charitate commotus, pauperem, ut erat, sordibus & sanie oppletum, in Regios humeros attollit, eiusque brachia squallida circa suum collum complexus, caput eum inspectante populo ad templum deportare. Alij pauperis arrogantiam, alij Regis simplicitatem ab eo delusam irridebant. At cum Rex paululum processisset, ecce subito pauperis nerui extenduntur, emergunt ex carne marcidæ pedum articuli, crura iam vegeta in rectum protenduntur, ex sanie ac sanguine largè profuente Regia vestis ornatur magis quam factatur. Quid plura? Omnes stupore attoniti proclamant, Pauperem iam sanatum, ac tempus esse ut Rex sarcinam tam molestam deponat. Rex autem, ut caput, populi clamores nihil moratus, vsque ad ipsam Ecclesiam constanter pergit, & ante sanctum Altare holocaustum illud charitatis quod hæcenus detulerat, Deo ac Sancto Petro resignat, atque integrè sanatum dimittit. Pauper autem ille tanto beneficio, & consueta peregrinandi pietate commotus, suscepto à Rege itineris viatico, gratias Deo, & S. Petro acturus, Romam profectus est. Ludouicus Granatensis in Concione 3. de Sancto Petro part. 1.

Vide aliqua exempla &c. supra in Apparatu verb. Amor proximi.

Q. Cur præcepta Decalogi decem proponuntur?

R Esp. Etsi duo sunt Charitatis præcepta, in quibus plenitudo Legis versatur, tamen præcepta Decalogi idcirco adiunguntur, ut præcipue magis omnes intelligant, quæ ad Charitatem tum Deo, tum proximo exhibendam pertinent.

Q. 234

Q. Quæ sunt præcepta Decalogi?

R Esp. I. Ego sum Dominus Deus tuus. Non habebis Deo alienos coram me. Non facies tibi sculptile, vt adores illud.

II. Non assumes nomen Domini Dei tui in vanum. Nec enim infonem habebit Dominus eum, qui assumpserit nomen Domini Dei sui frustra.

III. Memento vt diem Sabbati sanctifices.

IV. Honora patrem tuum, & matrem tuam vt sis longæuus super terram, quam Dominus Deus tuus dabit tibi.

V. Non occides.

VI. Non mœchaberis.

VII. Non furtum facies.

VIII. Non loqueris contra proximum tuum falsum testimonium.

IX. Non concupisces vxorem proximi tui.

X. Non domum, non agrum, non seruum, non ancillam, non bouem, non asinum, & vniuersa quæ illius sunt.

Q. Quid sibi vult primum præceptum, Non habebis Deo alienos?

R Esp. Prohibet ac damnat idololatriam seu cultum falsorum Deorum, artem magicam vel diuinatorem, obseruationes superstitiosas, omnem denique cultum impium: è diuerso autem requirit, vt vnum Deum optimum maximum credamus, colamus & inuocamus.

Expos. Sæpius in hac vita vindictam sumit Deus de ijs qui diuinationibus, vanis obseruationibus, maleficijs & incantationibus magicis animum addicunt. Ochoziæ Regi ob consultum Belzeub Deum Accaron, mortem Dei iussu prædixit Elias, 4. Regum 1. Saul coarctatus ab hostibus, Pythonissam consuluit, & postmodum in peccatis suis mortuus, seipsum gladio peremit, 1. Reg. 28.

Quæ spectant ad superstitionem, magiam, & alia contra hoc præceptum exponuntur supra Tom. 2. Resol. Theol. part. 5. c. 1.

Q. Licetne Sanctos colere & inuocare?

R Esp. Licet: non ad eum quidem modum quo iubemur Deum colere & inuocare, tamquam Creatorem & Redemptorem & Largitorem bonorum omnium: at longè inferiori gradu; nimirum, veluti, dilectissimos Dei amicos, nostrosque apud ipsum intercessores & patronos.

Q. Huicne Præcepto aduersatur usus Imaginum Christi ac Sanctorum?

R Esp. Nequaquam: quia Præcepto huic: Non facies tibi sculptile, causa mox additur, Vt adores illud, videlicet Ethnicorum more, qui falsorum deorum statuunt simulachra, & idola sua impiè colunt. Nos autem in imaginibus Christum & Sanctos, quos repræsentant, pio à maioribus tradito more veneramur.

Expos. Cultum Sanctorum nobis commendat Deus, qui teste magno Augustino, *Multa non concedit, nisi mediatoris ac deprecatoris opera, & officium intercesserit.* Sermone 4. de S. Stephano. Quapropter SS. Patres Christianos adhortantur vt Sanctorum opem implorent: ceteros vt prætereant, loquentem audiamus S. Basilium Oratione ad 40. Martyres: *qui aliquæ premittitur angustia ad hos confugiat, hos oret vt à malis liberetur.*

Quam utilis nobis sit Sanctorum, & maxime Reginæ Sanctorum cultus, probat exemplum quod subiicio. Consueuerat pius quidam Virginis cliens Rosarium quotidie persolvere, die quodam iter faciens cum nonnullis, aliqui ipsum præcesserant, qui in latrones incidentes miserè sunt occisi, incidit & hic in eosdem, qui & hunc stricto ferro sunt aggressi; mortem iam iam inferre parati. Procidit hic in genua, breue vitæ spatium tremulo ore flagitat, quo suum de more pensum Virgini persoluat. Conceditur, & ecce mirabile visu, vix preces ad Virginem misericordiæ Matrem fundere inceperat, viderunt latrones ex ore orantis ad *Aue Maria* cadentes Rosas candidas, & ad *Pater noster* rubras; quo facto perculsi latrones, & rei nouitate permoti Virginis clientem vita donarunt. *Specul. Exemplor. sub titulo B. Maria Virgo.*

Pro cultu Sanctorum, & veneratione Imaginum argumenta Theologica vide supr. Tom. 1. in Controu. Tract. 2. cap. 8. & 9.

Q. Quid secundum prohibet, Non assumes nomen Domini Dei tui in vanum?

R Esp. Vetat abusum diuini nominis, & irreuerentiam, quæ committitur à periuris, & blasphemis per Deum, Sanctos, vel creaturam aliquam, absque graui causa, veritate, ac reuerentia iurantibus.

Expos. Iurationi, inquit Ecclesiast. cap. 23. *non assuescat os tuum: multi enim casus in illa: Vir multum iurans implebitur iniquitate, & non disce-*

des

det à domo eius plaga. S. Gregorius *Lib. 4. Dialogor. cap. 17.* scribit de quodam quinquenni puero, qui eo quod blasphemare didicisset, nec ideo à patre redargutus fuisset, è sinu parentis à demonibus in infernum abreptus est.

Horrendum est quod narrat Martinus Delrio *Tom. 2. Disquisitionum Magicarum Lib. 3. quæst. 7. sect. 8.* In Saxonia Virgo opulenta formoso iuueni, at tenuioris fortunæ, matrimonium promissit: at hic cum illam prædiuitem & nobilem esse sciret, fidem verbis illius se minime habere indicauit: illa vero ut fidem dictis suis faceret, diris se deuouere cepit in hæc verba, Si alteri quam tibi nupsero, dæmon me viuam in illis nuptijs auehat. Post interuallum aliquod animum mutat, nubit alteri priore sponso spreto, qui eam non semel promissit, diræque imprecationis admonuit; sed illa posthabitis his omnibus nuptias cum altero celebrat. Ipso nuptiali die cognatis, & amicis genio lætitiæque indulgentibus, sponsa ex remorsu conscientiæ periurij memor, redditur solito tristior: Quod dum sponsus, & parentes obseruare incipiunt, duo mali ingenij sub specie duorum equitum ædes pulsan, benignè excipiuntur, & mensæ adhibentur; A mensa choreæ instituuntur, & equitibus tamquam magnis, & nobilibus amicis sponsa honoris causa adiungitur, qui ubi cum sponsa aliquamdiu saltauerant, eamè conspectu parentum, & cognatorum auexerunt. Altero die parentes & amici, dum sponfam quærunt, ecce iidem equites occurrunt, vestes & muliebrem mundum referunt, & hæc verba trunci vultu adijciunt: Non hæc ornamenta, sed sponfam nobis concessit Deus, filia vestra in inferno æternis flammis torquetur; nec enim habebit infontem Dominus eum, qui assumpserit nomen Dei frustra.

Iuramenti & voti si cupis fusiorem explicationem, vide supra *Tom. 2. in Resol. Theol. Part. 5. de Præcept. cap. 2.* Et de eodem exempla in Apparatu, verbo *Iuramentum*.

Q. Quid imperat tertium Præceptum, Memento ut diem Sabbathi sanctifices?

R. Esp. Vult Sabbathum, seu die festum, in Ecclesia pijs operibus celebrari: quod fit adeundo templum, & audiendo Missam.

Laborare autem hoc tempore, & occupationibus deditum esse seruilibus, planè interdicit.

Expos. Festa celebremus non corporis nitore, non vestitus mutatione, ac magnificentia, non comestrationibus & ebrietatibus, quarum fructum cubi-

lia & impudicitias esse didicistis, sed animi puritate, & mentis hilaritate. S. Gregorius Nazianzenus Orat. 4. in Iulianum, S. Gregorius Magnus in Registro: Recte ait, Dominico die à labore terrent cessandum est, atque omnimodè orationibus insistendum, ut si quid negligentia per sex dies agitur, per diem Dominica Resurrectionis precibus expietur.

Nicanor contemnens Sabbathum Iudæorum, ab his in prælio ceditur & superatur, 2. Machab. cap. 5. Plura exempla de violatione Sabbathi assignantur supra in Apparatu, verbo *Sabbathi observatio*. Et explicatur fusè *Tom. 2. in Resolut. Theolog. Part. 5. cap. 3.*

Q. Quid iniungit quartum, Honora patrem & matrem?

R. Esp. Ut his qui secundum Deum vitæ nostræ sunt auctores, reuerentiam, obedientiam, opemque præstemus, ac omni demum officij genere illis ipsis satisfaciamus. Deinde iubet ut Magistratus, tum Ciuiles, tum Ecclesiasticos, parentum & maiorum loco habeamus, illorum dispo lubentes pareamus, & reueremur potestatem atque auctoritatem.

Q. Qua ratione potestatem & auctoritatem Ecclesiasticam reueremur?

R. Esp. Videlicet, si receptis æcumenicis Concilijs, si receptis Apostolorum ac Patrum institutis ac decretis, si probatis maiorum Consuetudinibus; denique si summis Ecclesiæ Pastoribus ac Pontificibus tribuerimus, quam singularem illis debemus obseruantiam, obedientiamque. Vbi vel maxime peccant, qui cultum diuinum, & sanctiones ceremoniarumque Ecclesiasticas conuellunt, atque contemnant: tum qui Synodis, & Pontificibus obtestant, ac in Sacerdotum iura, & templa inuolant, sacra profanantes.

Expos. Apostolus ad Coloss. 3. hortatur liberos ut parentibus obediant per omnia. Rechabita ne à patris consilio vnquam discreparent, vino in perpetuum abstinerunt: Ierem. 35. Maledictus qui non honorat Patrem & Matrem. Deuter. 27.

Nostri ætate (ait S. Bernardinus) in quodam Hispaniæ oppido, adolescens fuit, qui per parentum inobedientiam eo deuenerat ut anno 18. propter latrocinia, & publica facinora in vincula coniectus, & suspendio damnatus sit. Erat tum prorsus imberbis, pendenti vero atque exanimi subito prorupit barba, moxque spectante populo comæ capitis planè canescunt,

scunt, ita ut ætatem referret hominis nonagenarij. Miraculo rei accitus cum populo & toto Clero accurrit Episcopus, omnes in genua prostrati Deum orant, dignetur huius adeo nouæ, & miraculosæ rei causam patefacere. Non vanæ fuere horum preces; diuinitus Episcopo reuelatur, adolescentem illum vi-
surum fuisse ad ætatem nonagintam annorum, nisi parentibus inobediens & contumax extitisset. S. Bernardinus *Tom. 2. Serm. 17. Quadragesima.*

Quomodo honorandi sunt parentes explicatur supra in *Resolut. Theolog. part. 5. cap. 4.*

Q. Quid sibi vult quintum, Non occides?

R Esp. Prohibet vim externam, cædem, & iniuriam omnem, quæ corpori & vitæ proximi adferri possit. Ad hæc, iram, odium, rancorem, indignationem, & quosvis affectus ad proximi læsionem quouis modo spectantes excludit, & penitus refecat.

Expos. Propter homicidium Deus maledicit Caino: quid fecisti? vox sanguinis fratris tui clamat ad me de terra, maledictus eris super terram: Genes. 4. de quo S. Ambrosius. Cum poena à Domino cessaret, torquebat eum suorum conscientia peccatorum, latebat miser tremens, & timens, & cum adhuc percussor deesset, ipsa se iniusti vita cruciabat. S. Ambros. in *Psalm. 35.*

Narrat de sicario, Abbas Sabbatius, qui à patrata per summam immanitatem innocentis pueri cæde, quo scelus occultum melius expiaret, & conscientiam oblatrantem obmutescere faceret, religiosæ vitæ rigorem & habitum assumpsit, iamque aliquamdiu in religione piè vixerat, cum ecce scelus semper animo, & vultus exanguis occisi paruuli identidem oculis obuersans, exturbat tandem hominem e monasterio. Pueri enim voces continuè auribus eis insonare illud videbantur, Cur me occidisti? Nec sinebat, ut auctor ait, vna hora conquiescere. Quare semper tremens ac pauens, tanti cruciatus impatiens ut umbram hanc tristem affugeret, è monasterio excessit, urbem ingressus Diospolim, iudici se fudit, carceri traditur, & capite plectitur. Ita P. Engelgrauæ in cælo empyreo, *Tom. 2. in Festo SS. Innocentium.*

Plura si cupis Exemplaria reperies in Apparatu. V. Homicidium. Et de præcepto non occides agitur supra *Tom. 2. part. 3. cap. 6.*

R. P. Arsdæ. *Tom. III.*

Q. Quid vetat sextum, Non mœchaberis?

R Esp. Fornicationem, adulterium & obscenos, illegitimosque concubitus, tum quidquid honestati, verecundiæ, & ingenuo pudori aduersatur. Nam & qui viderit mulierem ad concupiscendum eam, iam mœchatus est in corde suo.

Expos. Quam graue malum sit luxuria, & quantopere fugiendum declarat S. Paulinus *Epist. 2.* qui eam vocat paralyticam animarum, Clemens Alexandrinus, epilepsiam appellat, S. Basilii Seleucienensis *Orat. 5.* Luxuriam censuit esse pestem viuacem, quæ scilicet interiora animæ depascitur. Graues huic vitio Deo vindice decernuntur poenæ.

Exemplo erit infelix muliercula, cum qua clericus vnus aliquot annis male vixerat. Hic in morbum incidit, qui scilicet illi erat opportunus monitor, verum ut illi esset, non fuit impudenti semina, quæ etiam illum ubi primum conualuit, ad illicitam venerem pellicere dum conatur, eadem qua ille prius tabe corripitur, contabescit, & infelicem expuit animam. Vix illius iacuerat cadauer, cum ad sunt & ostium pulsanit Æthiopes bini, quorum vnus frænum manu gestabat, pulsanibus adest clericus, quæritque ecquid velint, cui illi, mulam, inquit, quærimus, quam hic habes domi, negat pernegat ille sibi aliquam esse mulam: Tum illi vim inferentes, domumque subingressi muliebri cadaueris ori frænum imponunt, & cum eo mox auolantes domum immani ac tartareo fœtore, clericum ingenti horrore complent, illudque & auribus, & animo Clerici ingerebant, Nolite fieri sicut equus & mulus, quibus non est intellectus. Ex litteris annuis Soc. Iesu in Regno Peruano, anno 1652. 31. Iulij.

Plura ex Sacris Litteris vindictæ diuinæ ex-
la vide in Apparatu, verbo, *Luxuria.* Alia item notatu dignissima: casus & remedia luxuriæ. Vide supra *Tom. 2. de Præceptis cap. 6.*

Q. Quid septimo cauetur, Non furtum facies?

R Esp. Omnis rei alienæ illicita contrectatio & usurpatio, ut sit in furto, rapina, vfura, lucris iniustis, dolis malis, & iniquis contractibus: demum quibusvis commutationibus & distributionibus, quibus Christiana charitas læditur, & proximus circumuenitur.

Expos. Neque fures, neque rapaces Dei regnum possidebunt, 1. *Corinth. 6.*

1

Vfu-

Vsurarius quidam nobilis in Italia confitebatur Sacerdoti peccata sua iniustitiæ, absque proposito vsuris deinceps abstinendi, aut animo ablata restituendi. Confessarios, quod rectè monerent de restitutione facienda, & propterea absolutionem negarent, diuersis vicibus mutauit. Tandem incidit in quemdam confessarium, qui vt isti nobili placeret, hominem iniustum toties quoties relapsum absoluebat, & quod prædiuus esset vsurarius ille, epulabatur quotidie splendide Confessario ad mensam sapius adhibito. Cum autem vespere quodam laute simul fuissent epulati, Confessario domum reuerso, subitanea morte defungitur diues, & vna cum Confessario à duobus demonibus, qui in seruorum specie eundem accesserant tamquam hero agenti animam spirituales suppetias laturum, ad inferos detruditur, vt qui iniustitiæ particeps fuerat, esset & poenæ. *In Pædag. Christiano part. 2. cap. 3. §. 2.*

Furta oriuntur ex Auaritia, de qua exempla in Apparatu, verbo, *Auaritia*. Resolutio-
ne de furto & rapina *Tom. 2. part. 5. cap. 7.*

Q. *Quid in octauo agitur, Non loqueris contra proximum tuum falsum testimonium?*

R Esp. Interdicitur Testimonium falsum, mendacium, & omnis linguæ contra proximum abusus, vt est in susurronibus, detractoribus, maledicis, adulatoribus, mendacibus, ac periuris.

Expos. Abominatio Domino, labia mendacia, Prouer. 12. & Psalm. 5. *Perdes omnes qui loquuntur mendacium.*

Ananias & Saphyra Christiani coniuges interrogati ab Apostolorum Principe, num tanti agrum suum vendidissent, quanti allatum pretium esset? cum per voculas tantum duas falso respondissent, etiam tanti, nece repentina quasi fulmine tacti corruerunt ambo, *Act. 5.* Poterant illi retinere sua, nulla eos lex cogebat in alienum ærarium facultates omnes inferre, sed quia videri volebant falso omnia sua dedisse, subito sunt extincti. Hinc optime Iob apud animum suum decernens, inquit, *Donec superest balitus in me, & spiritus Dei in naribus meis, non loquentur labia mea iniquitatem, nec lingua mea meditabitur mendacium.* Iob cap. 27.

Plura in Apparatu V. *Mendacium, Astutia, Detraçtio.*

Q. *Quid postrema duo præcepta, Non concupisces uxorem, nec rem proximi?*

R Esp. Vetant concupiscentiam vxoris, ac rei alienæ: quoniam quod alienum est haud solum iniuste, & pro libidine nostra occupare non licet, sed ne voluntate quidem ad illud expetendum ferri debemus; ita vt nostris rebus contenti, absque omni inuidia, æmulatione, & cupiditate viuamus.

Expos. Radix omnium malorum est cupiditas, quam quidam appetentes errauerunt à fide, & infuerunt se doloribus multis, tu autem ò homo Dei hec fuge, 1. Timoth. 6. Cantipratanus Lib. 2. apum, Vidi, inquit, Sanctum Magistrum Guidonem, qui cum scholas regeret adolescens, incaute semel foeminam contemplantus, per annos tres etiam ipsa mortua sensit acres motus concupiscentiæ & graues tentationes, aded vt die nocteque illi præsens videretur. Vt turpes & impuras hac concupiscentias refrænaret, ad locum in quo sepulta iacebat mulier, se contulit: De nocte clam tumulum defunctæ aperit nares, & faciem putrefacto cadaueri tamdiu admouet vt poenè fœtore nimio suffocatus exstingueretur. Quæ res, ita compressit carnis stimulos, vt nullum concupiscentiæ motum tota vita passus sit.

Plura in Apparatu. Verbo *Luxuria, Auaritia.*

Q. *Quæ summa, quisue finis præceptorum Decalogi?*

R Esp. Nimirum, vt Deus & proximus sincere diligantur, cui rei Symbolum fuit in duas tabulas Decalogi à Deo facta distinctio. In priori quidem tabula tria docentur, quæ ad charitatem Dei; in secunda verò septem, quæ ad dilectionem proximi spectant, explicantur.

Q. *Quaratione præcepta prima tabula Charitatem Dei edocent?*

R Esp. Quoniam tollunt & prohibent vitia cultui honorique Dei maximè contraria, idololatriam, apostasiam, hæresim, periurium, superstitiones; admonent autem, verum purumque Dei cultum corde, ore ac opere fideliter exhibendum esse: quod vbi fit, vtiq; solus verus Deus cultu latriæ colitur, & adoratur.

Q. *Quæ*

Q. Quomodo præcepta secunda tabula Charitatem proximi explicant?

R Esp. Eo ipso, quod nostrum erga proximum officium ordine complectuntur: videlicet, ut non solum maiores honoremus, sed etiam opere, verbis ac voluntate prodesse omnibus, & nocere nemini studeamus, siue corpus proximi, siue persona iuncta coniugio, siue bona fortunæ considerentur.

Q. Quæ summa est præceptorum de proximo diligendo?

R Esp. Hæc ipsa nimirum: Quod tibi non vis fieri, alteri ne feceris. Omnia verò quæcumque vultis, ut faciant vobis homines & vos facite illis. Hæc est enim Lex, & Prophetæ.

Expos. Omnes hæc 4. Quæstiones recolunt ea, quæ dicta sunt de Charitate Dei & proximi in singulis præceptis Decal. de quibus iam actum est.

Q. Suntne præter Decalogum alia præcepta?

R Esp. Sunt utique, nec solum vtiliter illa, verum etiam necessariò obseruanda; præsertim Ecclesiæ præcepta, cui veluti sanctissimæ Matri, Sponsi quæ Christi aures, & mentes præbere Catholici omnes debemus.

Q. Quot sunt Præcepta Ecclesiæ?

R Esp. Præcipua quinque numerantur.

1. Statutos Ecclesiæ festos dies celebrato.
2. Sacrum Missæ officium diebus festis reuerenter audito.
3. Indicta certis diebus ieiunia, & à quibusdam cibis abstinentioniam obseruato.
4. Peccata tua Sacerdoti proprio, aut alteri cum eius facultate, singulis annis confiteto.
5. Sacrosanctam Eucharistiam, ut minimum semel in anno, idque circa festum Paschæ, sumito.

Q. Quem fructum adfert horum obseruatio Præceptorum?

R Esp. Hæc, atque id genus alia Ecclesiæ tum instituta, tum præcepta, primum fidem, humilitatem, & obedientiam Christianam exercent: deinde cultum diuinum, ho-

nestam disciplinam, & publicam tranquillitatem alunt, conseruant, & ornant, eoque mirificè conferunt, ut decenter & ordine cuncta in Ecclesia peragantur, præterquamquod æternam vitam meremur, si illa ex charitate obseruemus.

Expos. Circa primum & secundum Ecclesiæ præceptum. De ingenti fructu Sacrificij Missæ (quod in diebus festis præcipitur) sic loquitur Trident. Sess. 22. cap. 2. *Docet sancta Synodus sacrificium illud (scilicet Missæ) verè propitiatorium esse, per ipsumque fieri, ut, si cum vera corde & recta fide, cum metu & reuerentia contriti & penitentes ad Deum accedamus, misericordiam consequamur, & gratiam inueniamus in auxilio opportuno.* Huius quippè oblatione placatus Dominus gratiam & donum penitentiae concedens, crimina & peccata etiam ingenia dimittit. Etiam bona temporalia per Missæ Sacrificium à Deo obtemus.

Mechanicæ duo erant artis, quorum vnus copiosa prole grauatus ditior quotidie fiebat, alter vero sine prole & vxore pauperior, cum tamen vterque æquè strenuè operam suam impenderet. Rogatus à socio ditior, qui id fieret? Respondit nullam se scire causam tam blandæ fortunæ, nisi quod sacro quotidie interesset antequam operari inciperet. Hoc ubi alter intellexit, summa pietate deinceps quotidie sacro interfuit, & ditior illico factus, beneficium Missæ agnouit. *Surius in vita S. Ioannis Elemosynarij.* Plura in Apparatu Verb. Eucharistia, Sabbatum. Item Tom. 2. in Contr. de Sacrificio Missæ: Et in Resol. Theolog. Tom. 2. Part. 3. Tract. 2. de Sacrament. Eucharistia. Et Tract. 5. capitul. 3. De celebratione Fæstorum.

Ad Præceptum 3. de Ieiunio seruando, S. Leo Serm. 2. de Ieiun. verissimè dixit: *Quid potest efficacius esse ieiunio, cuius obseruantia appropinquamus Deo, resistimus diabolo? semper virtuti cibus ieiunium fuit: de abstinentia prodeunt casta cogitationes, rationabiles voluntates, salubriora consilia, & per voluntarias afflictiones caro concupiscentijs moritur, virtutibus spiritus innoatur.* S. Edmundus à teneris vnguiculis sextas ferias in memoriam Passionis Dominicæ, pane & aqua contentus transigebat. *Surius in vita 16. Nouemb.*

Narrat Pelagius interpres Græcus, teste Drexelio Tractatu de Ieiunio lib. 2. cap. 3. S. 1. ad Religiosum senem venisse iuuenem, qui seipsum accusauit, dixitque: Mi Pater, mea me caro trahit ad vetita, nec dæmon feriat, suggerit impura, non sum ferendo tam prauas cogitationes. Qui senex, hæc talia, inquit, mihi

I 2 nun-

nunquam negotium exhibuerunt. Miratur iuuenis, & dicti rationem deponit: senex oratione placida respondet: ex quo Monachus sum, nec panis, nec aqua, nec somni vnquam satis admisi. Hinc ergo talibus cogitationem molestiis non vrgeor. Alios fructus ieiunij vide in Apparatu, V. *Abstinentia*. Et Gulae dama, V. *Ebrietas*, *Gula*.

Ad quartum Ecclesiæ præceptum: de utilitate annuæ Confessionis, Tertullianus lib. de Penitentia cap. 12. *Exomologesi*, inquit, *gebennam in corde extinguit, thesaurum ignis æterni dissipat, & aduersus gebennam secunda subsidia præbet: muta quidem anima & irracionales medicinas sibi diuinitus attributas in tempore agnoscunt, ceruus sagitta confixus ut ferrum & irremediabiles moras eius de vulnere expellat, scit sibi de lætamine medendum, hirundo, si excacauerit pullos, nouit illorum oculos rursus de sua chelidonia iuuare: & peccator restituenda sibi sanitati, institutam à Domino exomologesim sciens præteribit? Non præteribit certe si modò attendat, quæ sibi ab exomologesi parata animæ bona, si admiserit, & quæ mala si eam respuerit, aut sacrilegè peregerit.*

Exemplum refert Lobbetius Dominica 3. Quadragesimæ, ex historia Indica anno 1590. In Vrbe Itaa, sita in India Orientali, puella fuit Christianis sacris imbuta, quæ fœdæ libidinis aliquamdiu se dedit: ne porro magis dederet eam tetigit vindex Dei manus & lethalem morbum immisit. Ægrotanti adsuit Sacerdos à Societate Iesu, cui nouies est confessus, at leuiora tantum peccata, semper enim grauioribus noxas alto silentio preffuit. Moritur sacrilega, & se à morte vni ex domesticis sed horribili specie inter circumstantes flammam sistit, & addit, æternis illis ignibus additam se, quod sacrilegè leuioribus in Confessione edixisset, celasset autem culpas grauioribus, Alia in Apparatu, V. *Confessio*. Et de hoc præcepto annuæ Confessionis plurima ad Praxim explicantur. Tom. 2. in Resolut. Theol. part. 3. cap. 2. &c.

Ad quintum præceptum, de Communione Paschali, curandum est, ut ea cum omni cordis puritate accipiatur. Quia licet Sanctissima Eucharistia in se omne bonum complectatur, non omnes tamen, qui Sacramentaliter communicant, eundem fructum referunt, ut indicat S. Thomas in hymno à se composito: *Sumunt boni, sumunt mali, forte tamen inæquali vite vel interitus: mors est malis, vita bonis, vide paris sumptionis, quam sit dispar exitus.*

De hoc exemplum contigit Cordubæ in viro familiæ satis illustri, qui sacro epulo in

statu lethalis peccati munitus obiit. Nocte in sequenti postquam terræ mandatus est, en tibi duo ephœbi, pulsant portam Collegij Cordubensis Societatis Iesu, faciem manu gestantes, rogant loqui Confessario defuncti, habere se rem momenti illi communicandam. Adest Confessarius, quem face prælucente deducunt ad summum templum, vbi hic sepultus. Dum ad fores templi ventum est, vnus eorum clauem patri exhibet dicens audacter aperiret, non esse quod timeret: hinc deducunt ad summam aram & dant in manus clauem tabernaculi in quo hierotheca asseruabatur: iubent ciborium secum deferat, illumque cum facibus deducunt ad sepulchrum defuncti, quo ut peruenit, vnus eorum dixit: Pater, hic conditus est Dominus qui seridè à Reuerentia vestra admonitus ut cum inimico in gratiam rediret, si salutarem absolutionem accipere vellet, fidè tantum id præstitit, & maledictum eius cadauer adhuc in ore habet Sacram Hostiam, quam non valuit deglutire. Quo dicto pede terram pulsant, & ecce cadauer arcanæ vi assurgit, aperit sacrilegum os, & Hostiam exhibet, quam Sacerdos in Ciborium recondit. Tum rursus pede terram pulsant, & subito corpus in abyssum concedit. His peractis Patrem deducunt ad Collegium, & illico disparent. Ex P. Engelgrau in prima parte Lucis Euangelicæ, Dominica secunda post Pentecostem.

De requisitis in Praxi ad Communionem Paschalem, vide supra in Resol. Theol. Part. 3. Tract. 2. cap. 4. in Apparatu videri potest, verbo Eucharistia.

C A P V T IV.

De Sacramentis.

Q. Quid est Sacramentum?

R Esp. Est inuisibilis gratiæ signum visibile, ad nostram sanctificationem diuinitus institutum. Aliud est enim, quod in Sacramento videmus, aliud quod in eo accipimus. Signum videmus externum, occultam verò & spirituale gratiam, quæ res dicitur Sacramenti, accipimus.

Expos. Huius quæstionis explicatio de Sacramenti materia, forma, ministro, intentione, effectu, charactere, &c. fusè habetur supra Tom. 2. Tract. 2. cap. 1. de Sacramentis in communi.

Q. Quot

Q. Quot sunt Sacramenta?

R Esp. Septem, quæ à Christo Domino instituta, ab Apostolis tradita, & in Ecclesia Catholica semper conservata ad nos usque peruenierunt. Sunt autem hæc, Baptismus, Confirmatio, Eucharistia, Pœnitentia, Extrema Unctio, Ordo, Matrimonium.

Expos. Cur septem Sacramenta ad hominum salutem à Christo instituta sint, declaratur ex similitudine, quam illa habent cum rebus ad vitam corporalem conservandam, & promovendam necessariis. Primum enim per Baptisma homo spiritualiter renascitur: per Confirmationem augmentum gratiæ & robur spiritus additur: nutritur per Eucharistiam, iuxta illud Ioann. 6. *Caro mea verè est cibus, & sanguis meus verè est potus*: Per Pœnitentiam fanitati restituitur. Per Extremam Unctionem peccatorum reliquiæ abolentur, gratiaque contra hostium nostrorum insidias confertur. Per Ordinem Ministris Ecclesiæ potestas datur in Republica Christiana ad munia Ecclesiastica ritè decenterque obeunda. Per Matrimonium denique datur gratia, legitima coniunctio, proli suscipiendæ & in Domino educandæ.

Numerus septenarius Sacramentum defenditur contra hæreticos supra *Tom. 1. in Contr. Part. 1. Tract. 2. cap. ult.*

Q. Quare Sacramenta veneranda, & summo in pretio habenda sunt?

R Esp. Primum quidem, quia à Deo & Christo Domino in lege nova instituta: deinde, quia gratiam Dei nobis necessariam, eamque vberissimam non modo significant, verum etiam seu vasa quædam sacra diuini spiritus continent, & ritè suscipientibus conferunt: ad hæc, quoniam aduersus peccatum præsentissima sunt remedia, seu diuina medicamenta nostri Samaritani: Postremò, quia bonis gratiam habentibus, eam ipsam conferuant, augent, amplificant.

Q. Cur Sacramentis ceremonia solennes, & Ecclesiasticæ adhibentur?

R Esp. Multis profectò & grauib. de causis. Primum, vt Sacramentorum administrationem spectantes admoneantur, nihil hic profanum, sed arcana quædam, & diuinis plena mysterijs geri, quæ singularem reuerentiam exigant: Deinde, vt ad Sacramenta ipsa accedentibus cultum promoueant interio-

R. P. ArfdeK. Tom. III.

rem, quem Deus præcipuè postulat, & cuius veluti signa, Testimonia & exercitia sint ceremoniæ. Præterea, vt Sacramenta ministrantes maiori cum dignitate & fructu munus suum obeant, dum veteris Ecclesiæ institutis, Sanctorumque Patrum vestigijs fideliter inhærent. Constat etenim huiusmodi ceremonias plerasque inde à temporibus Apostolorum, per continuam successionem ad nos usque in Ecclesia perseverasse. His demum retinetur honesta religioſaque disciplina, his fouetur publica tranquillitas, quæ sæpè rituum externorum aut immutatione, aut inuocatione grauiter inturbatur.

Q. Quid est Baptismus?

R Esp. Primum maximèque necessarium legis nouæ Sacramentum, quod semel in aqua confertur, quo spiritualiter renascimur, & peccatorum plena remissione percepta, in filios Dei adoptamur, hæredesque vitæ cœlestis adscribimur.

Expos. Baptismus est instar Ianuæ, qua Ecclesiam ingredimus. Neque potest aliquis, nisi per hanc ianuam intrare regnum cœlorum. Est enim Baptismus primò Infantibus necessarius ad salutem necessitate medijs: Secundò: adultis necessarius est necessitate præcepti, & medijs saltem in voto, (extra Martyrium) quando scilicet iustificatur per actum Amoris Dei, quo implicitè desiderant implere omnia præcepta, adeoque suscipere Baptismum à Deo præceptum: iuxta decretum Christi, Ioann. 3. *Nisi quis renatus fuerit ex aqua, & Spiritu Sancto non potest introire in regnum Dei.*

Plura de Baptismo traduntur supra Tom. 2. de Sacram. Tract. 4. cap. 2. Et alia in Apparatu. V. Baptismus.

Exemplum de virtute Baptismi narratur in vita S. Xaverij *Lib. 4. cap. 3.* Refertur puellam quamdam viuus excessisse, cuius mors summo pere parentem affligebat. Hic auditis à Xaverio patris prodigijs, ad sui alloquium beneuolè eum inuitat, adest opportunè Xaverius intellecta afflictione animi eius, bene sperare iubet, filiam viuere: dum pater interim anceps hæret, occurrunt famuli, qui filiam à mortuis resuscitatam nuntient, præ gaudio vix suæ mentis compos ad locum, in quo mortuam relinquerat, aduolat, filiam viuam reperit, illa se ab inferis Xaverij precibus ereptam testatur, quibus æternum fuerat ob Baptismi defectum addicenda. Prima itaque illa ardentissimis votis Baptismum expetit: deinde secuta cum patre vniuersa familia, omnes sacro fonte lustrati sunt.

I 3 De

De Baptismi virtute præclarum est exemplum de Constantino Imperatore à lepra per Baptismum sanato, quod refertur in *Breuiario in vita S. Siluestri* 31. Decembr.

Non licet Catholicis infantes suos baptizandos tradere Ministris Hæreticis extra necessitatem: varijs prodigijs id sibi displicere Deus ostendit. Refert *Bredembachius lib. 7. cap. 52. Amstelrodami anno 1579.* Catholicam mulierem prolem enixam, cuius maritus Calviniana hæresi erat infectus. Urgebat hic, ut infans in templo Calvinistarum baptizaretur, illa verò à Catholico Sacerdote, ut sacro fonte lustraretur, multis precibus instabat. Cum itaque nihil his proficere se cerneret, clam ipsa infantem baptizauit. Facti huius ignarus coniux, puerum desert ad Calvinistarum templum: at cum hæreticus Minister eum baptizare iam vellet, contigit, ut de repente factus sit mutus. Rei nouitate percussus parens domum regreditur, quod circa infantem peregrisset curiosè uxorem rogat. Hæc intrepidè se puerum prius baptizasse confessa est, & maritus eiurata hæresi cum sancta Matre Romana Ecclesia se reconciliauit.

Exorcismi adhibentur in Baptismo, ad infringendam dæmonis potestatem, si quam forte in baptizandum habeat.

I. Per Crucis signa in diuersis corporis partibus formata significatur primo, per Baptismum certum animæ caracterem imprimi.

II. Ut sensus omnes aperiantur ad Deum, & Iesum Christum cognoscendum & amandum.

III. Ut baptizatus non erubescat, publicè fidem ac Catholicam Religionem profiteri.

IV. Ut sint quasi signa quo baptizatus se suauis iugo Christi subijciat, paratus mortificationem Iesu Christi in corpore suo portare.

V. Ut baptizatus intelligat membra sua Deo consecrata, & facta habitaculum Spiritus Sancti.

VI. Denique ut significetur vim omnem baptismatis virtutem suam, & efficaciam à Passione, & Morte Christi recipere.

Reliquæ verò cæremoniæ adhibentur, ut eiusdem dignitatem, æstimationem, gratias, virtutem, effectusque varios denotent.

Iacobus de Vitriaco *Lib. 2. vite Mariæ* D' Ognies refert, Beatam hanc Virginem vidisse certo tempore, cum puer in quodam propè Niuellas pago ad Ecclesiæ ianuam baptizaretur, quod dæmon summa confusione ex infantis corpore egressus sit. Et cum ipsa accurrens puerum de fonte sacro lauaret, visibiliter

Spiritum Sanctum in animam eius descendentem, seque cum eo magna Angelorum multitudine cinctam deprehendit.

Q. Quid est Confirmatio?

R Esp. Est baptizatis collatum ab Episcopo Sacramentum, in quo per sanctum Chrisma, & verba sacrosancta confertur gratia, & robur spiritus additur, tum ad firmiter credendum, tum ad nomen Domini, quando sic est opus, liberè confitendum.

Expos. Pro præparatione necessaria ut hoc Sacramentum validè quis suscipiat, requiritur ut prius sit baptizatus: Ut verò dignè, debet esse in statu gratiæ.

Quoad fructum quem confert hoc Sacramentum, hæc doctrina est Sancti Augustini in Fulm. 141. Consignat illis crucem fontem quæ pudoris est sedes, ut constanter, & intrepidè nomen Domini confiteantur: impingit & alamp, ut Christianam militiam inuicta patientia exercendam, & ornandam esse sibi perpetua memoria retineant. Debent autem parentes habere curam, ut quando pueri perueniunt ad annos discretionis Episcopo offerantur.

Miraculum in conseruatione Sacri Chriftismatis refert Mileuitanus Lib. 2. contra Donatistas. Ampullam Chriftismatis per fenestram, ut frangeret, Donatistæ iactauerant. at non defuit manus Angelica, quæ ampullam spiritali subiectione sic deduceret, ut proiecta casum sentire non potuerit, atque ita Deo muniente illæsa inter saxa confedit. *De Confirmationis Doctrina, V. Plura Tom. 2. in Resol. Theol. Tract. 5. cap. 3.*

Q. Quot præcipua de Eucharistiæ doctrina Capita scitu necessaria?

R Esp. Quinque: Primum est eius Veritas. Alterum est panis & vini in Christi corpus & sanguinem conuersio. Tertium, adoratio debita. Quartum, eius oblatio. Quintum & postremum, eiusdem Sacramenti sumptio.

Q. Quæ est veritas Sacramenti Eucharistiæ?

R Esp. Nimirum hæc, Christum verum Deum ac hominem verè ac integrè in hoc Sacramento contineri, & nobis adesse, ubi Sacerdos ritè ordinatus panem, & vinum verbis illis arcanis, & à Christo traditi consecrarit.

Q. Quæ

Q. Quæ sit conuersio per verba illa, quibus hoc Sacramentum Sacerdos consecrat?

R Esp. Ea, vt per ipsa verba operante Christo panem, & vinum in corpus & sanguinem Dominicum conuertantur, & transubstantientur, atque ita panis & vinum esse definant in Eucharistia.

Q. Quæ Sacramento huic debetur adoratio?

R Esp. Eadem sanè, quæ Christo Domino ac æterno Deo debetur, quippè quem illic præsentem agnoscimus. Ideoque Religioso tum corporis, tum animi cultu, vt par est, hoc Sacramentum supplices veneramur.

Q. Quare censetur hoc Sacramentum oblatio?

R Esp. Quia est legis nouæ sacrificium, & oblatio munda, cruentis legis Iudaicæ sacrificijs incurta succedens, quæ pro viujs ac defunctis Christi fidelibus in Missa offertur ac celebratur. Vnde fit, vt Eucharistia non solum à fidei populo sumatur, sed etiam pro peccatis à Sacerdotibus ad Dominicæ passionis ac mortis continuam commemorationem quotidie immoletur, semperque oblata fuerit in Ecclesia Dei.

Q. Quid in Sacramenti huius sumptione seruandum?

R Esp. Quod fides & auctoritas sanctæ Matris Ecclesiæ docet, videlicet, Christianos Laico sat esse, sub vna specie panis totum Christum accipere: & ex hac sumptione consequi, vt, qui non indignè accesserit, ingentem Dei gratiam, ac æternam quoque vitam obtineat, qui verus ac integer Sacramenti huius fructus existit: eoque fit efficacior, quod sæpius sacra & salutaris illa Communio dignè iteratur.

Expos. Hoc diuinissimum Sacramentum in veteri Lege præfiguratum erat, 1. Per arborem vitæ, *Genes. 2.* 2. Per sacrificium Abelis, *Genes. 4.* 3. Per sacrificium Melchisedech, *Genes. 14.* 4. Per Agnum Paschalem, *Exod. 12.* 5. Per manna cœleste, *Exod. 16.* 6. Per panes propositionis, *Leuit. 24.* 7. Per panem Eliæ, *3. Reg. 19.* &c.

Institutum est hoc Sacramentum à Christo ad hos fines.

1. In Testimonium infiniti erga nos amoris.

2. Vt repræsentationem & memoriam passionis suæ, ac vitæ nobis relinqueret, præsertim cum nobis, vt in memoriam eius faceremus, commendauit.

3. Vt per cibum potumque cœlestem in vita spiritali confirmaremur.

4. Vt contra assultus dæmonum nobis esset antidotum.

5. Vt maxima inter se, & homines esset coniunctio.

6. Vt nos ad Fidei, Spei, & Charitatis exercitium inuitaret.

7. Vt perpetuum legis nouæ esset Sacrificium, & perpetuum subsidium.

Quod auditio frequens Sacri profit ad tentationes dæmonis fugandas, & pœnam eam non satis æstimantis sequenti historia declaratur. Erat vir nobilis, qui pro desiderio quo tenebatur indies Sacrum audiendi, domi suæ Sacerdotem alebat. Is certa Solemnitatis die, quæ in vicino pago celebrabatur, cum facultate Domini sui ad Templum se contulerat illic ad aras facturus. Dominus interim ob negotia quædam eo ipso die intercurrentia moras traxit, & serò admodum ad idem Templum properauit, multum per viam anxius actimens, vt isto die festo Sacro interesse posset. Occurrit properanti villicus quidam, quem rogat, num fortè spes esset adhuc Sacrum eo die audiendi, cumque villicus responderet, spem nullam superesse, cum iam instaret meridies omnesque Sacerdotes celebrassent. Tanto nobilis cepit mœrore affici, vt ad commiserationem villicum moueret, qui temerè nimis hæc ad nobilem locutus est: Quid dabis mihi, inquit, & omne quod hodie Sacrum audiendo recepi meritum, libens in te transcribam, Chlamydem hanc, reponit Nobilis conditionem suscipit rusticus. Ille Chlamydem, hic transfert Sacrificij meritum, vtrimque disceditur. Nobilis ad pagum properat, si fortè adhuc Sacro interesse posset: sed, sic præsens spe sua frustratus est, quod tamen pacatiori, quam ante animo tulit. Domum regreditur, cum ecce in vitam Chlamyde sua ex arbore pendulum videt rusticum, temerarium nimis rei Sacræ venditorem. Scilicet dolor animi, qui nobilem antea affligerat, rusticum inuasit, eoque perduxit, vt desperans fauces sibi laqueo eliserit.

Quantum verò profit ad Sacrificium Missæ tam viujs, quam defunctis præclare docetur sequenti Exemplo, quod refert Beda in *Hist. Anglic. libro 4. capit. 22.* & Baronius in *Annaliis*.

Anglus, quidam aulicus, cæso in acie Rege Elbuino, captus est ab hostibus, & vinculis arctè constrictus in custodia detinebatur. Verùm certa diei hora vincula disrupta subitò, & spontè sua decidebant, quantum vis novis funibus & catenis constringeretur. Omnibus rem tam prodigiosam admirantibus, postea compertum est, captivi fratrem, qui fuit Superior cuiusdam Cœnobij, solitum fuisse quotidie pro fratre suo, quem in prælio defunctum putabat, sacrum celebrare; eamque fuisse causam cur Deus voluerit in illo ostendere virtutem Sacrificij, vti vinorum, ita mortuorum vincula dissolui. Quæ res ad curanda pro defunctis Sacrificia populum valde excitavit. Intellexerunt enim (inquit Beda) quod Sacrificium salutare ad redemptionem valeret, & animæ, & corporis sempiternam.

Quantum Amoris debeat excitare hoc Sacramentum Eucharistiæ erga Christum qui se totum in illa nobis tradit, pulchrè declaratur in exemplo vxoris Tygranis, quæ cum viro à Cyro capta, & hic in conuiuio interrogaretur à Cyro, quid daret pro vxoris redemptione, respondit, meipsum, & vitam meam. Vnde & Tygranis cum vxore à Cyro liberatus, vti fusius deducit *Pædagogus Christianus* pag. 173.

Aliæ quæstiones, quæ spectant ad Eucharistiam, & Missæ Sacrificium contra Hæreticos traduntur suprà *Tom. 1. in Contr. Part. 1. Tract. 2. cap. 5.* De praxi deuotè celebrandi aut communicandi vide infra in fide Med. 5. Pro resolutionibus Theologicis de Eucharistia & Sacrificio Missæ, fusè illæ traduntur *Tom. 2. Tract. 3. c. 4.*

Q. Quid est Pœnitentia?

R Esp. Est secunda post naufragium tabula, & necessarium relapsis Sacramentum, in quo remissio peccatorum & à reis petitur, & à Sacerdotibus tribuitur.

Expos. Potestas absoluendi Sacerdotibus concessa probatur ex Ioan. cap. 20. *Accipite Spiritum Sanctum, quorum remisistis peccata remittuntur eis, & quorum retinueritis retenta sunt.* Item ex Tridentino Sess. 14.

Ex Diuo Ambrosio Lib. 1. de Pœnitentia cap. 1. *Peccatores vti leprosi offerre se debent Sacerdotibus, vt Leuit. 4.* Item Matth. 8. *Vade ostende te Sacerdoti, & offer munus quod præcepit Moyses in Testimonium illis.* Item Luc. 17. *Ita ostendite vos Sacerdotibus, & factum est dum irent, mundati sunt.* Sic, & qui lepram animæ id

est peccata Sacerdotibus patefaciunt cum vero dolore, & emendationis proposito, à peccatis emundantur.

Exempla ex S. Scriptura in Nouo Testamento de bono pœnitentiæ etiam extra Sacramentum, patent sequentibus, Matthæus Publicanus pœnitens ad Apostolatam vocatur, *Matth. 9.*

Petrus post ternam Christi negationem pœnitens Princeps Apostolorum statuitur, *Matth. 26.*

Zachæus Publicanus pœnitens Christum hospitio recipere meretur, *Ioan. 21.*

Latro pœnitens de cruce in paradysum migrat, *Luc. 23.*

Maria Magdalena, quæ peccato seruiuerat, pœnitens à Christo benignè excipitur, *Luc. 7.*

Adolescens Prodigus per Pœnitentiam reuersus, epulo & conuiuio à Patre recipitur, *Luc. 15.*

Q. Quæ sunt partes & actiones Pœnitentiæ?

R Esp. Tres: Contritio, vel dolor animi peccata sua detestantis, & ad vitam meliorem aspirantis. Confessio, seu peccatorum suorum coram Sacerdote facta explicatio: & Satisfactio denique, seu vindicta punitioque criminum de se ipso sumpta, ad præstandos fructus dignos pœnitentiæ.

Expos. Exemplum doloris animi habemus 2. Reg. 12. *Et dixit David ad Natban, peccaui Domino: Dixitque Natban ad David, Dominus quoque transiit peccatum tuum, non morieris.*

S. Gregorius Homil. 34. in Euangelia refert, de quodam Victorino, qui post vitam sat longo tempore peruersè in seculo traductam, meliori afflatus spiritu monasterium petijt, in quo orationis, pœnitentiæ, & austeræ vitæ studio ita præluxit Reliquis, vt & diuino alloquio ac societate frui fuerit promeritus. Quadam nocte cum in secretiori montis latere Monasterij Abbas cerneret prostratum, tanta derepentè claritas illo in loco visa est, vt tota regionis pars luce candesceret, quo fulgore attonitus Abbas aufugit. Post horæ spatium reuersus in cubiculum frater à suo Abbate accersitur, de loco rogatur, exponitur visum. Hic se manifestatum videns, & hoc, & vocem pariter de cælo dilapsam, sibi omnia ob elicitum verum dolorem peccata remissa renunciantem, summo animi gaudio Abbati exposuit.

Confessio requiritur integra, nullo peccato mortali celato cuius conscientia habetur. Seraphi-

raphinus Razius in Hortulo Exemplorum, Titulo de Confess. cap. 3. Horrendum refert cuiusdam mulieris ob peccatum præ pudore in Confessione occultatum punitionem. In Italia Ciuitate (cuius nomen tacet) fuit nobilis femina, pia ac sancta, si extera opera considerasses, & sic apud omnes audiebat. Hæc mortua unicam reliquit hæredem, filiam, quæ pro animæ matris refrigerio in dies multas preces effundebat. Elapsa à morte matris aliquot hebdomadis, cum mane more suo pro matre oraret, accidit vt subito, & inusitato tremore corripere, & conuertens oculos ad ostium cubiculi, vnde sibi videbatur strepitum audiuisse, horribile visu monstrum, & grauissimum fetorem emittens aspexit. Vnde cum graui timore consternata surrexisset à loco orationis, ad cubiculi fenestras citissime cucurrit, vt sese deorsum præcipitaret: verum audita hac voce, siste gradum filia, à Deo confirmata subsistit, quid horrendum istud spectrum vellet auditura. Quod voce humana talibus cum ea sermonibus egit. Scito hoc primum filia, me esse infelicem heu, ac maledictam matrem tuam, non obstante vita irreprehensibili, quam semper in præsentia hominum duxi, propter enormia tamen quædam clam à me scædæ commissa peccata, ac præ verecundia numquam in confessione exposita, æternis inferorum flammis adiudicata sum. Quare ne post hac Deum pro me incassum depreceris: Atque ita factis per varias cubiculi partes saltibus, signisque suæ præsentis quasi ferro candenti impressis, euauit. Puella damnatione matris admodum afflictæ, confestim se ad Ecclesiam contulit, totamque rem Patri, qui per Quadragesimam pro concione dicebat, plene enarrauit. Et vt vtrique certior euentus fieret, ambo se ad prædictum cubiculum contulere, ac monstri vestigia, simulque sordidum odorem percipere. Quare Pater loco lustrali aqua tincto, filiam consolatus est, quæ illi fecit licentiam publicè, si visum esset, factum denuntiandi.

3. Pars est *Satisfactio*, quæ sita est in adimplenda pœnitentia.

Refert Petrus Damiani de Ottone Imperatore, qui Crescentium nobilem quod Pontifici infestus vim & arma intulisset, occidi iussit, cui tamen vitam & salutem spondebat. Quod crimen cum ad pedes S. Romualdi Abbatis prostratus retexisset: satisfactionis & pœnæ suæ nomine iussus est nudis pedibus in montem Garganum proficisci, vbi Michaelis Archangeli memoria propter maxima in eo loco ab

ipso accepta beneficia pie frequentatur & colitur. Paruit mandatis Imperator, & per 40. dies solemniter ieiunio destinatus, horrido, & aspero sacco indutus duro in strato cubauit, alijsque pœnitentiæ operibus corpus afflixit. Interim, in genere, sequens ordo, & modus ritè confitendi præscribitur.

1. Vt quis Deo grates habeat pro seruata ad hoc vsque tempus vita, dataque facultate se cum Deo reconciliandi.

2. Implorandum auxilium diuinum, & gratia Spiritus Sancti vt memor esse quis valeat suorum delictorum.

3. Examen instituitur conscientie circa cogitata, dicta, facta, omissa.

4. Elicitur dolor de peccatis ex amore Dei, vel metu gehennæ à Deo infligendæ.

5. Integra instituitur confessio, specie & numero peccatorum recensitis.

6. Impletur satisfactio. Vti supra de singulis explicatur Tom. 2. in *Resol. Theolog. Tract. 2. cap. 2. & 4.*

Q. *Quid est Extrema Vnctio?*

R Esp. Est Sacramentum, quo ægroti per oleum sacrum & verba Christi in magnis morbi molestiis releuantur, vt felicius ex hoc mundo demigrent, & corpora etiam, si ita expedit, sanitati restituantur.

Expos. De hoc Sacramento clarissimum Testimonium dat Iacobus Apostolus: *Infirmatur quis in vobis? Inducat Presbyteros Ecclesie, & orent super eum ungentes cum oleo in nomine Domini, & oratio fidei saluabit infirmum, & alleuiabit eum Dominus, & si in peccatis fuerit, remittentur ei.* Hic recolendum est exemplum quod Ioannes Nider Lib. 4. *Formicarij cap. 11.* refert de Ruperto Rege Romanorum, qui hauserat tartaream hanc animo persuasionem, qua quidam superstitiosè credunt, se post huiusmodi Sacramenti susceptionem omnino à vita migrare oportere. Tandem Iuris vtriusque periti Doctoris hortatu factum vt salubre aded corporis, & animæ antidotum suscepit. Cum ecce illico se releuari in morbo sentiens exclamauit, reuera si hoc Sacramentum sciuissem, tantum pro vtroque valuisse homine, dudum ipsum audissimè postulassem. Hinc Princeps conualescens multis post annis Romanum gubernauit Imperium, & tandem feliciter in bonis perseverans operibus vita functus est.

Aliud exemplum nobis dant annuæ litteræ Collegij Lugdunensi Soc. Iesu anno 1599. Æger magno febris æstu conflictatus inter confi-

ten-

tendum urgente morbo de potestate mentis exierat. Iam de sua salute actum esse, sempiternis se supplicijs apud inferos damnatum clamitabat, nullius orationem auribus admittebat. Confessarius viso ægri furore, ad diuina præsidia, ubi humana deerant, confugit. Monet domesticos ut Sacrum oleum, quod æger ante mentis excessum postulauerat, celeriter adferendum curarent. Mira dictu, visuque res, simulatque sacro Oleo inunctus est, mentis sanitatem recepit, ac pauld etiam post corporis valetudinem recuperauit.

Resdè igitur S. Augustinus Ser. 215. de Tempore, *Quoties aliqua infirmitas superuenerit corpus & sanguinem Christi ille, qui ægrotat accipiat, & deinde corpusculum suum ungat, ut illud, quod scriptum est, impleatur in eo: infirmetur aliquis? inducat Presbyteros, &c. Videte fratres, quia qui in infirmitate ad Ecclesiam cucurrerit, & corporis sanitatem recipere, & peccatorum indulgentiam merebimur obtinere.* Plura supra Tom. I. in Controu. Part. I. cap. vlt. Et in Resol. Theol. Traët. 4. cap. 6.

Q. Quid est Ordo?

R. Esp. Est Sacramentum, quo Sacerdotibus, alijsque Ministris Ecclesiæ potestas confertur ad Ecclesiastica munia ritè decenterque obeunda.

Expos. Propter Sacerdotalis Ordinis dignitatem, in vita S. Francisci legimus, eum aliquando dixisse Fratribus, si mihi in platea obuij fierent vna Sacerdos & Angelus, & utrique mihi exhibenda esset veneratio, Sacerdoti primum, ac deinde Angelo exhiberem: Verè enim Sacerdos Angelum dignitate præcellit. Hinc factum est ut tantæ dignitatis perpetuo memor, seque ea indignum ratus, numquam Sacerdotio inaugurari voluerit.

Sacros Ordines indignè suscipiens diuinitus punitur. Surius 3. Septembris refert, de quodam Religioso, qui commisso sacrilegio se ad Ordines cum alijs fratribus suis contulerat, nec præmissa confessione, aut de delicto vera contritione concepta, sacrum Diaconatus Ordinem indignus susceperat. Vix à templo in hospitium fuerat reuersus, dum inter manducandum à mente raptus frendere dentibus ac mirè se collidere cæpit, idque per horas non paucas, donec post multas sociorum iam quod Deum suas preces sibi redditus est, ac domum reuersus. Ea infestatione liber fuit diebus aliquot, sed à commisso tamen scelere minimè resipiscens, validiori modo à tartareo hoste possidetur, cæpitque diebus ac nocti-

bus summa fratrum suorum commiseratione ac labore exorari, & exarescere cæpit eius brachium dexterum quo sacrilegum furtum commiserat: quo factum ut Abbativiro altioris considerationis res suspecta esse cæperit. Subornat ergo quosdam, qui energumenum, dum sibi compos esset, rogarent, num fortè sibi grauioris delicti conscius esset, fore ut Dei misericordiam impetraret. Quid multa? Rubore confusus, commissum à se facinus palam facit, Deum ut pro se roget, fratres obtestatur. Nec vanæ preces, etenim Abbatis iussu, ieiunia, afflictiones corporis, Sacrificia pro eius incolumitate indicuntur, quibus citò restitutum pristinæ sanitati brachium, & dæmon ab eo fugatus est.

Q. Quid postremò est Matrimonium?

R. Esp. Sacramentum quo vir & mulier legitime contrahentes indiuiduam vitæ societatem ineunt, gratiaque diuina donantur, tum ut soboles honestè & Christianè suscipiantur & educetur, tum ut fœdæ libidinis & incontinentiæ peccatum euitetur.

Expos. Hæc societas in Scripturis commendatur. *Relinquet homo patrem suum & matrem, & adhaerebit uxori suæ, Gen. 2. Quod Deus coniunxit, homo non separet: Matth. 19. Ijs qui Matrimonio iuncti sunt præcipio non ego, sed Dominus, uxorem à viro non discedere. . . . & vir uxorem non dimittat: 1. ad Cor. 7. Exemplum in puella, quæ matrimonij pactum iuramento confirmatum violauit, supra datum est de Iuramento.*

Non decet Matrimonium contra parentum voluntatem inire, quod infaustum esse solet. Apud Surius 1. Ianuarij in vita S. Basilij habetur, quomodo Protetij Senatoris filia ab eius seruo per magum decepta, & infanno amore correpta, instanter rogabat patrem ut possit iungi Matrimonio cum illo, qui si consentire noluerit pro ea redditurus esset rationem in die iudicij. Aut comple, inquit, desiderium, aut breui me extinctam videbis, Pater, qui filiam hanc Deo consecrauerat, merore absorptus, amicorum consilijs iussit fieri quod petebat, ne sibi ipsi exitium adferret. Vade, inquit, misera, multum lugebis aliquando cum facti pœnitebit, nec tamen mederi poteris. Inito igitur coniugio, quod celauerat maritus iam fecit palam: obseruatum est eum numquam ingredi Ecclesiam, imo nec Christianum esse. Hoc ubi aduertit vxor, humi se prosternere suis vnguibus se discerpere, velle capillos, pedus tundere, in has voces erumpere: nemo parentibus non obediens saluus vmquam fuit: heu

heu me miseram quæ me sponte conieci in hanc fortem ipsa morte deteriore.

Optima admonitio parentum Saræ, diligere maritum, regere familiam, gubernare domum, seipsam irreprehensibilem exhibere, *Tobie* 10. Quanto magis illa dilectio in coniugio Christiano exerceri debet.

Narrat Rodericus Sancius *part. 2. Hist. Hisp. c. 4.* Præclarum amoris coniugalis exemplum. Eduardus Regis Angliæ primogenitus ad Domini sepulchrum transfretasset, fuissetque in via proditoriè à Mauro quodam gladio venenato percussus, & medicorum remedijs non tam alleuaretur, quam alligaretur, tandem in Angliam sine salutis spe reuulsus est. Eius itaque vxor, Regis Hispaniæ Filia, nouam & inauditam, sed amore ac pietate plenam, adhibuit medelam: plagas enim mariti toxico infectas, qui vi veneni claudi non poterant, lingua indies lingeat, fugebatque humorem & pus venenosum quasi dulcissimum liquorem. Cuius vigore sic omnem veneni materiam extraxit vt integris vulnerum cicatricibus ille planè curatus, illa quoque diuino fauore seruata incolumis euaserit. Alia in *Apparatu V. Matrimonium. Et in Resol. Theol. de Sacramentis cap. 12.*

Q. *Estne inter Sacramenta discrimen?*

R. Esp. Est sanè: Baptismus enim Confirmatio & Ordo semel collata nunquam iterantur, sicuti cætera. Item Baptismus necessario suscipitur ab omnibus, & à relapsis Pœnitentia. Arbitrarium est autem vti reliquis, modò nullum contemnas aut irreuerenter sumas, illudue cum sumendi tempus est negligas.

C A P V T V.

De Officijs Iustitiæ Christianæ?

Q. *Quot sunt officia Iustitiæ Christianæ?*

R. Esp. Hæc duo: Declina à malo siue peccato, & Fac bonum siue officium Iustitiæ.

Q. *Qui potest homo cauere peccatum, & bonum facere seu præstare iustitiam?*

R. Esp. Non id per se quidem, sed Christi gratia ac Spiritu instructus Christianus potest, ac debet, quantum huius quidem vitæ statutus admittit, iustè viuere, & legem implere.

Q. *Quotuplex est peccatum?*

R. Esp. Duplex: Originale, & Actuale.

Q. *Quid est originale?*

R. Esp. Quod ab ortu nobis congenitum, per Baptismum in Christo condonatur.

Expos. De Peccato Originali testatur Scriptura ad Rom. 5. v. 12. *Per unum hominem peccatum in hunc mundum intrauit, & per peccatum mors, & ita in omnes homines mors pertransiit in quo omnes peccauerunt.* Sola excipitur Virgo Deipara, quæ nullo vnquam Peccato originali aut actuali inquinata fuit.

Memorandum est exemplum quod de quodam Brasilo, qui à Peccato originali, sacro Baptismatis fonte, nec dum ablatus è viuis decesserat, quod in vita Patris Iosephi Anchiætæ, Magni Brasiliæ Apostoli, è Societate Iesu, refert *Sebastianus Begetarius.* Quidam nomine Didacus iam pridem Christiana Religione suscepta inter Christianos tanquam Christianus diu versatus, in domo Lusitani cuius diem suum obierat. Cadaver diu exanime iacuerat, & sepulturæ paratum. Elapso duarum horarum spatio mater familias Gratia Roserigia nomine, videt cadauer moueri, & horrore concutitur. Mox promptior animo accedit, vt quid rei subit, propius dignoscat. Didacus iam vitæ redditus Dominam rogat, se illo funebri amictu dissoluat, quo effectus P. Iosephum Anchiætam aduocari iubet. Propter accurritur ad ædes Societatis, & Didacus vitæ restitutus P. Iosepho nunciatur. Hic celer aduolat, quo viso Didacus de animæ suæ salute sermonem ingressus, narrauit se, vt è viuis decesserat, monitum, non recto itinere in ea loca se venisse, quod per Baptismi ostium, nondum scilicet Peccato Originali deletò, Ecclesiam intrasset. Non negabat se sacro fonte numquam tinctum fuisse, at inscientiam prætexens ab albis hominibus (sic Europæos indigitabat) se Christianam Doctrinam edoctum, sibi que Didaci nomen inditum referebat: ab eo verò tempore, cum se perfectum Christianum putasset, præcepta omnia seruanda suscepisse, nulla iniecta mente de suscipiendo Baptismo. Proinde enixe P. Iosephum rogauit, se quam primum sacro Baptismate in Ecclesiam induceret; se enim ad alteram vitam vnde regressus esset, properare. Tum Iosephus hominem, etsi Christianæ legis non rudens, accuratè tamen instruit, quantum extre-

extremi temporis patiebantur angustia, & instructum magno cum animi sui fructu baptizavit.

Iam Didacus decedendi venia à matre familias petita, eam rogavit, ut vilia, quibus tegebatur indumenta, alicui egeno porrigeret, curaretque duo Missæ Sacrificia offerenda, ut saltem cultu illo suo nomine exhibito Deum veneretur. Tum sibi ardentem Ecclesiæ ritu candelam porrigi postulat, & ad P. Iosephum conuersus, adis mihi, inquit, Pater, donec voti compos Deo Sacris vndis ablutam animam reddam. Pater pijs precibus intendit, inter quas animam demum peccati Originalis macula absterfa liberatam emisit, cum qua non poterat in cælum introire. Exempla alia quæ possint spectare ad Peccatum Originale, tradita sunt supra de Sacramento Originale, tradita sunt supra de Sacramento Baptismi.

Q. Quid est Peccatum Actuale?

R Esp. Dictum, factum, vel concupitum, contra vel præter legem Dei, aut Ecclesiæ.

Q. Quotuplex est Actuale?

R Esp. Duplex: Mortale, sic dictum, quia mortem animæ præsentem adfert: (Anima enim quæ peccauerit, ipsa morietur,) & Veniale; ut cui venia facile tribuitur, & sine quo ne iusti quidem viuunt.

Q. Quibus gradibus ad peccatum deducimur?

R Esp. Histris: Suggestione, Delectatione, Consensu, seu deliberata voluntate peccandi.

Expos. His gradibus prima parens nostra Eva ad peccatum ascendit, & se cum posteris improvida perdidit, Genes. 3. Callidus accedit ad incautam serpentis larua indutus daemon: Et, cur præcepit, inquit, vobis Deus, ut non comederetis de omni ligno Paradisi? en suggestionem. Hanc, si te saluum velis, repellas illico necesse est. Secus fecit (proh dolor!) mater nostra; quæ & alterno eam cum Serpente fouit sermone. De fructu, ait ipsa, lignorum, quæ sunt in Paradiso vescimur; de fructu vero ligni, quod est in medio Paradisi, præcepit nobis Deus, ne comederemus, & ne tangeremus illud, ne forte moriamur: Cui Serpens: Nequaquam morte moriemini, scit enim Deus, quod in quocumque die comederitis ex eo, aperientur oculi vestri, & eritis sicut Dij scientes bonum, & ma-

lum. Hoc inquam discursu quæ prius erant blandè suggesta fouit mulier male sana, sed & eum fructum tulit quem solent illi, qui ignem sinu exceptum non excutunt; subditur enim, Vidit igitur mulier, quod bonum esset lignum ad vescendum, & pulchrum oculis, aspectuque delectabile: En delectationem, quæ liberè admittit animum iam promptum, & expeditum nullo labore ad consensum, & huius præmia pœnas sempiternas pertrahit. Audite exitum: Et tulit de fructu illius, & comedit, deditque viro suo, qui comedit. En consensum, & extremam peccati ruinam. Quare animæ tuæ saluti si consultum velis, dum daemon ad peccatum pellicit, in limine resiste, ne ignem illum sinu excipias, quo iam nunc æternum incipias ardere.

Q. Qui sunt supremi gradus peccantium?

R Esp. Eorum, qui scientes ac prudentes ex mera peccant malitia: qui etiam de peccato ipso gloriantur: & qui benè monentibus obstrepunt, ac salutaria consilia prorsus contemnunt.

Q. Quare peccatum fugiendum?

R Esp. Quia Dominum Deum offendit, summum bonum eripit, & summum adfert malum peccanti, dum diuinam tollit fruitionem numquam recuperandam, & pœnas ærumnasque homini accersit sempiternas.

Q. Quæ dicuntur peccata Capitalia?

R Esp. Illa, ex quibus, veluti capitibus & fontibus, omnia alia peccata proficiunt.

Q. Quot sunt peccata Capitalia?

R Esp. Septem: Superbia, Auaritia, Luxuria, Inuidia, Gula, Ira, Acedia.

Q. Qua ratione vitari, & vinci hæc peccata possunt?

R Esp. Si Iesu Christi gratiæ cooperemur, peccatorum damna & pericula considerantes, & virtutes septem his peccatis contrarias exercentes.

Q. Quæ

Q. Quæ virtutes peccatis Capitalibus aduersantur?

R Esp. Hæ septem: Humilitas, Largitas, Castitas, Benignitas, Temperantia, Patientia, Deuotio, seu sedula Pietas.

Superbiæ Exemplum.

Angelus assumpto corpore cum Eremita gradiens fortenti cadaueri in via occurrat; dixitque Eremitæ obturanti nares, ecquid nares constringis? Ille scortorem cadaueris causam esse obiecit. Paulò post iuuenis pulcher ad superbiam ornatus phaleris, & tela aurea equo vestus transibat, qui cum longè abesset, obturauit nares Angelus, quod Eremita admirans, interrogauit rationem: cui Angelus, Ille iuuenis superbus & lasciuus plus coram Deo, & Angelis scetret quàm cadauer illud quod foetidissimum odorem spirabat. *Ex Spec. Exemplorum pag. 42. Vide in Apparatu. Superbia.*

Auaritia.

Ribergerus Nobilis ditissimus in Sueuia præuidens famem subsecutam, vndique corrafo frumento impleuit granaria; idque tanto vendidit pretio vt populus aut mori fame, aut bona omnia ei tradere deberet. Inter plurimos ecce vnus paruulis suis onustus offert sex talares filiorum vestes, promittens postmodum plenam solutionem. Indignatus diues pecuniam exigens negauit triticum: Discens pauper maledixit diuiti. Post paucos dies Ribergerus seruum ad granaria misit, vt ea inuiferet, redijtque dicens, illic tres atros boues pascere, & seruus die postero mortuus est. Misit & alium, & hic redux nuntiauit non tantum boues, sed & equos qui frumentum deuorarent, se vidisse. Ipse itaque vix credens, ascendit, & per foramem aliquod vidit greges pecudum diuersos frumentum consumere: attonitus inde mente, captus est, eaque dixit & egit ob quæ catenis ligari debuit, sicque exemplo punitæ à Deo avaritiæ ab alijs incarcerationis fuit: *Ita Mart. Del Rio ex Petro Pizorro fol. 261.*

Ex Auaritia furando res alienas sapè homines perdunt res proprias. Quidam dum messem in area colligeret, sustulerat manipulos proximi sui, & ad cumulum suum illos addebat, vt eum augetet: sed res aliter euenit. Nam statim cecidit fulmen, & area accensa est. Miser ille statim currit ad virum Dei

qui prope habitabat, & suam calamitatem, & incendium illi exponit, furtum autem suum celare conabatur. Sed vera dicere iussus, furtum etiam suum confessus est. Iussit autem vir Dei vt culpam corrigeret, si velit à pœna liberari. Nam situ, inquit, manipulos restitueris, ignis ille à Deo missus extinguetur. Mox ille festinus cucurrit & manipulos obtulit illi cui facta fuerat iniuria: qua facto, flamma illi viri sancti oratione statim extincta fuit. Quæ res terrore & horrore furti incolas impleuit, & totam ciuitatem Antiochenam vbi res contigit. Ita narrat *Theodor. in Hist. SS. Patrum.*

Quam procul ab Auaritia debeant esse Iudices suo exemplo præclare docuit Thomas Morus Angliæ Cancellarius. Accusatus ille fuit apud Regem, quod à vidua nomine Vaughan poculum aureum accepisset post sententiam in iudicio pro ipsa latam. Morus acceptum à se poculum aureum coram Rege confessus est, sed rogauit Regem vt interrogaret viduam, quid postea de poculo factum fuerit. Illa rogata agnoscit Cancellarium poculum hilari quidem vultu accepisse, & magnas gratias pro dono egisse: sed conuocata familia curasse illud vino repleri, sibi que hilariter propinasse, & simul cum vino poculum reddidisse. Quo cognito Rex Morum multum collaudauit, & calumniatorem obiurgatum Moro pro suo arbitrio puniendum permisit. Rem hanc narrat *Thomas Stapletonus in vita Thoma Mori cap. 3. Plura exempla vide supra in Apparatu. Verbo, Auaritia.*

Luxuria.

Milles defunctus amasæ apparens tormentorum rationem reddidit rauca & horrida voce, nempe quia cantilenis luxuriosis decantandis suauem alias vocem impenderat. Crura ei erant nigerrima & scabiosa, gloriatus enim erat in vita de eorumdem pulchritudine, ostendensque roganti puellæ reliquum infelicitis corporis statum, amota à pectore chlamide bufonem teterimum toti corpori quadratum ostendit, dicens se hoc pro lubricis peccatis, alijsque corporis cum illa delictis pati in æternum debere, adeoque, vanas, quas illa pro eo fundebat preces futuras. *In Specul. Exemplor. titul. Infernus, Vide in Apparatu Luxuria.*

E contra præclarum est *Castimonia* Exemplum in S. Thoma Aquinate, qui mulierem quæ ipsum ad labefactandam castitatem sollicitabat,

tabat, arrepto titione generose abegit. Et ob hanc victoriam Deus illi perpetuum castitatis donum concessit.

Adde exemplum in utroque sexu prorsus singulare *S. Theodora*, & *S. Didymi*. Iubetur illa à Maximino Imperat. vel fidem, vel virginitatem deferere. Reluctantem in lupanar detrudi iubet, & violentiam illius castimoniae à militibus adhiberi. Primus militum ad illam *Didymus* ingreditur: sed ecce repente non castimoniae impugnator, sed custos fidelis mira arte efficitur. Commutat Didymus cum Theodora vestes: hæc iam virum induta, ac custodia sicelusa, recedit innoxia: Didymus verò in Theodora veste ac persona comprehenditur, & ad supplicium rapitur. Accurrit mox Theodora, proclamans palmam illam fidei ac castitatis non alteri sed sibi deberi; vestem se, non causam, non personam in Didymum transfuisse: illo ex aduerso pro hac palma sibi debita firmiter perorante, demum uterque supplicio afficitur, uterque duplici fidei & castimoniae conservatae laurea coronatur. Quod fusius deducit *S. Ambrosius lib. 2. de Virgin.* Et breuius festi Mariani 28. Aprilis.

Iracundia.

Iracundiae deformitas patuit in domicella quadam nobili, sed admodum rixosa & iracunda, ita ut domum, & templa, totam etiam ciuitatem suis rixis impleteret, & discordis turbaret. Mortua illa sepulta ante templis valuas, visum est sepulchrum flammis & ignes vomere, quo aperto repererunt superiorem partem corporis flammis amictam & adhuc flagrantem, inferiorem verò partem integram, & in signum virginitatis custodiam illasam mansisse. Ita *Cæsar. lib. 4. c. 22.*

VVenceslaus Rex Bohemorum ex quadam occasione contra suum pincernam vehementi ira commotus fuit. Et ex illa iracundia subitanea voluit eum proprijs manibus interficere. Sed ex nimio illo furore, & ardore vindictæ, statim Rex in paralysem incidit, & intra paucos dies mortuus fuit. Sic enim Ira non tantum nocet animæ, sed etiam corporis mortem accelerat. Ita habet Crommerus lib. 13. *Histor. Poloniæ*: vide in Apparatu, Verbo *Ira*.

Gula.

Horret animus referre quorundam Bacco se consecrantium luctuosum exitum. Nobiles Germani duo in Apeldorn

Velua Pago inter se conuenerant, ut vino adusto tamdiu se ingurgitarent, donec eorum alter exspiraret: Si quis prior surgeret, in eum diabolus potestatem haberet. Quo perducit hominem infrenata intemperantia. Accidit, dum strenuè hac lege potitarent, mercatorem illic forte transire, quem, ut se tertium adiungeret, coegerunt. In domum inductus alter mortuus metu se Bacchum haustu liberali venerari simulat potius, quam re ipsa veneratur. Tum locum ingressus ferali forma dæmon, duos helluones sibi deuotos aggressus est, & utrique, arrepto collo, ceruicem fregit. Hæc gula deditos manet merces. Ita *Daroult. in Floribus Exempl. c. 6. tit. 7. exempl. 7.* vide in Appar. V. *Gula, Ebrietas.*

Inuidia.

In vita Sancti Attali, qui succedens Beato Columbano Cœnobium rexit, diabolus in eum aliquot subditorum corda suscitauit, qui recusabat tantæ disciplinæ austeritatem ferre. Ille è contra medijs spiritualibus usus, nec potens ad rectam normam deducere, pertinaces ire permisit, qui postquam segregati sunt, virum sanctum detractionibus laniarunt. Sed ecce, vnus eorum febris ardentissima correptus, nequidquam implorans Attali auxilium, igne fatali accensus, emoritur morbo: exemplo isto docti adstantes ad virum sanctum recurrere, qui venia donatos securos reddidit, contemnentes vero aliqui penitentiam diuersis modis disrupti interiere; quorum vnus securi, alius flumine, alter mari vitam infelicem sinierunt. In *Specul. Exemplorum pag. 268.* vide in Apparatu Verbo *Inuidia*.

Q. Quæ peccata in Spiritum Sanctum committi dicuntur?

R Esp. Ea quæ sua malitia sic diuinam excludunt gratiam, ut neque in hoc sæculo, nisi ægrè admodum, neque in futuro remittantur.

Q. Quot sunt peccata in Spiritum Sanctum?

R Esp. Sex: Præsumptio de misericordia Dei, vel de impunitate peccati, Desperatio, Agnitæ veritatis impugnatio, Fraternalis charitatis inuidia, Obstinatio, & Impenitentia.

Expof. Quodnam luctuosus quam quod subdopertinacis & obstinati peccatoris monummen-

mentum haberi potest? Lego in actis pro Beatificatione B. P. Francisci Borgiæ Societatis Iesu, apud Eusebium Nierembergium in eius vita, Virum quendam in Hispania, quàm sanguine nobilem, tam vitij ac flagitijs infamem, graui ægretudine correptum, ac de vita periclitantem, tanta obstinatione sceleribus suis perstitisse, vt recta omnes momentes reijceret, nolletque de anima per confessionem expianda quemquam audire. Venit tum forte eam in Urbem S. Borgias, qui cognito miseri periculo, pro zelo suo illum iuuare cupidus, ante Christum crucifixum in genua procidit, eum ardentem obsecrans & obtestans, vt qui orbi vniuerso sanguine suo salutis fuisset, infelici ac pertinaci illi animæ non deesset. Francisco hæc precanti, ex cruce Seruator. Adi, inquit, confestim ægrum, eumque hortate, vt se expiet, & ego mox illi vt medicus & infirmorum curator adero. Abit B. Pater spei bonæ plenus, ad ægri domum se confert, quo Seruator iam præcesserat, medici ac propè famuli specie illi solatia, atque obsequia deferens. Excipitur ab infirmo non inurbanè P. Borgia; verùm vbi de confessione cepit, ad eam instituendam adduci non potuit. Recedit iterum Dominus, relicto ad vltiores conatus apud ægrum Francisco, qui & ipse cum operam perderet, etiam recessit, & denud coram Christo crucifixo in genua prouolutus, per sacra illius vulnera obtestatur, vt misero adsit. Cui Dominus: conueni iterum pertinacem illum Franciscum, meque tecum defer, si forte me conspecto, cruci pro fixo conuertatur, & viuat. Redijt Borgia, & submotis arbitris, vt liberior esset æger, verbis ad pietatem omnem compositis, submissis in terram genibus, Christum cruci affixum illi representat: per Passionem, dolores, sacra Domini IESV vulnera orans, obsecransque, vt animæ suæ misereatur, æternitatem maturius menti imprimat, nolle Deum mortem peccatoris, sceleribus omnibus eius misericordiam maiorem esse. Ad omnia ille pertinax obmutescit: addit & vocem suam Dominus IESVS, & vocem sanguinis, quem ex vulneribus copiose effundebat. Per hunc iterum iterumque obtestatur Franciscus: sed nihil profuit. Tum verò seruator reuulsa à cruce manu, sacrosanctum cruorem in faciem proiecit obstinati peccatoris, qui quot guttas numerat, tot veluti linguis in magno iudicii die coram orbe vniuerso neglectam, & contemptam benignissimi Dei, ac Redemptoris sui misericordiam illi exprobrabit.

Q. *Quæ peccata in cælum clamare dicuntur?*

R. Esp. Quæ per se vehementer abominanda sunt, & apertè humanæ charitatis iura violant: vnde vindictam clamare perhibentur, & horrendis sæpè modis in hac vita diuinitus vindicantur.

Q. *Quot sunt peccata in cælum clamantia?*

R. Esp. Hæc quatuor: Homicidium voluntarium, Peccatum Sodomiticum, Oppressio pauperum, viduarum, atque pupillorum, demum Merces Operariorum defraudata.

Expos. Exemplum Homicidij voluntarij à Deo puniti exhibetur, *Genes. cap. 4.* in Caino, qui fratrem suum Abelem fraudulenter quasi ad deambulandum in agrum euocauit. Et ecce cum soli essent in agro contra fratrem violenter insurgens eum occidit, sed quam sibi abominandum esset illud facinus Deus statim aperuit, qui contra homicidam his verbis intonuit. *Quid fecisti? Vox sanguinis fratris tui clamat ad me de terra. Nunc igitur maledictus eris super terram, &c.* Sanguis nempe innocens vocem tremendam habet, quæ in cælum vsque auditur, & homicidij vindictam deposcit.

Quam detestandum sit *Sodomia* peccatum apertè patet in euerfione ipsius Sodomæ & Gomorrhæ, vbi cum incolæ infando illi carnis peccato addicti essent, vlticibus flammis à Domino consumpti fuerunt, vti grauibz verbis testatur Scriptura *Genesis cap. 14. vers. 24. Pluit Dominus super Sodomam, & Gomorrhæ sulphur, & ignem à Domino de cælo, & subuertit Ciuitates has, & omnem circa regionem, &c.*

Oppressio pauperum per vim, & potentiam Deo semper execrabilis fuit, vti patet *3. Reg. cap. 21. vers. 19.* Cum enim Rex Acab vellet inuito Naboth vineam eripere, Iezabel Regina vt Regis voluntatem exequeretur, per suam potentiam curauit Naboth falsò accusari, & lapidibus obrui. Sed ecce parem Dei vindictam! dum Achab festinaret vt iam defuncti vineam occuparet, Dei nomine occurrit illi Elias Propheta & pœnam denunciat, dicens: Hæc dicit Dominus: *In loco hoc in quo linxerunt canes sanguinem Naboth, lambent quoque sanguinem tuum, quod iusto Dei iudicio euenit.*

Q. *Quæ*

Q. *Quæ peccata dicuntur aliena?*

R Esp. Ea, quæ ab alijs quidem committuntur, sed nobis interim auctoribus, vel quoquo modo adiutoribus, aut saltem non impediuntibus, ut idcirco nobis etiam imputentur.

Q. *Quor modis aliena peccata nobis imputantur?*

R Esp. Nouem his modis: Consilio, iussione, consensu, irritatione, laudatione, seu adulatione, reticentia culpæ alienæ, conuiuentia vel indulgentia, rei alienæ participatione, & praua facti alieni defensione.

Q. *Quæ dicuntur opera carnis?*

R Esp. Ea, quæ homines secundum carnem viuentes, & à Dei filijs spiritualibus degenerantes, committere solent.

Q. *Quæ sunt opera carnis?*

R Esp. Paulus ea recenset in hunc modum: Manifesta sunt opera carnis, quæ sunt, fornicatio, immunditia, impudicitia, luxuria, idolorum seruitus, veneficia, inimicitia, contentiones, emulationes, rixæ, dissensiones, seclæ, inuidiæ, homicidia, ebrietates, comessationes, & his similia, quæ prædico vobis, sicut prædixi: quoniam qui talia agunt regnum Dei non consequentur.

Expos. Quanta sit malitia in operibus Carnis, & veneficijs, & commercijs cum dæmone sequenti exemplo luculenter exponitur. Lugduni in Gallia vir militaris Vigiliarum Præfatus, dum nocte quadam ex officio urbis compita circumlustrat, ad commilitones suos conuersus, impurum animi sui sensum hac impia voce declarat: Ad satisfaciendum carnis desiderijs, si vel ipse dæmon modò se mihi offerret immunis non abiret. Vix hæc verba protulerat, & ecce mulier splendido in speciem habitu, famulo lucernam præferente, impuris hisce Veneris mancipijs occurrit. Post exhibitam vltro citroque vrbauitatis officia, illi scemina se confestim adiungunt, & domum ad quam se redire fingeat, eam deducunt. Ingrediuntur simul, & desideratam cum ea libidinem explent. At res tota ex dæmonis arte composita & phantastica fuit. Nam sublato à dæmone fūco, deprehendunt se cum cadauere tabo, sanie, ac vermibus fluente rem habuisse, &

in obsoletæ domus ruinis versari. Ad hæc dum attoniti obstupescerent, ecce ibi insolito fulminis ictu prostrati sunt, vnus quidem eodem loco, & nocte extinctus est, alter verò post tridie, tertius denique die tertio interijt. Ex Doultemanni *Pedagogo Christi. part. 1. capis. 7. pag. 132.*

Odij & inuidiæ exemplum proponitur nobis *1. Reg. cap. 18. & 31.* In Saule quæ Dauidem ex odio iniusto multis modis occidere conatus est, donec tandem ab hostibus superatus violentas manus in seipsum conuertens sese propria hasta interemit.

Aliud emulationis, & inimicitia exemplum patet in fratribus Iosephi, qui ipsum vestibus spoliatum vendiderunt, sed Deo sic disponente, ipsi fame compulsi coacti sunt Iosephum venerari, & ab ipso vitam, & veniam postulare, *Genes. cap. 35.*

Ebrietatis & comessationis quam acerbis sit fructus, docet Exemplum apud *Cantipratum Lib. 2. apum cap. 56. §. 2. Et in Pedagogo Christi. pag. 152.* Dum quidam cum socijs inter popula Animæ immortalitatem irrisisset, adfuit extemplo quidam sub mercatoris habitu, & statura procerus, cui per iocum socij aiunt, si tu bonus es mercator, en hic hominem qui suam animam venalem habet. Bene est, inquit mercator, qui erat dæmon sub mercatoris specie: Sed velim scire quanto pretio ea vendatur? Non magni, inquit alter, si tot vini amphoras dederis illam referes. Postquam mercator ille pretium quod petebatur pependisset, & communi omnes ioco risuque applausissent, & poculis iucundè indulgissent, cum tempus adueniret, quo societas illa dissoluenda erat; Heus boni viri, exclamat mercator, quid vobis videtur? Qui emit equum numquid non etiam frænum feret? Cum omnes incepto ioco insistentes, id æquum esse pronunciant, statim veterator infernalis se prodit, arreptumque impium ganeonem coram omnibus cum corpore & anima secum asportat, debitum temulentia & impietatis suæ præmium relaturum.

De prædictis omnibus, Luxuria, Inuidia, Ira, Ebrietate, Consilio malo, Adulatione &c. superius plura exempla data sunt: Item in Apparatu sub proprijs Titulis.

Q. *Estne satis Christiano, malum fugere & à peccato declinare?*

R Esp. Nequaquam; sed præterea bonum agere, & virtutes exercere necesse est. Alio-

Alioqui scienti bonum, & non facienti, peccatum est illi.

Q. Quid boni faciendum Christiano?

R Esp. In genere quidem quicquid boni lex naturalis, diuina vel humana præcipit vel ostendit: in specie verò pro sua quisque vocatione præstare officium & acceptæ Dei gratiæ cooperari cum gratiarum actione debet. Omnis enim arbor, quæ non facit fructum bonum, excidetur, & in ignem mittetur.

Q. Quæ sunt præcipua bonorum operum genera?

R Esp. Ea, quibus sobriè, iustè, pieque vitur in hoc seculo, & per quæ itidem iusti magis magisque iustificuntur, & sancti in dies sanctificantur.

Q. Quotuplicia sunt hæc operum bonorum genera?

R Esp. Triplicia: vtpotè Ieiunium, Eleemosyna seu misericordia, & Oratio, de quibus ita legimus: Bona est Oratio cum Ieiunio & Eleemosyna.

Q. Quis est fructus bonorum operum?

R Esp. Habent ea promissionem ac mercedem huius ac æternæ vitæ; Deum placent, gratiam conseruant, & augent; denique Christiani hominis vocationem certam faciunt, atque consummant.

Q. Quid est ieiunium?

R Esp. Est certis diebus, iuxta morem & præscriptum Ecclesiæ, carnibus abstinere, & saltem vnica cibi refectione in die contentum viuere frugaliter: Sed si generatim hoc nomen accipias, Ieiunium est corporis quædam castigatio piè suscepta, vt vel caro spiritui subijciatur, vel obedientia exerceatur, vel Dei gratia impetretur.

Expos. Ieiunij vtilitatem declarat nobis ipsa Ecclesia, quæ in Præfat. Missæ Deum sic alloquitur: Qui corporali ieiunio vitia comprimis, mentem eleuas, virtutem largiris, & præmia.

Exempla Ieiunij præbet nobis Scriptura in Moyse, qui per 40. dierum ieiunium Dei alloquentium & aspectum obtinere meruit, Exod. 24. Et Niniuitarum qui post 40. dies subvertendi

R. P. Arde K. Tom. III.

erant, per ieiunium à Deo veniam meruerunt.

In vita S. Patricij legimus quod isti altissimi montis vertice 40. dies cum solo Deo in ieiunio & oratione transegerit.

At nostro tempore sacra Catholicorum ieiunia abhorrent Hæretici, atque omnem Ecclesiæ Romanæ de cibis vetitis legem rident, & contemnunt. Sed insigni Exemplo violatæ huius legis pœnas dederunt.

Postquam in Germania Torpatenses in Lutheri impia dogmata concesserant, feria sexta solenne Paschæ festum proximè precedente, finita Lutherani Ecclesiæ concione, ciuibus è templo D. Virgini sacro reuertentibus, quidam alium conciuem & familiarem inuitat ad prandium; rogat vna domum comitetur; habere se egregie paratum Petasem Vvestphalicum: Arridet alter, & sibi reponit esse Gallum gallinaceum opiparè elixum, hunc se in reciprocam beneuolentiæ signum adferre. Mensæ accumbitur, vorant gulosè, horum altero quoddam rodens imprudens pene, ipsum deglutit. Quare cum nec os transmittere, neque eximere valeret, multum eiulans debita Ecclesiæ mandati violatori pœna, eo ipso die suffocatur. Nec diuinæ ultionis manus euasit alter; nam postridiè Paschæ malo spiritu correptus, non multò post rabie ac furore exagitatus animam vna cum possidente dæmone exhalat. Ita Dauroultius in Flor. Exempl. cap. I. Tit. 10. Exemp. 7. Vide in Apparatu Ieiunium.

Q. Quid est Oratio?

R Esp. Est mentis, in Deum eleuatio, per quam vel mala deprecamur, vel bona nobis aliisque petimus, vel Deo benedicimus.

Expos. Ad Orationem nos Christus impensè hortatur Luc. II. vers. 9. Ego dico vobis petite, & dabitur vobis, querite & inuenietis, pulsate & aperietur vobis. Idè oratio à S. Augustino Clavis cœli vocatur, per quam & cœlum aperimus, & omnia beneficia corporis & animæ à Deo impetramus, si cum fiducia, humilitate, & perseverantia ad Deum curramus.

De S. Patricio in eius vita traditur, quod assiduè centenis ter vicibus Dominum adorando genua flectebat: qualibet hora diei Canonica centies se crucis charactere signabat. Nocturni verò temporis magnam partem diuinis precibus cum ducentis genuflexionibus impendebat. Per hanc orationis vim quasi omnipotens omnia à Deo impetrabat, aded vt ve-

K lut

lut alter Thaumaturgus, vt templum in vnus viri nobilis fundo erigere possit, huius rogatu fusa prece montem in terram deprefferit, sed cum vir ille nobilis promissis stare nollent, iterum ad orationem confugiens, montem prius tellure haustum in priorem altitudinem reuocauit.

Addamus Exemplum pauperis Cerdonis Constantinopolitani, cui nomen Zacharias. Hic cum singulis noctibus ad orandum coram Vener. Sacramento Templum S. Sophiæ adire soleret, visus est ab alio totus luce circumfusus, cui etiam ingredienti valvæ templi sponte se aperiebant, & vltro claudebantur dum templo egressus erat: Deo sic demonstrante quantum sibi placeat humilis oratio.

Q. Quid est Eleemosyna seu Misericordia?

R Esp. Est beneficium, quo alterius miserie ex commiserationis affectu subuenimus.

Q. Quotuplex est genus Eleemosynæ, seu Misericordiæ?

R Esp. Duplex: Alia quippè sunt opera misericordiæ corporalia; alia verò spiritua- lia, quoniam vel ad corporalem, vel ad spirituales miseriam proximi subleuandam spectant.

Q. Quot sunt opera Misericordiæ corporalia?

R Esp. Septem: Esurientes pascere, potum dare sitientibus, operire nudos, captiuos redimere, ægrotos inuifere, hospitio peregrinos suscipere, mortuos sepelire.

Expos. Eleemosyna non est solum beneficium, quo alterius miserie ex commiserationis affectu subuenimus, sed etiam debitum, quia si non demus pauperi quod nobis superfluum est ad statum secundum conditionem nostram honestè sustentandum, hoc ipsi quasi surripimus, vti asserunt SS. Patres, Basilus, Ambrosius, Hieronymus, Bernardus, sed imprimis breuiter & dilucidè Augustinus in Psalmum 147. *Superflua*, inquit, *diuiti, necessaria sunt pauperi; res aliena possidentur, cum superflua possidentur.*

In extremo iudicii die dicent Christus, *Venite Benedicti Patris mei possidete paratum vobis regnum à constitutione mundi, addens causam, Esuriui enim & dedistis mihi manducare, sitiui & dedistis mihi bibere: hospes eram & collegistis me, &c.*

Sed duris, & tenacibus dicet: *Discedite à me maledicti in ignem æternum, qui paratus est diabolo & Angelis eius, esuriui enim & non dedistis mihi manducare, &c. Et ibunt hi in supplicium æternum, iusti autem in vitam æternam.* Ex quo loco Evangelistæ deducitur hoc argumentum: nullus damnatur ob aliquid omissum quod non obligat sub præcepto: atqui reprobi hic damnantur ob omisam Eleemosynam, ergo illa aliquando saltem in necessitate obligat sub præcepto.

Vultis exemplum viri Sancti qui hanc opinionem sibi in praxi duxerit seruandam? Audite quid de S. Francisco narret S. Bonauentura in eius vita. Quæ S. Francisco in Eleemosynam data fuerant, si pauperior quis ab eo stipem peteret, illico non tam donabat, quam iure suo cedebat. Vnde audiens, vetulæ cuiusdam mediam, dixit, frater mi restituamus alienum hoc (pallium suum denotans) quod ego retinebam donec æquioris tituli possessor appareret. Iam apparuit pauperrima quædam soror nostra, ad quam rogo vt mittas hoc meum pallium, cum quibusdam panibus ex Eleemosyna collectis: Quæ dum fratres portauerint, dicant quod suum erat sibi dari: reputo enim quæ nobis conferuntur in nostrum vsum cedere donec indigentior superuenerit. Sed vide miram Dei prouidentiam, & remunerationem. Eodem tempore aliqui ex Pontificijs detulerunt tot panni vlnas, quot Sancto Patri, eiusque socijs vestiendis sufficiebant.

Atque vt hæc viri Sancti in pauperes liberalitas à Deo liberalitatis compensata sic alterius tenacitas grauiter punita. Refert quippè Genes. 14. Chronograph. anno Christi 914. cum dira fames Germaniam infestaret, Episcopus Moguntinus Hatto nomine, plurimos pauperes in horreo congregatos ea spe, quod escæ vel panis nonnihil ex Episcopi liberalitate accepturi essent concremari iussit, dicens, nihil differre eos à muribus, frugibus tantum consumendis natos. Quam tyrannidem Deus protinus vltus est. Præcepit namque muribus vt cateruatim illum inuaderent, ac diu nocteque affligerent viuumque deuorarent. Itaque ille in turrin in medio Rheni extructam aufugit: sed nec ibi à moribus murium tutus esse potuit. Nam mures facto agmine per Rhenum natantes in turrin conscendere, iustum Dei iudicium executuri: quod agnoscens miser horrenda tandem morte inter mures periit. Feruntur mures nomen quoque eius à parietibus & tapetibus abrafisse.

Verum liberales & munifici erga egenos, non tantum in altera, sed etiam in hac vita felices

lices & beati futuri sunt, & in hac quidem vita prouidebit Deus, ut nunquam illi inopia laborent, qui opes suas in pauperes distribuerint iuxta illud Psaltis, *qui seminat in benedictionibus de benedictionibus & metet*. Et Paulus. *Cor. 9. qui autem administrat semen seminanti, & panem ad manducandum praebeat, & multiplicabit semen vestrum & augebit incrementa frugum iustitiae vestrae, ut in omnibus locupletati abundetis*.

Nitida hoc similitudine illustrat S. Basilius. Sicut putei continuo exhausti, & copiosiore & puriore fluunt aqua: clausi verò & quieti facile putrescunt, sic & opes reconditae inutiles sunt, traslatae in pauperes nouum fructum pariunt. Item alia non minus appositae Clemens Alexandrinus, sicut ab ybera, quae suguntur, vel mulgentur lac solet confluere, ita & opes confluant ad eos qui erogant illas.

Memorable huius rei Exemplum exstat, in *Prato Spirituali*, de nobili quodam Constantino politano, qui cum omnia sua in pauperes distribuisset, filio nihil nisi Christo Curatorem reliquit. Quare & Christus se eicuratorem praestitit, monuitque virum egregie diuitem, ut illi filiam vnicam in uxorem traderet, eumque omnium bonorum haereditatem scriberet, qui id ipsum accuratè impleuit, monuitque iuuenem: ecce bonus curator tuus hanc tibi uxorem misit. Adeo verum est quod dixit Sapiens: *qui dat pauperi non indigebit, qui despiciat depreccantem sustinebit iniuriam*. De hac praecleara virtute plura in Apparatu, V. *Liberalitas*.

Q. Quot sunt opera Misericordiae spiritualia?

R. Esp. Sunt & ipsa septem: uti, Peccantes corrigere, ignorantes docere, dubitantibus rectè consulere, pro salute proximi Deum orare, consolari mæstos, ferre patienter iniurias, offensam remittere.

Expos. Priora septem misericordiae opera corporalia vocantur, quod circa corpus versentur, ut consideranti patet: hæc spiritualia dicuntur, eo quod ad animam referantur eoque pluris facienda, quantum anima, iuxta ipsius Christi testimonium, plus est quam corpus, quare & impensius illorum usus nobis commendatur à Sacra Scriptura, ac imprimis à Magno illo genitum Doctore Paulo, sed nullum æquè ac inimicorum dilectio, & remissio iniuriarum. Hic ad Ephes. 4. sic scribit: *Donate inuicem, sicut & Deus in Christo donauit vobis*. Idem repetit cap. 5. *Estote ergo imitatores Dei sicut filij charissimi & ambulate in dilectione, sicut electi Dei, sancti & dilecti viscera mis-*

ricordiae, benignitatem, humilitatem, modestiam, patientiam, supportantes inuicem, & donantes vobismetipsis, si quis aduersus aliquem habet querelam: sicut Dominus donauit vobis, ita & vos.

Sed quid meriti nobis promittitur ob hanc gloriosam de nobis in diligendis inimicis reportatam victoriam? Audite Matth. 6. *Si enim dimiseritis hominibus peccata eorum, dimittet & vobis Pater vester celestis delicta vestra*. Si autem non dimiseritis hominibus nec Pater vester dimittet vobis peccata vestra. Quæ cum in manu nostra sint monet Sanctus Augustinus l. 50. Homiliarum Hom. 6. *Dimittamus inimicis nostris, ut libera conscientia possimus in oratione Dominica dicere: dimitte nobis debita nostra, sicut nos dimittitis debitoribus nostris*.

Exemplum ad hanc rem accommodatum narrat Henricus Magnus dist. 9. Exemp. 94. De quodam viro opulento & nobili, qui dum summam animi pertinacia inimico supplici reconciliari recusasset, subito ex hac vita ereptus est, Mortuo ingenti pompa exequiarum apparantur, corpus à funebri amicorum turba ad templum defertur, ubi pro more qui tum vigeat, decantatum solenniter officium defunctorum ante aram in qua Christi pendens est cruce imago erat exposita: cumque Sacerdotum aliquis illam officij lectionem inchoasset; *Parce ei Domine, visa est imago auulsis à cruce manibus, aurem sibi utramque occludere, horrendum illud intonans, non peperce, non parcam*. Ad quæ verba, attonita circumfusa multitudo in cadauer impij inuolauit, & alitibus cæli extra ciuitatem illud deuorandum abiecit. Hinc discite quam verum sit illud Euangelij, Oportere nos misereri aliorum si misericordiam à Deo & nos consequi velimus, iuxta parabolam illam serui, qui ideo grauiter à Deo punitus est, quod ipse non remississet conseruo suo, sicut & illi à Domino familias omne debitum remissum fuerat. videri potest in Apparatu, V. *Corruptio fraterna, Exhortatio, Amor proximi*.

Q. Quæ sunt virtutes omnium præcipuæ?

R. Esp. Post Theologicas quidem illas, de quibus dictum est, Fidem & Spem & Charitatem, præcipuæ sunt Cardinales, quæ Christianos cum primis decent.

Q. Quæ dicuntur Cardinales virtutes?

R. Esp. Quæ tamquam fontes aliarum & cardines omnem honestæ vitæ rationem continent.

K 2 Q. Quot

Q. Quot sunt virtutes Cardinales?

R Esp. Quatuor: Prudentia, Iustitia, Temperantia, Fortitudo: quibus in Christo consequitur homo, ut prouidè, iustè, temperatè, ac fortiter in omni vita degat, ac placeat Deo.

Expos. Cardinales quædam virtutes idcirco dicuntur, quod sint tamquam aliarum fontes & cardines: & quemadmodum osium in cardine, sic omnis honestæ vitæ ratio in illis versetur, ac boni operis vniuersa structura eisdem inniti quodammodo videatur, de quibus ita scriptum est Sapientiæ 8. *Sobrietatem & prudentiam docet, & iustitiam, & virtutem, quibus utilius nihil est in vita hominibus.*

Prudentia.

Q Vare proderit illarum virtutum definitionem fufius paulo proponere. *Prudentia* est virtus, quæ secundum honesti rationem quid expetendum, quidue fugiendum sit homini præscribit, iuxta illud Ecclesiast. 32. *Fili sine consilio nihil facias, & post factum non penitebit.* O si omnia ad huius virtutis normam agerent mortales, quam multa infortunia euitarentur, quam multa omitterentur, de quibus heu postea, sed nimis serò, doletur. Exemplum prudentiæ maximè spectantur in bono consilio, de hoc in Apparatu. V. *Consilium bonum, malum, quale dedit Herodias filiæ, ut peteret caput Ioannis Baptistæ.* Item in Apparatu. V. *Sapientia.*

Iustitia.

Iustitia est virtus qua cuique sua tribuuntur. De hac ita Prouerb. 14. *Melius est parum cum iustitia, quam multi fructus cum iniquitate.* Item, *quid prodest homini si vniuersum mundum lucretur, anima vero suæ detrimentum patrat?*

Potest ne illud sequi ex neglectu iustitiæ? Omnino, teste Augustino. Non remittitur peccatum nisi restituatur ablatum. Horrendum est exemplum quod supra retulimus ex *Pedago* Christiano part. 2. cap. 5. §. 2. de vsurario quodam nobili in Italia qui confitebatur Sacerdoti peccata absque proposito ab vsuris impostorum abstinendi, & vna cum Confessario qui eum absoluebat ad inferos abreptus est.

E contra insignis exercendæ iustitiæ zelus sequenti exemplo à Deo comprobatur. In Anglica capti erant tres falsæ monetæ fabri-

catores scelestissimi, & iuxta legem ad manum abscissionem condemnati. Interea Archiep. Cantuariensis, in cuius potestate illi erant, in die Pentecostes celebraturus interrogat, an iustitia adhuc impleta esset. Respondit propter diem Festum dilatatam esse poenam vsque in castrinum. Nequaquam, inquit, ego hodie Sacrum non absolui nisi prius in illis iustitia impleatur. Qua peracta, dum in Sacrificio illa verba recitaret, Ecclesiam tuam pacificare, iuuare, custodire, & regere digneris, niuea columba omnibus spectantibus super eum descendit, & alis super caput expansis sic mansit, donec Sacrificium absolueretur. *Ex Specul. bifior. libr. 25. Et magno Specul. Exemplorum.*

Temperantia.

Est virtus voluptatum carnis quæ gustu, atque tactu percipiuntur moderatrix: ad quam sectandam sic nos hortatur Scriptura; 1. Petr. 2. *Sobrii estote & vigilate, quia aduersarius vester Diabolus tamquam Leo rugiens circuit quærens quem deuoret:* ut autem hanc virtutem amare, & illi oppositum vitium hodie nimis vulgare odisse possimus, mala quæ secum trahit perpendamus.

Et 1. quidem facultates exhaurit, Prouerbior. 2. *Qui amat vinum & pingua non ditabitur.* 2. Corpus imbecillum reddit, hinc oculorum lippitudo, oris graueolentia, membra tremula, capitis distillationes, tussis, apoplexia, paralyfis, articulares morbi, & denique mors, plures enim occidit gula quam gladius: denique reddit hominem ad omnia inutilem.

Videte hoc egregia similitudine expressum. Corpora nostra terrena sunt: quo modo pluuia nimis diuturna si fuerit, terra infunditur, & in lutum resoluitur, ut nulla in ea cultura fieri possit: sic & caro nostra quando abundantiore potu fuerit inebriata, nec spiritualement culturam accipere, nec fructus animæ necessario poterit exhibere.

Estne igitur ebrietas graue peccatum? Est peccatum mortiferum si voluntaria sit, & peruenit vsque ad violentam vsus rationis priuationem: nam Apostolus Paulus 1. Cor. 6. *Nolite errare, neque fornicarij, &c. neque ebriosi regnum Dei possidebunt.*

Sed nec ad finem vitæ differre solet poenam qua ebriosos plectere decreuit Deus, quam passim exitu infausso, & luctuoso solent finire. Notum est quomodo Holoferni vino somnoque sepulto à Iudith caput resectum sit, *Iudith. c. 12.*

Bal-

Balthasar Babyloniorum vltimus Monarcha, dum lasciuia cum concubinis ebrietatem misceret temulentus, vidit ignotam manum scribentem in pariete: *Mane, Thecel, Phares*, & eadem nocte regno & vita à Cyro spoliatus est, *Dan. 5.*

Aliud Exemplum recentioris memoriae refert *Martinus del Rio tom. 2. Disquisit. Magicar. lib. 3. part. 1. quest. 7.* Tres helluones in Flandria, quadam die in seram noctem computationem protraxerant, cum vnus illorum minus impius, Sat, ait, Baccho datum est, Deo saltem agamus gratias: Ego vero, subinfert alter procacior, cacodæmoni gratias agendas cenfeo cui operamur, & cum risu mensa relicta in lectos ruunt singuli: vix decubuerant, ecce tibi in triclinium, vi ianua reſerata, dæmon magni, atri & trucis viri specie, habitu venatorio, & cum eo coci duo paruuli obambulant, & lectos circumspectit toruo vultu: deinde horrenda voce ait, vbi est ille qui mihi gratias agit? adsum, referam grates. Lecto abſtrahit pauitatem, & traditum cocis iubet inſigi veru, & lento igne affari: Parent promptè, affatur infelix, & moritur. Demum venator ad ſuperſtities ſub ſtragulis trepidantes vix viuos; digni vos etiam (ait) pari ſupplicio, nec deest voluntas mihi: ſed vector vi maiore. Inuitus nunc abeo, & moneo, reſpiciſcite, aut manent vos terribiliora. Diſparent laruæ, nec tamen alijs animus reſcit vel vox, niſi clara luce, vbi ſurrexere, collegam inueniunt mortuum & (ne viſum inane putes) aſſatum cum horrore intuentur. Vide huic exemplo idoneam ſimilitudinem anſeris aſſati cum ebrioso, ſupra in Apparatu, V. *Ebrietas in fine.* Item V. *Gula.*

Fortitudo.

AD hanc colendam ſatis nos hortatur Scriptura cum timorem improbum nobis adimit, & Chriſtianæ mentis fiduciam, alacritatem, conſtantiamque commendat. *Fugit impius nemine perſequentē*, inquit Salomon *Proverb. 28.* *Iuſtus autem quaſi leo conſidens abſque terrore erit.* Et Petrus de fidei ac pietatis hoſtibus hoc admonet: *Timorem eorum ne timueritis, neque conturbemini.* Quis eſt, inquit *1. Petri 3.* *qui vobis noceat, ſi boni amulatores fueritis? Sed etſi quid patiemini propter iuſtitiam, beati.*

Exemplum Chriſtianæ fortitudinis patet in vita Sancti Laurentij, qui nec blanditijs, nec terroribus tyranni, nec lento igne, nec craticula ardenti, in minimo potuit à fide di-

R. P. *Ars de K. Tom. III.*

moueri, vt fuſè narratur in Breuiario 10. Auguſti lect. 4. 5. & 6. Plura exempla in Apparatu. V. *Fortitudo.*

Q. Quæ dicuntur dona Spiritus Sancti?

R Esp. Septem illa, quæ ſuper Chriſtum requieuiſſe Propheta teſtatur, & quæ ab ipſo, ſeu fonte omnis gratiæ, in alios deriuantur: vt donum ſapientiæ, donum intellectus, conſilij, ſcientiæ, fortitudinis, pietatis, ac timoris Domini.

Q. Quanam illa, quæ fruſtus Spiritus vocantur?

R Esp. Ea, quæ piſſecundum ſpiritum viuētes operantur, & per quæ ſpirituales à carnalibus dignoſcuntur.

Q. Qui ſunt fruſtus Spiritus?

R Esp. A Paulo Apoſtolo ſic numerantur: Charitas, Gaudium, Pax, Patientia, Longanimitas, Bonitas, Benignitas, Manſuetudo, Fides, Modeſtia, Continentia, Caſtitas.

Expoſ. Quid eſt timor Domini? Eſt Spiritus Sancti donum quo peccator diuinæ iuſtiæ timore ſalubriter concutitur ad conuerſionem. At qua ratione ad hunc Dei timorem peruenitur? Si conſideret attentè inſtabilitatem humanam, & quod ignoret, quid ſibi tandem futurum ſit. Cautiores nos eſſe conuenit exemplo Angelorum quide gradu ſuo deciderunt. De quibus Iobi cap. 4. *Ecce qui ſeruiunt ei non ſunt ſtabiles, & in Angelis ſuis reperit prauitatem, quāto magis qui inhabitant domos luteas, & terrenum habent fundamentum.* Adde de Adamo, qui cecidit in Paradifo; Iudas in conſortio Chriſti turpiter lapſus, ſuſpenſus, damnatus fuit, quæ fuſius exaggerata materiam exemplo dabunt. Plura exempla in Apparatu, V. *Timor Domini.* Item *de Charitate, Pace, &c.* dictum eſt tam ibi, quam alibi in Catecheſi.

Q. Quæ dicuntur Beatitudines Euangelicæ?

R Esp. Illæ, propter quas in Euangelio etiam hi, qui miſeri prorsus ac infelices videntur, beati, ac felices pronuntiantur.

Q. *Quot sunt Evangelicae Beatitudines?*

R Esp. Octo, quas ita Christus in monte tradidit.

1. Beati pauperes spiritu, quoniam ipsorum est regnum caelorum.

2. Beati mites, quoniam ipsi possidebunt terram.

3. Beati qui lugent, quoniam ipsi consolabuntur.

4. Beati qui esuriunt, & sitiunt iustitiam, quoniam ipsi saturabuntur.

5. Beati misericordes, quoniam ipsi misericordiam consequentur.

6. Beati mundo corde, quoniam ipsi Deum videbunt.

7. Beati pacifici, quoniam filii Dei vocabuntur.

8. Beati qui persecutionem patiuntur propter iustitiam, quoniam ipsorum est regnum caelorum.

Expos. Hinc collige vanam esse prorsus mundi de beatitudine sententiam, quae per multos interim fallit, ac perdit. Nam beati fore vulgo putantur diuites, praepotentes, gloria & autoritate clari, bonis fortunae affluentes, voluptatibus indulgentes. Verum Doctrinae Christi repugnant, qui non diuites sed pauperes, mites &c. beatos pronunciat. Hinc recte Esaias exclamat cap. 3. *Popule mi, qui te beatum dicunt ipsi te decipiunt, & viam gressum tuorum dissipant.* Quis ergo beatus dicendus, Non alij quam quos supra ipsa veritas quae falli, aut fallere non potest beatos nuncupavit. Patet id in Epulone diuite, & Lazaro paupere: moritur uterque, diues sepelitur in inferno, pauper ab Angelis in sinum Abrahamae deportatur. Epulo in Inferno Lazarum rogat, quem fuerat in terra aspernatus, ut guttula vna arentis linguae sitim refrigerare dignetur, & negatur. Causam vultis; addit illam Dei nomine Evangelista. *Fili recordare, quia recepisti bona in vita tua, Lazarus similiter mala, ideo hic consolatur, tu vero cruciaris.* De his beatitudinibus plura alibi in Catechesi, & in Apparatu, Vide *Abnegatio, Patientia, Consolatio diuina, Liberalitas, Castitas, Pax, Tribulatio, Persecutio.*

Misericordia.

Exemplum commiserationis & misericordiae legitur in vita Sancti Patricij apud nos cap. 15. quem cum Caecus insequeretur, ut per eum lumen oculorum à Deo impetra-

ret, contigit caecum alicubi impingere, & in terram corruere. Quidam ex comitatu Christianae misericordiae immemor, caeci lapsum risu exceperit. At vir Sanctus in caecum commiseratione, in ridentem indignatione commotus. Tu, inquit, qui oculis ad illudendum misero abuteris, oculorum usu priuaberis, huic vero visum à Deo humiliter poscenti oculorum lumen restituetur: ac formato Crucis signo illufori visum abstulit, caeco donauit.

S. Franciscus adhuc in saeculo adolescens, aded erat misericordiae addictus, ut iuramentum fecerit, nullum pauperem postulante sine Eleemosyna dimittere. Hinc initium tam largae Dei misericordiae in Ordinem illum vniuersum.

Manfuetudo.

Sanctus Thoma de Villanova Ord. Eremitarum Sancti Augustini tanta inerat manfuetudo ut Valentiae carcerem à nimio situ, & horrore diligenter repurgaret, & cum esset Episcopus, si quando in carcerem compingendi erant homines Ecclesiastici, non poterat sibi à lachrymis temperare, aded ipsam iustitiae seueritatem sua manfuetudine temperabat.

Pius V. Pontifex, vel ideò verè pius quia vere mitis, cum quidam in eum libellum probrosum vulgasset, ideoque maiestatis laesa damnatus esset, ut modum inueniret quo damnatum liberaret, illum ad se adduci iubet. Interrogat an scriptum illud probrosum contra Pontificem Christi Vicarium, an potius contra Michaellem Gislerium (hoc erat Pontifici nomen) in lucem dedisset? cum reus se contra Michaellem tantum edidisse responderet, iussit liberum dimitti: *P. Rbo in Hist. virtutum l. 7. c. 8.*

Persecutio ob iustitiam.

Quantum illa persecutio praeter omnibus Ecclesiam Romanam stabiliat, atque illustrat, patet euidenter ex immenso Martyrum numero, qui pro illius fide & veritate toto orbe vitam ac sanguinem effundere non dubitarunt. *P. Nicolaus Caussin* in libro suo, qui inscribitur *Curia Sancta Tom. 1. Lib. 2.* Computat *undecim* Milliones Martyrum, qui à tempore Christi pro Fidei Romanae veritate passi fuerunt: Inter hos vigintiseptem fuerunt Pontifices Romani. Et in sola Vrbe Romana passi sunt plusquam trecenta milia

lia Martyrum. Et in cœmeterio Calisti, &c. sepulti sunt octuoginta Martyrum millia, vti deducit *Bozjus* de signis Ecclesiæ signo 29. lib. 7. cap. 5.

In ipsa postrema est minima Societate Iesu passos esse ex socijs 281. vsque ad annum 1641. declarat Alagambe in Biblioth. Societ. quibus hucusque plurimi acceperunt. Sed nec hætenus à viris etiam aliquando Catholicis defuit patiendi palæstra non indecora. De qua nuper in Henrico Spondano Episcopo, Historiæ Eccles. Scriptore celeberrimo hæc verba legi, *Tom. 2. anno 1565. pag. 671.* Nullus fuit vnquam Ordo inter cunctas Religiosorum Sodalitates, qui plures passus sit per Orbem vniuersum controuersias, & oppugnationes, nec qui gloriosius eas vbique superauit, à Domino procul dubio factum est istud, & est mirabile in oculis nostri, &c. Ita, inquam, Spondanus, ibidem.

Exemplum peculiare patientis persecutionem propter iustitiam enituit in Trauersio insigni fidei pugile in Hibernia, qui cum librum pro auctoritate Ecclesiæ Romanæ contra hæreticos scripsisset, captus est, & præ tribunali publicè interrogatus, an talem librum ille composuerit? Mox ille Christiana libertate manum attolens respondit: *Hi sunt digiti qui librum illum conscripserunt.* Cumque ea de causa supplicio affectus, & cadauer exultum foret, digiti illi quibus scriptum illud exarauit illæsi manserunt, quamuis vt consumerentur à carnifice sæpius in ignem coniecti fuissent. Ita Spondanus & plures alij.

Q. *Quæ dicuntur Euangelica consilia?*

R. Esp. Videlicet quæ per Euangelium non tanquam ad salutem necessaria, sed veluti suscipientibus magis expedita atque utilia à Christo non præcipiente quidem, sed consulente proponuntur.

Q. *Quot sunt Euangelica consilia?*

R. Esp. Principalia tria sunt: nimirum, Paupertas voluntaria, Castitas perpetua, & Obedientia integra, quæ propter Deum homini religiosè exhibetur.

Expos. Huiusmodi consilia Christus, non verbo tantum docuit, vti mox ostendemus, sed etiam *Exemplo* vitæ suæ sanctissimæ confirmauit. Quoad *Paupertatem*, cum diues esset, propter nos pauper factus est, non habens vbi caput reclinaret. Quoad *Castitatem*, ipse semper virgo, etiam ex virgine nasci voluit, &

Sanctarum Virginum Sponsus semper perseverat. Tam sedulus demum fuit in præstanda *Obedientia*, vt Matri Virgini, ac Iosepho fabrico subditus fuerit, & ad mortem vsque crucis obediens factus est, de se ipso testatur: *Descendi de cælo non vt faciam voluntatem meam, sed voluntatem eius, qui misit me.*

Ad hanc voluntariam paupertatem amplectendam adhortatur nos, Luc. cap. 18. *Si vis perfectus esse vade & vende omnia, qua habes & da pauperibus, & habebis thesaurum in cælo, & veni sequere me.* Huius autem cultores ac professores erant Apostoli, quorum nomine fidenter dixit Petrus ad Christum, Matthæi cap. 19. *Ecce nos reliquimus omnia, & secuti sumus te.*

Ad Castitatem inuitat Matth. 19. Item Paulus ad Corinth. 1. *Bonum est homini mulierem non tangere.* Et S. Ioanne Apoc. 14. singulare huic virtuti præmium decernit. Qui, inquit, cum mulieribus non sunt coinquinati sed virgines permanserunt, sine macula ante thronum Dei assunt, cantantque nouum canticum coram Deo & Agno, & sequuntur Agnum quocumque ierit.

Obedientiam verò commendat, Matth. 16. *Si quis vult venire post me abneget semetipsum, & tollat crucem suam, & sequatur me.*

Huiusmodi autem Christi imitatores, qui dictis consilijs obseruandis serid vacarent, semper Ecclesia habuit, nec tantum de vulgò aliquos, sed etiam Imperatores & Reges, quibus, seruatis Christi consilijs, Deo seruire erat regnare, eligentes potius abiecti esse in domo Dei sui, quam habitare in tabernaculis peccatorum.

Atque ex his non paucos sibi vindicat Anglia & Hibernia. Ac imprimis *Sigisbertus* Rex Northumbriæ in Anglia circa annum Christi 640. abdicato regno monasticam vitam amplexus est. Et cum postea hoste regnum inuadente, totius populi precibus coactus esset aciem ad bellum præcedere, noluit vel tantillum Religiosum habitum dimittere, sed eo indutus ante exercitum ad prælium processit, vti refert *P. Platus* lib. 2. cap. 26.

In eadem Anglia *Etelredus* Rex anno 740. postquam pluribus annis regnum suum piè iustique administrasset, corona in nepotem suum *Chenredum* vltro translata, Religiosam vitam in solitario regni sui Cœnobio elegit. At ecce idem *Chenredus* feliciorem reputans patru Religijs quam Regis fortunam, post quinquennium inanem purpuræ regis fulgorem cum religioso habitu commutauit, quem ex manibus Cœlestini primi Pontificis Romæ

K 4 acce-

accepit. Neque multo post tempore illum ex eadem Anglia Inas Rex Saxonum ad Apostolorum limina secutus est, ubi se regnumque suum Pontifici ultro subiecit, & mundo valedicens per religiosa vota se Christo mancipauit, vt tradit idem *Platus loc. cit.*

In Hibernia anno 650. *Vibeant* Rex tres habuit filios, *Forseum*, *Follianum*, & *Vltanum*: hi omnes cœleste regnum terreno præferentes Religiosum statum amplexi sunt. Vtique à mundi luxu, & paterna Aula remotius viuerent, in Galliam traiecerunt, ubi cum Regis Clodouæi licentia Monasterium ædificauerunt, atque in eo tanta pietate vixerunt, vt omnes in Sanctorum numerum relati fuerint. *Platus ibidem.*

Ex alijs Regnis longum esset recensere Exemplum Carolomanni, Trebellij, Bambæ, Veremoni, Ramiri, aliorum Regum & Imperatorum, qui Euangelica Christi consilia & religiosa vota omnibus mundi opibus ac regnis prætulerunt.

Q. *Quæ hominis nouissima dicuntur?*

Resp. Ea quæ homini ad extremum accidunt; vt Mors, Iudicium, Infernus, & Cœlestis gloria, de quibus ita docet Sapiens: In omnibus operibus tuis memorare nouissima tua, & in æternum non peccabis.

Expos. De Morte sic loquuntur Scripturæ: *Statutum est hominibus semel mori*, ad Hebr. 9. Et hoc pulchra similitudine exponit Eccles. 2. *Omnes morimur, & sicut aqua dilabimur in terram.*

Et in hac quidem mortis certitudine, nihil incertius quam quando simus morituri, teste Ecclesiast. cap. 9. *Nescit enim homo finem suum.* Quare prouidè monet Seruator noster, *Esote parati, quia, quæ hora non putatis, filius hominis veniet.*

Mortis memoria.

Sandus Ioannes à liberalitate in pauperes dictus Eleemosynarius, vt nouissimorum semper recordaretur, sepulchrum sibi extrui, sed imperfectum relinqui curauit, ac monitorem statuit, qui diebus Festis sibi coram omnibus diceret, *monumentum tuum in hodiernum diem est imperfectum*, Domine, iube ergo vt id finem accipiat: incertum enim est quæ hora fur ingredietur, id est mors, & hæc enim cogitatio ad Eleemosynas tantas excitauit: Ita *Leontius* in eius vita. Sed ad alios transeamus.

Carolus V. Imperator ac supremus olim or-

bis Monarcha, vt se ad mortem melius compararet, deposito sceptro & corona, abdicauit à se totum Imperium, & omnia regna Hispaniæ, Indiæ, aliaque quæ per orbem possidebat, seque in solitario Hispaniæ angulo abscondit, ubi adhuc viuens curauit suas exequias se præsentē celebrari, vt sic futura mortis memoriam sibi altius infigeret, & se ad eam ritè præpararet. Et nos mortis immemores de minimo terræ puncto litigamus.

B. Francisco Borgia Gandiæ Duci & Cataluniæ olim Proregi, cui à Clemente X. Sanctorum fastis adscripto, dum hæc scribo, orbis Christianus applaudit, en quantum profuerit seria mortis memoria. Francisco commissum fuit cadaver Isabellæ Imperatricis vxoris Caroli V. ad Regum sepulchra Granatam deducendum. Cumque aperto iam loculo ipsi de more iurandum esset, illud esse Imperatricis cadaver, vidit illud adeo deformatum, & sanie, ac vermibus scatere, vt nisi aliunde id nouisset affirmare non possit illud esse Imperatricis corpus, quod tamen in vita à summa formæ præstantia celeberrimum fuit. Borgia hoc aspectu commotus, d, inquit, inanes mortalium spes! Ad hoc deuenit tanta maiestas & pulchritudo! Sat Aulæ Regum, sat datum est Dominis morituris. Ac postea Aulæ valedicens, Domino immortalī in Societate Iesu sic seruiuit, vt ipse ad immortalem inter Sanctos gloriam peruenerit. Ita in eiusdem vita.

Refert P. Cottonus *Sermone de Mortē*, quandam domicellam vitæ vanitati ac libertati adeo deditam fuisse, vt ex multis, quas Confessarius iniunxerat, penitentijs, semper diceret, se nullam posse implere. Hanc tandem à Confessario propositam admisit, vt quoties manus laueret, toties sibi ipsa tacita diceret: Hæc caro vermium esca erit. Hac cogitatione in animum altè admissa adeo immutata est, vt alijs deinceps optimo virtutis exemplo præluserit. Vide in Apparatu, Verbo *Mors*.

Iudicium.

De iudicio Apostolus ad Hebr. 10. *Horrendum est incidere in manus Dei viuentis.* Et 2. ad Corinth. 5. *Cuncta, quæ sunt adducet Deus in iudicium pro omni errato, siue bonum, siue malum sit.*

Refert hoc modo Ioannes Climachus, solitariū quemdam in Choreb habitasse. Hic cum diu negligentissimè vixisset, non habens animæ curam, morbo tandem ad extrema deductus

ductus est; cumque à corpore iam migrasset, post horam ad se rediit, rogans ut inde abscederemus. Cellæ vero aditum obstruens mansit intus annis duodecim nihil præter panem, & aquam gustans, & sedens attonitus voluebat semper quæ viderat, ita fixo cogitatu, ut nec vultum immutaret, vim solum lachrymarum profundens. Cum iam morti foret vicinus ruptu aditu ingressi sumus, cumque ab illo doctrinæ verbum supplices peteremus, hoc tantum audiuius. Ignoscite mihi, nemo qui mortis, & iudicii memoriam verè agnouerit, peccare vnquam poterit. Nos verò mirati sumus talem in eo, qui negligens fuerat, beatissimam reformationem. Alia in Apparatu, V. *Iustitia diuina.*

Infernus.

I Bierit fletus & stridor dentium. Matth. 18. Ibi vermis eorum non moritur, & ignis non extinguitur. Marc. 9. Cruciabuntur die ac nocte in sæcula sæculorum. Apoc. 21. Sed quis explicabit quid hoc sit cruciari in sæcula sæculorum? Considera tot annorum millia quot sunt momenta in tempore à creatione mundi; quod gutta in mari, quot arena in eius littore, quot in arboribus folia, quot in hominum capitibus pili, quot in cælo stellæ: Nihil hæcenus numerando profecisti, plus enim restat quam numeraris, & eternitatis nec principium quidem hæcenus attigisti. Hincrogat Esaias 33. *Quis poterit habitare de vobis cum igne deuorante, quis habitabit de vobis cum ardoribus sempiternis?*

Refert Venerabilis Beda *Histor. Anglic. lib. 3. c. 19.* B. Fursæum natione Hibernum, Peronensem in Picardia Diuum tutelarem, semel in mentis raptu horrendos inferni cruciatus aspexisse. Ex hoc breui infernalium poenarum cognitione ita deinceps afficiebatur, ut etiam in rigida hyeme simplici rectus vestitu ex earum recordatione statim ex toto eius corpore guttatiim sudore efflueret. Si tantam vim habet gehennæ absentis recordatio, quid faciet præsentis perpeffio.

Idem Beda in *Histor. Anglic.* narrat senem quemdam vitæ restitutum in Eremitum concessisse, vbi supra humanas vires austeram & religiosam vitam duxit: increpabant eum vicini quod se enecaret: quibus ille in lachrymas solutus: O vti nam vobis datum esset videre, quæ ego vidi, certo certius affirmo, has poenas nihil esse ad æternas illas, quas vidi. Alia exempla in Apparatu, V. *Infernus.*

In vita S. Patricij refertur, quomodo Deus

voluerit hominibus quandam infernalium poenarum speciem exhibere, quando S. Patricio orante ingens terræ Antrum cum nouem in eo foueis apertum est in quas si quis poenitentia causa intrabat, horrenda dæmonum spectra, & ignis, & aquæ, & varij generis tormenta occurrebant. Ideoque locus ille in boreali Hiberniæ plaga Purgatorium S. Patricij ab incolis nuncupatur. Idem tradit Gir. Cambrensis in *Topographia Hibern. Dist. 2. Salterienfis*, & Dionysius Carthusianus de 4. Nouis. part. 3. art. 4.

Gloria Cælestis.

S Sanctus Stephanus vidit cælos apertos, & Iesum stantem à dextris virtutis Dei: & hac cælesti visione quantumvis exigua ita recreatus est, ut nec lapides, nec persequentium furorem, nec mortem ipsam formidaret.

De magnitudine huius Gloriæ Exemplum insigne refertur in *Speculo Exemplorum pag. 115.* De Monacho quodam viro admodum pio & religioso, qui cum mane simul cum alijs eiusdem Monasterij matutinis precibus interesset, & casu in hunc Scripturæ locum incidisset, *Mille anni ante oculos tuos tanquam dies besterna, quæ præterijt*, cœpit secum cogitare, qui id fieri posset, & in ea cogitatione reliquis ex choro digressis persistit aliquamdiu, petiuitque sibi illum versum à Deo reuelari. Et ecce, continuo pulcherrima Auis ante oculos eius volat, & auolat; ille insequitur etiam extra templum in nemus aliquod amplum & spatiosum haud procul à Cœnobio, illic auicula subsistens, adeo suauiter ac cælesti modulatione Monachum extra se raptum detinuit, ut ad trecentos annos, sine cibo, sine potu illi suauitati affixus permanferit, donec tandem auis auolans illum dimisit. Ille Monasterium repetit existimans per duas tresue tantum horas ab eo se absuisse, pulsat ianuam, accurrit ianitor, petit quis homo sit, & quid velit? Sum, inquit, huius cœnobij Sacrista, qui eo hodie post præces matutinas sum egressus. Ianitor insanum aut delirum putans, petit ab eo nomina Fratrum, ille singulorum nomina ordine profert, & mirans se non admitti petiuit adduci ad Abbatem, quo deductus, nec ille Abbatem, nec Abbas illum nouerat: interrogat itaque Abbatem de prædecessoribus alijsque qui deprehensis sunt à trecentis annis ibi vixisse, atque ita tandem totum mysterium euolutum fuit. Quod si vna tantum cælestis aule auicula, ita hominem veluti extra se rapere potuerit, quantum in cælo gaudium con-

conciliabunt tot cœlestium spirituum voces, ac ipsius Christi, Deiparæ Virginis, & omnium Sanctorum societas perpetua: Si vna gutta tantum deliciarum contineat, quid erit repleri vbertate domus Dei, & torrente voluptatis potari.

Huius doctrinæ documentum simul & exemplum in se præbuit Thomas Morus Angliæ Cancellarius. Cum enim Religionis causa à Rege in vinculis detineretur, vxore eius nomine Aloysia multis præcibus eum sollicitare cepit, vt seruiret tempori, ac Regis voluntati se accommodaret, neque oblatas opes ac honores repudiaret. Interrogat illam Morus, mea Aloysia, dic amabo, quot annis bonis illis, quæ commemoras, fruemur? Respondit illa, viginti annis, si Deo ita visum fuerit. Abi, inquit, stulta mercatrix, tu me vis cum caduca viginti annorum fortuna æternam gloriam & felicitatem commutare? Si viginti annorum millia diceres, aliquid tu quidem dixisses, quid tamen hoc esset cum æternitate collatum? Pereant omnia vitæ bona, & vita ipsa potius quam ego tanto periculo vitam in cœlo perpetuè duraturam exponam. Et vt duxit sapienter, ita egit fortiter, ac pro Ecclesiæ Romanæ defensione caput securi, gloriæ æternæ securus obiecit. *Sander. de Schism. Anglic. lib. 1.*

In varijs etiam Sanctis Deus gloriæ cœlestis aliquod initium in hac vita ostendit.

S. Paulus Apostolus adhuc viuens raptus est in tertium cœlum, & ibi audiuit arcana verba quæ non licet homini loqui.

Moyse etiam in hac vita postquam montem ascendisset, & ibi per quadraginta dies in oratione cum Domino versaretur, facies illius ex diuino colloquio ita radiabat, vt filij Israel propter fulgorem inde emicantem non potuerint oculos in eius faciem intendere. Quanto maiori cum luce, & splendore Beati in cœlo per omnem æternitatem fulgebunt, quorum corpora induent immortalitatem, & incorruptionem post huius vitæ ærumnas pro Deo patienter toleratas: *Fulgebunt Iusti quasi splendor*

Firmamenti, & quasi Stella in perpetuas æternitates, Daniel. c. 12.

In morte Sancti Francisci vnus Fratrum vidit illius sanctissimam Animam in specie Stellæ splendidissimæ ex illius ore emicare, & cum ingenti gloria in cælum ascendere. Nec mirum, inquit S. Bonauentura, illo cum Christo figuram stellæ præse tulisse, qui etiam in hac vita stigmata Christi portauit. In *vita S. Francisci.*

In funere S. Patricij Hiberniæ Apostoli exequias celebrauit Angelorum chorus, qui cœlesti luce, suauissimo concentu, & odoris fragrantia præsentium oculos, aures, atque animos miro modo recreauit. Quinimo totis duodecim diebus, quibus corpus inhumatum permansit, exequiarum locus & regio vicina sine noctis vicissitudine continua luce collustrata frueretur: *vt in ipsius Vita traditur. Plura vide in Appar. verbo Beatitudo.*

CONCLUSIO.

Cœlestis gloriæ ac beatitudinis nostra radix & origo est Doctrina Christiana, quam bene tenus elucidamus. Hæc enim est per quam Deum vt creatorem, ac remuneratorem nostrum firmissimæ fide agnoscimus, & agnoscendo in eum speramus, sperando diligimus, diligendo veneramur, & ad promouendam præsentem eius futuramque gloriam iustitiæ Christianæ officia exercemus. Hæc est lucidissima illa Cynosura, quæ nos in ancipiti huius vitæ curriculo inter aduersa & prospera perpetuè moderatur, ne à recto salutis æternæ cursu defleamus. Hæc denique est, quæ in ipsis vinculis, carceribus, exilijs, honorum, vitæque periculis, inuidiosos Christianæ militiæ pugiles virtute roborat, patientia munit, constantia obarmat. Non enim coronabitur, nisi qui constanter & vsque ad finem legitimè certauerit.

Ad hanc Constantiam ne defint posteris præclara suorum Maiorum Exempla, præsertim in Catholico Hiberniæ regno, illa hoc loco post hanc doctrinæ Christianæ elucidationem, oportunè subiiciemus.

EXEM-

EXEMPLA CONSTANTIÆ

*Inter perpetuas pro Fide persecutiones : præsertim in Catholico
HIBERNIÆ Regno per 12. huc vsque sæcula.*

ECclesiam Christi non immeritò Maiores nostri à sui exordio Militantem dixerunt. Hic constanter in acie standum, hic militandum, hic aduersus Fidei hostes semper dimicandum fuit. Habet verò hæc militia id præ cæteris illustre, quod non magis ad Victoriæ conferat magna agere, quam fortiter pati; neque magis gloriosum sit pro Christo in causa Fidei alienum sanguinem, quam proprium fuisse. In hac patienti nobili palæstra suis constanter præire Dux ipse supremus & voluit, & debuit: Oportuit enim Christum pati, & ita intrare in gloriam suam. Purpureum hoc Ducis vexillum firmo pede contra omnes Tyrannorum minas secuti sunt Apostoli omnes, & ab Ecclesiæ exordio tot Martyrum myriades. Hoc quoque æuo Europam qua patet circumspice vniuersam. Quot in Belgio, aliisque Regnis Christianæ Constantiæ illustres victimæ cecidere. In vna Anglia sub vno Henrico VIII. quindecim Superiores Regularium constantiam suam pro sustinenda Pontificis autoritate suo sanguine consignarunt: Religiosi alij ad cæterorum terrorem supra quinquaginta fame, fædore carcerum, ac suspensio sublati, ac penè totidem Sacerdotes singulari eruditione ac constantia illustre, præter duo Regni ac orbis lumina Ioannem Fisherum Episcopum Roffensem, & Thomam Morum Regni Cancellarium, qui pro tuenda fide Romana colla securi intrepidè subiecerunt.

In hoc quoque Constantiæ Theatrum suo iure non postrema prodeat tandem *HIBERNIA*, non vnus tantum xui curriculo, sed per Duodecim penè sæcula cum Fidei hostibus, cum Hæresi, cum omnibus Tartari machinis & iniurijs, non indecoro Marte confliata.

Ingentia quidem sunt Miracula quibus *S. PATRICIUS* vniuersam Hiberniæ Insulam pariter cum fidei lumine ab initio collustravit. Verum illius nullum existimo magis stupendum fuisse prodigium, quam quod in illa Gente quam à principio nactus est mobilem, & ad

vagos Gentilium errores maximè procliuem, Fidei radices tam altè infixit, fundamenta Religionis Romanæ tam validè firmaverit, vt contra insurgentes omni æuo procellas per annos mille ducentos ad hunc vsque diem, firmam immotamque præstiterit. Sapientis scilicet atque excellentis Architecti præcipua laus est, non ædificium extruere peregrino marmore opulentum, non magnifica fronte superbum, non depictis auro laquearibus illustre, sed firmis potius subnixum fundamentis contra omnes temporum iniurias, casusque venturos, sartum tectum illæsumque constituere. Hæc tua laus est, magne Patrici, hæc dos primæua est, quam à Te pridem accepit tanto parente ter felix Hibernia: cuius in ea dote conseruanda in hodiernum vsque diem Constantiam admirandam, mihi breui tantum compendio exponendam proposui.

Annis à fundata per *S. Patricium* Hiberniæ Ecclesia quadringentis, quantis ea fuerit incrementis prouecta, quantis pietatis, ac doctrinæ ornamentis illustrata infinitum foret enarrare. Si *Pietatem* species, terram pridem incultam & horridam; eo tempore hortum cælestium deliciarum, & terrestrem Paradisum non immeritò noncupares. Quod ne à me liberali nimis elogios Pronunciatum videatur, testem appello (a) *Iocelinum* antiquitatis studio illustrem. Intra (inquit) breue temporis spatium nulla eremus, nullus penè terræ angulus, aut locus in Insula tam remotus fuit, qui perfectis Monachis aut Monialibus non repleretur; ita vt Hibernia speciali nomine *Insula Sanctorum* vbique terrarum iure nominaretur. Vtque plures in eandem sententiam breuitatis studio prætermittam, instar omnium erit irrefragabile *S. Bernardi* testimonium in *Vita S. Malachie*. Verè, inquit, Sanctus locus, secundusque Sanctorum, nec modò in præfatas, sed in externas etiam nationes, quasi inundatione sagæ, illa se Sanctorum examina effunderunt. Quot ex hoc numero in Europam vniuersam pietatis propa-

(a) *Iocel. p. 173.*

gandæ studio æstuantes sese effuderunt (a) Columbani, quot in Galliam Fiacrij, ac Malachia; quot in Germaniam Kiliani, quot in Belgium Auberti, Leuini; Rumeldi? Adeo ut quid isto æuo Roma armis ac Religione, hæc extrema Europæ Insula Sanctitatis ardore ac studio repleuisse videatur.

Quanta verò fuerit cum hac sanctitatis laude coniuncta Doctrinæ excellentia, cum alijs pluribus testem sese offert antiquissimus Beda, natione Anglus, non magis pietatis, quam sinceritatis studio Venerabilis: (b) Qui aperte asserit e gentem Angelorum plurimos etiam Nobilium relicta sua Patria diuinæ lectionis studio solitos esse in Hiberniam commigrare: (c) qui & duos Angliæ Reges Osualdum, & Osuinum apud Hibernos optimis disciplinis imbutos ac institutos esse commemorat. Quin & ipse *Candemus* ex eadem gente licet heterodoxus affirmat, ea ætate Anglosaxones in Hiberniam tanquam ad bonarum litterarum mercaturam magno studio confluisse. In Gallias quoque ex hoc communi artium omnium Emporio integros sacrorum Philosophorum greges enauigasse testatur *Aluissiodorensis* Francorum gente author amplissimus. Ex hoc denique fecundissimo scientiarum Lyceo prodijisset per Europam celeberrimarum Vniuersitatum, ut Parisiensis in Gallia, Papiensis in Italia, primos fundatores declarat disertè (d) S. Antoninus alijque complures. Aded ut ab accepta per Patricium fidei luce, verè possis exclamare ò Hibernia! Venerunt mihi omnia bona pariter cum illa, & innumerabilis honestas per manus illius, & latata sum in omnibus quoniam antecedeat me ista Sapientia, quam sine fictione didici, & sine inuidia communicavi.

Inuidit tamen hostis tartareus Hiberniæ hanc sanctitatis ac sapientiæ gloriam, quam ne pariter cum fide ad seram posteritatem transmitteret, impia Exterorum arma in hoc dictum pietati Domicilium summo impetu concitauit: Eo fortè Diuinæ Providentiæ id permittentis consilio, ut gens illa quæ tot sæculis pietatis ac litteraturæ, eadem deinceps Christianæ constantiæ documenta orbi præberet.

Anno siquidem reparatæ Salutis octingentesimo, iuncti Danis Nortmanni armata classe (e) Hiberniam ingressi, infestissima utrimque bella fuscitarunt, vario euentu per annos pene ducentos continuata. Quo tempore vix vlla euasit vrbes aut oppidum, vix vlla cele-

(a) Lombardus. p. 212. (b) Lib. 3. c. 27. (c) Lomb. p. 193. in Brit. p. 730. (d) Limb. p. 230. Sap. 7. (e) Colgan. tom. I. in præf.

brioris notæ Ecclesia, quam Paganorum impietas, & in Gentem Christo fidem pertinax odium non euerterit; adeo ut commemoraret D. Bernardus in Cenobium Benchorense elatos simul vna die nongentos à piratis impie decisos. His Ecclesiæ Hiberniæ cladibus tam diuturnis successit Procerum tam inter se, quam deinceps cum vicinis Regibus, Hiberniæ dominium assedantibus, perpetua pene dimicatio, quæ nondum obductas priorum temporum cicatrices acerbiori semper vulnere cruentauit. Inter has sibi succedentes temporum iniurias, & concatenatas Gentis vniuersæ calamitates, non parum deformata sunt primæ illa Hibernica Ecclesiæ ornamenta; abacta Musæ, suppressa sanctitas, euerfa olim florentissima prisca pietatis monumenta. Mansere tamen, quod mirere, omni æuo inconcussa, à Patricio primum iacta fidei Catholicæ fundamenta. Non defuere vnquam in tot exterorum assultibus domestici Athlantes, qui huius Ecclesiæ ruinam suis humeris sustineret. (a) Non cessauit in populo tot sæculorum cladibus & iniurijs effrato cultus veræ fidei, sacrificium, hostia, libatio. Non exulauit priscorum temporum imitatrix pietas, ac religio, quamuis ad latebras, ad sylvas, ad speluncas toties relegata: splenduit illa in latebris, floruit in syluis, & speluncis ipsis orbi Christiano latius inclaruit.

Voluit demum ferreum & ferale sæculum quo suam inertiam & Hiberniæ constantiam indignatus Princeps tenebrarum, totò Acheronte contra hanc Gentem classicum insonuit stygias phalanges armavit, bella, horrida bella toto furore, viribus totis adornauit. Infremuit enim grauiterque indoluit tot Gentium spolijs inflatur Lucifer, post expugnatam & à fidei constantia abductam vniuersam Græciam, post euerfam Luthero duce Germaniam, post concussam Caluini fraudibus Galliam, post oppressam tartareo iugo Angliam, Daniæ, Sueciæ, Hollandiæ: infractam adhuc, & suis viribus imperuiam stare, & de Erebo triumphare Hiberniæ constantiam. Concepit igitur in huius Gentis exitium dignas Lucifero iras & odia, telumque machinatur non vnum, non leue, non vulgare, immitit ingethereas aureas multiplices orci phalanges, quæ gemina libidinis, & impietatis face regium Henrici VIII. pectus in flammam agat. Neque verò segnitè exarsit non tam Henricus quam insaufa Hæresis, quæ Regis animum incautè occupauit. Peruasit illa Angliam, inuoluit Scotiam, prostrauit V Valliam, inuo-

(a) Bosius l. 8. c. 1.

uendam quoque communi incendio non dubitabis Hiberniam, si nescias quantas habeat vires vera fides, & armata fide constantia: hæc in periculis intrepida, in supplicijs immota, atque inter ipsas secures sui secunda consistit.

Ad hanc cautem marpessiam ubi tandem aduertit Henricus sisti suum impetum, frangi furor, ab inermi gente armata Edicta repudiari, tum demum velut aduersus gentem sibi inimicam in nouas iras assurgit, & parem iracundiæ suæ vindictam meditatur.

Conspexere Hiberni, firmiores fidei Romanæ pugiles vndique ad eandem & supplicia sub Henrico designari: nihil hinc de fide in Deum, nihil de fidelitate in Regem remissere. Trahuntur interea in vincula religionis causa innocentes subditi, eriguntur feralia pegmata, ceruices crudeli ferro indies subiiciuntur. At horum fides ex aliorum morte viuacior, non dubitat liorem, ferrum, supplicia intrepida ceruice expectare, ac si vitam amittere nequirent, quamdiu fidem vita ipsa chariorem retinerent.

Vtque luculentius scirent vniuersi, Hæresi regio ferro armata: nihil esse sanctum, nihil inaccessum, non dubitauit exemplum in ingens duos ex ipso (a) Cardinalium Collegio publico supplicio afficere, & venerandam purpuram nobiliori murice cruentare. Duces, Marchiones, Comites, Comitumque filios plusquam duodecim tremendo orbi spectaculo securi subiecit: & inter hos ex Hibernis illustrissimum Kildariæ Comitem Thomam Fitzgarretum simul cum quinque auunculis vno die ad totius Insulæ errorem infami supplicio interemit. E Baronum, Equitumque numero supra octodecim capita demersit. Abbates, & Priores Cœnobiolorum tredecim, Presbyteros ac Religiosos septuaginta septem bonis pariter ac vita exiit. In reliquam nobilitatem, ac plebem Catholicam ebria iam cruore hæresis tam late ferro grassata est, vt teste qui tunc vixit, Sander, numerum omnem, fidemque superauerit.

Nonne tandem tremere inter hæc Hibernia! nonne fluctuare, nonne fortunæ, soboli, vitæ, aliorum more consulere? Tremere sanè, meritoque ad hæc fluctuaret Hibernia, nisi à Patricio tanquam cœlesti Appolline in negotio fidei altius firmata, inter trepidantes Insulas dudum numerari desisset.

Sed hæc initia tantum sunt dolorum ò Hibernia! quando tu firmitus in fide persistis, tanto tibi diuturniora prælia Hæresis indicit.

(a) Sander. Lib. I. Fol. 421.

Mors quidem Henricum è viuis, sed non Hæresim eripuit. Hæc velut hæreditario iure pariter cum corona ad Elizabetham translata, per totos quadraginta annos parem tibi seruitutem, parem calamitatum iliadem exhibebat. At tu malis pro fide tolerandis assuetus, ex aduerso ostendens, neque malorum numero, neque diuturnitate temporum, innatam tibi constantiam frangi posse aut labefactari.

Post tot exhibitas orbi tragœdias parum sibi profecisse visa est vesana hæresis, vt liberius fureret, exemplo hætenus inuiso, fœmineo vertici cum regia corona, Pontificis quoque Tiaram imponit, vt supremo vtriusque potestatis apice formidanda, gemino velut fulmine Sacra omnia ac profana misceret. Pergit igitur hæc, dominante Elizabetha, maiori quam cæperat impetu ac furore Templâ olim auita maiorum pietate erecta toto Hiberniæ regno Catholicis eripere, Cœnobîa omnia pro sua libidine in vsus profanos conuertere, residua Ecclesiarum bona in nouos impietatis ministros transcribere, Regni Antistites, Presbyteros, homines Deo dicatos in latebras, in exilia, in vincula adigere. Hæc vt violentius exequeretur, nouo Decreto armatur publica Comitiorum auctoritate roborato, quo omnibus Missæ Sacrificium, aut Sacramentum aliquod Romano more administrantibus indicitur, vt prima vice ducentos aureos aut sex mensium vincula incurrant: secunda quadringentis aureis aut vnius anni carceribus adstringantur: Tertia demum vicè vt perpetuo ergastulo addicti, omnibus pariter fortunæ bonis exuantur. Hæc prima Decretorum fulmina in extremum Religionis exitium toto regno euibrata, Clerum vndique tam secularem quam regularem vel in extremas domi angustias, vel in vaga per Europam exilia adegerunt.

Sed nequid rei Catholicæ integrum illæsumque permaneret, non leuiora in Laicos reliquamque gentem tela detorquentur. Quorum vt plurima præteream; id omnibus in commune indicitur, vt si qui ex vniuerso regno, etiam de plebe infima, festiuis diebus à Nouatorum templis abessent, toties in poenam, plebæis ceruicibus grauem, asses duodecim in singula familiæ capita perfoluerent, vt tandem lento hoc supplicij genere consumptis viuendi medijs, aut vitam ipsam, aut fidem prodigerent, Hæc sanè tortura populo inopi, totque antea malis exhausto quauis catasta aut equuleo grauior apparere potuit. Verum ad labefactandam hibernicæ plebis constantiam tam

pa-

parum inualuit, vt inuenti sint non pauci, qui omniere ac peculio hac ratione pene consumpto, quod reliquum erat in Exactorum manus ultro obtulere, rati seruato tantum Fidei thesauro, se satis fore in pauperie diuites, in mendicitate opulentos.

Quoniam ergo his artibus lentum videbatur in externas facultates & corpora grassari, compedes denique & catastas multo grauior excoegitauit impia Hæresis, quibus animas ipsas constringeret, & conscientie soli Deo subdite vim inferret. Huiusmodi fuit nouum iuramenti genus, quo necesse foret profiteri Reginam esse supremam gubernatricem omnium suorum Regnorum non minus in rebus spiritualibus atque Ecclesiasticis, quam temporalibus & politicis, abiurata penitus omni potestate ac iurisdictione Pontificia. Qui iuramentum hoc præstare recusarent statutum fuit vt prima vice bona eorum omnia fisco cederent, secunda penam capitis perduellionum more incurrerent. Hæc violenta animarum carnificina quanto apertius intima veræ fidei penetralia impetebat, tantò constantius ab vniuersa Gente spretis tot penarum terroribus, omni tempore reiecta ac repudiata fuit.

Quis mihi nunc calamus describet, pro tuenda in fide constantia ea tempestate quot Sacri pugiles in arenam prodire, quot vincula decorarunt, quot carceres nobilitarunt, quot regna exilijs, quot tribunalia dirissimis quæstionibus ac supplicijs impleuerunt. Vt præteream e media plebe innumeros partim ferro, partim exilijs tot annorum curiculo miserè confectos. Inter supremos Ecclesiæ Hibernicæ Antistites recensere possim primò Archiepiscopos omnino quinque, ex Archiepiscopatu Armacano duos regni Primates Creaghiam, & Gauranum: ex Casselleni Harleum, & Gibbonum: ex Tuamenfi Nicolaum Skerettum: quorum omnium acta eximia, & admiranda constantie exempla, nisi breuitati studerem, promptum esset palam orbi Christiano exhibere. Ex Episcoporum numero reperio non pauciores quam tredecim non minus Tiara quam virtute cōspicuos, qui varijs supplicijs & ærumnis pro conseruanda orthodoxe fidei integritate vitam ultro posuere. Ex alijs Prælati, Presbyteri, ac Religiosi, præter alios mihi ignotos, monumentis consignatos reperio sex supra triginta qui eadem causa, non dispari exitu vitam pro fide oppignorarunt. Infinitum foret hic ad calculos reuocare ex primarijs Hibernicæ Familijs illustres Fidei Heroes, quos innata

in Religione constantia & persequentium furor in exitum adduxit, quorum aliqui cum tota progenie in perpetuum proscripti, non dubitarunt Religionis veræ causa in interitum ruere voluntarium.

Post hanc malorum iliadem, & contiuam per annos quadraginta & quod excurrit bonorum animorumque in fidei causa torturam, cum Elizabetha è viuis abeunte nondum clauditur feralis Hiberniæ tragedia. Sub Iacobo, nouo Rege, noua calamitatum scena aperitur, quæ Gentem tot malis confectam & penè exanguem in nouum constantie theatrum adducet. Spargit primò insana Hæresis per vniuersum regnum auidos prædæ Satellites recentibus edictis armatos, qui confractæ Gentis reliquias nouis rapinis, ac tributis exhauriant. Introducit deindè inextricabiles quæstiones de Religione Romana, (a) eiusque in singulis penè articulis exercitio, de auitis Catholicorum possessionibus ad seuerum examen reuocandis, de fundis & latifundijs partim grauandis, partim ad alios Dominos transferendis, de nouo Reip. statu constituendo, de nouis Anglorum colonis introducendis, de nouis Ministris instituendis ac dotandis, de nouo Titulorum ac hereditatum iure sarciendo, quo facilius possent veteres coloni de auita possessione deturbari. At frustra sequit in electum Christi gregem vesana Hæresis: non frangitur, non flectitur, non labefectatur fida Deo, fida Regi Hibernia, sed Pastoris sui vocem secuta, tanquam ouis ad occisionem ducta, coram tondente se, ac laniente obmutescit. Conspirent in hanc vnam omnes Erebi phalanges, non cedit: mille opprimant iniurijs, non succumbet: omnia maiorum decora ac monumenta posteritati eripiat, hanc illa fortunam, quantumvis diram ac luctuosam, non repugnando, sed patiendo superabit. Non recusat illa & corpus, & omnia corporis subsidia secari, diuidi, lacerari, modò Caput hoc est, Regis sui coronam, aut Pontificis tiaram non attingas, his solum protegendis pridem vitam atque arma consecrauit.

Hic ego præteritorum temporum Annales & memoriam vltimam appello, si vlla vnquam Europæ Regio tanta malorum serie Religionis causa exagitata, contra omnes hominum demonumque iniurias, tot annorum lustris, constantia tam infracta atque inconcussa, in auita fide permanferit. Græciam conculsit Ottomannus, & dudum cecidit illa tam nobillis, totque fulta præsidjs Orientis

Ec-

(a Philadelphus Pag. 1. Art. 5.

Ecclesia . Germaniam inuasit Lutherus priuato potius serore quam publico , terrore armatus , & ecce quot regna , quot prouinciæ nobilissimæ exiguo tempore Religionis auitæ ruinam sustinuerunt . Centum iam & amplius annis sine alterna requie , cum armata furij hærési , cum carceribus , cum exilijs , cum stricto liſtoris mucrone , sola , inops , inermis , exhausta decertat Hibernia : & adhuc laceratis vndique fortunis , integra tantum fide in Deum , & fidelitate in Principem , in arena & agone perſiſtit . Iacent alia Regna opes & potentiam , strata classibus maria , subactos latè populus , aduectas ab extremo oriente gazas . Tibi autem , ter beata Sanctorum Insula , abſit gloriari nisi in cruce Domini tui ; in feruitute , in iugo , in pauperie pro Christi Fide constanter tolerata : hisce tu saltem Titulis & insignibus decorata , in Catholicorum regnorum Fastis primas non immeritò obtinebis .

Piget fortasse hætenus tristes rerum imagines , & continuas vnus Regni tempestates sine alterno benignioris syderis aspectu vestris oculis animisque representari . Verum , non est cur pigeat nos dicendo pergere , quamdiu non tædet Hiberniam patiendæ perseuerare . Vocat nos demum vltima , ac pene fatalis tragœdiæ huius catastrophæ , in qua non tantum acerba temporum anteriorum vulnera , sed ipsius pene Sanctorum Insulæ interitum spectare cogemur , si tamen interire dicenda est quamdiu viuit fides , spirat pietas , & secura vitæ melioris constantia in ipso quasi funere efflorescit .

Postquam igitur hæresis , nullis vnquam cladibus , nullo sanguine saturata , in hæc remotiora Regni Anglicani membra per tot annorum lustra impunè defæuijt , non dubitauit demum insolenti facinore in ipsum regnicaput violentas manus iniicere ; illud , inquam , caput truculento ferro præcidere , quod ipsa pridem in Ecclesiæ Anglicanæ Caput enexit . Atque ita hæresis eadem vti facinoris huius auetrix , ita vltix fuit , dum ausa est vno istu regni pariter ac Religionis suæ Caput amputare . Spectauit inulta domesticum sceſus ipsa Anglia , & cæteri Europæ Principes potentissimi . Non tulit tamen ab ipso exordio illatas Regi suo iniurias , vti fide in Deum , ita fidelitate in Regem assueta Hibernia . Erexit se quamuis oppressa , armavit se quamuis hætenus inermis , & præpotentes Anglicani Parlamenti copias in se vltro concitauit . Ante omnia pro Fidei tutela ac defensione Catholicum Concilium Procerum ac Prælatō-

rum sibi præfecit , qui Regis licet eo tempore exulis , & absentis nōmine Regni habenas , & arma administrarent . Quoque se , suamque causam Deo , eiusque in terris Vicario arctius adstringeret , Nuncium Apostolicum à Romana Sede petijt & impetrauit . Neque ex alia parte desistit missis continuò Delegatis Regis sui aduentum sollicitare , donec tandem Rex alium , qui Catholicis armis præſſet , suo nomine submisit . Quamuis hinc non ignoraret Hibernia , hostes regio nomini infestissimos in suum exitum iras omnes & arma conuersuros . Fauit quoque ab initio sinceris Hiberniæ conatibus diuina Clementia , ac fœlicibus auspicijs totum pene regnum Catholicis armis , suiue Regis obsequio subiecit . Fausis hisce progressibus , ac lucido Fidei penè triumphantis intervallo incitata iterum Hærési , odijs plusquam furialibus omnia domi forisque miscere , turbare , agitare aggreditur , ne Gentem tanto tempore suæ tyrannidi subiectam , in nouam fidei liberalitatem assurgere patiatur .

Cromuwellum igitur aui sui portentum , eiusque copias Regis sui cæde infames , ad Religionis , ac Regij nominis interitum in Hiberniam latè effundit : qui omnibus toto regno edieit vt qui se , suaue seruata volunt , relicto tantum Rege ac Religione Romana , Parlamenti Anglicani Leges ac Iura recipiant . His sine mora constanti fide repudiati : ac demum post varios casus regni viribus quæui , qua dolo miserè laceratis , quæ , quantaque pro Rege ac Religione Ciuitates singulæ sustinuerint ad perpetuum constantiæ exemplum deinceps spectabimus . (a)

Cæsis non ita pridem ad Dublinum Catholicorum copij , Vrbi Pontanensi , quæ à Septentrione Dublino adiacet , hostilia castra admoventur : hæc quamuis externo auxilio destituta , contra perpetuos victorij copiarum assultus tam fortiter stetit ac dimicauit , quam si ex suo lapsu totius patriæ ruinam formidaret . Donec tandem hostium numero magis quam virtute superata , vitam pacisci coacta fuit . Sed & hanc innata hæresi perfidia promiscua cæde innocentibus ademit ; extractis quoque è latebris ac publico supplicio affectus quos pro Rege ac Religione fortius stetisse constabat . Inter quos (b) P. Ioannes Batthæus è Societate *IESV* , cum fratre Sacerdote ad stipites alligati , & plumbeis glandibustræiecti , nobiles fidei victimæ occubuerunt .

Hoc

(a) Anno 1648. 2. August.

(b) Annua Sæc. 1650.

Hoc rerum successu ad nouas cædes incitata hostium crudelitas, pari furore atque impetu Vvexfordiam aggreditur, Vrbem maritimam auitæ fidei, & authoritatis regiæ omnino tenacissimam. Hæc ut erat insigni ciuium robore, & natura loci munitissima, prius se hostium dolo captam vidit, quam capiendam formidauit. Irruunt denso agmine hostiles copię, obuios quosque prosterunt, ac præ cæteris sacros Deo homines ad necem deponunt. Inter hos ex sacra S. Francisci familia septem omnino innocentes victimæ cecidere, tam intrepida omnium ordinum in aperta fidei professione constantia, ut etiam ex imbelli sexu ultro accurrerint Sacræ Deo Virgines, quæ se numero cæforum adiiciendas obtulere.

Neque tamen hæc immania crudelitatis exempla cæteras Hiberniæ vrbes permouere potuerunt, ut cum minima Religionis aut regiæ authoritatis iactura, pro se suisque fortunis cum hæretico hoste paciscerentur. Eodem quippe hostium furore, eademque ciuium constantia occupatur *Rossia*, expugnatur *Vvaterfordia*, frustra ciuibz oblata rerum omnium, præterquam Missæ, libertate. Ac demum post geminam obsidionem opprimitur magis prosteritur, *Clonmelia*, quam hostes ipsi ab admiranda fidei firmitate, paruam Romam nuncupare.

Stabat hætenus inter vicinarum vrbium ruinas fida semper Deo, fida semper Regi *kilkenia*, quæ olim Regni Delitiæ, & Musarum Athenæ, ea verò tempestate Catholici Concilij sedes nobilissima fuit. Hanc velut amputatis membris exanguem, & vndique desertam, impius hostis totis viribus sibi tandem oppugnandam suscepit, ut quam non poterat stantem, saltem languentem opprimeret; oblata sæpius conditione, ut si in Parlamenti Anglicani fidem se daret, eadem cum *Londino* immunitate gauderet. Maluit tamen illa cum populo Dei affligi, quàm temporalis peccati habere iucunditatem. Incensis itaque, ne ab hoste occuparentur, proprijs suburbijs, non tantum violentam obsidionem, sed etiam supremum totius exercitus assultum intrepida sustinuit. Donec tandem ruentis patriæ casum secuta, cum suo Antistite Dauide Rotho in hostis potestatem redacta est: à quo deinceps, ira in longum protracta, eam subijt pro Fide ac Rege bonorum iacturam, ac primariæ nobilitatis lentam carnificinam, quam, & animus meminisse, & manus exarare perhorrescit.

Vnum tamen multis testibus eo tempore gestum, non est ut tacitus præteream. Stabat

tunc, & stat etiamnum *KilKenia*, in splendido vrbis foro moles lapidea ac magnifica elegantiori opere per modum obelisci in sublimè affurgens: huic innituntur quatuor excellæ columnæ, quæ supremam totius operis partem sustentant: ad has à quatuor partibus per lapideos gradus in altum ascenditur. Supra hanc molem ad publicam venerationem lapidea Crucifixi statua in suprema cuspe eminebat, quam in illum diem nullus hæreticorum furor deformare, aut violare ausus fuit. At verò post vrbem à Cromuelliano milite occupatam, conuenere ex illis in forum aliquot impietatis antesignani sclopis armati, ac directis in illam Crucifixi statuam crebris ictibus, ut impietati triumphum canerent, nobile illud Crucis trophæum sibi demoliendum suscepunt, quod & pertinaci tandem rabie perfectum fuit. Sed ecce huius impietatis artifices Deo vindice, pede non claudō pæna secuta est. Sic enim omnes diuina ultio, & occultus langor inuasit, & miserandum in modum afflixit, ut eorum nullus intra paucos dies superstes fuerit. Non potuit *KilKenia* occumbenti minor victima immolari. Hoc ego ex publico & recenti eo tempore testimonio, & ex viris fide dignis qui eo loco tunc degebant, & ex Annuis in Vrbem litteris compertum habeo.

Sed ad te nunc propero nobilis *Corcagia*, in hoc Constantiæ theatro cum Fidei hostibus non indecorè decertantem. Vrbis hæc per Momoniæ Præsidentem sine belli strepitu astu occupatā, grauiora bellis pro Deo ac Rege certamina sustinuit. Gener namque Prædis vrbi præfexus, ac nulli Catholico fidendum ratus, publico edicto omnibus palam indicit, aut Romanam fidem, aut vrbem ante vesperum esse deferendam: atque in communis fugæ signum ternam bellici tormenti explosionem instituit. Spectaculum vrbi miserandum, sed orbi admirandum, ac cælo gloriosum! Ante tertium tormenti signum, ciues omnes, matres cum infantibus, ac graues ætate Senatores cum vniuersa familia in campos effusi, in exilium abiere voluntarium, auitam religionem auitis opibus ac laribus præferentes, manè opulenti, vesperi rerum omnium, præterquam fidei ac fiduciæ in Deum penitus egeni.

Post tantos vicinarum vrbium terrores, nonne aliquid de sua erga Regem ac Religionem obseruantia remittet *Limericum* vrbs amplissima, sed omni spe auxilij iam penitus interclusa. Spem quidem illa, in communi patriæ ruina, abijcere potuit, sed fidem non potuit, ut hanc vel ipsa morte tueretur, hostem intre-

intrepida exspectauit, diuturnam obsidionem vndique deserta sustinuit, & ad extremum cum plurimorum ciuium, sui Antistitis, ac fortunarum omnium interitu, constantiæ suæ ac fidei famam ad posterum transmisit immortalē.

Cadente vndique Patria stabat adhuc in armis *Vltoria*, quam ne dubitares sacro bello manus consecrasse, Episcopum sibi Coleherensem in supremum armorum Ducem elegit. Hunc pro Deo ac Rege strenuè dimicantem, Carolus *Cootus*, sua in Catholicos fauitia sat notus, infami tandem astu circumuenit; captumque cum plurimis proceribus, cum fide non posset, vita spoliavit.

Deletis copijs, & subactis passim vrbibus, sola supererat *Galua*, ad ditione ab hoste sæpe sollicitata. Sed hæc etiam sola, suorum ciuium eximia fide ac virtute suffulta, non dubitauit ad animum penè integrum contra ferocissimum hostem totius belli molem sustinere: maluitque demum suo interitu occidenti patriæ parentare, quam cum minima perfidiæ nota se suorumque fortunas à communi exitio conseruare.

Quæ mihi nunc manus, quæ lingua exponet vel tenuem vmbra illarum calamitatum, quas captarum vrbium ac prouinciarum incolæ à iuratis fidei hostibus deinceps subierunt? dum proprijs sedibus vndique expulsi, alij ad dirissimas quæstiones & lanienam quæsi, alij ad steriles Conatiz scopulos compulsi, grauioribus ipsa morte pressuras sustinuerunt. Quæ omnia si ad calculum hic reuocare prolixum non foret, liquidò constaret, plusquam centum Catholicorum milia in Romani nominis odium vita, hæreditate, aut patria spoliata fuisse: quodque obstupescat fera posteritas; ad redimendum tantas tamque diuturnas calamitates, vix in toto Regno inuenti sunt etiam ex infima plebe, qui in animum induxerint suum, deserta aut etiam dissimulata Romana fide hæresi manus dare.

Est sanè (inquies) cur Genti fidelissimæ orbis Christianus meritis gratuletur. Nunc præfertim, postquam Cromuelli impietas suum cursum consummauit, Hibernia fidem seruauit, reposita est Carolo Regi debita iustitiæ corona. Rectè id quidem. At, si nescis, extinctus est dudum alijs, viuunt adhuc Hibernis Oliuerius. Spoliavit ille auita hæreditate subditos Regi fidelissimos: manent illi maxima ex parte etiam hodie sua hæreditate exuti. Ciues toto regno muratis vrbibus ac proprijs laribus exclusit: coguntur illi etiamnum velut in patria sua extorres proprijs sedibus exulare.

R. P. Arfde K. Tom. III.

Nobilium terras ac prædia in perduellem Regi militem distribuit: hoc præmio adhuc fruitur, præsidia, hac pœna plectitur adiurata Fidei, Reique constantia.

At credo ego, non aduerso Gentis fato, sed arcano quodam diuinæ mentis consilio, Hibernis in ipsa patria incumbere hanc omnibus admirandam suæ patriæ orbitatem. Ne scilicet illis vnquam desit vltior palestra, in qua eorum erga Deum Regemque constantia exerceatur. Utque cæteris vitæ bonis ac curis exuti, id vnum curare pergant, ut acceptum à maioribus sinceræ Fidei patrimonium ad suos heredes integrum inuiolatumque transmittant.

Hæc tua hæreditas, hæc tua gloria est, & magne *PATRICE* qui intimis huius Gentis pectoribus eam infixisti Romanæ fidei constantiam, quam nec longa dies, neque tot retro sæculorum cum ethnica impietate certamina, neque centum & amplius annis armata ferro Hæresis, neque tota inferorum rabies, per mille & ducentos annos concutere potuit aut labefactare. Quin potius suis aucta dispendijs, nouis assiduo cladibus crescit, pressuris assurgit, roboratur iniurijs, facilis pati rerum omnium, præterquam fidei ac constantiæ detrimenta.

Tua, inquam, hæc perennis gloria est, ter magne Insulæ Sanctorum Apostole, qui hanc Hiberniæ Ecclesiam tanquam primæuam Petri sobolem supra Romanæ fidei petram ita solidasti, ut aduersus eam, numquam portæ inferi præualere potuerint. O Ecclesiam verè petram, ac Romanæ Petræ verè æmulam! nisi quod hæc in diuturna pace, tu in perpetuo cum hæresi bello; hæc in opibus, tu in egestate; hæc in gloria, tu in contemptu, hæc in nobili purpuratorum Senatu, tu tuo tantum sanguine purpurata contra omnes Erebi assultus immota persistas.

Vestra quoque hæc est gloria posthuma Patricij progenies toto orbe diffusa, in quorum pectoribus etiamnum magni Parentis ardor ac sanguis effervesceat. Quibus satius est per exilia, per inopiam, per vagas sedes, hanc fidei constantiam in se alijsque tueri, quam degeneres annos ad patrios focos inertis otio consumere. Ex quorum numero nunquam hæcenus defuere antiquæ fidei noui pugiles, qui in hac Patricij arena magno animo decertarent. Quorum alij, ut de viris Apostolis cum Apostolo loquar, vincula & carceres experti, alij egentes, angustiat, afflicti, alij in solitudinibus errantes, in montibus & speluncis, & cauernis terræ, ut ipsi testimonio fidei probati, hanc

L etiam

etiam suo sudore ac sanguine alijs comproba-
rent. Hæc nempe omnia etiamnum operatur
primæus ille Patricij spiritus, qui in germana
eius sobole hodie perseverans, ad perferendas
pro Christi fide ærumnas ac labores constan-
tiam animosque suppeditat.

Hæc illa fidei Constantia est, & Hibernia;
quæ Filios tuos tanto numero Doctrinæ ac
Sanctitatis laude domi, forisque illustravit.
Hæc est quæ doctrinæ ac pietate illustres ad
publicam Ecclesiæ lucem per omnes Europæ
gentes toties euexit. Hæc est quæ hæc etiam
tempestate, sobole numquam deficiente, vi-
ros summis muneribus pares ad supremas pa-
trix suæ Insulas subministrat. Hæc illa vna est
quæ tecum omni auro persistens, orbi admi-
randam, cælo gloriosam, hæresis toties deu-
ictæ formidandam efficit. Habeant sine in-
uidia alia Gentes inanes titulos, fluxas opes,
instabilem potentiam: habeat sua gazas Ibe-
ria, suas vires Gallia, suas artes Italia, suas
opes & gemmas America: peribunt opes, suc-
cumbent vires, deficiente artes, Tuæ autem
sint artes & diuitiæ; pro Christo diuitijs care-
re, & aliaque gentes non infidis opibus, sed

opulenta Fide, & inuicta fidei Constantia sa-
perare. Hanc tecum sera posteritas possideat,
Hæreditatem incorruptilem, & incontaminatam
& immarcescibilem, & conseruatam in cælis in Vobis
qui in uirtute Dei custodimini per Fidem in sala-
tem, paratum reuelari in tempore nouissimo, in quo
exultabitis modicum nunc oportet contristari in
varijs contrariis, & probatio vestre Fidei multa
peritior auro, quod per ignem probatur, & inue-
niatur in laudem & gloriam & bonorem in reuelati-
one Iesu Christi, Domini nostri.

NOTA.

Quoniam post illa, quæ hic tradidimus,
creuerunt in immensum veteris Con-
stantiæ argumenta noua & Illustrissi-
ma, non tantum in alijs ærumnis pro Fide for-
tissimè toleratis, sed etiam in gloriosa morte
Primatis Hiberniæ, Archiepiscopi Dublinen-
sis, aliorumque carceribus & exilijs, &c. Hæc
etiam singula infra in calce huius Tomi profe-
quimur, & pro posteritatis memoria ac in-
citamento hisce monumentis fideliter consi-
gnamus.

PARS QVARTA.

PRAXIS

ASSISTENDI PER OMNIA ÆGRIS MORIBVNDIS,

Alijsque, in quouis Statu.

DE dispositione requisita in egro aut
moribundo quoad susceptionem Sa-
cramentorum, tractatum inuenies
suprà, ubi de Pœnitentia, Eucharis-
tia, & Extrema Vnctione actum est. Hic iam
tradimus praxim iuuandi infirmum ut ex par-
te sua dispositionem illam actum ut ex par-
te Actus eliciat, qui conducunt ad statum gratiæ
acquirendum, augendum, aut conseruandum,
maximè in illa vltima lucta & agone, in quo
agitur de tota æternitate. Minimè enim suo
officio satisfaciunt Confessarij, qui vix vllis re-
medijs instructi, tanquam imperiti medici, ad
egros aut moribundos accedunt: cum sepe ab
oportunitate eorum monitis, & auxilijs morien-
tium salus æterna dependeat.

§. I.

Quid Confessario in primo ad Ægrum accessu
curandum.

Primò igitur Sacerdos ad egrum vocatus,
curet, ante omnia in se ipso excitare ma-
gnum desiderium procurandi salutem egro-
tantis, hæc breui consideratione ex S. Diony-
sio, *Diuinorum diuinissimum est cooperari salutem
animarum.* Et animo ad Deum eleuato ex cor-
de dicat. O vtinam possim iuuare hanc ani-
mam, sicut vellem iuuari meam in extremo
vitæ momento, ex quo pendent tota æterni-
tas: Deindè incipiat secum præmeditari, &
quo

quo modo ex his praxibus debeat cum aegro procedere.

Secundò, Si deprehendat morbum esse periculofum, conabitur impedire frequentem amicorum accessum, & alioquium de rebus mundanis multò magis inanes eorum gemitus ac ploratus: vt sic aeger habeat otium conuertendi animum ad cogitationes pias, & salutaria Sacerdotis monita.

Tertiò, Curabit ob oculos decumbentis apponi imaginem Crucifixi, aut aliam, quæ possit in illo Dei, ac Saluatoris suis memoriam excitare: & Aquam lustralem in promptu haberi, qua aeger & lectus frequenter aspergatur.

Quartò, Si medicus aut amici non audeant aegrum de propinquo mortis periculo monere Ipse Confessarius id suauiter & benignè faciat hoc enim omittere crudelitas est non clementia; solet namque aeger per notitiam propinque mortis ad seriam animæ suæ curam multo magis excitari. Poterit itaque periculum his verbis discrete & molliter indicare: Sumus omnes mortales, nescimus autem diem neque horam; medicus iudicat morbum hunc non cedere periculo: non nocet igitur tempestinè disponere domui tuæ; imò iuuare potest ad corporis, & animæ salutem.

Quintò, Moneat vt, si nondum fecerit, Testamentum absoluat, vt tantò liberius curas omnes salutis suæ tantum impendat. 2. Vt si quid restituere debeat, iustitiæ satisfaciatur. 3. Vt pro animæ suæ solatio procuret Eleemosynam fieri in pauperes, & Sacrificia, & alia Ecclesiæ remedia, dicatque aegro; si ipse nunc Tui obliuisceris; quantò magis amici post mortem tui obliuiscuntur? 4. Vt ex animo remittat iniuriam omnibus, qui ipsi inimici & molesti fuerunt ad imitationem & amorem Christi, & qui moriens pro crucifixoribus orauit dicens, Pater ignosce illis, quia nesciunt quid faciunt? 5. Vt ipse veniam postulet ab omnibus, quos dicto vel facto offendit.

Quando autem aduertit infirmum mortis nuncio angī aut turbari, debet in promptu habere motiua quibus mortis horrorem minuat, & ad sequentes resignationis actus egrum inducat: qui etiam pro sanis valere possunt, ad tollendum nimium affectum erga res mundanas.

§. II.

Remedia inducentia ad Resignationem, contra nimium mortis horrorem.

Cogita N. Deum esse supremum Dominum vitæ ac mortis, ac proinde vitæ

vsuram, quam tibi haecenus gratis dedit, quouis tempore pro suo arbitrio repetere posse.

Dic ergo cum Iobo: Dominus dedit, Dominus abstulit, sit nomen Domini benedictum.

2. Statutum est omnibus hominibus semel mori, mortuus est ipse Christus, mortua est Virgo Deipara &c. Nemo autem melius nouit, quando nobis expediat finem vitæ imponere; quam æterna Dei sapientia. Ille verò tanquam amantissimus Pater hunc tibi vitæ terminum ab æterno destinauit. Dic ergo cum Christo in horto, & breui morituro. Pater mi, non mea, sed tua voluntas fiat. Et cum Apostolo: *Mibi vivere Christus est, & mori lucrum. Siue viuimus, siue morimur, Domini sumus.*

3. Tam stultum est nolle mori, quam nolle esse de numero hominum, quorum ne vnus quidem à moriendi necessitate eximitur. Si ergo aliquando moriendum est, quando potius quàm hoc tempore, in quo habet tam multa adiumenta piæ, ac feliciter moriendi, cum præsentia Sacerdotis, cum Ecclesiæ Sacramentis, cum amicorum precibus & sacrificijs. Quam multi sunt casus, in quibus postea facile contingeret te abripi morte subitanea sine cruce, sine luce, sine absolutione, sine extremis Sacramentis, cum periculo salutis æternæ, sicut multis assidud contingit.

4. Quid est hæc misera vita, nisi carcer animæ, nisi exilium à patria cælesti, nisi gehenna curarum, dolorum, morborum, molestiarum, in qua semper vna miseria alteri succedit: Homo natus de muliere breui viuens tempore repletur multis miserijs: Nonne præstat simul & semel omnibus his malis liberari, & ad illam patriam tendere, in qua neque luctus, neque clamor, neque dolor erit vltra. Vbi amoddò dicit spiritus, vt requiescant à laboribus suis.

5. Multi viri sancti & sapientes finem huius vitæ magnis votis expetebant, vt malis huius vitæ, & peccandi periculis liberati ad æternos Christi complexus euolarent. Sic S. Ignatius Martyr, sic S. Catharina Senensis mortem vltro inuitabant; S. Terefia admirans dicebat, o mors quis te metuat, cum vitam parias. Dic ergo cum Apostolo, *Infelix ego homo quis me liberabit de corpore mortis huius.* Et Cupio dissolui & esse cum Christo. Et cum regio Propheta, *Lætatus sum in his quæ dicta sunt mihi, in domum Domini ibimus.*

6. Inquiro, cuius rei desiderium possit te in hac vita remorari? An cupiditas fruendi amicis? Multò maior amicorum & cognatorum numerus te in cælo expectat tot maiores tui, tot

L 2 aui,

aut, proavi, patrui, vicini, cognati, fratres fortè & sorores, filij & filia præcesserunt, reliqui omnes ad vnum breui sequentur: *Non enim habemus hic manentem civitatem sed futuram inquirimus.* An te trahit cupido vtendi adhuc tuis bonis, aut huius lucis vfura? At moriendo nihil horum perdis, sed tantum commutas in melius: nam anima tua cum sit immortalis in altera vita fruatur bonis multò maioribus, & nunquam perituris. Docente Apostolo, *Nec oculus vidit, nec auris audiuit, nec in cor hominis descendit, quæ præparauit Deus ijs, qui diligunt illum.*

Si dicas, te tantum desiderare longiorem vitam, vt possis melius Deo seruire, & ad æternitatem te comparare. At fortè diutius viuendo longius à salute recederes. Accidit plerumque, inquit August. vt qui crescit ætate, crescat & iniquitate. Vti factum est in ipso Salomone. Facigitur nunc quod tunc fieri velles. Potes vno die vel hora, intensis actibus, & ardenti Dei amore plures vitæ annos adæquare. Et testatur ipsa Scriptura aliquos ex hac vita magno Dei fauore citius euocari, ne per longiorem vitam pereant nec tamen idèd minus mereri. Audi Scripturam Sapient. 2. *Raptus est ne malitia mutaret intellectum eius, &c. Consummatum in breui expleuit tempora multa.* Dic ergo cum magno erga paternam Dei prouidentiam affectu. Domine tu optimè nosti quid mihi expediat: da quod iubes, & iube quod vis, Paratum cor meum Deus, paratum cor meum, vt faciam sanctissimam voluntatem tuam.

§. III. Incitamenta ad Patientiam contra morbi dolores.

I. A Mice N. nonne desideras sequi Christum Saluatorem tuum, qui pro te multa passus est? Dices haud dubiè, desidero. Audi igitur Christum tibi loquentem. *Qui vult venire post me, tollat Crucem suam & sequatur me.* Ecce hi dolores sunt tua Crux, quam debes portare vt Christum sequaris. Si oportuit Christum pati vt intraret in gloriam suam, quomoddò poteris tu sine patientia intrare in gloriam alienam? Dolores tui, fateor, magni sunt, sed dolores & tormenta Christi fuerunt multò maiora. Cogita illius sudorem sanguineum, quo ex sola Passionis suæ consideratione toto corpore perfusus est. Si capitis dolore cruciaris: respice caput ac frontem Christi Saluatoris tui acerbissimis spinarum aculeis vndi-

que sauciatus. Si pectoris, aut lateris molestia torqueris; aspice latus Christi tui crudelissima militis lancea perforatum. Si in manu aut pede dolorem sustines, conuerte oculos ad Christi manus & pedes acutissimis clauis Crucis affixos. Deinde magno affectu dices. Non est discipulus super Magistrum: Si Dominus, & Saluator pro delictis meis tanta sustinuit, quanta magis debeo ego ex illius amore aliquid sustinere.

2. Cogita te per morbi dolores patienter toleras, futuras Purgatorii penas ex parte vel ex toto compensare, & magnum cœlestis gloriæ incrementum acquirere, monente Apostolo 2. Corinth. 4. *Momentaneum est leue tribulationis nostræ, æternum gloriæ pondus operatur in nobis.* Et iterum ad Rom. 8. *Non sunt condignæ passionis huius temporis ad futuram gloriam, quæ reuelabitur in nobis.* Dic ergo cum S. Augustino. Domine hic vire, hic seca, vt in æternum parcas.

Ecce in hunc finem Christus ex pretioso Calice Passionis suæ hos dolores tibi propinat. Nonne ipse Calicem libenter acceptabis, & hos dolores licet amaros ex illius amore exauries, cum ipso dicens. Calicem quem dedisti mihi Pater, quomoddò non bibam illum? Pater, si non potest Calix ille transire nisi bibam illum, fiat voluntas tua.

Nonne magni faceres, si quis tibi sacratissimæ Crucis Christi reliquias insignes aut particulas aliquas donaret. Ecce tibi Christus ipse mittit hos dolores, tanquam particulas grauissimæ Crucis, quam ipse in corpore & in anima sua ex tui amore sustinuit. Dic ergo ex toto corde Saluatori tuo.

Domine Iesu Christe ad amorem & gloriam tuam suscipio de paterna manu tua omnes ac singulos huius morbi dolores ac molestias, tanquam totidem Reliquias sanctissimæ Crucis tuæ mihi à te donatas. Illas tanquam tales amplector & exosculor, & eas in corporis & cordis mei theca cum patientia, imò etiam cum gaudio portare desidero. Salue Crux pretiosa, quæ decorem traxisti de membris Domini mei Iesu Christi. Suscipe me discipulum eius, qui pependit in te: vt per te me recipiat qui per te me redemit. Christo confixus sim Cruci, viuam ego iam non ego, viuat verò in me Christus.

Cogita quomoddò Sancti omnes optabant stigmata vulnerum Christi in suo corpore gestare. Quomoddò S. Paulus gloriabatur se stigmata Domini Iesu in suo corpore portare. Quomoddò S. Franciscus pro summo fauore cicatrices quinque vulnerum Christi in suo corpore

pore suscepit, etiamsi ex illis copiosus sanguis profluere. Quomodo S. Catharina Senensis cum ingenti gaudio similem gratiam à Christo complexa est, licet tantos dolores inde sentiret, ut se morituram putaret. Certissimum autem est, & fide credendum, illos dolores ac molestias magno Dei favore & munere tibi concessos esse, si illos ad honorem aut amorem Dei patienter sustineas. Dic igitur ex animo cum Sanctis illis Deo charissimis.

„O Deus! d Saluator dilectissime! ad amorem & honorem diuinæ Maiestatis tuæ suscipio de manu tua hos cruciatus ac molestias, eosque complector tanquam stigmata vulnerum tuorum, & vestigia tormentorum, quæ in sacratissimo corpore sustinuisti. Et utinam eodem amoris sensu ea in corpore meo sustinerem, quo S. Paulus Apostolus, S. Franciscus Confessor Seraphycus, S. Catharina Senensis, alijque tibi dilectissimi.

„Utinam haberem illum pro te patiendi ardorem, quem habuit S. Laurentius dum super arduas prunas, in craticula versaretur. Quam habuit S. Stephanus, dum inter lapidum imbres toto corpore contunderetur. Quem habuit S. Sebastianus dum sagittis undique confingeretur. Quem habuerunt reliqui Martyres & amici tui, quorum maximum gaudium erat pro te secari, viri, laniari. Quod mihi deest tu supplere digneris, Saluator mi, cum quo viuere volo & amori. Amen.

§. IV.

De exercitio Fidei, Spei, & Fidei in Deum.

VTeger disponatur ad actus efficaces amoris & Contritionis, plurimum iuuat, illum primò excitare ad viuam Fidem & fiduciam erga Deum, ac merita Christi, aliaque fidei mysteria, quantum personæ dispositio patietur; nam ut ait Apostolus ad Hebr. II. *Sine Fide impossibile est placere Deo.*

Quod si esset æger, qui in Fide vacillaret, & confirmari indigeret, proponi possint illi breuiter quædam ex argumentis, quæ pro Ecclesia Romana supra in controuersijs exposuimus.

Itaque inducendus est æger, ut deuotè & attentè recitet Symbolum Apostolorum: vel ipse Sacerdos illi præbeat singulas Symboli partes pronuntiando. Quod si infirmior sit quam ut hoc commodum aut consultum videatur: procedat Sacerdos per paucas interrogationes hoc modo.

R. P. Arde K. Tom. III.

„Nonne credis in Deum & Saluatorem nostrum Iesum Christum &c. Credo. Nonne cupis viuere & mori in fide, quam sancta Romana Ecclesia credendam proponit? Cupio. „Abrenuncias omni diabolica suggestioni, quæ possit tibi in contrarium occurrere nunc & in hora mortis? Abrenuntio in perpetuum: & utinam possem fidem hanc sanguine meo consignare.

„Nonne spem tuam & firmam fiduciam salutaris æternæ habes repositam in Dei misericordia & meritis Saluatoris nostri Iesu Christi? Respondet æger. In te Domine speraui, non confundar in æternum.

„Dic ergo cum Iob c. 19. Scio quia Redemptor meus uiuit, & in nouissimo die de terra resurrecturus sum, & in carne meam videbo Deum Saluatorem meum, quem visurus sum, & oculi mei conspecturi sunt & non alius. Reposita est hæc spes mea in sinu meo.

Debes igitur scire nulla esse peccata tam multa aut magna quæ remitti non possint per infinita Christi merita, quæ per Sacramenta, aut sinceram cordis Contritionem nobis applicantur. Exemplum habes in S. Magdalena, quæ quamuis esset magna in ciuitate peccatrix, postquam serid ad Christum conuersa est, & de peccatis doluit, dixit ei Dominus; *Remittuntur ei peccata multa, quia dilexit multum.* Et Latro, qui tantum in Cruce vltima vitæ hora cum fiducia dixit, Domine momento mei cum veneris in regnum tuum: statim à Christo audiuit: *Amen dico tibi, hodie mecum eris in Paradiso.*

Respice Christum in Cruce expansis brachijs paratum te ad suum complexum & gratiam admittere, modò tu velis tota cordis fiducia ad illum recurrere. Audi illum vltro inuitantem: *Venite ad me omnes qui laboratis & onerati estis, & ego reficiam vos.*

Cogita Deum, Patrem esse benignissimum, qui non vult mortem peccatoris, sed magis ut conuertatur & viuat. Ipse te creauit, ipse te ad Ecclesiam vocauit, ipse te per Filium suum vnigenitum redemit. Accurre igitur ad ipsius sinum tanquam creatura ad Creatorem, seruus ad Dominum, redemptus ad Redemptorem, filius ad parentem. Ipse est qui filium etiam *Prodigum* post multa flagitia ad se reducem cum gaudio recepit. Tu tantum die corde contrito. *Pater peccaui in oculum & coram te, & iam non sum dignus vocari filius tuus.* Ecce ipse cum lætitia paternam viscera expandet dicens, Gaudere oportet & exultare, quia filius meus hic mortuus erat & re-

L 3 ui-

„nuxit, perierat & inuentus est. Testatur enim
„maius esse gaudium in cælo super vno pecca-
„tore pœnitentiam agente, quàm supra nona-
„ginta nouem iustis, qui non indigent pœni-
„tentia.

*Postquam Sacerdos hæc aut alia fiduciæ moti-
na cum affectu exposuit, suggeret per interval-
la aliquam ex sequentibus Sententijs identi-
dem ab ægro ore vel corde repetendam.*

Domine si habes vndè me damnare potes,
habes etiam vndè potes saluare: misericordia
Domini super omnia opera eius.

Quomodò pater miseretur filiorum, ita mi-
seretur est Dominus timentibus se.

Domine non timebo mala quoniam tu me-
cum es. Pone me Domine iuxta te & cuiusuis
manus pugnet contra me.

Protektor noster aspice Deus, & respice in
faciem Christi tui.

Ad te Domine leuavi animam meam, Deus
meus in te confido non erubescam.

Pater meus & mater mea dereliquerunt me,
Dominus autem assumpsit me.

Iuxta est Dominus his, qui tribulato sunt
corde, & humiles spiritu saluabit.

Magna est super cælos misericordia tua, &
vsque ad nubes veritas tua.

Quis vnquam sperauit in Domino & confu-
sus est? In te Domine speraui, non confundar
in æternum. *Hoc postquam repetito æger, conclu-
dere potest Sacerdos hac Oratione.*

„Deus cui proprium est misereri semper &
„parcere, suscipe deprecationem nostram, vt
„nos & omnes famulos tuos quos delictorum
„catena constringit, miseratione tuæ pietatis
„elementer absoluat. Per Christum Domi-
„num nostrum, Amen.

§. IV.

*De exercitio Amoris in Deum & perfectæ
Contritionis.*

Actus hic maximi momenti est, & ad illum
æger aut moribundus omni conatu adiu-
uandus est: nam si in susceptione Sacramento-
rum aliquid fortè obicis quocumque modo in-
teruenerit, hic actus est, & quidem solus, qui
peccatorem reddit salutis suæ absolutè secu-
rum. Proinde ad illum primò per idonea mo-
tiua disponendus est, deindè ipse actus pro vi-
ribus eliciendus.

Primò, Considera N. Dei bonitatem, Ma-
iestatem, excellentiam infinitam super omnes
creaturas, quas ipse solo nutu voluntatis suæ
ex nihilo produxit, & infinita benignitate af-

siduò regit & conseruat. Infinitæ eius maiestati
ac bonitati debetur à te, & ab omnibus, amor
infinitus. O vtiā possumus illum repende-
re! Sed quia amoris infiniti incapaces sumus,
tantum mandat nobis, vt diligamus ipsum vt
Deum & Dominum super omnes creaturas ex
toto corde, & ex tota anima, & ex totius viri-
bus nostris, sicut pro nulla re huius miseræ vi-
tæ velimus ipsum offendere, aut ab illo separa-
ri. Nonnè N. hoc tibi æquum & iustum vide-
tur? Quid enim iustius quàm vt Deum, &
Creatorem, & Dominum, qui omnibus crea-
turis infinitè dignior est, super omne creatu-
ras diligamus? Dic ergo tandem.

„Diligo te, Deus meus, diligo te ex toto
corde meo, ex tota mente mea, & totis viri-
bus meis super omnes res huius mundi; & vt-
„nam amplius & anplius diligerem. Et vt-
„nam ab amore tuo nunquam peccando reces-
„sifsem: certè cum gratia tua nunquam am-
„plius recedam.

Considera secundò, Quare in hoc mundo
creaturas aliquas magno amore complecti-
mur? Nempe, propter aliquam pulchritudi-
nem quam in illis videmus, vel dulcedinem
quam in illis sentimus, vel benignitatem quam
in illis experimur. Illa ipsa pulchritudo, dulce-
do, benignitas, est in Deo infinites maior &
perfectior, à quo omnis pulchritudo, & amabi-
litas creaturarum, sicut tenuis radius à Sole, &
rius exiguus ob Oceano, descendit. Si igitur in
creaturis tenues vmbra & riuos diuinæ boni-
tatis adamamus, quantò magis ipsum omnis
boni fontem & originem diligere debemus.

„O quam serò te cognoui pulchritudè æter-
„na, quam serò te amauit bonitas infinita!
„Nunc certè super omnia te vnum amo, &
„amare desidero in æternum.

„Deus meus & omnia, quid mihi est in cæ-
„lo & à te quid volui super terram, Deus cor-
„dis mei & pars mea Deus in æternum.

Considera tertio, Beneficiorum à Deo ac-
ceptorum magnitudinem ac multitudinem, ex
mera ac gratuita Dei benignitate. Creauit te
ad imaginem & similitudinem suam ex innu-
meris hominibus quos tuo loco creare potuif-
set. Corpus tibi dedit præ multis alijs inte-
gram & sanum, non claudum, aut cæcum,
aut informe &c. Animam tibi donauit immor-
talem, rationis capacem, & multis naturæ &
gratiæ donis præditam. Et quem in finem sic
te creauit? Vt post hanc vitam cum ipso Deo
felicitatis & gloriæ eterne particeps efficiaris,
quo nullus maius donum excogitari potest.
Sic ergo diligis parentem, qui tantum corpus
tuum genuit, & paucorum tantum annorum
he-

hereditatem tibi comparauit, quāto maior dilectione & affectu debes Deo adherere, qui non tantum corpus, sed etiam animam immortalem, & hereditatem aeternam tibi in caelis praeeparauit.

„O Creator mi, d Pater aeternae, diligo
„Te super omnem mundi dilectionem, non
„tantum quia ego haec a te bona accepi, sed
„quia in teipso tam bonus es, tam pius, tam
„benignus, ut me indignum tot tuis donis ac
„bonis praeuenire dignatus fueris. Et interim
„ego in te peccando fuit tam ingratus, quando
„tu erga me fuisti tam gratus.

Confidera quartum. Postquam Deidona, & spem salutis aeternae peccato perdidisti, quomodo per Filij sui mortem, Passionem, ac Sanguinem te a supplicij aeternis redemit. Quomodo iterum, interumque relabentem ab inferni penis toties conseruauit, in quibus hoc momento arderes, nisi Deus erga te diuinæ iustitiae rigorem continuisset.

„Sic ergo Deus dilexit mundum, ut Filium
„unigenitum daret: sic dilexit hanc animam
„meam, ut per eius Sanguinem me a morte
„aeterna conseruaret. Quid ego retribuam
„Domino pro omnibus, quae retribuit mihi?
„Suscipe saltem cor meum, & animam meam,
„& amorem meum, & vitam meam: ut amore
„amoris tui moriar, qui amore amoris mei dignatus es mori in ligno Crucis.

Confidera quintum. Immensam ac perpetuam Dei ac Saluatoris tui in te Charitatem, in eo quod uelit in Sacramento Eucharistiae nobiscum assidue permanere, & seipsum nobis in cibum & alimentum praebere, dicens: *Qui manducat meam carnem, & bibit meum sanguinem in me manet & ego in eo.* Et, *Qui manducat hunc panem uiuet in aeternum.* Quenam mater adeo tenerè diligit filium suum ut illi carnem & sanguinem suum in alimentum praebeat? Christi uero in nos amor omnium hominum amorem adeo superat, ut satis illi non fuerit morte sua nos redimere, sed etiam uoluerit carnem & sanguinem, & animam, & diuinitatem suam nobis in escam, in solatium, in uitae aeternae pretium relinquere.

„Dic ergo, cum S. Augustino. O anima
„mea, si pigeat amare, non pigeat te saltem
„redamare Deum & Saluatorem tuum, tali
„amore te praeuenientem. O amor mi. Si
„deliciae tuae sunt esse cum filiis hominum,
„quomodo non erunt deliciae meae esse tecum.

„Diligam ergo te fortitudo mea, Dominus
„firmamentum meum, & refugium meum, &
„liberator meus, & amor meus in aeternum.

Confidera sextum. Ingentia beneficia quae Deus pra multis alijs ex speciali amore tibi in particulari concessit.

Primum. Vocauit te ad veram Ecclesiam, & Fidem sine qua nulla est saluatio, idque peculiari fauore, & auxilio, teste Christo Ioan. 6. *Nemo potest uenire ad me, nisi Pater meus traxerit illum.* Cogita quam multa hominum millia in sua infidelitate, & haeresi aeternum pereant, quos si Deus tuo loco ad suam Ecclesiam ita uocasset, forte multo ardentius illum coluissent, & amassent. Cogita quid de te factum fuisset, si Deus permisisset te nasci ex parentibus haereticis, aut educari inter amicos, aut cognatos haeresi infectos, qui te in errorem, & damnationem abduxissent.

Secundum. Quomodo diuina prouidentia non permiserit, ut sine Baptismo in utero matris extinctus fueris, ut multi alij.

Tertium. Quod ab infantia nactus fueris Magistros probos, & catholicos, qui te in timore Dei, & amore uirtutis continuerunt, ne inter homines sceleratos, & perditos uitae duceres.

Quartum. Quod tibi pra multis alijs prae-buerit usum frequentem Sacramentorum, a subitanea morte, & a damnatione aeterna conseruauerit, ut possis in gremio Ecclesiae mori, sacerdotis absolutionem obtinere, in perfecto Dei amore & gratia vitam terminare, & ad salutem aeternam cum Christo & Sanctis in caelo peruenire. Verè potes ex animo cum propheta dicere.

„Quid retribuam Domino pro omnibus,
„quae retribuit mihi. Quomodo non diligam
„illum super omnia, qui quodammodo super
„omnes me dilexit?

„Omi Deus desidero te amare super omnia,
„sicut te diligunt Angeli in caelo, sicut te
„diligunt Apostoli & Martyres, & sicut te dilexit sanctissima Virgo Deipara, cum qua
„ex toto corde & affectu dico: Magnificat anima mea Dominum, & exultauit spiritus
„meus in Deo salutari meo.

Et ut possim quantum in me est amorem amore compensare.

„Suscipe Domine uniuersam libertatem
„meam, accipe memoriam, intellectum, &
„uoluntatem meam. Quidquid habeo ac pos-
„sideo mihi largitus es, id totum tibi restituo,
„ac tuae uoluntati trado gubernandum. Ama
„rem tuam cum gratia tua mihi dones, & di-
„ues cum satis, nec aliquid ultra posco in
„rebus creatis.

Quando aduertet Confessarius penitentem suum his motibus excitatum, & ad Dei amorem inflammatum esse, dum ferrum candet,

L 4 po

poterit, primò cum illo recitare aliquos aëtus Charitatis & Contritionis infra exprimendos, vt ad Confessionem generalem, aut particularem, aut ad alia Sacramenta disponatur.

Secundò, Suadere vt ex Dei amore ignoscat omnibus, qui ipsum offenderunt.

Tertiò, Hortari vt ab omnibus veniam postulet, quos dicto, aut facto offendit.

Quartò, Vt morbi molestias, aut mortem ex Dei amore libenter suscipiat.

Quintò, Vt promittat prestare debita, aut alia, quæ iudicat ad ægri salutem necessaria.

Sextò, Vt proponat, si Deus vitam vltiorum rem dederit, optimo pietatis exemplo alijs præluere.

§. VI.

Aëtus varij Contritionis & Amoris Dei super omnia.

I.

O Magne Deus! Te amo super omnia, te diligo ex toto corde, ex tota anima, & ex omnibus viribus meis. O quam doleo quod à sanctissima voluntate tua cogitatione, verbo, vel opere nunquam peccando recesserim. Nunc ergo firmissimè propono omnia mandata tua implere, omniaque, te aspirante, peccata vitare. Et quare? Non alia causa, quam ob immensam perfectionem, incomprehensam potentiam, altissimam sapientiam, infinitam bonitatem tuam, siue propter Te ipsum, & quia omni amore dignissimus es. O Pater! ò Fili! ò Spiritus Sancte! ò Sanctissima Trinitas! ò Deus meus, & omnia.

II.

Domine Iesu Christe, verus Deus & verus homo, Creator & Saluator meus, doleo ex toto corde meo, quod Te offenderim, quia tu Deus meus es, & te amo super omnia, firmiterque statuo, nunquam post hac peccare, sed omnes peccandi occasiones evitare. Propono quoque peccata mea confiteri, pœnitentiam, quæ iniuncta fuerit, exsoluere, & si quid alicui debeam, restituere. Amore etiam tui remitto iniuriam omnem à quocumque mihi illatam. Insuper ad expianda peccata mea, offero Maiestati tuæ vitam, labores, & bona opera mea vniuersa. Vt verò humilimè peccatorum meorum veniam afflagito, ita confido, ab infinita bonitate tua, per meritum sanctissimæ Passionis, sanguinis, & mortis

tux, ea mihi remittenda: præstandam etiam gratiam, qua vitam meam emendem, & in sanctissimo seruitio tuo in finem vsque perseuerem, Amen.

III.

Delicta mea, Deus meus, expauesco, & ante Te erubesco, cum veneris iudicare, non me condemnare. Doleo Deus cordis mei, doleo ex toto corde meo, quod offenderim ac læserim supremam bonitatem ac Maiestatem tuam. O cur vnquam displicui tibi amabilissima bonitas! ò Majestas colendissima, doleo iam ex sincerissimo amore tui, qui amari super omnia infinitus dignus es. Amote Deus meus omnium Creaturam mihi possibili affectu: idque non propter me, sed propter Te solum ò Bonitas, Benignitas & Amabilitas infinita: & Tibi puro corde adhærere. Tibi placere, Te glorificare desidero in æternum.

IV.

O Bone Iesu, Deus meus! vtinam Te cum Beatissima Virgine Matre tua & Sanctis omnibus semper amassem, & nunc amarem: nec vnquam offenderem, nec offenderem post hac in æternum. Sed eheu! erravi sicut ouis quæ perijt, quare seruum tuum, aspice in me, & miserere mei. Ego iniquitatem meam agnoscens doleo ex toto corde de omnibus peccatis meis quia tibi, quem diligo super omnia, displicent. Cupio & propono ferid emendare, cauendo omnia peccata, (maxima hoc, & illud in particulari) & nouo seruo me totum seruitio tuo impendere: & hoc propositum meum toties renouare cupio, quoties vivo, quoties respiro in perpetuum. In Satisfactionem me, & omnem vitam meam tuæ voluntati & gloriæ offero; veniam cum finali gratia precor, & spero per te bone IESU Saluator mi qui ex voluntate Patris cooperante Spiritu Sancto per incarnationem, natiuitatem, circumcisionem, lachrymas, labores, persecutiones, passionem, crucem, mortemque me redimere dignatus es. Ad te vnicam spem confugio, in abyssum meritum tuorum me abijcio, in tua sanctissima vulnera me abscondo. Tu æterna charitate supplere digneris imperfectionem meam, omnia peccata mea igne amoris tui exurendo & opera mea imperfecta emendando, tuisque meritis vniendo. Tu, mi Creator & Saluator, dignare me totum possidere, regere, & ab omnibus imperfectionibus & miserijs meis

meis meliberare: tuæ denique voluntati ita adunare, ut vitam meam gloriæ tuæ, & salutis animarum impendam, & nunquam à te ad momentum separet, sed laudem te & benedicam cum electis omnibus nunc, & semper, & in sæcula sæculorum.

Hoc ego cum lachrymis oro, per sanguinis vndas.

Per vulnus lateris, per sacri vulnus Amoris.

De me mihi misero sceleratæ crimina vitæ.

§. VII.

Praxis eadem per breues interrogationes, quando æger loqui vix potest.

Nonnè N. firmiter credis omnia, quæ tibi Deus per Ecclesiam Romanam credenda proponit? Credo, & in ea fide mori volo.

Nonnè fiduciam tuam omnem in Deo IESU tuo defixisti? Defixi, & fidenter dico in te Domine speravi, non confundar in æternum, quoniam tu Domine singulariter in spe constituiisti me.

Nonnè Deum amas super omnia propter infinitam eius bonitatem? Amo, & amabo in æternum Deum meum, Creatorem meum; utinam diligerem Te Saluator mi, eo amare quo dilexit te mater tua, quo diligunt te in cælo Sancti tui in æternum.

Nonnè doles ex animote Deum toties offendisse, quem summo amore profequi debueras? Doleo, idque Dei solius causa, quia diuina illius Maiestas toties à me peccando offensa est.

Nonnè te Deo totum tradis, qui se tibi totum dedit? Trado in manus Dei, vitam & mortem meam, ut de ijs pro suo arbitratu disponat.

Nonnè, si Deus te pristinæ sanitati redderet, aliter vitæ tuæ rationes institueres? Instituerem, & ardentius quam hæcenus Deum meum amarem, eique seruire.

§. VIII.

Ad sacrum Viaticum præparatio.

Viaticum differt à Communione ordinaria, quod in hac petamus à Deo gratiam benè viuendi, per hoc autem gratiam benè moriendi; idque viatici nomen designat, quod nihil aliud est, quàm annona siue comæatus ad futurum iter. Sed quo longior via est à terra in cælum ad quod moribundus properat,

ed S. Mater Ecclesia filios suos decedentes Viatico instruit potentiore Corporis, & Sanguinis Christi.

Forma dandi Viaticum hæc est: *Accipe Frater (vel soror) Viaticum Corporis Domini nostri Iesu Christi, qui te custodiat ab hoste maligno & perducat in vitam æternam, Amen.*

Forma verò Communionis ordinariæ: *Corpus Domini nostri Iesu Christi custodiat animam tuam in vitam æternam.*

Qui mandè celebrauit vel communicauit, & postea eodem die incidit in periculum mortis, potest iterum Communionem sumere non ieiunus per modum Viatici, Et si postea periculum duret, & æger id multum desideret, potest idem permitti post vnum alterumque diem. Conc. enim Constantiensis *Sess.* 13. tempus non limitat, quando dicit, in casu infirmitatis Eucharistiam dari posse non ieiunato. Alias interstitium ordinarium solet esse 7. vel 8. dierum.

Potest dari Viaticum ægro qui ex febris in delirium incidit, si antea illud desiderauit, aut signa Contritionis ediderit, nec appareat periculum irreuerentiæ. Ita Rituale Rom. Item damnato ad mortem, etiam non ieiunato, si necessitas urgeat.

Quilibet Sacerdos in extrema necessitate si Parochus desit, potest præbere Viaticum. Et, si alia hostia non suppetat, potest Sacerdos ex hostia maiori, qua celebrat, particulam pro moribundo seruare.

Sacerdos allaturus Viaticum conetur antea, si tempus suppetat, excitare in ægro magnum desiderium huius Sacramenti, idque ut præstet efficacius, verba Ecclesiæ augustissimum conuiuium venerantis proponat: *O sacrum conuiuium, in quo Christus sumitur, recolitur memoria Passionis eius, mens impletur gratia, & futuræ gloriæ nobis pignus datur.* Puncta hic quatuor consideret, quasi totidem sacratissimi epuli fercula.

1. Ad illa verba, *O sacrum conuiuium*, &c. Perpendat SS. Eucharistiam dari viatoribus per modum cibi, ne deficient in via ad patriam cælestem; grandis enim adhuc restat via, hostibus multis ac latronibus infestissima: idedq; Seruator tuus, Amice, ne animû desponderes, parauit in conspectu tuo mensam aduersus eos, qui tribulant te; ad hanc mensam ubi dignè accubueris, dices audacter, si ambula uero in medio vmbra mortis, non timebo mala, quoniam tu mecum es Domine. Quare S. Nicolaus Tolent. tam enixè V. Eucharistiam expe-tebat? Vt tanto, inquit, Viatico munitus nõ deficiam in via ad cælestem patriam profecturus & si

& si ob demerita mea impius Belial hostis meus mihi occurrerit, possim fidenter dicere. Dominus mihi adiutor, & ego despiciam inimicos meos.

2. *Recolitur memoria Passionis eius.* Idem autem voluit Dominus Passionis suae apud nos iugem esse memoriam, quod in ea diuitias nostras, spesque omnes sitas habere debeamus.

B. Hugo à S. Victore tria in votis habuisse dicitur. 1. Ut cibus sibi ultimus esset Eucharistia. 2. Ut ultima cogitatio siue meditatio esset de passione Domini nostri Iesu Christi. 3. Ut supremum verbum esset dulcissimum Iesu nomen. Quid ni & tu eiusmodi vota concipias?

3. *Mens impletur gratia.* Quod corporeus cibus corpori, hoc panis ille coelestis praestat animae: ille membra corporis, hic animae potentias reficit, nutrit, confirmat.

4. *Futura gloria nobis pignus datur.* Quis ad illud pignus non fidenter aspiret, quod opem certam aeternae vitae adducit:

Vbi verò allata fuerit venerabilis Eucharistia, quantum infirmitas patietur, Deum praesentem veneretur, atque adoret. Sæpè visa est Eucharistia morituris vires addere ut in illo supermi temporis articulo, suum in Deum amorem religionemque palam facerent. Exemplo sit Guilelmus Archiepiscopus Bituricensis, qui, licet animam agere videretur, simul atque Deum suum ad se venire cognouit, perinde ac si morbus omnis remisisset, de strato profliens, concito gradu Seruatori suo processit obuiam, eumque flexis humi genibus, totusque lachrymis diffuens, quanta potuit animi corporisque demissione veneratus est, instantemque illi agonem suum commendauit.

Tum in ægro iterum excitet Sacerdos vehemens sacratissimi viatici desiderium, in quem finem breuiter repeti poterunt praedicta, tum exempla adferri eorum, qui ardentissimè coelesti hoc pane, vita excessuri, muniri voluerunt.

S. Maria Magdalena admonita ut cœlum peteret, etsi itineris duces Angelos haberet, hoc tamen iter ingredi renuit, nisi prius Christum Dominum Angelorum, comitem & ducem haberet.

S. Ambrosij Mediolanensem praefulus desiderio, quod praemorbis magnitudine aperire non poterat, Deus miraculo satisfecit, nam nocte diuinitus admonitus Vercellensis Episcopus, allata venerabili Eucharistia viatico illum refecit.

His aliisque æger accensus, qua maxima potest reuerentia diuinum viaticum recipiat: quo accepto, consideret nobilis huius cibi dignitatem, repetitisque fidei, spei, ac charitatis actibus, dicat; Mane nobiscum Domine, quoniam aduersperascit, & inclinata est iam dies. Breues dies mei sunt, & solum corpori me super esto sepulchrum. Bone Iesu esto mihi Iesus & Saluator, tibi corpus & animam committo.

§. IX.

Ad Extremam Vnctionem dispositio.

Forma conferendi in Rituali exprimitur: iterari potest, quando nouum mortis periculum incurrit. Ministranda est etiam amentibus, licet illam antea non petierint. Puëris etiam danda est post septimum annum, si habeant vsum rationis, etsi nunquam communicauerint. Alias resolutiones vide supra part. 4. cap. 6. vbi de Extrema Vnctione agitur.

Effectus huius Sacramenti ex Concilio Florentino est mentis sanitas, & quantum expedit, etiam corporis. Hic Sacerdos refutet errorem & timorem illorum, qui cupiunt semper differri Extremam Vnctionem, eo quod persuadeant sibi eo collato de vita actum esse Cardinalis Bellar. asserit idè rariores ægros hunc sanitatis fructum decerpere, quod serius ad hanc vitam arborem accedant.

Narrat Ioannes Nider, Rupertum quendam Imperatorem circa annum Christi 1400. huius opinionis aspergine non leuiter tinctum fuisse; at non impune: nam continuò tot tamque grauib. scrupulis torqueri cepit, ut propius nil fuerit, quam ut non modo de corporis, sed & de animae salute deturbaretur. Impedijt Deifauor. Spiritualis hæc ei medicina adhibita, dumque orationes eius pietatis plenissimas percipit; d me imprudentem, inquit, qui orationes tam pias hætenus neglexerim. Ignoscat Deus insipientiam meam: & verò ignouit, vitæ annos insuper non paucos indulgit, quibus imperium suum sospes administrauit.

Deum æger inungitur, animum his aliisque similibus orationibus pascatur: *Iesu Filij David miserere mei: Deus in adiutorium meum intende, Domine ad adiuuandum me festina: Bone Iesu dic anima mea, salus tua ego sum.*

Sacerdos peracta Vnctione ægrum animet ad fiduciam recuperandæ sanitatis, si id animæ profuturum sit, diuinoque placito consentaneum;

neum; atque in hunc finem has aliasque orationes recitet.

„Concede hunc famulum tuum quæsumus,
„Domine, Deus, perpetua mentis & corporis
„sanitate gaudere, & gloriosæ B. Mariæ sem-
„per Virginis intercessione à præsentis liberari
„tristitia, & æterna perfrui lætitia.

„Omnipotens sempiterne Deus; salus æter-
„na credentium, exaudi nos pro infirmo famu-
„lo tuo N. pro quo misericordiæ tuæ implo-
„ramus auxilium, ut, reddita sibi sanitate,
„gratiarum tibi in Ecclesia tua referat actio-
„nes.

§. X.

*Admonitio ad præsentem de præparatione ad
mortem felicem.*

Postquam æger expirauit, Sacerdos ani-
mam eius circumstantibus commendet,
dicatque nullo modo defunctum efficacius ab
ijs iuari posse, quam si purgata statim per
confessionem conscientia ad communionem
religiosè accedant, eiusque fructum per mo-
dum suffragij defuncto impertiant.

Deindè adhortetur præsentem de adhibenda
cura ad felicem mortem obeundam.

1. Quia à bona morte beata æternitas de-
pendet.

2. Moneat ad hanc obtinendam necesse ef-
se per rectam vitæ innocentis viam ambulare,
& frequentem Sacramentorum Pœnitentiæ, &
Eucharistiæ vsum adhibere.

3. Considerent pretiosum esse tempus,
quod ad salutem operandam conceditur, ideo-
que nullo die bona opera negligenda.

4. Maximè certam omnibus esse mortem,
horam verò mortis incertam.

5. Exiguo labore ingentes thesauros com-
parari posse.

6. Nihil nos hinc asportaturos, præter vir-
tutum, bonorumque operum fructus.

7. Id nunc agendum, quod fecisse optare-
mus, si modo supremum vitæ momentum
adesset.

Pro præparatione securissima ad mortem,
dum rectè valemus vsurpandum est sequens
Testamentum, quale sibi viri sancti sæpius
confecerunt, & singulis septimanis deuotè re-
citarunt, ac renouarunt.

TESTAMENTVM.

*Deuotissimum Hominis Christiani, Complectens
Actus omnes quibus possit ad salutem æter-
nam securissimè disponi.*

IN nomine Dei, ac Sanctissimæ Trinitatis,
Amen. Ego N. N. ab Annis... tuo nu-
tu, d mi Creator, veni nudos in hunc mun-
dum, & brevis nudus inde ad te reuertar. Cum
autem omnia acceperim de manu tua, & tuæ
sint omnia infinitis titulis, hac mea suprema
voluntate tibi me, meaque omnia restituo,
quanto possum amore, quanta possum grati-
tudine. Te quoque super omnes Hæredem
meum constituo, qui restitues hæreditatem
meam mihi, sicut dedisti nihil Te ipsum, &
pretiosam animam, & Spiritum Sanctum
tuum. Et quid potuisti facere amplius animæ
meæ, & non fecisti?

Quid verò ego hætenus retribuui, & quid
deinceps retribuam tibi? O quam merito ex
nunc in æternum, cor, corpus, & animam,
omnesque cogitationes, verba, & opera,
tibi addico, & deuoueo! Et si mea forent
vniuersa, d Deus, hæc quoque darem tibi.
Dignus es enim Domine accipere omnem
laudem, virtutem, honorem, & benedictio-
nem: & maximè à me qui te sic N. peccando
toties inhonorauit, de quo nunc ex amore tuo
medullitus doleo.

Itaque nunc cum omnibus Sanctis tuis, &
in æternum dicere incipio: Benedictio, &
claritas, & sapientia, & gratiarum actio, ho-
nor, & virtus, & fortitudo tibi Deo nostro in
sæcula sæculorum, Amen.

Hos affectus omnes renouare cupio; quò-
ties deinceps respiro, & maximè in ultimo vitæ
momento, pro quo nunc in manus tuas com-
mendo spiritum meum.

Insuper nunc coram te, & curia tua cele-
sti vniuersa, obsequio meum votum, & desi-
derium, quo cupio in Fide Catholica, Apo-
stolica, & Romana viuere, & mori, & in
extrema hora Pœnitentiæ Sacramentum ad-
ueniam peccatorum, Vniõionis verò extre-
mæ, ad luctam contra Dæmonem, Commu-
nionis autem, ad Viaticum longæ æternitatis,
toro cordis affectu sumere, & complecti desi-
dero.

Hæc desideria Scripto hoc, idè coram
Te Deus meus, & coram Angelis ac homi-
nibus consigno; ut hoc ipsum sit humilis, &
explicita Sacramentorum postulatio; si quo
casu intercepta voce, lingua eloqui non pos-
sem.

fem. Nec reuocatum censerī cupio, nisi coram te, & curia tua, & septem testibus, & integris sensibus illud tetractauerim. Pro Pœnitentiæ verò Sacramento ne defit materiam etiam explicita: Nunc pro extrema hora fateor dolens ex sincero tui amore, me erga te ingratissimum fuisse; in oratione toties vagum, & negligentem; erga proximum non vti debui affectum, patientem, & benignum; erga me plus nimio indulgentem, & tempus omnium pretiosissimum otiosè perdidisse; cum possem eo in immensum per singula ferè momenta augere opes æternas, & pro æterna gloria tua illud ipsum impendere. De his, inquam, cæterisque vitæ vniuersæ delictis ex puro Dei amore toto corde doleo, me ipsum accuso, & supplex veniam efflagito.

Quod reliquum est de bonis fortunæ, illa relinquo ijs NN. quibus, vt confido, relinqui tibi maximè placet, & in eum vsum N. qui sit ad maiorem nominis tui gloriam. Tua sunt fateor, Domine, tua sunt omnia. Ego vero redditurus forsitan hodie rationem, cupio esse Dispensator fidelis, vt non studeam honori meo, sed tuo, non vanitati, sed veritati! Tu enim es via, veritas, & vita mea.

Rogo item vos Amicos meos, vt Sacrificijs, Precibus, Communionibus, Indulgentijs, & Eleemosynis iuuetis animam meam, ne qua in limine beatæ æternitatis occurrat tristis remora properanti ad Dominum, ad centrum, & omne bonum meum.

Si qui verò, quod absit, quacumque ex causa aduersarij mihi, aut offensi estis, aut fuistis, condono ex corde vobis offensam coram Deo, qui scrutatur cor, & renes meos, propter amorem Domini mei: & si quem ipsi offendi, supplex veniam peto. Pacem omnibus cum Domino *IESV* relinquo, & offero, quia tendo ad Principem pacis, & vobiscum in pace in æternum viuere volo, & habitare in amantissimo corde Christi *IESV*.

Hæc sunt Deus meus, iudex meus, & refugium meum, hæc sunt desideria pauperis, quæ soles exaudire. Audi obsecro, & exaudi de profundis clamantem; & per misericordiam tuam confirma hoc Deus, quod operatus es in me. Hæc mea desideria, & decreta certè nunc, & omni hora, morte & Sanguine signare paratus sum. Hæc suprema mea, & æterna voluntas est, eritque, Deus meus, per gratiam tuam. Estne vltra quod possim,

ò Pater misericordiarum, ò spes mea, ò Charitas, Deus meus estne iam, dum adhuc tempus est miserendi, quod vltra faciam? Paratum cor meum Deus, paratum cor meum exequi per omnia sanctissimam voluntatem tuam, vt securus tecum viam in æternum, vt nunquam separer à charitate tua, vt amem te propter te, & tecum vnum sim in perpetuum.

O beatissima V. M. salutis meæ anchora, & portus, spes & refugium omnium miserrum, ac proinde meum; & vos beati Spiritus, & custos Angele, vosque Patroni mei, & omnes Sancti, ac Sanctæ Dei, ecce videtis hoc Chirographum meum, non mortis, sed vitæ: Auditis clamorem meum, & desiderium meum. Hoc ego in hora mortis meæ firmum, & ratum esse volo, & vestro (quod humiliter imploro) auxilio futurum spero, etiam in extremo iudicij die, ac tota æternitate. Vt sic cognoscat mundus, quia Diligo te Deum meum, qui sic dilexisti me; & viuo tibi, & in te; ac amore tui mori cupio, qui amore amoris mei dignatus es mori in ligno Crucis.

Hæc signaui manu propria, gratia Dei mei, teste ipso, & curia illius cœlesti, & sic signatum cupio in hora mortis, vt Deo meo æternam viam. Anno.... mense.... die..... hora.... N. N.

N O T A.

Consultum esse singulis, præsertim sæpè itinerantibus, Exemplar huius Testamenti exscribere, & manu propria signatum circumferre, vel libello precum inferere, vt quotidie, præsertim in omni morbi aut mortis periculo vsurpetur, & sit ad manum quasi Saluus conductus ad Patriam, alteram & æternam.

N O T A denique.

In huius Tomi parte vltima inferius haberi expressos ipsos Ritus, & Ordinem administrandi singula Sacramenta, & sacrum Viaticum, & Extremam Vnctionem, & Ritus Exequiarum, ac Sepulturæ, prout in Rituali Romano continentur: atque ita Curator animarum in hoc Libro simul præsto habet quidquid ad assistentiam ægris ac moribundis præstandam requiritur.

PARS QUINTA

PRAXIS VARIA

ET SELECTISSIMA

Afsistendi cuius Proximo, in quouis Statu.

Complectens Primò, Remedia & Documenta contra singula peccata in particulari.

Secundò, Praxim Conuersationis, & Instructionis pro quouis hominum Statu & Necessitate. Vti §. 1. cum Hereticis. 2. cum Patribus familia. 3. cum mulieribus Coniugatis. 4. cum Viduis. 5. cum Virginibus ac Monialibus. 6. cum Pauperibus. 7. cum Consuetudinarijs & obstinatis. 8. cum fouentibus Inimicitias. 9. cum Tribulatis. 10. in Morte amici. 11. in Bonorum iactura. 12. in fama aut Honore. 13. in captiuitate. 14. in Damnatione ad mortem, & extremo Supplicio.

Ex his experietur Curator animarum in omni occasione tam priuata, quàm publica, copiosum se muneris sui subsidium in promptu habere.

CAPVT I.

Remedia, & Documenta contra singula Peccata in particulari.

§. I.

Remedia contra vitium Superbia.

1. **H**abeat Confessionem promptu pro singuli vitijs breuem & acutam Sententiam, quæ instar spiculi memoriæ Pœnitentis inhæreat.

2. Ostendat quomodo Superbia reddat quemuis odibilem Deo, & simul hominibus: humilitas verò faciat omnibus amabilem: *Deus superbis resistit, humilibus autem dat gratiam.* Iacobi 4.

3. Homo superbus, qui alios contemnit, aut qui quærit vbique suam laudem, priuat se meritò bonorum operum, & Deus immittit illi miseras quibus humiliatur, ipso Christo id attestante Matthæi 23. *Qui se exaltat humiliabitur, & è contra, qui se humiliat exaltabitur.*

4. Exempla humilitatis in Sanctis, & in Christo, qui dicit Matthæi 11. *Discite à me, quia mitis sum, & humilis corde.*

5. Pro remedio superbiæ suadeat Pœnitenti, libenter & frequenter agere cum pauperioribus, inuisere hospitalia, aut alios infirmos, priuatim osculari terram, cogitando se terram esse, etiam in puluerem breui reuersurum.

6. Fugiat adulatorem: suas laudes non commemoret, nec ostendat se libenter eas audire, sed dicat cum Regio Propheta Psalm. 113. *Non nobis Domine, non nobis, sed nomini tuo da gloriam.* Exempla vindictæ diuinæ in superbos vide supra in Apparatu, Verb. *Superbia.*

§. II.

Documenta, & remedia contra Auaritiam.

1. **I**nculcet pœnitenti dictum Apostoli ad Timoth. 6. *Radix omnium malorum est cupiditas.* Ex illa oriuntur istæ lites, rixæ, odia, quæ animum assiduo turbant, & à Deo auertunt, nisi illa cupiditas tandem eradiceatur.

2. Consideret vitæ breuitatem: Pro breui via non est opus magno viatico.

3. Tempus esse vt incipiat thesaurum suum præmittere in cœlum, vbi sperat in æternum habitare, monente Christo Matth. 6. *Thesaurizate vobis thesauros in cœlo, quos fur non appropriat.*

4. Præmium eorum qui commutant avaritiam in spiritum veræ paupertatis, & contemptu diuitiarum. *Beati pauperes spiritu, quoniam ipsorum est regnum cœlorum.*

§. Vt

5. Ut abiecta cupiditate nimia, confidat diuino promisso-Matth. 6. *Quærite primum regnum Dei, & hæc omnia adiicientur vobis.*

6. Expedit vitio auaritiæ laborantibus pro pœnitentia iniungere primo, paruas Eleemosynas, postea maiores, donec vsu elargiendi incipiat conuelli radix tenacissimæ cupiditatis & auaritiæ. Hac auulsa animus ad bonorum æternorum cupiditatem allicientus, nam facilè nobis sordet terra, cum cælum aspiciamus.

§. III.

Remedia præscribenda contra peccata
Luxuriæ.

1. **M**oneat pœnitentem luxuriæ deditum, vt sæpè expendat hanc sententiam. *Momentaneum est quod delectat, æternum quod cruciat.* Et serid conferat turpitudinem, pudorem, & tristitiam quæ consequitur ætium luxuriosum etiam in hac vita, & multò magis in futura, cum breuissima sensus titillatione, quæ statim euanesceat instar fulguris, nihil homini relinquens, nisi necessitatem vel serid pœnitendi, vel in æternum ardendi.

2. Iniungat vt frequenter & deuotè postulet à Deo donum continentia: nam vt dicitur Sapientia 8. *Nemo potest esse continens, nisi Deus dederit.* Promittit autem Christus Matth. 17. *Patrem cælestem daturum spiritum bonum petentibus se.*

3. Adiungat orationi aliquas corporis afflictationes, ieiunia, aut vigilias. *Quia hoc genus demoniorum non eiicitur nisi per orationem, & ieiunium.* Lucæ 11.

4. Valet etiam plurimum frequens vsus Confessionis, & Eucharistiæ, qui possit in partem pœnitentiæ imponi.

5. Doceat vitare occasiones luxuriæ, vt est fuga personarum quas sentit sibi periculosas: item lasciuos aspectus, verba, libros, & sociorum sermones impuros. Nam præcipuum luxuriæ remedium in fuga consistit, monente Apostolo 1. ad Corinth. 6. *Fugite fornicationem.*

6. Caueat à gula, & otio, honesto semper exercitio animum occupando: *Multam enim malitiam docuit otiositas.* Eccl. 33.

7. Proponat denique præmium castitatis in cælo paratum, Matth. 5. *Beati mundo corde, quoniam ipsi Deum videbunt.* Et oblectationem quam etiam in hac vita possunt habere in casta & pura conscientia, quæ est: *Pax Dei, quæ exsuperat omnem sensum, teste Apostolo ad Philip. 4.*

§. IV.

Remedia contra Odium, Inuidiam, &
Iram.

1. **C**onsideret necessitatem tandem depnendi odium erga proximum. Quia apertè pronunciat Christus Matth. 6. *Deum non dimittere peccata, nisi dimittenti ex corde proximo suo.*

2. Vindictam iniuriæ Deo relinquendam, qui suo tempore infliget. *Mibi vindictam, & ego retribuam.* Deut. 32.

3. Cogitet quoties Deus ipsi sua delicta remiserit: nonne decet in illius gratiam fratri suo ignoscere? *Serue nequam omne debitum dimisit tibi, nonne decebat, & te misereri conserui tui.*

4. Proponat exemplum Christi, qui in Cruce orauit pro iniquissimis crucifixoribus & dixit, *Pater, ignosce illis, quia nesciunt quid faciunt.*

5. Aduertat Inuidiam ipsi homini inuido maximè nocere, dum de alieno bono dolet & tristatur, Prou. 14. *Putredo ossium Inuidia.* Est instar vermis ac tineæ, quæ inuidum intus rodit & consumit, & absque alia vtilitate.

6. Remedia denique odij, vt & Iracundiæ hæc sunt. Silere quamdiu te ira commotum sentis, nec respondere nisi quando potes vultum & verba ad benignitatem componere: *Quia, Responso mollis frangit iram.* Prou. 25.

Caue oportet occasiones altercandi, non facile alijs contradicere. Iniungere sibi pro multa, vt quoties alium per iram offendit, det aliquem eleemosynam, vel ab offenso ante vesperam veniam petat. *Sol non occidat super iracundiæ vestram,* ad Ephes. 4.

§. V.

Remedia Acedia, & Tepeditatis.

HÆc Acedia consistit in quodam animi tædio, per quod omittuntur opera pietatis, aut certè non nisi imperfectè cum animi tristitia ac tempore peraguntur.

1. Consideret talis viua fide, nihil se habiturum in altera vita, nisi quod in hac vita pro Deo operatus fuerit: *Ecce homo, & opera eius.*

2. Reflexat quomodo homines pro modico huius vitæ lucro, honore, aut voluptate nulli labori parcant; *Et illi quidem, vt corruptibilem coronam obtineant, nos autem incorruptam.*

3. Ex-

3. Expendat quantos labores ac pœnas subierint Martyres ac Confessores pro Dei gloria, & vita æterna, quæ ipsi non est minus necessaria. Videat continuam pœnitentiam, & patientiam, quam pro sua salute vltro subeunt toti viri Religiosi, ac deuoti, etiam imbecillioris sexus, & ætatis. Vel si sit Religiosus, coniciat oculos in alios feruidiore, & in hos confratres, qui magno zelo & labore in arduis Missionibus ac periculis versantur. Et dicat sibi cum S. Augustino: *Non potes tu quod illi, & illi?*

4. Postquam hæc serid expendit, prosteruat se coram Deo in oratione, & ostendat illi suam miseriam, humiliter rogando vt hanc tepiditatem ac spiritualem tristitiam à se depellat: iuxta consilium Apostoli Iacobi cap. 5. *Tristatur aliquis vestrum, oret.*

5. Proderit etiam contra Acediam, opera pia subinde variare, vt modò oret, modò legat, &c. Moneat etiam vt ad sonum horologii cogitet, *Tempus suum esse breue*, & se temporis rationem Deo redditurum.

Directionem breuem Confessarij & Pœnitentis vide supra Tom. 2. in fine pag. 357.

CAPVT II.

Praxis Conuersationis, & Instructionis pro quouis hominum Statu & Necessitate.

§. I.

Praxis cum Hæreticis vtiliter tractandi.

IN primo congressu concilianda est eorum beneuolentia comiter alloquendo, & de ijs dumtaxat rebus agendo, in quibus cum illis conuenimus omni altercatione semota. Si quid etiam illis charitatis, obsequij, aut honoris deferendum sit, id beneuolè præstandum. Sic enim disponitur animus, vt videant non contentionis, sed veritatis & charitatis studio nos conari illos à suis erroribus reuocare.

Proponenda est hæretico paulatim multitudo, nouitas, & discrepantia tot Sectarum, quæ hoc sæculo emerferunt: & quomodo inter se tam repugnantes sint, vt de nullius veritate constare possit, quod clarè expositum inuenies in huius Operis Tom. 1. pag. 208. 217. 283. & seq.

Et hinc exponet illi obligationem quam quisque habet indagandi viam certam & secu-

ram in negotio tanti momenti, qualis est æterna damnatio, si illa inquisitio negligatur. Nec sufficere quod videatur sibi hætenus esse in via recta, monente Scriptura: *Est via quæ videtur homini recta, & nouissima eius ducunt in interitum*: à similitudine Viatoris, qui eligit viam minimè periculosam: obligationem illam demonstratam reperies in eodem Tom. 1. pag. 39.

Iuuabit etiam illi exponere motiuum vulgò notissimum propter quod moderni Sectarij in Anglia, Germaniam, & Belgio Ecclesiam Romanam primò seruerunt, quam eorum Maiores de nullo vnquam errore accusarunt per mille quingentos annos ante libidinem Henrici Octauij erga Bolenam, & offensionem Lutheri erga Pontificem, & Principis in Belgio erga Hispanos: adeoque propter libidinem, odium, & offensionem, non propter veritatem ab Ecclesia Romana defecerunt. Tunc perges, propter eorum exemplum, ortum ex solo odio, & libidine, te ipsum in æternum perdes? De hoc vide deducta Tom. 1. pag. 239.

Ponatur ipsi patheticè ante oculos status miserandus in quo versatur modernus Sectaris per ea quæ credit ab omni veritatis specie aliena, in Secta nullum habente testimonium antiquitatis, aut miraculorum, cui aduersatur totus pœnes orbis Christianus, quod deductum inuenies in Idæa miseranda moderni Sectarij Tom. 1. pag. 25.

Quamuis consultum non sit vt cum Hæreticis coram alijs publicè disputetur, quia sic honoris conseruandi studio plurima quærunt effugia, quibus imperitis facillè imponunt. Si tamen iustas ob causas disputandum sit siue publicè, siue priuatim, semper obseruanda sunt sequentia, 1. Curandum est Sacerdoti vt in lectione Euangeliorum, & Communionem Controuersiarum ita versatus sit, vt ex ipso Verbo Dei scripto hæreticus conuincatur, cuius sensum admittere debet iuxta mentem Sanctorum Patrum primitiue Ecclesiæ, iuxta Methodum quam supra dedimus in Polemicis Tom. 1. c. 9. & tract. 2. c. 1. pag. 146.

Secundò, in disputando non confidat nimium suæ eruditioni & industriæ; cum enim sit Fides donum Dei, humanis medijs non obtinebitur. Itaque ante congressum cum hæretico, cum Deo in orationibus commendet, & quasdam afflictiones ac pœnitentia pro eodem offerat, sub ipsa etiam concertatione mentem frequenter eleuet ad Deum iaculatorijs orationibus, quibus sibi gratiam, & illi lumen exoret & impetret.

3. Nè

3. Nè tempus frustra teratur in disputatione, consultum erit mox ad fundamentalem controuersiam venire: ea autem est de notis Ecclesiæ; si enim demonstretur nostra esse vera necessaria erit sequela, omnia quoque vera esse, quæ ipsa docuit, atque aded non errare eum, qui sub vna solùm specie sumit Eucharistiam, veneratur Sanctos, &c. De quibus singulis in Tom. I. agitur.

4. Disputantibus hæreticis non danda est libertas vagandi, & ab vno puncto ad aliud transiliendi, sed certa, & categorica responsio extorquenda; qua re si ipsi irritentur, caueat Sacerdos, ne ipse etiam irretur, sed religiosa patientia, & modestia adstantibus sit bono exemplo, attendat quoque, ne concitate aculeatis verbis insultet, & quasi triumphum canat; hoc enim præsentibus, qui plerumq; suis compati & fauere solent, displicere poterit, & occasionem dare Sacerdotes Catholicos auerfandi vt superbos.

5. Sæpè non oberit vrgere hæreticos & premere quæstionem illam, Vnde sciant Biblia, quibus vtuntur, & quæ citant, esse verum Verbum Dei, Euangelium S. Matthæi esse scriptum à S. Matthæo, & non ab alio, qui nomen eius sinxerit? sic enim denique deueniendum erit ad Traditionem Ecclesiasticam, adeoque ruet primarium ipsorum fundamentum.

6. Cum ijs, qui simpliciores sunt, non multum altercandum est, sed potius hortandi sunt, vt per orationem commendent Deo negotium hoc, rogentque, vt veram fidem eis ostendere dignetur: tum si legere possint, libellus aliquis controuersiarum simplici stylo scriptus legendus offerri poterit. Præterea verd suauia, & amica colloquia cum ipsis instituentur, in quibus ostendatur illis discordia inter Hæreticos, & contradictiones ipsiusmet Lutheri & Caluini, &c. Explicabuntur etiam aliquot motiua credibilitatis pro rudi plebe magis accommodata, qualia sunt Martyria tot ac tanta pro Christiana Fide tolerata; tot tamque docti Viri ab Hæresi ad nostram Fidem transeuntes; tam mirabiles Conuersiones, tam admiranda Miracula in confirmationem Fidei nostræ patrata, &c. Denique etsi res prima vice ex voto non succedat, non desinat conatus suum cum patientia sæpius prosequi, & illorum Conuersionem Deo in precibus commendare.

§. II.

Documenta Patribus familias tradenda.

1. **S**tudendum, vt curam habeant institutionis Christianæ, liberos suos, & reliquam etiam familiam mittant ad Catechismum, reduces examinent, & eos, qui meriti sunt remunerentur aliquo præmiolo, vt alij quoque excitentur.

2. Vt suos seruos, ancillas, liberos diligenter diebus festis ad Sacrum & Concionem mittant & ex redeuntibus quærant, quod notaerint, puniant subtracta aliqua recreatione, alioque modo negligentiores.

3. Vt otium domo eliminent, suosque benè occupent, ita tamen, vt tempus pro Sacro, precibusque fundendis concedant; neque existiment per tale otium quidquam decrementi rem domesticam passuram, quin potius certò sibi persuadeant, multum ipsam hoc medio augendam; nam lucrum, quod propter virtutes, religionis maximè, despicitur, per virtutes melius recuperatur. Certè, si pietas, teste D. Paulo Tim. 4. ad omnia utilis est, quidni etiam ad rem domesticam augendam & conseruandam?

4. Emendent, & tollant ludos inhonestos, ebrietatem, lasciuia, colloquia praua, iuramenta, blasphemias, imprecationes, & contentiones, & similia peccata, decreta certa pena pecuniaria, vel abstinencia modica ijs, qui sæpius horum peccatorum aliquod admisisse deprehensi sunt.

5. Commendet illis lectionem libellorum piorum, recitationem Litaniarum B. V. à collecta familia ante somnum: pauperum amorem; cultum Sanctorum, & B. V. maximè; proflent, submotis inhonestis, Imagines piæ Christi Crucifixi, B. Virginis, Sanctorum, &c. Hæc lætici etiam sint affixæ, vt occasio sit ante cubitum eas venerandi.

6. Suadeat Patribus familias, vt non ipsi modò vni alteriue Congregationi (pluribus enim dare non expedit, quia ob domestica negotia satisfacere tot legibus non possunt) dent nomina, sed authores etiam sint domesticis ad idem faciendum, suisque temporibus eos ad conuentus mittant. Ad Confessionem & Communionem, cum leges exigunt, peragendam hortentur.

7. Summopere illis concordiam mutuam non modò cum vxoribus seruandam, sed inter ipsos etiam domesticos procurandam commendet, atque ob id frequenter illis in memoriam

riam reuocet tum illam sancti Spiritus sententiam, Prouer. 17. *Melior est buccella sicca cum gaudio (& pace) quam domus plena victinis cum iurgio*; tum tritum illud Prouerbiū: *Concordiares parua crescunt, discordia etiam maxima dilabuntur*. Eundem in finem proderit etiam narrasse sapientissimum illud Scilari Scytarum Regis factum, qui è vita discessurus, septuaginta quos habebat filios conuocauit, singulisque fasciculum 70. sagittarum colligatarum obtulit, frangereque iussit; quod cum nequirent, singulos singulas sagittas accipere & confringere iussit, quod cum sine labore præstitissent, subiicit: *Ira & vestra potentia, si coniuncti per concordiam manseritis, à nemine frangetur aut superabitur; secus, si per discordiam à vobis ipsis diuisi fueritis*. Sententiæ & exempla de pace mutua requisita ad conuersationem, reperiuntur supra verbo, *Pax*, in Apparatu.

§. III.

Praxis agendi cum Mulieribus, & maxime Coniugatis

Cum fæminis agendum raro, breuiter, caute, prudenter. Hæc ut seruentur, caueatur in Conseruando locus obscurus, & ab omni teste nimis secretus: oculi à fixo respectu, manus à contactu cohibeantur.

Hinc 1. se seuerum potius, quam familiarē exhibeat; abstineat à blandis verbis carnalem quendam affectum redolentibus. 2. Non facile credat querelis, & lachrymis fœminarum, sed potius adhortetur eas ad patientiam, iubeat inquirere, num causam iniurijs, verberibusque dederint. 3. Non habeat fidem, si reuelationes & deuotiones fingant, sed potius ad obseruationem mandatarum Dei hortetur. Atque hæc circa mulieres in genere obseruanda sunt, nunc ad specialia magis descendendum est.

Virtutes ergo vxorum quod attinet. 1. Vehementer ipsis commendabit puram intentionem, ut videlicet finem illum, quem coniugata quæque mulier præfigere sibi deberet, obtinere laborent? Is autem finis est, ut marito sint adiumento in filijs generandis, nutriendis, & educandis, & per hoc debitum amorem, & obsequium Deo exhibentes saluæ fiant. Hunc finem indicauit Sapienter Prou. c. 32. dum dixit de muliere illa prouida. *Quæsiuit linum, & lino, &c.* Per lanam enim externa bona & corruptibilia, per linum verò interna & incorruptibilia seu æterna indicantur.

R. P. Arde K. Tom. III.

2. Hortetur illas ad insignem vitæ integritatem & verecundiam, hæ enim virtutes sunt vestis illa, quam sapiens mulier sibi fecit, ut Salomon indicauit, dum dixit, *Byssus & purpura indumentum eius*, ubi per Byssum propter candorem intelligunt Interpretes innocentiam vitæ, per purpuram verò verecundiam propter colorem rubrum. Certè si sic quærant Regnum Dei & iustitiam, omnia reliqua, quæ ad se ac familiam sustentandam sunt necessaria, copiosè adijciuntur.

3. Moneat, ut etiam atque etiam imitari studeant iam sæpius commemoratam mulierem sapientem, quæ considerauit semitas domus suæ, & panem otiosa non comedit. Ad huius ergo exemplum otium diligentissimè fugiant, eumque in finem sæpius considerent, quæ tum interiori suæ domui, animæ scilicet: tum exteriori, videlicet familiæ defint, eaque omnia sollicitè, & optimo, quo possunt modo, procurare studeant.

4. In memoriam illis reuocet illam S. Pauli sententiam ad Eph. c. 5. *Sicut Ecclesia subdita est Christo, ita mulieris viris suis in omnibus*. Hortetur itaque illas, ut, sicut Ecclesia triplici potissimum obsequio suum erga Christum amorem probat, scilicet reuerentia, obedientia, patientia: Ita his ipsis tribus officijs ipsæ quoque suos sibi maritos demereri studeant.

5. Singulariter illis commendet domesticorum, & liberorum maxime curam, horteturque ad exemplum mulieris sapientis, omnes suos domesticos *duplicibus*, vestiant, id est, ut tam in virtutis, quàm in aliarum artium ac munerum, quibus alere postea sese debebunt, studio eos perficiant.

6. Non minùs illis commendat imitationem illius virtutis, quam in muliere Sapiente Salomon laudauit, dum dixit: *Os suum aperuit sapientiæ, & lex clementiæ in lingua eius*, Prouerb. vlt. Hortetur itaque illas, ut singulari studio taciturnitati studeant, & domesticos mansuetudine potius, quàm imperijs duris atque verberibus ad officium perducere studeant: nam mitibus promisit Christus, quod, terram, id est, homines suæ curæ commissos possessuris sint.

7. Suadeat, ut cum sapiente muliere accingant fortitudines lumbos suos, & robovent brachium suum, ad plurima incommoda, quæ matrimonij iugum secum ex omni parte affert toleranda: alioqui enim & in hoc, & in futuro seculo miserrimas futuras.

8. Denique misericordiam erga pauperes specialiter etiam commendat, ut videlicet &

M

ipſa

ipsæ cum muliere sapiente manum suam aperiant inopi, & palmas suas extendant ad pauperem; sic enim copiosam domui benedictionem obuenturam, iuxta illud Seruatoris promissum: *Date & dabitur vobis: Mensuram bonam & confertam, & cogitatam, & superfluentem dabunt in sinum vestrum*, Lucæ 6. Has profecto virtutes si comparare studuerint vxores, verificatur de illis, quod Salomon de muliere sapiente narrat: *Surrexerunt filij eius, & beatissimam predicauerunt; vir eius & laudauit eam: dare ei de fructu manuum suarum & laudent eam in portis Operis eius*, Prou. cap. vlt.

Tentationes Coniugarum ad tela ferè genera reuocantur. *Primum*, & grauissimum ferè est, quod ex maritorum vel seueritate, vel violentia, vel negligentia, alijsque vitijs nascitur. Contra hanc tentationem sic eas muniat, & 1. Suadeat, vt pro maritis suis assiduè Deum, in cuius manu sunt corda hominum, precentur, imitatur prudentem Abigail, quæ marito suo iratum Dauid placuit. 2. Suadeat, vt non in quotidianis duntaxat obsequijs valde diligentes sint, sed extraordinaria charitatis officia erga illos ostendant, v. g. cibos illis gratos præparent, dicantque se speciali affectu erga maritum illos præparasse, cetera verò mandata promptissimè exequantur, &c. sic enim amor maritorum erga ipsas crescat, & suo tempore occasio dabitur, id quod volunt, impetrandi, vt in Esthere patet.

3. Suadeat, vt, dum maritus ebrius aut iratus est, taceant: imo etiam postero die ab ipso veniam precentur, non aliter, ac si ipsæ illum offenderent; talis enim dissimulatio & patientia mirè illis mentem mariti deuinciet. Certè in plerisque coniugijs causa potissima discordiarum est, vxorum garrulitas atque impatentia, vti ingeniosè indicauit Medicus ille, qui vxori, quam maritus quotidie verberabat, remedium petenti, vasculum naturali aqua plenum obtulit, iubens vt marito irato, hac aqua os suum impleret & tam diu retineret, donec mariti ira deseruisset, sic enim futurum, vt nunquam vapularet, quod & factum est. Idem indicauit prudenter Chirurgus ille, qui dum ad vxorem vulneribus plenam vocatus esset, primo loco emplastrum ori, nullum alioqui vulnus habenti, applicare, voluit causamque rogatus, respondit, frustra se reliqua vulnera curaturum, nisi hoc foramen priùs obstruxisset & sanasset.

4. Suadeat, vt, dum mariti signa quædam amoris erga ipsas ostendunt, occasionem capient, & suauibus verbis rogent, vt deinceps ab hoc vel illo scelere abstineant, vt patienter se-

rant suos (vxorum) errores, se quoque, si hoc impetrauerint, paratissimas ad omnem ipsorum nutum & obsequia fore. Caueant autem, nè vniquam maritos, aut increpent, aut cum ipsis litigent, aut omninò manibus certent; nam sic magis in consuetudine eos roborant, atque ad odium & rancorem maiorem excitabunt. Si hæc nihil proficiant, suadeat illis, vt Parochum, vel Virum Religiosum adeant, eumque rogent vt cum marito suo agere, aptisque medijs prudenter applicatis, ad irugem reducere studeant; Ipse verò interea negotium hoc Deo commendat, proque felici eius successu Communiones aliquot, vel eleemosynas, aliaque opera offerant.

5. Sineque hoc remedium efficax fuerit, ad patientiam hortetur, suadeatque, vt ex malo tanto fructum bonum meritorum in celo ingentium extrahere studeant, nè alioqui & illis obijci possit, quod S. Iob suæ vxori obiecit & dixit: *Quasi vna de stultis mulieribus egestis. Si bona de manu Dei suscepisti, mala quare non suscipias?* Profecto enim stultè agunt vxores, quæ impatienter ferunt tales misérias, quia sic & grauius ferunt crucem, & in altera vita nil nisi graues pœnas expectare ex ea possunt cum tamen per patientiam potuissent crucem hanc leuiorem reddere, & simul ingens in celis præmium mereri.

Secundum genus tentationis provenit, ex liberiorum & aliorum domesticorum corruptis moribus. Contra has tentationes sic eas muniat Sacerdos. 1. Dóceat illas, non nimis grauius apprehendere errores subditorum & liberiorum, sed potius considerare eos vt cæcos, vt ægros, quibus minimè irasci, sed cum charitate & condolentia media applicare solemus. 2. Suadeat, vt non quosuis errores mox puniant, sed minores dissimulent, exemplo piscatorum, qui piscis minoris iacturam contemnant, vt maiorem lucrentur. Reuocet illis in memoriam Dei misericordiam, quam erga ipsas ostendit; & dicat illis: Ecce, an non vos quoque estis filiae Dei? & tamen quàm parum impletis mandata illius? si quoties peccatis, mox Pœnam iniungeret, quoties iam in Purgatorio, aut inferno essetis? Si ergo vos, quæ ratione polletis, à vobis ipsis impetrare non potestis, vt efficiamini tales, quales esse deberetis, quantò minus à liberis vestris, ratione destitutis hoc exigitis? 3. Hortetur illas, vt cum mansuetudine potius, quàm seueritate eos corrigant, nam vt S. Prosper l. r. de vita contempl. ait; *Leniter castigatus exhibet reuerentiam castiganti, asperitate autem nimia increpationis offensus, nec increpationem recipit, nec salutem*.

Et.

Et vt S. Gregorius in Pastor. cap. 35. ait: *Ple-
rumque quos Cruciantia non corrigunt, ab iniquis
adibus lenia condimenta compefcunt.*

Tertium genus tentationis oritur ex sollici-
tudine, quam de liberis tum alendis, tum ne-
cessaria dote instruendis habent. Contra hanc
sic illas muniat Sacerdos, 1. Hortetur illas, vt
filios in timore Domini educent, & exemplo
S. Tobia: ab Infantia faciant, timere Deum;
Hanc etiam solam esse optimam hæreditatem,
quam nemo liberis inuitis auferre possit, &
cum qua nullum necessarium ad vitam me-
diorum defectum sint passuri; ea enim si libe-
ros instruxerint, audaçter cum S. Tobia ad il-
los dicere ipsas posse: *Dilecta proles, pauperem
quidem vitam gerimus, sed multa bona habebi-
mus, si timuerimus Deum, & recesserimus ab om-
ni peccato, & fecerimus bene.* Tob. 4. Vt etiam
Deus ipse per Psalmistam dixit: *Non est inopia
timentibus eum.* Isaia 33.

2. Iubeat illas considerare, quàm liberaliter
Deus aues in aere, pisces in aqua, feras in
syluis nutriet, quânto magis ergo hominibus
pretioso ipsius Sanguine redemptis necessa-
rium victum non negabit?

3. Iubeat item meminisse, quod non tam
ipsarum, quàm etiam Dei filij sint liberi ea-
rum: imò magis Dei, vt qui corpus & animam
dederit, si ergo ipsæ tantopere sollicitæ sunt
pro liberis, neque illos vnquam fame perire
sinerent, quânto maior de talibus liberis cura
ab ipso Deo expectanda erit.

4. Ostendat illis, quantum periculum &
damnum liberis & sibi ipsis creent, si amplam
nimis hæreditatem parent; sibi quidem, dum
interea salutem suam & cælestes diuitias com-
parare negligunt, pro quo tamen ipso labore
exiguas à liberis gratia referent, sed potius ef-
ficient, vt & in vita mortem ipsarum illi affi-
dudè desiderent (quo citiùs parata hæreditate
fruantur) post mortem verò conuiuia insti-
tuant, & per turpem decoctionem hæreditatis,
notam parentibus mortis inurant, pro honore
& leuamine quod per tantos vitæ labores ex-
spectabant.

§. IV.

Praxis Viduas instruendi.

Explicandum Viduis, quod cum marito
careant, debeant se Christo offerre, & il-
lum in Sponsum accipere. Suadeat vt Chri-
sto pro dote offerant has quatuor virtutes. 1.
Insignem vitæ honestatem, qua studeant Chri-
sto soli placere, & ab eo vicissim amari. 2.

Constans studium Orationis: per hanc enim
sponso suo familiares fient, nec aliorum collo-
quia ambient. 3. Patientiam, qua æquo animo
ferant miseras & desolationes quas secum af-
fert status viduitatis. 5. Charitatem erga libe-
ros & domesticos, qua tum necessaria illis pro-
uideant, tum in pietate & bonis moribus beni-
gnè instituant.

Tentationes quædam propriæ sunt Viduis,
contra quas à Sacerdote muniri debent.

Prima tentatio oritur ex mariti morte, con-
tra quam sic eas muniat Sacerdos. 1. Osten-
dat, meritò sperari posse, maritum inter Ele-
ctos annumeratum esse, proindè, si verè illum
dilexerint, gaudere magis ipsas debere, quod
ille ex carcere corporis liberatus, & ab exilio re-
uocatus in patriam, omni deliciarum genere
affluentem fuerit.

2. Declaret etiam illis, meliùs sic prouisum
fore à marito, si enim, cum in terris viueret,
tanta cura vxori & liberis necessaria prouide-
bat, quânto magis in cælis hoc facturum, vbi &
charitas innumeris partibus aucta est, & maior
ad quæuis à Deo impetranda facultas adest.

3. Reuocet in memoriam, quoties viuen-
tem adhuc Maritum in longinquas forte re-
giones negotiorum causa abeuntem sine dolo-
re dimiserint: quidni ergo etiam iam ipsius ab-
sentiam per diem vnicum (nam mille anni co-
ram Deo & cum æternitati comparati sunt,
sicut dies hesternæ, quæ præterijt) æquo animo
ferant, vt suo tempore, tantò cum maiori gau-
dio, in cælis iterum videant; maximè cum spe-
rare possint, in eum locum abiisse maritum,
in quo negotia sua, & liberorum commoda op-
timè apud Deum & Patronos procuraturus
credatur.

4. Ostendat illis, quod loco Mariti defuncti
in finitibus ditiozem, pulchriorem, nobiliorem,
sanctiorem, & præterea etiam immortalem,
summeque sponsæ suæ amantem Sponsum, vi-
delicet Christum, habere possint; ei proindè se
despondeant, & tum audaçter cum S. Dauide
Psal. 22. dicturas: *Dominus regit me, & nihil mi-
hi deerit.*

*Alter*a tentatio, ex ipso Viduitatis statu &
solitudine plerisque viduis per quam sanè mo-
lesta oritur, contra quam sic illas muniat Sa-
cerdos. 1. Declaret, quantam curam se de Vi-
duis habiturum promiserit Deus, nam Exodi
22. cap. dicit: *Vidua & pupilla non nocetis, se-
laferitis eas, vociferabuntur ad me, & ego audiam
clamorem earum, & indignabitur furor meus, per-
cutiamque vos gladio, Ieremiæ 22. præcipit: Vi-
duam nolite contristare, Matth. 23. Vobis Scri-
ba, & Pharisei hypocritæ, qui domos viduarum*

comeditis. Psalmista Psal. 135. dicit: *Pupillum & viduam suscipiet.* Et Deus Psal. 67. *Pater Orphanorum, & Index viduarum* vocatur, ut innuat, se speciali ratione Viduas defensurum.

2. Illis ostendat, quàm fideliter Deus promissis steterit, & quantam iam olim curam de illis habuerit, in eumque finem ob oculos illis ponat viduam Sareptanam, 3. Reg. 17. ab Elia mirè adiutam.

Alteram item, cui Elisæus 3. Reg. 4. per olei multiplicationem subuenit. Nobemi viduam singulari benedictionem impertitam. Ruth c. 1. Viduam, cuius filium Dominus à morte suscitauit. Lucæ 7. Annam filiam Phanuelis, quam Prophetico Spiritu donauit, & quam tanto opere à S. Luca c. 2. laudari voluit. Viduam, quæ duos obolos, in Gazophilacium misit, præ alijs omnibus à Christo laudatam. Marc. 12.

3. Proponat in exemplum Viduas illas, quæ, cum possent, nubere noluerunt; quales sunt, Paula Romana, Blesilla eius filia; Melania, quæ marito nondum sepulto viduitatem suam Domino consecrauit; Euphrasia, quæ licet ætate florida, & diuitijs affluens, & ab ipso etiam Imperatore rogata, ut secundas iniret nuptias, constanter abnuitt, & in Thebaidem se contulit; Elisabetha Regis Vngariæ filia, quæ totam se post mariti mortem pauperibus infirmis curandis impendit; Olympia Constantinopolitana vidua, quæ cum per annum & dimidium dum taxat virum habuisset, & ab Imperatore Theodosio monebatur alium accipere, respondit: *Si Dominus voluisset, me viro nuptam esse, non tam citò me illo orbasset, quia ergo agnouit, non amplius expedire mihi coniugium, coniugem abstulit.*

4. Reuocet in memoriam illis incommoda matrimonij, & durum vinculum, ob quod ablatum gaudere deberent potius, quàm tristiari; meminisse quoque lubeat illius dilemmatis, quo vidua quædam Romana vsa est, dum dixit: *Aut futurus mihi maritus bonus, aut malus est: si bonus, vexabit semper timor mortis illius; si verò malus, expedit mihi magis malum hoc non experiri.*

Tertia tentatio, provenit ex sollicitudine de visu sibi & filijs procurando; contra hanc muniat eas, partim ijs medijs, quæ supra pro simili tentatione coniugarum attuli; partim verò etiam ijs, quæ infra contra pauperum tentationes afferentur.

Specialiter verò hinc proderit in memoriam reuocasse illam historiam de vidua, quæ duas filias, quas alere iam non poterat, ad aram B. V. duxit, eique omne in illas ius maternum

transcripsit. Quo facto vix egressæ templo sunt, cum obuius illis iuuenis factus plenum pecunia marsupium offert, seque patri eorum mortuo has pecunias debere asserit. Accipit pecuniam læta mater, & ex ea vestem filiabus honestam confici curat; cum autem vicini ita vestitas viderent, & talem pecuniam ex quæstu impudico comparatam suspicarentur, mater de infamia filiarum sollicita ad templum properat, & B. V. hanc necessitatem commendat, & sanè iterum auditæ sunt preces. Nam die quodam festo, dum filia ante domum sedent, adest de cælo Angelus, & in conspectu multorum rosas virginibus tradit, dicens, eas ab ipsarum cœlesti Matre in testimonium illæsa virginittatis missas fuisse. Id ubi Princeps illius terræ intellexit, geminum Monasterium edificauit, & utrique has virgines præesse voluit, Ita refertur in speculo Exemplorum, exem. 117. Et ex Apparatu videri potest V. *Consolatio diuina*, quomodo illa Viduis aderit, si ad eam fidenter confugiant.

S. V.

Quomodo, & de quibus instituendæ Moniales, & Virgines.

SVadendum, ut sæpè recolant illam S. Bernardi sententiam: *Ad quid venisti?* Ac proinde Mundo generosè valedicentes, solum Christum pro Sponso eligant, certoque sibi persuadeant, quidquid sponsa in Sponso suo exoptare possit, id omne illas in Christo infinitis perfectiis reperire, ideoque meminisse eas iubeat sententiæ illius à S. Paulo 1. ad Corinth. c. 7. prolata: *Quæ nupta est, cogitat quæ mundi sunt, quomodo placeat viro & mulier innupta, & virgo cogitat quæ Domini sunt, ut sit sancta & corpore & spiritu.* Audiant ergo & implere studeant consilium in simili negotio viduis à S. Augustino de bono viduitatis datum, dum ait: *Currite ad illum, placete illi, ex illo vivite, cum illo, & de illo.* Præcipue verò illas hortetur ad magnam corporis, animique integritatem, ad Orationis studium, ad obedientiam, modestiam & patientiam, hæ enim virtutes maximè sponsam Christi decent. Porro tentationes ipsarum ad quatuor ferè species reuocari possunt.

Prima oritur, ex solitudinis religiosæ tædio; contra hanc sic illas muniat. 1. Proponat illis exemplum auicularum incluserum, quæ initio quidem solitudinis impatientes exitum, ubiq; sollicitè quærunt, sed paulò post solitudini assuetæ, adeò delectantur illa, ut neque aperto etiam otio exeant: idem ergo ipsas sperare tan-

tanto certius iubeat, quanto fortior est gratia diuina, quam consuetudo.

2. Reuocet illis in memoriam, quomodo plerique Vxores in saculo solitariae domi resideant, & interea mille crucibus, & curis oneratae gemant & felices virgines Deo consecratas & inclusas praedicent; gaudeant ergo illae, sibi obtigisse felicitatem, quam aliae tantopere expetunt, neque tamen obtinere possunt.

3. Ostendat illis peculiaris fauoris indicium hoc esse, quod Deus ita illas Monasterio incluserit; ut enim venatores accipitri oculos obuelant, ne viliorum praedam infestantur, nobiliorem dimittat; ita Deus obuelat oculos mentis & corporis Monialibus, ne illi videant & Deum amare omittant. Sicut item imagines elegantes & altaria velis obteguntur, ne sordibus infestae splendorem suum & pulchritudinem amittant; ita Deus Moniales vult obuelatas esse, ut tanto pulchriori ipsarum animae, puriorque remaneat, aptaque fiat ad Sacrificium Holocausti in ea offerendum.

4. Meminisse iubeat, quid sponsus ipsarum per Oseam c. 2. dixerit: *Ducam eam in solitudinem, & loquar ad cor eius.* Si ergo in solitudine IESVS est, & esse cum IESVS Paradisus est; cur solitudinem horreat Christi Sponsa? Audiant ergo Thomam de Kempis lib. 1. cap. 20. sic loquentem. *Si cuncta videres praesentia, quid essent nisi visio vana? Eleua oculos tuos ad Deum in excelsis; & ora pro peccatis tuis & negligentis. Dimitte vana vanis, tu autem intende illis, quae tibi precepit Deus. Claude super te osium tuum, & voca ad te Iesum dilectum tuum, mane cum eo in cella, quia non inuenies alibi tantam pacem.*

Secunda tentatio oritur, ex defectu temporis ad orationem; quandoque vero ex consolationum, quas in precibus sentire cupiunt, carentia; Contra hanc sic illas muniat. 1. Ostendat illis meliorem esse & gratiorem Deo obedientiam, quam victimas orationis & sacrificia laudis: Certè quemadmodum seruus in vinea laborare iussus, si Domino suo domi suauiter canere, vel cythara ludere vellet, minimè gratum obsequium ipsi praestaret: ita nec hominis grata Deo oratio esse potest eo tempore, quo Deus aliud ab ipso obsequium petit. Doceat praeterea, ipsum opus obedientiae orationem esse; sic enim S. Augustinus super Psalm. 150. Cum quaelisset, quomodo res ratione catentes à S. Dauide ad laudandum Deum inuitatae, laudare ipsum possint, respondit, in eo, quod ipsi obediunt sint, & suos effectus ad nutum ipsius producant: vnde subiicit S. Doctor: *Vt semper laudare Deum? bene; ac omnia, & laudasti Deum.*

R.P. Ars de K. Tom. III.

Insuper firmiter illis persuadeat, ipsa consolationes, quas in oratione sentiunt, si propter obedientiam relinquuntur, per obedientiam melius recuperari, si enim gaudium est in hoc mundo, hoc utique possidet puri cordis homo, quis autem cor purius & meliorem conscientiam habet, quam is, qui in omnibus Dei voluntatem se impleuisse aduertit? Nimirum talibus contingit, quod illi Moniali, quae cum Christum, qui ipsam visitauerat, ad portam vocata dimisisset; rediens adhuc inuenit, dicentem tamen, se abiturum fuisse, nisi ipsa, quo obedientia vocauerat, abisset.

Secundò illis, quae Desolationes in oratione patiuntur, firmiter persuadere conetur, in his sensibilibus consolationibus non consistere profectum & perfectionem hominis, sed potius in integra resignatione sui in manus Dei, multoque gratiores Deo charioresque esse animas, quae desolationes patiuntur & ariditates, quam quae consolationibus auidè inhiant. Quod pulchrè aliquando Deus personae cui-dam desideranti scire, quænam animae Deo charissimae essent, declarauit sequenti viso, ut in Speculo exemp. V. Tribulatio exemp. 6. videre est. Viderat illa persona Christum ad altare stantem, & infratres Moniales flecentes. Ad harum primam accedens Christus, suauiter eam allocutus est, & postea SS. Corpus suum tradidit. Subinde ad alteram progressus, duris verbis, & toruo aspectu eam castigauit, simulque etiam SS. Corpus suum porrexit. Tandem ad tertiam pergens, non verbis tantum, sed etiam verberibus eam plurimis afflixit, & tum demum SS. Corpus suum praebuit. Cum autem persona illa huius visi explicationem peteret, respondit Christus, primam quidem Monialem sibi charam esse, sed quia non nisi consolationes appetit, non esse eam tam charam ipsi, ac secundam, ut quae etiam durius ab ipso tractata, ab eius seruitijs non desinat; verumtamen, quia, si, grauiiores essent tentationes, animo & proposito deficeret, idèd tertiam sibi charissimam esse, ut quae nullis aduersis rebus sese ab eius amore, & seruitio permittit abstreri.

Tertia tentatio, oritur ex eo, quod à Superioribus non videantur amari, ideoque non applicentur ad honorifica officia, sed perpetuis increpationibus vexentur. Contra hanc tentationem sic eas muniat. 1. Proponat exemplum Christi, qui vsque ad 30. annum obscuram vitam viuens, subditus erat parentibus suis.

2. Iubeat meminisse, ad quem finem venerint in Religionem? nonne, ut eligerent abiectae esse in domo Dei suis magis, quam

M 3 habi-

habitare in tabernaculis peccatorum? Gaudeant ergo sibi occasionem offerri finis sui obtinendi, & ea sedulo utantur.

3. Demonstret illis, omnia officia suam dignitatem, & excellentiam desumere à voluntate Dei, illumque à Deo copiosius honorandum, qui officium ab eo impositum perfectius impleuerit, perinde ac in comedia non attenditur, quam personam egerit actor, sed quam benè.

4. Ostendit illis comoda, quæ afferunt humilia officia præ altioribus. Nam 1. minus periculi in illis reperitur vanæ gloriæ, & præmij per eam perdendi. 2. Purior est intentio; & hoc ipso maior à Deo benedictio. 3. Minoribus talentis ad ea opus est. 4. Curas minores requirunt. 5. Consolationes diuinæ in ijs sunt frequentiores. 6. Proximus magis inde ædificatur. 7. Charitas fraterna mirè per ea augetur, & conseruatur; omnes enim diligunt eos, qui se ipsis subiiciunt, & onera pro ipsis portant. 8. Superiores valde recreantur, & multis curis subleuantur, quas alioqui suscipere deberent, dum timent, ne imponendo vilia officia, subdites offendant. 9. Securius possidentur; quia pauci sunt qui ambiant illa humiliora.

5. Demonstret illis, nullam familiaritatem esse magni faciendam, aut magis appetendam, quam cum Deo; ad hanc verò semper illis ianuam esse apertam. Hortetur ergo illas, vt in tentatione constitutæ imitentur Rachaelem Monialem; quæ, cum à Iudaismo ad veram Fidem conuersa, nunquam in Monasterio visitaretur, vt cætera Moniales reliquis ad portam garrientibus; ad altare cubiculi sui accessit, & B. V. aut Christum rogauit, vt & ipsam ad colloquium admitterent; magisq; consolata discessit, quam si ad portam cum alijs fuisset locuta, vt in Spec. Exem. V. *MARIA Exem. 10.* videre est.

6. Hortetur eas ad imitandum exemplum S. Catharinæ Senensis, quæ vt leuius ferret vexationes parentum & domesticorum, Christum in parente, B. Virginem in matre, in reliqua familia Apostolos sibi imaginabatur.

Quarta tentatio, oritur ex vitijs & peccatis quotidianis, in quæ solent incidere, & ob quæ non modicè anguntur quandoque Moniales. Contra hanc ergo tentationem sic eas muniat.

I. Iubeat illas meminisse conditionis humanæ, atque in memoriam illis reuocet dictum B. Aloysij, quo dicere solebat, nimium de leuibus & quotidianis erratis affigi, indi-

cium hominis esse semet ignorantis; qui enim se norit, non posse esse nescium, hortum suum tribulorum ac spinarum suapte natura feracem esse. Hinc ille aduersus errata quotidiana hac oratione utebatur. En mi Domine, quàm fragilis sum, & miserabilis: quàm procliuis ad lapsum! Ignosce mihi Domine, & gratiam concede, ne idem peccatum iterum committam, & tum quiescebat.

II. Persuadeat illis, quòd quemadmodum infirmus tendens in certum locum, etiam si sapius ex infirmitate caderet; certo tamen veniret ad locum, si post casum mox resurgeret: ita & animam, quæ tendit ad cælum, certò eo peruenturam, licet quandoque in peccata venialia labatur, modo resurgere citò conetur.

III. Pari modo persuadeat illis: quemadmodum pater infanti suo ob morbum cadenti potius condolet, quam indignatur; ita Deum quoque animæ ex infirmitate cadenti, non modo grauitè non indignaturum, sed potius condoliturum, mediæque ad infirmitatem curandam suppeditaturum.

§. VI.

Praxis inuandæ & consolandi Pauperes?

Instruendi sunt pauperes, vt sortis suæ utilitate non affligantur, sed cum gaudio inde sibi meritum, & coronam acquirant.

I. In hunc finem proponat exemplum Christi; qui vt S. Paulus 2. Corinth. cap. 8. ait: *Propter vos egenus factus est, cum esset diues*: si ergo solatium est miseris socio habere, quantum erit solatium pauperi, paupertatis socium habere ipsum Christum.

II. Reuocet illis in memoriam quot milia sapientissimorum virorum, & sanctissimorum spontè amplexi sint paupertatem, vt essent similiores Filio Dei; quidni ergo & ipsi gaudeant, vltro à Deo oblatam hanc gratiam, quam alij per magnas difficultates & certamina quæsierunt.

III. Iubeat meminisse, vitam nostram similem esse comediæ; vt ergo actor libenter per diem personam mendici vel rustici gerit, si speret inde se Regi, Aulicisque per eam magis placiturum, & maius præmium obtenturum; Ita & ipsi libenter vilem suam personam per breuem vitæ diem sustineant, vt Deo cœlitibusque magis placeant, & merita sua multiplacent.

IV.

IV. Ostendat talem tantum esse quemlibet hominum qualis & quantus est apud Deum, atque aded illum esse in hac vita digniorem, qui sanctior est; hanc ergo dignitatem obtinere cum in ipsorum sit potestate, cur doleant, se falsa gloria honoribusque carere?

V. Demonstret, quod Deus diuitias illis non dederit, specialis fauoris loco habendum. Indicium enim est, Deum hic velle curam eorum habere, atque eos in altera vita ditare regno illo, quod pauperibus promissit: etiam ipsos in hac vita à curis, quas diuitiæ afferunt, liberos esse, & annos suos in vera pace transigere. Ad quem finem proderit narrare historiam de Fabro illo ferrario, quem cum vicinus diues toto die cantantem audisset, quoddam marsupium pecunia plenum in officinam coniecit, quo ille inuento, mox curis obruptus de pecunia seruanda & augenda, à cantu abstinuit, neque eum resumpsit, donec vicinus detecto consilio suo pecuniam repetijt.

Altera tentatio, eaque grauior, oritur ex timore de victu & vestitu quotidiano parando, contra quam sic muniat eos. I. Declaret illis, quantam Deus semper curam se habiturum pauperum promiserit, & actu habuerit, vt merito S. Psalmista Pl. 10. dixerit, quod oculi eius in pauperum respiciant; diligenter scilicet considerantes, ne aliquid ei desit: *nam illi derelictus est pauper, eodem teste Pl. 9. Vnde iam olim etiam apud Ethnicos, teste Menandro Ep. 28. pauperes aestimabantur Deorum esse. Quam verò fideliter steterit Deus promissis, id vnum indicio satis esse potest, quod Script. dicat Psalm. 36. Iunior fui, etenim senui, & non vidi iustum derelictum, nec semen eius quarens panem. Diuites eguerunt & esurierunt; inquirentes autem Dominum non inueniuntur omni bono.*

Si Princeps promulgari iuberet, nihil ei magis placiturum, quam si ciues, quotiescumque re aliqua indigerent, ad eum confugerent eamque, audacter peterent: quis ciuium foret qui non sepius, imò assiduò ad ipsum confugeret? & tamen hic Princeps tum propter fragilitatem, tum propter limitatas diuitias fallere posset. Cum ergo Deus summè verax, & potens simile decretum promulgari iusserit, imò ipse promulgauerit, dum dixit *Petite & accipietis, &c.* Ioann. 16. an non maxima cum fiducia ad eum confugiendum erit?

Demonstret illis, quot titulos habeat quiuis homo iustus ad omnia necessaria à Deo speranda.

Primus est, quod homo sit: si enim Deus lilia agri, & volucres celi tam sollicitè nutrit, an ipsius hominis, propter quem omnia illa condidit, non maiorem rationem habebit?

Secundus titulus est, quod redemptus sit: quis enim quem, aut equum, aliudue animal, quod magno pretio emarit, fame perire sinit? quanto minùs ergo Deus hominem pretioso sanguine suo emptum & redemptum necessarijs ad vitam subsidij destituet.

Tertius est, quod sit, Christianus: quis ignorat, quantam curam Deus Israelitarum habuerit: qua charitate & sollicitudine illis manna de cælo tot annis, coturnices, & aquam de petra prouiderit? & Christianis, qui veri Israelitæ sunt, quorum illi figura erant, victum quotidianum negabit? aut certè populo illum sequenti per tantum miraculum panem datum credemus; & Christianis non corpore, sed animo, non pedè, sed affectu, non gressu, sed virtutis studio ipsam sequentibus ac imitantibus, necessaria alimèta negaturum existimabimus.

Quartus titulus est, quod seruus sit: quis nescit, quanta cura victum subministremus etiam brutis seruientibus nobis? si verò seruum nacti sumus fidelem, & vtilem, quàm agrè demittimus? An igitur minorem charitatem à Deo sperabimus? an nescimus, quanta cura fidelem seruum suum Dauid protexerit, & conseruauit? quàm sollicitè Eliam per coruum aluerit? quàm liberaliter Iobo, cui similis in terra tum temporis seruus repertus non erat, duplicia restituerit.

Quintus titulus est, quod sit Amicus Dei: quis amicam sibi gratam deserit? quis nescit amicorum omnia esse communia? si ergo Deus hanc consuetudinem aded seruare decreuit, vt etiam se ipsum amicis dare statuerit, an in quotidianis alimentis suppeditandis eam transgressurus credetur? Certè ad fiduciam orationis adhortaturus, amici panem iterato petentis exemplo vsus est, vt indicaret, hunc esse specialem titulum, ob quem non facile quid negari possit petenti.

*Sextus titulus est, quod sit Filius, si enim ipsa etiam bruta tam sollicitè pullos suos alunt; an Deo hanc prouidentiam adimemus? An infans, ratione præditus esset, prudenter dubitare posset, num mater eum lactatura esset, & quis dubitabit, an Deus sustentaturus sit: quibus dixit: *Numquid obliuisci potest mulier infantem suum? quod si illa oblita fuerit, ego non obliuiscar tui, Isaia 49.**

Septimus titulus est quod sit Sponsa Dei: quis vnquam audiuit sponsam regiam à sponso desertam esse, si illa bene se gesserit? Certè As-

M 2 fus-

fuerus Estheri dimidium regnum obtulit; quando magis daturus fuisse, si victum tantum petisset? An Rex cœlestis à terreno se vinci patietur? Hos ergo titulos benè perpendere pauperes iubeat Sacerdos, certoque promittat, ijs fiduciam auctum iri: si enim, qui litteras septem sigillis munitas à Rege accepisset, quibus ei viduum promitteret, minimè dubitaret, quin Rex promissis statutus esset: quanto minus de Deo, qui hos septem titulos tam benignè largitus est, dubitare faserit? Id vnum ergo singulari cura agant pauperes, vt mandata Dei feruent, orationem frequenter, patientiam in aduersis non deserant: de cætero omnem sollicitudinem in Deum coniciant, & eum ipsi in ore ac mente assidue habeant.

§. VII.

Quo modo agendum cum Consuetudinarijs & Obstinatis peccatoribus.

Sacerdoti hic imitanda est Christi mansuetudo & patientia, qua peccatores expectat & recipit. Alius ars & industria non est posita in eo, vt tales statim sine absolutione dimittat, sed vt congruis medijs & motiuis tales efficiat, vt meritò absolui possint. In hoc, non illo, consistit labor viri Apostolici.

Primo loco ad illorum animos emolliendos adhibenda est sincera ad Deum precatio pro eorum salute. Iuuat etiam benigna conuersatione, aut etiam obsequijs animos eorum disponere, vt monita salutaria facilius recipiant, quod S. Xauiero familiare fuisse in eius vita narratur.

II. Si legere norunt suadeat illis, vt singulis diebus tardè & attentè vnum alterumue folium ex libello pio legant, maximè ex tali, qui vel de eternitate, vel de quatuor nouissimis scribat. Hi enim Concionatores muti multo efficacius plerumque persuadent emendationem, quam ijs, qui in cathedris cum strepitu detonant.

III. Specialiter illis commendat affectum, & fiduciam ad SS. Domini Passionem, horteturque, vt singulis diebus semel vel sæpius ad honorem illius Orationem Dominicam, vel Salutationem Angelicam recitent: Hunc in finem iuuerit illis indicare, quod Christus quondam S. Gertrudi dixit: *Quilibet poterit respirare in spem veniæ offerendo Dei Patri meam innocentissimam Passionem & mortem. Credat igitur peccator, se per hoc obtinere saluberrimum fructum indulgentiæ, quia nullum tam efficax remedium contra peccata poterit in terris haberi, sicut deuor-*

ta memoria mea Passionis cum fide recta, & vera penitentia, l. 4. In fin. diu. piet.

IV. Simili modò conetur eos ad singularem fiduciam & amorem erga B. Virginem excitare. Suadeat ergo Sacerdos, vt hanc B. Virginem peccator cum quo agit varijs obsequijs demereri sibi studeat, maximè singulis diebus aliquid in honorem eius recitando, in eius festis confitendo, per diem integrum, maximè vero Sabbati, abstinendo ab illo vitio, quo maximè infestatur. Eum in finem conueniet vna alterius breui historia ostendere, quàm salutare hoc medium multis peccatoribus fuerit, Ex. gr. illi Militi, cui diabolus serui specie assupta per 14. annos seruierat, occisurus illum, si vel semel Salutationem Angelicam, quam recitare quotidie consueuerat, omisisset, qui tamen postea B. V. patrocino & ope Eremitæ cuiusdam, fraude dæmonis delecta, egregiè respuit. Vti fusius in Spec. Exem. V. Sal. Angel. Exem. 5. refertur. Alius verò, qui Sabbato V. M. nomen habentis pudori, amore beatissimæ Dei Matris, pepercerat, in torneamento occisus, contritionis elicitæ gratiam, & cum hac salutem obtinuit. Ibid. V. Horæ Canonicæ Exem. 4.

V. SS. Eucharistiæ usum quoque, si possit, omnibus modis persuadeat: ibi enim mensa est quam parauit Dominus aduersum eos, quos tribulant peccatorum vitiorumque habitus. Ibi humanus ille medicinalis Sanguis latet, qui si hauriatur à peccatore, à morbo Caduco ad peccati lapsum impellente eum liberabit. Expertus hanc efficaciam est miles ille, qui concubinæ amore implicitus, cum S. Bernardi suasu in agone constitutus SS. Eucharistiæ receperat; aded mox mutatus est, vt summè eam detestatus sit, quam summè prius deperierat, vti fusius in Spec. Exem. V. Attritio videre est.

VI. Nonnunquam proderit adhibere medium illud, quo Sanctus Bernardus peccatorem quandam à praua consuetudine abduxit; dum illi suaserat, vt triduum tantum ad honorem SS. Trinitatis à familiari sibi vitio abstinere; quod cum ille fecisset, suaserat S. Bernardus vt alterum triduum ad honorem Christi adijceret, quo consilio obseruato, ita ille immutatus est, vt etiam sine pacto villo deinceps abstinere statuerit.

VII. Salubre quandoque etiam fuerit, dolo bono circumuenire peccatorem, & ad exemplum Nathan Prophetæ, parabole, vel etiam historiæ propositione, ipsi itatus sui periculū, viteq; sceleratæ turpitudinem ostendere; quod tamen initio dissimulanter admodum faciendum est, ne artem mox aduertens, difficulter

ca-

capiatur. Parabola autem vel historiae tales possunt esse. 1. Narrat, ex Acroamatis Iac. Bidermanni, historiam de filio, qui in vineam ire iussus, patrem in itinere inuadens deiecit in terram, & cultro interemit. Inferat subinde, hoc facere peccatorem respectu Dei Patris. 2. Narrat ex eod. lib. historiam de muliere illa, quæ captiuum maritum testudinis suæ musicæ auxilio ex Turcica captiuitate liberauit, fingatq; eam postea domi à marito malè habitam, & tandem post grauiā & repetita vulnera penitus occisam. Inferat hoc peccatores respectu Christi facere. 3. Fingat fuisse Reginam, quæ ex humili loco in aulam translata ad regias nuptias, miscuerit se aliquoties rabulis, & lixis, & neque à Rege priuatim monita, neque minis deterrita abstinuerit. Tali parabola proposita exspectet, quid peccator iudicet: tum inferat. Tu es illa Sponsa Spiritus sancti, &c. 4. Fingat aulicum ob delicta sua sæpius à Rege monitum, iamque excludendam ab aula amicorum tamen precibus fuisse seruatum; sed illum post decies recuperatam, amicorum mox gratiam apud Regem, nec dum tamen respicere, sed in antiqua peccata frequentius labi: an hic vltiori amicorum auxilio dignus videbitur? Inferat subinde, peccatorem talem esse, qui toties Sanctorum precibus in gratiam cum Deo reductus, nec dum tamen respiscat. Fingat hominem aliquem eo insaniam redactum esse, vt vitro vestes exuens porcorum stabulum intrauerit, ibique cum porcis habitaret, filiquas & fæces comederit, in luto, si quod vidit, se volutarit, vomitum reforbuerit &c. Inferatque, peccatorem esse talem, bestijsque se assimilare. 6. Fingat esse aliquem, qui testamentum, quo ingens hæreditas ei transcribatur, vili pretio vendiderit: & ostendat talem esse peccatorem, qui gratiam pro vili voluptate vendat.

VII. Fingat Ducem quandam, cui arx valde opulenta commissa sit, eaque insuperabilis vili pretio corruptum, se & arcem hostibus capitalissimis tradidisse. Inferat hoc peccatorem agere, qui arcem animæ diabolo tradat. 8. Fingat comicum fuisse; qui, cum pollicitus fuisset comœdiam exhibere, atque idem Regem cum tota aula suā inuitalset, nunquam tamen in theatrum prodierit, & comœdiam auspicatus sit. Inferat, talem comicum esse peccatorem, qui conuersionem differt.

VIII. Quandoque illi ostendat, quantum gaudium creare possit Deus, & omnibus Sanctis, si serid se emendet. Eum in finem proderit attulisse fauores speciales, quos peccatoribus sincerè conuersis exhibuit Deus, maximè

S. Mariæ Magd. Mariæ Ægyptiacæ, Pelagiz &c.

§. VIII.

*Quo modo inducendi qui Inimicitias depone-
re nolunt.*

Difficilis est curatio huius morbi, quia instar vlceris intimis præcordijs infixæ hæret inimicitia: & fermè quisque suam iram & indignationem iustam putat, & culpam totam in suum inimicum reiecit. Hinc consultum est, vt Sacerdos tanquam Dei mediator conetur initio inducere vtramque partem ad exhibendam aliqua signa saltem communia mutæ beneuolentiæ, vt est salutatio, alloquium, aut congressus mutuus: per hæc enim aliquando incipit illa nubes dispelli, dum vnus experitur alium non esse à se tam alienum, quam existimabat. Ostendat etiam pacis Mediator, se Aduersarij causam non agere, sed potius velle ipsius bono, saluti, & tranquillitati consulere.

I. Cum affectu charitatis, proponat illi exemplum Christi, qui in Cruce exclamauit: *Pater dimitte illis, non enim sciunt, quid faciunt*, Lucæ 23. Inferat ergo: Si Dominus inimicis tam grauib; tam liberaliter ignouit, tu seruus illis minoribus non ignosces? Hoc exemplo Theodosius Imperator se animabat; cum enim rogaretur, vt veniam ijs, qui ipsum offenderant, daret, respondit. Quid mirum est, si nos, qui homines sumus, homini ignoscamus, cum Christus, qui Deus est, inimicis suis tantis tam liberaliter ignouerit.

II. Ostendat, quàm necessarium sit, ignoscere inimicis, eo quod alioqui nec nobis dimittantur peccata nostra, vt pater ex seruo Euangelico debitum suum paruum dimittere nolente. Hunc in finem proderit vnum alterumue exemplum paulò terribilius adferre, v. g. de Sappitio Sacerdote; qui iam ad martirium ductus, quia Nicephoro veniam petenti eam negauit, mutata mente dijs immolauit, vt apud *Surium* 9. Februarij videre est. Aut de muliere; quæ cum in turba hominum ab adolescente leuiter impulsæ, & humi prostrata, veniam flexo poplite & iunctis manibus petenti negasset, à dæmone inspectantibus omnibus abreptæ & in puteum deiecta est, vt *S. Bernardinus Senensis* Ser. 15. Quadr. refert. Aut de illa muliere, quæ dimittere noluit in morbo dum ei SS. Eucharistia pro Viatico offertur, vultum illa auertit, & dixit: *Sicut ego auerti vultum ab alijs, nolens eis dimittere, ita Deus auertit nunc, vultum suum à me*: Hæc dicens obiit. *Spec.*

Spec. Exam. V. Dimittere. Exam. 6. Aut de illo, qui cum esset mortuus, & in Ecclesia pro eo preces consuetae dicerentur; Crucifixi imago manus retraxit, & auribus opponens dixit: *Nec percipit, neque parcamibi.* *exam. 4.* Quod si dubitaret Sacerdos, numis, cum quo agit, serid ignosceret; posset terribilem illam historiam de nobili illo Cordubensi narrare; qui quia fide tantum veniam dederat, Angeli duo Sacerdotem ad eius sepulcrum deducen- tes, inserunt SS. Hostiam ex ore auferre; quo facto deturbatum cadaver in fossam, videri desijt, vti fusius legere est in *Padag. Christ. p. 2. c. 15. §. 2.*

III. Ostendat, quantos fauores Christus ex- hibuerit ijs, qui inimicis ingnouerunt: nam S. Gualberto, & alteri cuidam nobili Anglo, post condonatam hostibus, ab illo quidem fratri- tris, ab hoc autem patris cadem, ad Christi effigiem orantibus, visus est Christus, viuentis modo, toto capite annuere, & factum appro- bare, vt *Baron. tom. 2. anno 1051.* testatur. Mu- lieri verd cuidam, quæ occisorem filij in do- mum susceperat, ita Deus rependit hanc gra- tiam, vt filium eius ex Purgatorio eriperet, & ipsi vitam æternam promitteret, vt Faber in *Festo S. Steph. conc. 3. n. 3.* refert.

IV. Declaret, quàm præclaram habeat oc- casionem ingentia bona sibi comparandi, si sincerè & liberaliter ignoscat inimicis. Nam 1. per hanc viam facillimè obtinetur remissio peccatorum, iuxta illud Christi: *Matth. 6. Si remiseritis hominibus peccata eorum, dimittet & vobis Pater vester cælestis delicta vestra. Beati misericordes, quoniam misericordiam consequentur.* 2. ibid. c. 5. Quis autem non libenter tres obolos proximo remitteret, vt aliquot milliones debi- torum ipsi remitterentur? 3. Ingens præmium in cælo sperare potest: si enim maius meritum ibi est, vbi maior difficultas reperitur; quis dubitet, huic actui maximum olim præmium respondurum, sicut maxima in eo difficultas re- peritur. 4. Etiam maiorem sibi honorem & famam comparare potest ignoscendo: si enim magnam sibi obuensis gloriam crederet, si exercitum multis millibus constantem supe- rasset: an non maiorem obtigisse dicet, si vi- toriam de se ipso reportet, quæ omnium no- bilissima est.

V. Ostendat illi, quod inimicus sibi po- tius: quàm ipsi nocuerit: similes enim sunt ra- les homines, qui alicui nocent, vulpeculis Samsonis, quæ, dum segetes Philistæorum ac- cendunt, seipsas etiam peremerunt: Similes sunt vnicorni, quæ dum alia cornu appetit seipsam ita arbori affigit, vt extrahere illud

non possit: Similes sunt gladio Adamantem aut silicem ferienti, qui se potius destruit, quàm lapidem: Similes sunt apibus, quæ dum alijs aculeum infigunt, se perimunt: Similes sunt canibus lapidem inuadentibus, qui den- tes potius suos consumunt, quàm lapidi noc- ceant: Similes sunt illi, qui candelam emun- git, ac candelæ quidem lumen clarius facit, digitos autem suos adurit & contaminat. Vnde S. Hieronymus ad Eustochium ait: *Apud Christianos non qui patitur, sed qui facit contume- lias, miser est.*

VI. Ostendat, quàm multorum bonorum occasio illi sit inimicus, illorum nimirum om- nium, quæ, n. 5. indicaui: si ergo amamus eum, qui nobis viam facit ad ingens lucrum fa- ciendum, vel occasionem præbet ingentis præmij obtinendi: si diligimus eos, qui nobis vel in pugilatu vel in Academicis certamini- bus sese opponunt, atque adeo occasionem faciunt fortitudinis & doctrinæ nostræ ostenden- dæ; an non tantò magis diligamus inimicos, quanto maiora bona sunt spiritalia, quæ per amorem inimicorum obtinentur, quam mate- rialia, quæ in hoc mundo tam sollicitè quæ- runtur.

7. Hortetur, vt inimicum tanquam ma- num, & instrumentum, aut legatum Dei in- tueatur, quo Deus vfusest ad ipsius læsi spe- ciale commodum: an non enim vt sic exoscu- labitur potius manum, aut legatum Dei tam paternè castigantis? Aut certe hortetur, vt eum intueatur tanquam à dæmone impulsus, aut morbo suo, an non vt sic potius condole- bit ipsi, quàm irascetur?

8. Ostendat, quod si velit vindictam de ho- ste capere, non possit id melius facere, quàm si totam suam causam Deo committat; sic enim ipse Deus petijt: *Mibi vindicta, & ego retribuam,* ad Rom. c. 12. Prætera verd etiam in memo- riam illi reuocet, quod nulla re magis se vin- dicare ab inimico possit, quàm si nihili faciat iniurias eius; ita enim docet S. Hieronymus in Epistolam ad Hebræos, dum ait: *Nihil ita confusam facit iniuriam agentis, sicut fortis & mi- ris patientia tolerantis, & neque in opere, neque in lingua se vindicantis.*

Consultum est, etiam inducere alios Ami- cos quibus ipse specialiter fidit, vt de aduersa- rio mollia colloquia inducant, declarando aliquam ab eo humanitatem aut beneficium si- bi præstitum esse, bene de ipso locutum & co- nando in rebus agendis aliquod cum ipso com- mercium inducere: debent enim ad huius morbi intestini curationem varia remedia tentari.

Qua

§. IX.

Quomodo iuuandi qui in aliqua Tribulatione versantur.

EXponendum primò, Nihil sine voluntate Dei nobis contingere, testante Scriptura, *Eccles. cap. 17. Bona & mala, vita & mors, paupertas, honestas à Deo sunt.* Deus autem noster est Pater benignissimus, qui omnia ad vtilitatem nostram disponit, & solus nouit quid nobis expediat. Nec omittet suo tempore suum nobis auxilium, & solatium præstare, qui dicit iusto: *Cum ipso sum in tribulatione, & D. Paulo: Virtus in infirmitate perficitur.*

2. Ostendat, Tribulationes esse signum fidorum Dei & prædestinationis. Id colligitur 1. ex S. Paulo ad Hebreos c. 12. dicente: *Filij mi, noli negligere disciplinam patris, neque fatigeris, dum ab eo argueris. Quem enim diligit Dominus, castigat; flagellat autem omnem filium, quem recipit.* Ex Testimonio S. Raphaelis Tob. 12. *Quia acceptus fueras Deo, necesse fuit, ut tentatio probaret te.* 3. Et ex praxi Amantium, qui comprimunt fortiter manus. Sic Dens Apocalip. 3. ait: *Ego quos amo, arguo & castigo.* 4. Ex reuelatione Dei, qua quondam reuelauit S. Gertrudi, quod, quando Dominus nihil inuenit in homine, propter quod placida dignatione ipsi adesse debeat, tribulationes vel molestias tam corporales, quam spirituales eidem immitit, ut inde habeat oportunitatem manendi cum illo; quia S. Scriptura dicit: *Iuxta est Dominus: his, qui tribulato sunt corde.* Alio tempore eadem Virgo intellexit, *Bloso teste in consol. Puffil.* quod quemadmodum annulus est signum desponsationis, ita aduersitas humiliter propter Deum tollerata, sit verissimum signum diuinæ Electionis, & quasi desponsatio animæ cum Deo, in tantum, ut grauatus quisque confidenter dicere possit: *Annulo subarrhauit me Dominus meus IESVS Christus.* Quod si inter ipsa aduersa homo potest dono Dei etiam laudare Deum, & ei ex animo gratias agere, iam tanquam sponsa amabilis coronam obtinet à Domino, quia gratitudo animi in aduersis est ornatissima atque pretiosissima corona animæ. 5. Ex testimonio Dei, quo S. Francisco dixit, infirmitatem, quam tum patiebatur, esse arham thesauri cœlestis, qui ipsi olim offerendus esset; ut in *Specul. Exempl. V. cœl. gloria exemp. 8.* refertur. 6. Ex omnium SS. Exemplo, de quibus S. Ecclesia canit: *Omnes Sancti quanta passi sunt tormenta, ut securi peruenirent ad palmam Martyrij.* Certè quod sanctiores

fuere tantò magis tribulationibus vexati sunt. 7. Ex figuris varijs, nam Electi Dei sunt Lapides, qui super ædificandi suo tempore super lapidem Angularem Christum crescent in templum Dei, ergo in hac vita polliri malleo tribulationis debent. Illi sunt Triticum suo tempore in horreum Domini congregandum, ergo prius flagellari & excuti debent. Illi sunt Vux ex Christo, tanquam vera vite prognata, ergo oportet torculari eos subicere, ut gratissimum virtutis succum porrigat. Illi sunt holocaustum & Victimæ Deo gratissima, ergo per ignem tribulationis immolari debent. Item tribulatio est aureæ virgæ Assueri similis, quæ signum clementiæ & gratiæ apud Regem obrentæ erat. Item est similis Funiculo rubro, quem milites Iosue Rahab meretrici dederant, ut eum appendens ante fenestram ab interitu seruaretur, *Iosue cap. 2.* Tandem est similis signo Tau, per quod olim *Ezech. c. 9.* notati ab exitio seruabantur.

3. Præcipuè hortetur afflictum, ut Christi exemplum & SS. Passiones ob oculos ponat sibi. Hinc enim mirum robur & solatium oriri colligitur. 1. Ex ipse Christi reuelatione; cum enim quædam persona vehementer afflicta esset, hanc audiuit vocem, surge & cogita vulnera mea. Fecit, & mox se consolatam inuenit, uti in *Fasciculo Myrrhæ P. Caraffæ* refertur, Alius, qui à Religione ad sæculum reuertit volebat, à Christo his vocibus in proposito confirmatus est: *Omne asperum intinge in latus meum, & erit tibi dulce.* ibid. Vnde S. Catharina Senensis dicebat, tribulationem esse duro pani similem, qui ut facile per patientiam concoqui possit, in SS. Christi Sanguinem intingendus sit. 3. Ex æquitate: non enim est maior seruus Domine, neque discipulus supra magistrum: neque membrum pedis melius est capite: si ergo Christum oportuit pati, & ita intrare in gloriam suam, quanto magis membra, discipuli & serui eius per hanc viam ad cœlum tendere debebunt: Vrias admonitus à Dauide, ut in domum propriam iret, & quiesceret: respondit: *Arca Dei, & Israel, & Iude habitant in Papilionibus, & Dominus meus Ioab, & serui Domini mei super faciem terræ manent: & ego ingrediar domum meam, ut comedam, & bibam, & dormiam cum uxore mea? Per salutem tuam & per salutem animæ tuæ non faciam rem hanc.* 2. Reg. 11. An non multo magis Christianus simili modo se alloquatur: Dominus meus in toto Corpore passus est talia ac tanta: & ego hanc paruam tribulationem non suscipiam: Et ego quidem iuste, ipse verò quid fe-

fecit? Ille totum Calicem in sanitatem meam exhaust; & ego in eius honorem vel gustare illum recusabo?

Experientia colligitur huius medijs efficacia. S. Elzearius Comes, cum vxor illius patientiam mitaretur, respondit illi: *Necueris me interdum sentire aliquam in animo aduersus infestantes me indignationem: sed illico me conuerto ad cogitandas iniurias Christo illatas; dicoque mihi ipsi cum imitari cupiens: Etiam si famuli tui barbaram tuam conuellerent, & colaphos tibi impingerent, nihil totum hoc esset præ illis, quæ Dominus tuus; & plura, & maiora perpeffus es, ceredque habeas, conuius mea, me nunquam cessare à commemorandis iniurijs Saluatoris mei, donec animus planè sit tranquillus.* Surius 27. Sep. Colligitur etiam ex similit: sicut enim amaræ pilulæ, dum hostia inuoluuntur, facilius sumuntur: ita & tribulationes, si eas memoria Passionis Christi velut hostia inuoluamus. Sicut enim Erinaceus in foraminibus petrae refugium quærit: ita anima Christiani in SS. vulneribus quærere debet.

4. Hortetur, ut sæpe ad præmia tribulationibus promissa animum afflicti conuertat, reuocetque in memoriam illud S. Pauli ad Rom. c. 8. *Non sunt condigne passionibus huius temporis ad futuram gloriam, quæ reuelabitur in nobis.* Si ergo Vrinatores in aqua se promptè coniiciunt, & gladiatores verbera contemnunt, & milites pericula alacri animo subeunt: baiuli onera læti portant, ut villem mercedem & præmium consequantur: sic etiam Iacobo Patriarchæ videbantur dies pauci præ amoris multitudine erga Rachaelem; quidni multò magis Christianus omnes aduersitates libenter sustineat amore & spectanti præmij, quod nec oculus vidit, nec auris audiuit, nec in cor hominis descendit? Sic Christus proposito sibi gaudio sustinuit Crucem. Sic S. Stephanus intendens in cælum, vidit cælos apertos, sic & Christus Apostolos excitauit: *Gaudete & exultate, quoniam merces vestra copiosa est in cælis.* Matth. 5. Sic S. Franciscum in graui dolore oculorum animauit, dum dixit: *Franciscus, si tota terra esset aurum, & mare ac flumina & fontes essent balsamum, & omnes montes, collesque ac lapides essent gemma; tibi alius thesaurus, longè his pretiosior daretur pro infirmitate, an non gauderes? Ecce hic thesaurus est vitæ æternæ, quam tibi reposui. Et ex nunc te inuestio; & ista infirmitas & afflictio tua est arrha illius beati thesauri.* Spec. Exemp. V. Gloria cæl. ex. 8. Diabolus quoque aliquando fassus est, se libenter omnia tormenta damnatorum vsque ad extremum Iudicij diem toleraturum, si unico momento Deum

intueri liceret: quid non tollerandum ut æternum videatur? Sicut ergo vadantes flumen, sursum oculos erigunt, ne titubantes prolabantur; ita ne inter tribulationes labamur, consultum est, ut ad cælum oculos mentis erigamus; nam, ut S. Isidorus ait: *Qui futura vitæ præmia diligenter recogitat, præsentis vitæ mala æquanimiter portat.*

5. Moneat afflicti, quod nemo sit in hoc mundo sine aliqua afflictione, nam, uti Iob. 14. ait: *Homo natus de muliere breui viuens tempore, repletur multis miserijs.* Ergo satius est pati propter Deum, ut hac ratione satisfaciamus pro peccatis, latius feramus tribulationem, & præmium in altera vita accipiamus, quam ut per impatientiam nobis faciamus crucem maiorem, & graues in altera vita pœnas accersamus, iacturamque summæ mercedis faciamus. Quam doctrinam antiqui pulchro hoc apologo explicabant. Hinnulus, inquebant, syluester à lupis agitur ad oues confugerat, quas cum videret in pace degere, ait: *Hic deinceps vitam meam pacifice transigam.* Paulo post tamen adiuunt Sacerdotes, & agnos aliquos abducunt. Quos cum hinnulus ad immolandum trahi audisset, cum suspirio exclamauit: *Heu mihi, ut video, nullus locus à persecutione immunis est; sed tamen omnibus perspetis melius est hic manere, & in obsequium Dei pati, quam in escam cadere luporum.* Sic ergo etiam omnes iusti & prudentes Christiani discunt, quos hinnulus ille significat.

6. Iubeat afflicti meminisse, quoties infernum vel purgatorium meruerit: sic omnia leuius tolerabit. Quis enim latro grauissima tormenta pro meritis, non cum gaudio acciperet colaphum, si tota pœna in hanc conuerteretur, & præterea ingens pro eo fortiter tolerato præmium offerretur? Ecce omnia tormenta huius mundi comparata cum gehenna nec colapho quidem comparari possent; & tamen erit, qui his longè mitiora & minora ferre recuset, maxime cum in præmium ipsa beatitudo promittatur? S. Franciscus Borgia omnia hospitia sibi optimè præparabat, quia cognitionem sui & inferni præmiserat. Præmittat & hos duos prodromos afflicti, sic omnes tribulationes, per quam leues efficiet.

7. Demonstret, frustraneum esse mœrorem ad malum leniendum, nam ut eleganter S. Chrysostomus ait hom. 5. ad populum: *Tristitia ob id nobis data est, non ut in morte, aut alia re doleamus, sed ut doleamus peccatum, quasi morbi illius remedium.* Sicut ergo remedium lippitudinis illam tollit, non alios morbos; sic tristitia peccatum tollit, non alias aegritudines, v.g. pecunia quis mulctatus est, doluit, non emendauit: filium amisit, doluit;

*luit; non resuscitauit mortuum: contumelijs affe-
ctus est; non reuocauit contumeliam: infirmatur,
dolet morbum non aufert, sed auget. Sed peccat
quis: tristatus est, peccata deleuit. Ergo tristitia
tantum facta est propter peccatum, à quo nata est:
indò ut tinea ipsum corrodit & absumat.*

S. X.

*Quo modo Consolandi quibus Amicus, parens,
aut filius mortuus est.*

I. Si afflicti apte alloqueris. Tres tan-
tum possunt esse causae te affligendi do-
lore ex tali morte: vel ex parte Dei, vel ex par-
te defuncti, vel ex parte tua aut amicorum: ex
nulla autem hic parte dolendum est. Nam 1. si
Deum attendamus: ille iure suo repetijt quod
suum erat: si ergo, eum depositarius repetit de-
positum suum, volentes reddimus; cur si Pater
coelestis repetit amicum, quem nobis ad tem-
pus concessit, doleamus & queramus? Præte-
rea si boni Christiani sumus, nihil aliud velle
debemus, quàm quod vult Deus: si ergo ille
voluerit defunctum nobis auferre, quidni &
nos velimus? Cur ergo non exclamamus cum
S. Hieronymo (ad Paulam de obitu Blesillæ)
*Bonus est Deus, & omnia, quæ bonus facit, bona
sint, necesse est. Mariti orbis irrogatur: plango
quod accidit: sed quia sic placet Domino, æquo ani-
mo sustinebo. Vnicuius raptus est filius: durum qui-
dem, sed tolerabile, quia sustulit ille, qui dederat.*

2. Si ipse defunctus attendatur: vel bonus is
fuit, & bene defunctus est, vel malus fuit, &
malè obiit: Si bene, lætandum potius est, quàm
tristandum: nam vt S. Chrysostomus Hom. 63.
in Matth. ait: *Illum abiisse in prata florentia cum
putes, ingentes cur aduersum te fuscitas fluctus
tempestatis? hic autem fluctus presentis vitæ perna-
uigauit. Si ad imperandum, regnandumque hoc ca-
duco mortali regno filius tuus abiisset, nolles eum
indò redire, vt ipsum videres: nunc verò cum ad
meliora, maioraque regna processerit, parui tempo-
ri absentiam ferre non poteris? Noli ergoplorare:
reddidisti enim depositum quod tibi creditum erat:*
Præterea si tu cum amantissimo amico in car-
cere constitutus esses; & illi à Rege gratia fie-
ret, atque ex carcere in aulam transferretur, vt
ibi continuis delicijs frueretur: an tu dole-
res; vellesque eum in carcere retinere? mini-
mè profecto, si verus amicus esses. Ecce Deus
amicum tuum ex carcere corporis eduxit ad
gaudia coelestia: & tu eum ab his impedire vel-
les? Si verò malus fuit, dolendum iterum non
est: quia peior vasisset, si diutius vixisset, at-

que adeo maiorem pœnam incurrisset: quòd
Deus prouidens rapuit illum, vnde Tertullia-
nus c. 9. de patientia. *Christum ledimus, inquit,
cum euocatos quosque ab illo quasi miserandos non
æquanimiter accipimus.* Certè Deus & Beati non
minus amant amicum tuum, quàm tu: & ta-
men illi etiam in tali casu constitutum non lu-
gent, sed potius diuinæ iustitiæ & voluntati ac-
quiescunt: neque tu etiam, si aliquandò vene-
rised aliter facies: cur ergo non iam quoque
facere possis, & facias, quod ibi postea facturus
es?

3. Si seipfos afflicti attendant, necdum ha-
bent causas dolendi, nam loco amici huius aut
filij, ipsum Deum habent, qui ipsos solari vel
adiungere possit, ergo meritò illis dici potest,
quod Reg. c. 1. Elcana Annæ vxori dixit: *An-
na cur fies? & quare non comedis? & quam ob
rem affligitur cor tuum? nunquid non ego melior ti-
bi sum, quàm decem filij?* Nimirum vanum au-
xilium & solatium illis subtraxit Deus, vt in
illo tanquam fonte sinceriora quærant, cur er-
go tam salutari consilio acquiescant? Iubeat
item meminisse, quantarum curarum causa
fuerit defunctus: quantum impedimentum in
diuino seruitio: hoc certè agnouit Melania lu-
nior de qua S. Hieronymus scribit, quod calen-
te adhuc mariti corpusculo, & necdum humato,
duos simul perdiderit filios: quo tamen in
casu lachrymam non fudit, sed stetit immobi-
lis, & ad Christi pedes deuoluta quasi ipsum
teneret, arrisit, & dixit: *Expediuit tibi nunc
seruitura sum Domine, qui tanto me onere li-
berasti. Tandem ostendat, cum spes sit, defun-
ctum talem in coelestem aulam receptum esse,
gratulari ipsos debere, quod ibi tantum ami-
cum habeant, qui & velit, & possit plurimum
ipsorum commoda promouere.*

4. Reuocet in memoriam, quod talibus
amicis caruerint sine dolore antequam ij nati
essent: cur ergo non etiam nunc carere possint,
cum iamplius non existunt? Imò in cœlis ma-
gno gaudio exspectant ipsos, & ad ipsorum
præsentiam anhelant.

5. Proderit aliqua exempla asserere eorum,
qui mortem amicorum forti animo tulere:
quale ante omnia alia est exemplum Beatissi-
mæ Virginis, S. Iobi, matris Machabæorum,
S. Felicitatis, & S. Symphorosæ, quæ septem
filios martyrio affici coram spectauit; Mauri-
tij, qui ad singulos iēctus, quibus filij interime-
bantur, exclamauit: *Iustus es Domine, & rectum
iudicium tuum.*

§. XI.

*Modus Disponendi eos qui grauem Honorum
iactura fecerunt.*

1. **O** Stendat, Bona quæ amiserunt Deo ipsi donata fuisse: nam omnes nudi in hunc mundum venimus, & nudi inde exibimus. Non est igitur ægrè ferendum, quod Deus illa pro arbitrio abstulerit. Sed potius cum maximo animæ suæ lucro dicat cum S. Iob cap. i. *Dominus dedit, Dominus abstulit, sit nomen Domini benedictum.*

2. Imo ostendat, talem iacturam sæpe esse signum diuinæ dilectionis. Nam sicut Vinitor amputat vites, quas diligit: & qui autem amat, & retinere desiderat, alas ei amputat: & mater filio cultrum subtrahit, ne semetipsum lædat: & dominus foco ligna subtrahit, ne domus omnino comburatur: ita Deus ijs, quos amat, temporalia bona amanter subtrahit.

3. Declaret illis, quàm misericorditer cum illis agat Deus, per hanc iacturam illos puniendo; quæ enim adultera non clementer secum agi existimet, si maritus tantum adulterum auferat; & simul promittat, se, si illa patienter ferat hanc ablationem, non modo in gratiam eum recepturum, sed ingentibus etiam donis ditaturum? hoc autem facit Deus, diuitias ab illo, cum quibus spirituale adulterium commiserat, auferendo. Si ergo nulla adultera in adulterio deprehensa, dicere audeat marito: relinque mihi adulterium, vt pergam cum eo ius tuum lædere; quomodo anima fidelis diuitias ablatas repetere à Deo audebit?

4. Demonstret, ingens illi beneficium esse collatum per diuitiarum ablationem: si enim diuitiæ sunt spinæ suffocantes semen verbi diuini, si sunt laqueus diaboli trahens in sempiternam mortem, si sunt cancer ad vitalia animæ serpens, & mortem causans spiritualement; si sunt lapis animam pondere curarum & peccati opprimens; quidni magnum sibi beneficium collatum existimabit, à quo hi laquei, & spinæ ablatæ sunt; cui cancer iste sine scissione ademptus est?

5. Hortetur, vt oculos conuertant ad veras diuitias, scilicet ad virtutes & bona opera; item ad cœlestia gaudia, quæ ipsis inuitis auferri non possunt, vt nec ipse Deus, sic certè leuiter ferent iacturam temporalium exemplo primorum Christianorum, ad quos S. Paulus Hebr. cap. 10. scribit. *Rapinam bonorum vestrorum cum gladio suscepistis, cognoscentes vos habere meliorem & manentem substantiam.* Quis non li-

benter Agrum suum grandine destrui sineret, si grando Aurea esset? talis autem grando est tribulatio, quia per illam regnum cœlorum emimus. Iubeat ergo meminisse illorum S. Dauidis verborum: *Euntes ibant & flebant, mitteres semina sua* (offerentes pecunias, quæ ipsis vel à magistratu, vel ab hoste auferebantur) *veniente autem venient cum exultatione portantes manipulos suos.*

6. Denique iubeat sperare, quod sicut Dominus Iob duplicia restituit, ita & ipsis possit, & verò etiam velit (si ita ipsis vtile fore videbit) duplicia restituere; certè necessaria non negabit, iuxta testimonium Scripturæ; *junior fui, etenim senex: Numquam vidi iustum derelictum, aut semen eius quarens pacem.*

§. XII.

*Quomodo Instituendi sunt qui in Fama
aut Honore graue detrimentum
acceperunt.*

Infamiae apprehensio quantum fieri potest diminuenda: plerique enim plus sui Honoris se amisisse putant, quàm re ipsa perdidierint. Imo multi circa ablati Honoris meras umbras versantur.

Sed etsi pateat Honorem alicuius factò, maledictio, aut calumnia verè læsum fuisse. Iubeat considerare, an ipsius honor pluris faciendus sit, quam honor Dei? Sicut ergo Deus hominum blasphemijs, iniurijs, & peccatis contra se factis nihil in se turbatur, sic multo minus debet homo conturbari aut contristari, cuius honor infinities minoris est momenti.

1. Ostendat illi talem & tantum esse quemlibet, qualis & quantus est in oculis Dei; parum ergo curandum esse, quidquid de illo sentiant homines: neque enim propterea æger esse quis incipit, si alij ægrum dicant; neque Sol splendorem suum amittit, si aliqui obscurum eum esse asserunt; neque propterea, quod aliqui asinum, leonem vocent, taliserit. Verbo, si cuncta contra aliquem dicerentur, quæ fingi malitiosissimi possent, quid ipsi noceret, si omnino transire permitteret, nec plus, quam festucam perpenderet, nunquid vel vnum capillum extrahere possent? vt refert Thomas Kempensis l. 3. c. 46. discurret.

2. Hortetur, vt is, qui iniuriam accepit, peccata sua & vtilitatem inde exortam bene perpendat; vt verè nihilum se agnoscat: sic enim

enim haud difficulter contemni & infamari se sinet: quis enim ægrè fert, si in nihilum verba contumeliosa iaciuntur? quis indignatur, si de sterquilinio, vel de stulto parum honorificè homines loquantur?

3. Ostendat illi, tantam esse dignitatem, si quis sine causa iniuriatur & contemnatur, ut erubescere potius deberet, quod Deus ad talem dignitatem eum euehat. Quid enim dignius, quod magis maiestate plenum, quam ipsi Christo orbis Seruatori similem fieri? quantopere honoratum se crederitis, cui Rex vestem proprii filij sui dono mitteret, eamque induere iuberet; hoc autem beneficium & honorem exhibet Deus illi, quem contemni & iniurijs affici sinit.

4. Ostendat, quam nihil proficiat, mutuas iniurias & conuitia reponendo. Id profectò eleganter hac similitudine declarauit S. Chrysostomus c. 5. in Epist. ad Thessal. Conuitiatus est quisquam? vituperatus? tu claude os tuum: si enim illud aperueris concitabis magis ventum hunc. Non vides in adibus, quod, quando è regione directè duæ ianue oppositæ sunt, & status vehemens irruerit, si alteram clauseris, nihil efficiat status, sed plurimum de illius robore præcidatur? Ita & hic duæ sunt ianue, os tuum, & os illius, qui te vituperat & probo afficit: Si tuum ocluseris, & inspirationem dederis, omnem istum statum extinguas, si verò aperueris, effrenis reddetur. Dicat ergo, quisquis iniuriam passus est: Posui ori meo custodiam: cum confisteret peccator aduersum me, obmutui & humiliatus sum, & filius à bonis. Hoc eum silentio duo insuper commoda consequetur. Primum est, quod sic magis se vindicet de lædente: nam, vt S. Ambrosius lib. 2. de offic. c. 3. ait: Si taceas, si dissimules, solet dicere (conuitiator) quid taces? loquere, si audes; sed non audes, mutus es, elinguent te feci. Si ergo taceas, plus rumpitur: victum se reputat, illudum, possibabitum, ac irrisum. Si respondeas, superiorem se factum arbitrat, quia pacem inuenit. Secundum est, quod ipsa taciturnitate famam sibi hominis virtuoli faciat, qua fama non potest esse præstantior: sicut enim sidolium percussum, sonum edat ad minimum ictum, vacuum esse colligimus: si verò non resonet, plenum esse dicimus, ita plenos gratia & fortitudine existimamus esse, quos ad iniurias tacere aduertimus. Hinc Ecclesia de SS. Martyribus canit: Non murmur resonat, non querimonia, sed corde tacito, mens bene conscia conseruat patientiam.

5. Non parum etiam proderit, eos, qui iniuriam inferunt, considerare quasi infantes, phræneticos, insanos, &c. quod medium S. Basiliius homil. 10. de ira suggestit, dum dixit:

Si paruus puer te verbis contumeliosis peteret, occasionem tibi potius ridendi daret. Quod si phrænesis caput, & sensu excidens verba vitæ incompota & stulta minimeque vera dicat, misericordia potius, quam odio dignus erit. Hoc medio vsus est Christus, dum in Cruce dixit: Pater dimitte illis, quia nesciunt quid faciunt, Lucæ 23. Eodem vsus est & Seneca, hinc quibusdam sibi oblatrantibus dixit: Moueretur, si iudicio hoc facerent; nunc morbo faciunt. Non de me loquuntur, sed de se. Præterea lingua aliena loquenti (iuxta commune adagium) obsurdescendum est; atqui lingua conuitians non est Christiana, sed diabolica (nam benè aduertit S. Hieronymus ad S. Eustochium: Irasci hominis est fratrum iracundia imponere Christiani) ergo tacendum est potius, quàm loquendum. Si hæ rationes etiam Ethnicos ad animi æquitatem composuerint, quantò magis Christianos, quibus infamiæ æquo animo toleratæ promissa sunt à Deo præmia æterna.

S. XIII.

Quomodo Consolandi & Instruendi sit Captiuus in carcere detenti.

EXponat captiuo Carcerem esse Scholam plurimarum virtutum, quas forte alibi non tam commodè disceret aut exerceret. Nempe in ea exerceri posse Humilitatem, Patientiam, Orationis studium, Resignationem, & Fiduciam in Deum. Hortetur ergo vt diuinæ iustitiæ æquitatem humiliter agnoscens, sæpius ex animo dicat, *Iustus ex Domine & reatum iudicium tuum*, Pl. 118.

1. Ostendat huius, & omnium malorum causam præcipuam esse peccata nostra. Sicut enim ex terra ascendit materia, ex qua tonitrua & fulmina homines percutientia generantur: ita in cælos quoque homines materiam iræ diuinæ, scilicet peccata, mittunt. Vnde S. Chrysostomus, *auferamus*, ait, *malorum fontem*, & *omnia malorum sistunt fluentia*. Hortetur ergo captiuum, vt velut obediens filius agnoscat paternam Charitatem, & carceris penam cum patientia & resignatione accipiat, sic enim & Deum ad parcendum citius permouebit, & suam ipse penam lenius tolerabit; nam vt S. Gregorius l. 10. mor. c. 5. ait: *Quasi aqua ignis extinguitur, cum surgente furore animi, sua cuique ad mentem culpa reuocatur*. Et, *dolor flagellum temperatur, cum culpa cognoscitur*; quia tanto quisque ferramentum Medici patientius tolerat, quantò magis putridum esse conspicit, quod secat. Certè facilius erit consolatio, vt idem Doctor

Etor

Et ait, si inter flagella, quæ patimur, delicta quæ fecimus, ad memoriam reuocemus. Dicat ergo Sacerdos captiuo: *Quod meritis pateris, patienter ferramento.*

2. Suadeat captiuo, ut, quo facilius ferat captiuitatem, in carcerem præmittat duos nuntios: cognitionem scilicet purgatorii, & inferni, quorum utrumque per peccatum suum meritis fuerat, neque dubitet, quin inde leuior quantacunque carceris molestia sit futura. Ita S. Chrysostomus promissit, dum dixit: *Si terribile aliquid videris, cogita gehennam, & illud deridebis.* Certè Monachus quidam, qui infernum viderat, vltro se per duodecim annos includit, nullius admittens colloquium, donec tempus moriendi aduenerat: vti Io. Maior in Specul. Exem. dist. 2. ex. 246. refert.

3. Reuocet illi in memoriam commune illud Proverbium: *Anima magis est, ubi amat, quam ubi animat:* hortetur ergo illum, ut & ipse in Paradisum mente deambulet: sic enim carceris molestias non sentiet.

4. Sanctorum exempla, qui carceres cum gaudio inhabitauerunt. Proponat videlicet S. Iosephi Patriarchæ, SS. Petri, & Pauli, S. Ioannis Baptistæ, &c. de quorum captiuitate loquens S. Chrysostomus hom. 5. de par. Iob ait: *Si mihi quispiam dixisset, elige, utrum velis: vis esse Angelus Petrum soluens, An Petrus vinculus? Petrus utique esse maluissem.* Maius hoc vinculum donum est, quam solem scire, aut mundum mouere, aut dominare demonibus, eosque expellere. Neque obstat, quod hi non propter scelera inclusi fuerint: nam qui illis carcer honorificus fuit propter Dei amorem, is illis honorem asserre similem poterit per iustitiam, & humilitatem. Et præterea quod carceri huic ad martyrium deest, ipsa voluntas desiderio suo supplere potest. Atque hanc ipsam ob causam suadendum ipsi est, ut vel maturè contritionem eliciat, vel etiam omnino Confessionem faciat (etsi capite non periclitetur) ne per peccatum mortale obicem satisfactioni, meritisque ponat.

5. Magnopere curet, ut talis captiuus otiosus non sit; sic enim tristibus, & nocuis cogitationibus, tentationibusque aperitur aditus. Itaque suadeat frequentem rosarij, aliarumque precum recitationem, subministret illi imaginem piam, numisma habens Indulgentias, commendet ei studium in animas Purgatorii, & alias similes deuotiones. Quandoque etiam prodesset, talem captiuum opere manuali occupare, sunt enim plerumque homines rudes, non assueti occupationibus mentalibus, vel librarijs; si tamen

legere norunt, vtiliter illis liber aliquis spiritualis v. g. vita Christi aut Sanctorum, de æternitate, de morte, de patientia, &c. offerretur legendus.

§. XIV.

Quomodo assistendum damnatis ad mortem ante, & post latam sententiam.

I. Non expedit pendente mortis sententia Reum ad Confessionem hortari, ne tunc timore supplicij peccatum fileat: sed potius ritè disponere ad præparationem Confessionis generalis postea faciendæ, & ad Resignationem in diuinam voluntatem.

II. Non expedit etiam, ut recipiat in se vitæ seruandæ patrociniū; quia sic Reum non posset tam commodè disponere: semper enim Reus haberet spem vitæ à Confessario obtinendæ: quod si hac spe cadat, abalienabitur ab eodem, vtpotè qui causam suam non benè egerit. Poterit tamen in genere promittere, se nihil omitturum, quod in illius commodum cedere possit: quia tamen Iustitiæ cursus suus relinquendus, & Magistratus tum propter obligationem, quam habet scelera puniendi; tum propter maturam considerationem, quam in huiusmodi causis adhibet, non facile mutat sententiam: idè suadere se dicat, ut in diuina voluntatem se penitus resignet, & quo præuisa tela minus feriant, ad quamcumque sententiam de manu Iudicis non aliter, atque de manu ipsius Dei accipiendam se præparet.

III. Post latam mortis sententiam Reo per Confessionem expiato, & SS. Corpore Domini refecto, præter Confessarium, & eius socium non expedit plures cum eo conuersari? ipsi verò de nulla re alia loquantur, nisi quæ ad salutem pertinet, omnem sermonem de amicis, parentibus, &c. præscindentes.

IV. Vltima nocte imminente admonet Reum, ut dormiat; ne timor mortis imminentis hominem nimis debilitet, & indispositum reddat diei sequentis necessarijs admonitionibus, & imparem doloribus exantlandis. Expedit autem dormienti adesse quendam, qui si necesse sit, consolari queat; quia tunc magis crescunt tentationes, & desolationes.

V. Illucescente fatali die, prima sit cura Sacerdoti, ut formato S. Crucis signo, & inuocato in vota Deo, eidem dies illa offeratur intentione optima: vniatur diei, quo Christus passus est; imploretur auxilium Sanctorum, præ-

præsertim Patronorum; & illius, cuius nomen gerit Reus. Detur opera, ut confiteatur iterum, lucratur indulgentias, conformetur voluntas cum diuina, & alia exerceantur pietatis opera, usque dum carcere educatur. Solatio erit magno, si indicetur pro eius felici morte iam litatum Deo; pro anima verò denuo litandum. Spondeat quoque Sacerdos, se rogaturum plures, maximè verò Spectatores post supplicium sumptum, ut pro eo preces, & fortè etiam indulgentias aliquas (maximè menstrozæ Communionis, ubi earum facultas est) offerre dignentur.

VI. Caueat, ne quidquam ad festinandam mortem proferat, imò interrogatus à satellitibus vel alijs, an omnia sint absoluta? respondeat, sui muneri esse, cum Reo de animæ salute agere, reliqua sui fori aut iudicij non esse. Secundùm *Vasquez* tamen irregularitatem homicidij publici non incurrunt personæ priuatæ, sed tantùm ministri iustitiæ.

VII. Cum fertur sententia decretoria, hortetur Reum, ut eam cum humilitate & resignatione magna, de iustissima Dei manu accipiat, rogetque Deum ardentibus suspirijs & verbis feruentibus, ut intuitu huius feralis sententiæ dignetur eum à sententia mortis æternæ liberare.

VIII. Cùm Reus ad mortem pergit, summo opere curandum est, ne oculis huc illuc vagetur, obuios salutet, aut alloquatur, maximè amicos aut consanguineos; sed totis viribus in vnâ animæ salutem incumbat. Si transeundum sit propè templum vel Crucem, iuuabit Christum vel sacramentum inclinato capite, aut forsitan etiam flexo poplice venerari, & opem gratiæ diuinæ exposcere.

IX. Proderit in tam funesto itinere orare continuè quod ut fiat suauius, nuncè libello preces recitentur, nuncè memoria prout affectus dictauerit, actus virtutum eliciantur, præsertim Contritionis, Fidei, Spei, resignationis, inuocationis, &c. Sæpe tamen clamare non expedit, quia non rarò magis turbatur animus Rei, & quodam horrore percellunt

vociferationes huiusmodi. Curet, ut manibus teneat Crucem; circumligatum sit Rosarium, si quidem manus post tergum non sint reuinctæ, tum enim ipse Crucem ferat, & sæpius offerat deosculandam.

X. Cùm in conspectum loci fatalis venerit, cõnetur Rego adimere horrorem, vel minuire certè. Proderit exemplum S. Andræ in memoriam reuocare, & explicare, quò animo Christus montem Caluariæ conscenderit: iurabit etiam frequenter tum repetere voces illas: *Fiat voluntas tua, sicut in celo & in terra. Domine hic ore, hic seca; modo parceas in æternum. Etiam si occideris me in eo sperabo.*

XI. In ipso loco denuò & magno cum affectu interroget, num animum aliquid cruciet, vel remordeat conscientiam? num iterum confiteri velit? an alia quapiam tentatione impugnetur? Adhortetur exquisitis verbis ad lucem vltimam, qua si victor euadat, triumphaturus sit in æternum. Iterum quærat, num omnibus ignouerit? ingeminetur actus contritionis, virtutum Theologicarum; offeratur osculum Crucis, & eiusdem ad pectus amorosa appressio.

XII. Ut maiori cum alacritate vel ictum excipiat, vel laqueum recipiat; rursus pollicetur Sacerdos, se illius post mortem memorem futurum; nec vnquam desistat à cohortatione ad patientiam. Curet, ut sæpè ingeminet illa SS. Nomina, *IESVS, MARIA!* Et illa: *In manus tuas, Domine, commendo spiritum meum.*

PRAXIS assistendi alijs egris ac moribundis: Et Motiua illis inculcanda ad Resignationem, Patientiam, Fidem, Spem, Charitatem: Et harum virtutum ac Contritionis Actus, discrete expressi habentur paulò supra in ipsa praxi assistendi cuius moribundo: quæ si opus sit, possunt hic, aut alibi vsurpari: & maximè in quouis Sacramentorum administratione.

Item *Instructiones* pro ipso Sacerdote quoad suam Personam, & Functionem, traduntur infra in sequenti Praxi assidua Meditationum pro Sacerdote &c.

PARSEXTA PRAXIS ASSIDUA MEDITATIONVM PRO SACERDOTE

Ad Vitæ & Functionum suarum perfectionem.

Item: RITVS & ORDO singulorum Sacramentorum, &c.

CVM Sacerdotis sit populū non tantum verbo, sed etiam exemplo docere, ante omnia opus est, ut ipse omnes muneris sui partes pie sancteque exequatur. Debet enim Sacerdos esse in Ecclesia Dei, *Lucerna ardens* pro *lucens*: lucere autem non potest foris vitæ exemplo, nisi prius ardeat intus sincera erga Deū ac proximum charitate, neque hunc diuinæ charitatis ardorem concipere, nisi coram Deo seria officij sui consideratione intellectum illuminet, & voluntatem ardenti virtutis ac perfectionis desiderio accendat. Hinc sapienter affirmat *Caietanus* in 2.2 q. 82. a. 3. neminem posse dici Religiosum (nec simili ratione perfectum Sacerdotem) qui semel in die mentali oratione animum non exercet: quia fieri non potest, ut quis ad Christianæ virtutis perfectionem perueniat, nisi eam serio desideret, desiderare autem non potest nisi eam eiusque dignitatem attentè consideret.

Et moysi laudabilis hic in Belgio, ut nemo à Prelatis ad Sacerdotium admittatur de quo non constet quod per Exercitia spiritalia in sanctis Meditationibus animum excoluerit, quod utinam alibi in praxim inducatur. Ne igitur omnino desideretur medium ad Sacerdotis perfectionem tam necessarium, hic aliquem ad meditationem ingressum per materias illius statui convenientes, breuiter aperiemus, ut Meditationis utilitate & suauitate degustata, possit paulatim Sacerdos sua industria, & diuino auxilio, illius usum sibi reddere magis familiarem.

Hæ autem Considerationes quas subijcio, non sunt obiter legendæ, sed meditantium more in singulis punctis sistendum est, cum pio af-

fectu considerando documenta, quæ Deus illic proponit, quam necesse sit illa obseruare, quam periculosum negligere, notando virtutem quam commendant, aut vitium quod damnat. Et in singulis reflectendo ad seipsum, & examinando, an hoc hæcenus obseruauerit, aut contrarium vitium euitauerit, proponendo quam primum, & in particulari seriam emendationem, & operum suorum dignam Sacerdote perfectionem, ad Dei gloriam, ad proximi edificationem, & anime sue solatiū, tã in hac vita, quã in tota eternitate.

DIE DOMINICO

Considerationes de Dignitate, & Obligatione Sacerdotum.

Considera primò. Sacerdotes plures suam dignitatem & obligationem vel ignorare, vel non satis expendere: & hinc fieri, ut in multis more secularium viuant, nec obligationi suæ respondeant, nec in debito honore & æstimatione à secularibus habeantur. Sacerdotis persona & officium semper apud præcipuas Gentes tanta in æstimatione habita fuit, ut qui erant Reges debuerint simul esse Sacerdotes, ad maiorem reuerentiam Regiæ personæ conciliandam. Testatur id S. Ambr. Ser. 18. in Psalmum 118. ubi testem adducens Platonem sic ait. Inter alia didicit (Plato) apud Ægyptios non licere Regem absque Sacerdotio imperare. Quin imò si ex alio genere quispiam Regnum usurparet, cogeatur statim sacris initiari, ut simul Rex esse & Sacerdos. Asserit etiam Xenophon omnes Reges Lacædæmonios simul Sacerdote fuisse. Id ipsum primi Reges Romanorū firmiter obseruauerunt,

ut disertè tradit S. Isidorus l. 7. Etym. c. 12. Sacer etiam Littera, Gen. c. 14. indicant, Melchisedech Regem simul & Sacerdotem fuisse.

Quin etiam à dignitate, puritate, ac scientia quæ debet inesse Sacerdotibus, in sacris Scripturis Angeli nuncupantur, ut *Malachia cap. 2.* Labia Sacerdotis custodiunt scientiam, & Legem requirent ex ore eius, quia Angelus Domini exercituum est. Et ab ipso Christo, *Matthæi 5. & alibi*, Sacerdotes vocantur, Sal terræ, Lux mundi, Lucerna super candela-brum posita. Et etiamnum propter sacri Ordinis reuerentiam quilibet Sacerdos vocatur Reuerendus Dominus, & alibi S. Petrus, S. Thadæus, &c.

His expressis, serid cogita, an tua vita & mores sint Sacerdotio digni. Non enim est tanti officij dignitas, onus, & obligatio temerè suscipienda, aut indignè exercenda. Nulli sunt in toto mundo homines grauiori iudicio à Deo puniendi, quam mali Sacerdotes. Rei optimæ corruptio solet esse omnium pessima.

Errat sanè, & grauius errat, qui ad sustinendum Sacerdotis nomen sibi sufficere putat, à Laicis veste distingui, & Horas, ac Sacrificium, cursim absoluerit. Attende quantum porro ad exercendum hoc Sacrosanctum munus perfectionis requiratur. Audi S. Chrysostomum *conc. ad pop. Antioch.* His verbis grauius monentem.

Quo non oportet esse puriorem tali fruentem Sacrificio? quo solari radio non splendidiorem. Manum carnem hanc diuidentem.

Os quod igne Spirituali repletur. Linguam quæ tremendo nimis sanguine rubescit? Attende etiam S. Ambrosium lib. de dignit. Sacer. graphicè docentem Sacerdotis dignitati vitam & mores respondere debere. Nihil, inquit, est in hoc sæculo excellentius Sacerdotibus: si quod sumus professione, actione potius quam nomine demonstramus, ut nomen congruat actioni, actio respondeat nomini, nec sit nomen inane, & crimen immane, ne sit honor sublimis, & vita deformis, ne sit deifica professio, & illicita actio.

Considera secundò, Quantam apud omnes æstimationem, & venerationem conciliare debeat ordinis Sacerdotalis excellentia, & perfectio, & quantam Deo & Ecclesiæ iniuriam faciat Sacerdos, qui Ordinem illum mala vita, & prauo exemplo commaculat. Constantinus Imperator tantopere Sacerdotes veneratus est, ut dixerit: Si Sacerdotem viderem peccantem, ne ab alijs videretur, pallio meo illum contegerem. S. Martinus Episcopus Turon. prandens cum Cæsare, prius socio suo,

quod esset Sacerdos, poculum porrexit, quam Cæsari. S. Ambrosius dicit Regum, ac Principum colla genibus submitti Sacerdotum, eosque osculata eorum dextera credere se eorum orationibus adiuuari. B. Gelasius Papa in Ep. ad Anastasium Imperatorem. Duo sunt, inquit, Imperator, quibus principaliter hic mundus regitur. Auctoritas sacra Pontificum, & Regalis potestas, in quibus tanto grauius est pondus Sacerdotum, quanto etiam pro ipsis Regibus in diuino examine sunt reddituri rationem.

Considera 2. Hinc sanctissimos quosque ob summam eius dignitatem refugisse Sacerdotium, ut S. Antonium, S. Pachomium, S. Benedictum, & S. Franciscum, cui hærenti, an fieri deberet Sacerdos, cum esset Diaconus, in via occurrit Angelus, gestans vitrum perlucidum clarissimo liquore plenum, dixitque Sacerdotis animam similem esse debere illi liquori: Vnde ille Sacerdos fieri noluit, quia tantam suæ animæ puritatem esse non putauit. Multi quoque Sancti & etate prouecti Eremitæ Monasteria deseruere, ne ad Sacerdotium prouerentur, alij verd iam ad illud prouecti, vel etiam ad Episcopatum, in remotas terras abierunt, ne agnoscerentur, ut Ioannes Silentiarius, & alij. S. Marcus quoque dicitur sibi abscidisse pollicem, ne fieret Sacerdos, & S. Ammonius aures, ne fieret Episcopus. Et ego, quomodo in hac dignitate me gero? Quæ pietate erga Deum? Quæ ædificatione erga proximum? Hic vita antea facta serid consideranda est, & noua melioris vitæ proposita Deo offerenda.

Considera 3. Dignitatem Sacerdotum noue legis, sumi ex duplici potestate illis collata, ordinis, & iurisdictionis. Ratione Ordinis possunt consecrare Corpus & Sanguinem Domini, ratione Iurisdictionis possunt homines absolvere à peccatis, & Ecclesiam gubernare. 2. Expende quam admiranda sit illa potestas consecrandi. Magnum beneficium credimus præstitum Iosue, quod imperio suo fecerit sistere solem, *obediens Domino*, ut loquitur Scriptura Iosue 10. *Voci hominis*, sed multò maius præstitum est cuique Sacerdoti. Ille enim fecit stare solem, ubi ante erat, at Sacerdos sistit Christum in cælo existentem, ubi ante non erat, id est, in altari: illi creatura obediuit, huic creator: illi sol semel loquenti obtemperauit, huic Deus, quoties verba consecrationis eloquitur, obedit. Quis Sacerdos tam stupidus est, qui considerans ita stupendam Christi erga se obedientiam, summi Regis ad subditum, Dei ad creaturam, non vicissim libenter obtemperet Dei mandatis? Quis cum B.

N 2 Ioanne

Ioanne Baptista non dicat, Matth. 5. 3. *Ego à te debui baptizari tibi debui obedire, & tu venis ad me, tu mihi obedis? O me ingratum, & indignū!*

Suscipe Domine deinceps vniuersam vitam & operam meam, accipe intellectum & voluntatem, corpus & animam, vt in statu Sacerdotij tam sancto me totum tibi & proximo serid & sancte impendam: tribue mihi tuum amorem & hanc gratiam, & nihil vltra posco in rebus creatis. *Addendo alia, quæ affectus suggeret.*

D I E L V N Æ.

De Virtutibus, Zelo, & Scientiæ, quæ debent inesse Sacerdoti.

1. **C**onsidera, Apostolorum 1. ad Timot. 3. velle vt Episcopus, i. est, qui intendit curæ animarum, primò, non sit superbus, 2. non iracundus, 3. non litigiosus, 4. non perculsor, vel manu, vel lingua, id est, detractor & calumniator, 5. non vinolentus, 6. non turpis lucri cupidus, nec auarus, 7. vt sit irreprehensibilis id est, quem nemo iure queat reprehendere, quique nullam det occasionem iustæ quærelæ, vel etiam qui nullius mali sibi sit conscius.

2. Considera, idè tantam perfectionem ab Apostolo exigi in Sacerdote, quia, vt omnes Patres docent, quo quis est sublimioris status & ordinis, hoc ad ampliorem virtutum perfectionem tenetur, secundum illud Lucæ 12. *Cui plus datum est, plus exigitur ab illo,* & Sap. 6. *Iudicium durissimum in his qui præsumunt fieri, & potentes potenter tormenta patientur.* Et S. Gregorius. Sicut Prælati inquit, tot coronas sibi multiplicat, quod Deo animas lucrificat, sic si peruersa perpetrat, tot mortibus dignus est, quot ad subditos suæ perditionis exempla transmittit.

3. Considera, Sacerdotem debere esse omnium virtutum, maxime autem fidei, spei, charitatis in Deum & proximum, humilitatis, pietatis & castitatis, speculum & exemplar: si enim Lux est mundi, & lucerna super condelabrum posita, debet luce doctrinæ suæ, & vitæ exemplaris illustrare omnes, Matth. 5. Si Sal est terræ, debet omnes à corruptione peccati conseruare, si Pater & Magister est subditorum fidelium, debet in se ostendere exempla quæ omnes imitentur.

Debet enim Sacerdos esse speculum pietatis, & modestiæ in quo reluceat imago Christi, ad cuius exemplum homines sæculares vitam, actiones suas conformare conentur. Nihil de-

cet esse in ipsius verbis leue, nihil in oculis, nihil in gestibus nisi moderatum & verecundum. Dum quidam Sacerdos iocosus interrogasset D. Thomam Aquinatem, an non videret bouem in aere volantem, & hic statim oculos ad spectandum sustulisset, derisit Sacerdos illius simplicitatem, quod hoc crederet. Respondit autem vir Sanctus, Facilius ego crederem bouem volare, quam Sacerdotem mentiri.

4. Considera, Sacerdotem debere habere diuinæ Scripturæ, rerumque Theologicarum pro officij magnitudine coniunctam scientiam & sapientiam, & vt Apostolus monet Timot. 1. c. 4. *Attendere Lectioni, exhortationi, doctrinæ.* Quilibet enim Sacerdos curam habens animarum, tenetur exponere Euangelium, & Catechesin fidei Christianæ tradere, & eos qui contradicunt redarguere. Si enim S. Petrus Ep. 1. c. vult omnes esse paratos ad satisfaciendum omni poscenti de fide, quæ in ipsis est: quanto magis debent esse Sacerdotes, quia aliorum sunt Magistri & Doctores? Quid turpius est, quàm Sacerdotem non posse respondere alicui mulierculæ, vel adolescentulo hæretico obiectanti, vt hoc tempore sit, Scripturæ sacræ testimonia? Vnde Chrysostomus scribit, Sacerdotem in omnibus debere esse sapientissimum, & mille instructum oculis, vt non solum sibi, sed etiam toti populo seruiat. Deus verd apud Osæ Prophetam comminatur imperitis repulsam à dignitate Sacerdotij. *Quia, inquit, cap. 4. tu scientiam repulisti, repellam te, ne sacerdotio fungaris mihi.* Vnde patet, quantum delinquat, & suo muneri desit Sacerdos, qui otio, aut negotijs sæcularibus vacans, negligit operam impendere vtili studio, & lectioni Sacræ quibus se, & alios perficiat. Sicut enim Calix consecratus non debet vsibus profanis, sed tantum Sacris impendi, sic multò magis Sacerdos per Ordines Sacros diuino obsequio consecratus, debet se totum studiis, & rebus Sacris, & proximorum salutis impendere.

Hic consideratis, in particulari examinabis, quantam curam & studium adhibeas, vt his dotibus præfulgeas, & satisfacias officio Sacerdotis aut Pastoris, cuius seuera ratio à te exigitur in hora mortis breui ad futura, quando sera nimis erit emendatio. Nunc igitur necessariò faciendum est, quod tunc à te factum fuisse optabis. Deindè, per colloquium cum Deo, ad vitæ emendationem gratia humiliter postulanda est.

DIE

DIE MARTIS.

De Charitate ad imitationem Christi Sacerdoti necessaria.

Postulata gratia ad imitandum Christum tanquam tuum Ducem, Regem, ac Magistrum, imaginare illum summa charitate perfragrantem pagos, & villas instar optimi Pastoris, ut oves perditas quærat, & ad viam salutis adducat.

Confidera primò, Sacerdotem nulla magis virtute, quàm charitate debere flagrare, tum quia fides, spes, aliæque virtutes ad iustitiam, teste Apost. 1. Cor. 13. sine illa non profunt; tum quia officium Sacerdotis vel Pastoris, tam ratione potestatis Ordinis, ut dignè conficiat & administret Sacramenta, quam Iurisdictionis, quatenus curam animarum habet, id omnino postulat. 2. Nota, typum huius gessisse veteris Testamenti Sacerdotes, quorum functio erat ignem sacrum quotidie in altari fouere, *Luc. 6.* Quid enim aliud ignis ille designabat, nisi sacram Eucharistiam, Deum & hominem sub specie panis & vini continentem? *Deus autem ignis consumens est. Deut. 4.* qualem ignem Sacerdotes non solum quotidie conseruant, sed etiam conficiunt. Deindè vestiti esse debebant cocco bis tincto, ut indicaretur Sacerdotem debere duplici charitate flagrare, in Deum scilicet, & proximum.

2. Condera, Christum Sacerdotem secundum ordinem Melchisedech, *Psal. 109.* cuius vices obeunt omnes Sacerdotes nostri in consecrando Corpore Christi, dum aiunt, *Hoc est corpus meum*, maximè declarasse charitatem erga nos, cum instituit Apostolus in Sacerdotes. Nam B. Ioannes in *cap. 12.* de extrema Coena acturus præmittit, quod *in finem dilexit illos*: Deinde ex mero in eos amore instituit SS. Eucharistiam, id est, excogitauit modum, quo perpetuò nobiscum realiter maneret. Ad hæc longum habuit sermonem de nouo mandato charitatis. Postremò, ex nimio amore sanguinem suum pro nobis profundit. Attende quomodo imiteris: qualem charitatem Christo retribuas; an magis lucra, quàm animas quæras.

3. Confidera, quod Christus instituens Principem Sacerdotum & Pastorum Petrum, de charitate tantum eum percunctatus est, *Ioan. 21.* *Simon diligis me plus his?* Et ille tantum respondit: *Domine tu scis quia amo te.* Christus verò, *Pasce oves meas*, indicans ad pascenda doctrina & exemplo oves, & gubernandam Ecclesiam.

R. P. Arde K. Tom. III.

siam maximè opus esse ardenti charitate in Deum & proximum. Veri siquidem Pastoris est, *Luc. 15.* ouem perditam requirere, & inuentam, relictis licet 99. ouibus humeris sublatam in ouile portare. Eiusdem est adueniente lupo, & persecutione exorta, non cum mercenario, qui non est Pastor, fugere, sed animam ponere pro ouibus, *Ioan. 10.* Eius est cognoscere omnes oves, easque exemplo vitæ præcedere, efficereque ut se, suamque doctrinam & vitam sequantur, quod non facillè impetrabit, nisi multis beneficijs, & amoris indicijs eas sibi deuinciat, ac tandem ritibus Ecclesiæ, tanquam claue cœlesti, regnum cælorum illis aperiat.

Hic in particulari circa huius charitatis actus se examinabit, & noua circa eam propo- sita Christo Domino, Sponso, Regi, ac supremo Pastori ardentè offerent.

NOTA, excitandum affectum specialem erga alios animarum Curatores, ac præsertim omnium Ordinum viros *Religiosos*.

Consideret Religiosos illos non esse aspernandos ex eo quod humilem vitæ statum ex imitatione & concilio Christi amplexi sint, sed potius inde erga illos præ alijs maiorem venerationem concipiat, quod inde omnes sæculi Res & Spes deseruerint, eorumque pios conatus ad Dei gloriam promouere studeat. Consideret quam (præ se) præcellenti in statu forent illorum innumeri à doctrina, dotibus; parentela, gratia, virtute, si se omnes illi Clero sæculari addixissent: & quàm multos nunc illis fruētes, vbique ab Ecclesiasticis beneficijs, officijs, & dignitatibus exclusissent; qui illis concurrentibus ad ea minimè peruenissent.

Ex altera verò parte, expendat *Religiosus*, se non debere cum Clerico sæculari contendere, cum amore Christi illum amplexus sit statum in quo potius illum decet cum Clericis, alijsque pro nouissimo loco concertare. Utinam hæc documenta in aliquorum animos altè descenderent, quod cederet in multo maiorem Fidelium ædificationem.

DIE MERCVRII.

De Puritate vitæ & Castitate in Sacerdote maximè requisita.

1. **C**onsidera, si veteris Testamenti Sacerdotes toto tempore, quo ministrabant tabernaculo, à domo & vxore abesse tenebantur (ministrabant enim per vices) quantum magis noui Testamenti Sacerdotes, qui non per vices, sed semper ministrant, debent à coniugio & omni consuetudine seminatum, & omni im-

N 3 pu-

puritate abstinere. Deinde si Abimelech Sacerdos 1. Reg. 21. noluit Davidi famelico dare panes propositionis comedendos, nisi prius intellexisset eum ab uxore aliquamdiu se continuisse: & si idem populo faciendum fuit, Exod. 19. cum esset legem à Deo accepturus: Quamvis magis convenit Sacerdotes nostros ab omni faminarum contubernio alienos esse, quibus quotidie in Sacrificio Missæ corpus Domini, per panes propositionis præfiguratum, non solum sumendum, sed etiam conficiendum, manibusque tractandum est. Considera, D. Paulum 1. Cor. 7. docere eos qui uxorem habent, sollicitos esse, quæ sunt mundi, ut placeant uxori, & ideo esse diuifos, id est, in multis sollicitudinum partes, ut exponit Hieronymus, distractos; qui autem non habent, cogitare quæ Domini sunt, ut sint sancti corpore & spiritu. Vnde consequens est Sacerdotes soli Deo adhærere debere, ut cogitent quæ Domini sunt, & sint sancti corpore, & spiritu.

2. Considera, puritatem animi & corporis, non solum à diuinis Scripturis, sed etiam ab omnibus Concilijs, Patribus & Doctoribus, eamque non vulgarem, in Sacerdotibus postulari, idque multis de causis. 1. Quia sanctissimum Missæ Sacrificium, quo nihil augustius, crebrius peragere, in eoque purissimum Domini Corpus ore suo consecrare, & manibus tractare, alijsque porrigere debent. 2. Quia assidue orationi & sacrarum Horarum lectioni, quæ mentem puram, tranquillam & in Deum eleuatam requirunt, vacare tenentur. 3. Item alios prædicatione, & sanctæ vitæ exemplo ad omnem virtutem & perfectionem inflammare debent. 4. Quia debent magnam partem temporis impendere ouibus suis, vel subditis erudiendis, & in viam reducendis, ac si agri sint, inuiscendis solandis & pascendis, pauperibus item iuuandis, peregrinis recipiendis, Sacramentis varijs administrandis: quæ omnia sanè requirunt hominem non solum ab uxore & liberis, sed etiam omnium negotiorum secularium cura liberrimum. Vnde Apostolus 2. Tim. 2. Nemo, inquit, militans Deo, implicat se negotijs secularibus.

3. Considera, Sacerdotem, si castitatem inuiolatam non seruet, multò grauius peccare, quàm peccent in eodem genere homines seculares. Primò, quia sacrilegium committit: Si quis Templum Dei violauerit, inquit Apostolus 1. Cor. 3. disperdet illum Deus. At quis templum Dei sanctum, & Deo consecratum proprie est, nisi Sacerdos, toties per varios ordines inun-

Aus, & vices Dei & Angelorum subiens? Quia violat votum castitatis ipsa ordinis susceptione scelum. 3. Quia summo scandalo est bonis & malis, imò & vilissimis hominibus: quod scandalum tantum hoc seculo est, ut causam dederit tot hæresibus. 4. Quia si in statu huius peccati celebret, aliaque Sacramenta administret, Christum suo modo crucifigit, Christo quasi in faciem spuit, Christum cum Iuda prodit, quodammodo conculcat, & in cloacam projicit. Quid enim aliud est os Sacerdotis impudici aut concubinarij, quid aliud eius anima, vel cor quàm cloaca fetidissima? Quid est margaritas ponere ante porcos, si hoc non est, cum impudicus Sacerdos audet celebrare, & purissimum Dei, ac Virginis filium manibus contrectare?

Hic examinanda est conscientia, & formanda proposita firmissima, vitandi in particulari occasiones, quæ possint puritati nocere, & adhibendi remedia quæ contra luxuriam assignauimus supra part. 3. cap. 6. in fine. Quæ omnia confirmari poterunt sequenti ad Deum Protestatione, quæ à multis puritatis amatoribus quotidie, & præsertim occurrente tentatione, vsurpari solet.

Ego N. N. Dei & Domini mei Iesu gratia & misericordia fretus. Tibi me sisto Deus cordis mei, quem vbique præsentem agnosco & veneror; & coram purissima Matre tua & mea, coram Angelo meo tutelari, & omnia Curia cælesti, protestor velle me hodie, & quotidie Tibi inundo corde seruire, & fugere quicquid inquinare puritatem potest. Mori malo quàm sedari, quàm turpi motui vel delectationi scienter causam dare, vel consentire, ne momento quidem. Tu cor mundum crea in me Deus, & spiritum rectum innoua in visceribus meis. Da perficere, qui dedisti velle. Hoc iterum iterumque Te, Bone Iesu, supplex, per Sanguinem tuum, mortem & passionem rogo: Et te patrona mea Virgo Maria, nulla vnquam labe inquinata. Et vos omnes Sancti & Sanctæ Dei intercedite pro me, ut aliquando vobiscum possim sequi Agnum purissimum quicumque ierit, tunc & in æternum. Amen.

D I E I O V I S.

Praxis Breuis.

Deuotè Missam celebrandi.

PRO dispositione remota, hæc inter alia à S. Carolo, & Synodo Mediolanensi salubriter

ter instituta & commendata reperiuntur. 1. Ut Sacerdotes quo puriores ad diuinam rem faciendam accedant, saltem singulis hebdomadis peccata sua confiteantur, etiam si grauiora non occurrant. 2. Ut antequam celebrent se colligant, & orantes mentem in tanti mysterij cogitatione defigant. 3. Ut sacris vestibus induti cum nemine colloquantur, neque loquentibus dent aures, mentemque & oculos ab omnibus amoueant, quibus distrahantur.

Gregorius XIII. Pontifex concessit cui libet Sacerdoti dicenti ante celebrationem Missæ, quæ sequuntur, 50. annorum Indulgentiam.

Ego volo celebrare Missam, & conficere Corpus & Sanguinem Domini Nostri Iesu Christi iuxta Ritu S. Romanæ Ecclesiæ, ad laudem omnipotentis Dei, totiusque curiæ triumphantis; ad utilitatem meam, totiusque curiæ militantis, pro omnibus qui se commendauerunt orationibus meis in genere, & in specie, & pro felici statu S. Romanæ Ecclesiæ: Amen.

Gaudium cum pace, emendationem vite, spirituum veram penitentiam, gratiam & consolationem S. Spiritus, perseverantiam in bonis operibus, tribuat nobis omnipotens, & misericors Dominus. Amen.

Postea Sacerdotalia sumens vestimenta. Ad *Amictum*, recordaberis illius fasciæ, qua Iesu Christi fuerunt velati oculi, Ad *Albam*, albi indumenti, quo stulti ad instar fuit illusus. Ad *Cingulum*, funium, quibus tam in horto, quam ad columnam fuit ligatus. Ad *Casulam*, recordare purpureæ vestis, qua ut fideus Rex illusus fuit, & clude te Christo conformare.

Accedendo ad Altare; reminisceris Domini, quando Cruce humeris imposita, perrexit ad montem Caluariæ, ut ibi Cruci affigeretur.

1. Ad Altaris descendens gradum, antequam sacrosanctam ordinaris Missam, tuam ad Deum eleuabis mentem; ac denud æterno Patri hoc offeres Sacrificium, in vnionem immensissimi illius amoris, quo vnigenitus eius Filius semetipsum obtulit in ara Crucis.

2. Incipies Missam voce mediocriter alta, piè, distinctè, & non multum festinanter pronuntiando verba, obseruando ceremonias temporis congruas, cum grauitate, deuotione, & circumstantium ædificatione: uti in Rubricis Missalis annotatz sunt.

Ad *Gloria in excelsis*, excitandus est affectus

ad offerendum Deo Sacrificium laudis, eiusque gloriam pro viribus promouendam.

Ad *Præfationem*, mens iterum sursum eleuanda est ad nouam intentionem, & offerendum Sacrificium Eucharisticum ardenti affectu gratitudinis, cum omnibus Angelis & Sanctis, in cælo & in terra.

Hic affectus in toto *Canone* continuandus est cum attenta eius lectione, non recitatione de memoria.

3. In primo *Memento*, præter tuas obligationes, varias poteris Domino commendare necessitates, per hebdomadam sequenti modo distributas.

Dominica, Summum Pontificem, omnes Ecclesiæ Catholicæ, & præcipue huius N. Diocesis, & Ciuitatis, Pastores ac Prælatos.

Die Luna, Omnes Principes Christianos: ut inter se concordent, & Catholicam Religionem ardentè promoueant.

Die Martis, In particulari huius Ciuitatis, aut loci Gubernatores & Magistratus; ut pacis ac iustitiæ sint amatores.

Die Mercurij, Omnes in Christi vinea operarios, ut animarum saluti cum zelo & fructu constanter insistant.

Die Iouis, Omnes Ecclesiasticos Ordines, ut sancti sint, & alijs sese exemplares præbeant.

Die Veneris, Omnes peccatores, hæreticos, & infideles, ut conuertantur ad Dominum.

Sabbatbo, Omnes iustos, ut in bono usque in finem perseuerent.

4. Iam iam consecraturus hostiam, priusquam *Consecrationis* pronunties verba, breui mentis inspirio intentionem consecrandi renouabis. Eodem affectu consecrabis & Calicem.

5. In actu *Adorationis*, peracta iam Consecratione, Domino offeres toto corde in sacratissima Hostia præsentem, eosdem *Adorationis* actus, quibus illum in cælo & in terra omnes Sancti, ac vniuersa adorant Ecclesiæ. Idipsum toties facies, quoties aliquem adorationis exhibebis cultum, genuflexione, aut alio modo.

6. *Eleuando* in altum sacratissimam Hostiam, forti fide & profunda humilitate ac reuerentia, Patri æterno illam offeres, atque vna cum illa te ipsum, in perpetuum holocaustum, ad suam gloriam, commendando illi finem, ad quem applicatur Missæ Sacrificium.

Idem facies etiam in elevatione *Calicis*; illum offerendo magno affectu in tuorum delictorum remissionem, ac totius mundi salutem.

N 4 7. In

7. In secundo *Memento*. præter illos vita functos, pro quibus aliquo titulo obligatus es orare quotidie, commendare poteris Domino frequentes, per singulos itidem hebdomadæ dies assignatos.

Die Dominica, defunctos tuos parentes, consanguineos, & affines.

Die Lune, alios defunctos, à quibus aliquo modo beneficia tibi impensa sunt.

Die Martis, illos, qui quoquo modo, cum viuerent, te offenderunt, vel persecuti fuerunt.

Die Mercurij, vita functos, quos tu quomolibet offendisti, vel in illorum vita eos secutus es.

Die Iouis, defunctos, pro quibus ab alijs nullæ speciales funduntur preces.

Die Veneris, illos, qui diuturniore tempore in Purgatorio detinendi sunt.

Sabbato, illas animas, quæ citius de purgantibus flammis educendæ sunt in cælum.

8. Accepturus *Manu* Hostiam, mente illam Domino sacratissimæ eius Matris offeres puritatem, qua ab illa infans in vlna exceptus fuit.

9. Sacrosanctam in Communionem accepturus Hostiam, paulisper subsistens, viua fide, Domino Iesu, in illa verè præsentem, profundæ adorationis exhibebis actum, desiderando eum suscipere cum illa humilitate, charitate, & sanctitate, qua sacratissima eius Genitrix eum in terra suscepit, & qua illum omnes eius susceperunt Electi, atque etiamnum sancta Catholica suscipit Ecclesia in supplementum summæ tuæ imperfectionis, & spiritualis paupertatis.

Accipiendo *Calicem*, similiter corde profundam pretiosissimo sanguini, pro tuis fuso peccatis, exhibebis adorationem, supplicibusque eius meritis, & virtute tibi donari omnium offensarum Indulgentiam, & ardentem honoris & animarum salutis zelum.

10. Si alijs sacram distribues Communionem, mentis oculos diriges ad immensam Vnigeniti Filij Dei Charitatem, & Humilitatem, qua seipsum indifferenter omnibus; pro illorum salute dedit in cibum, & inter distribuentem, sacris eius Vulneribus, intimo cordis affectu, communicantium animas, & simul tuam commendabis.

Post Sacram Actio Gratiarum, &c.

Primò, tanquam tuo Domino, vel Patri, vel Medico, &c. profundam adorationis actum exhibebis.

Secundò, Gratiarum actionis affectum, pro tanto beneficio.

Tertiò, Amoris astus ardentes.

Quartò, Contritionis tuorum delictorum.

Quintò, Oblationis tui ipsius, ac totius tuæ vitæ.

Sextò, Varias, hoc vel simili modo, efflagitabis gratias.

O R A T I O.

In qua supradicti Actus continentur.

Clementissime Domine Iesu Christe, vni-ce Seruator meus, toto & intimo corde te adoro, & pro tanto beneficio immensas gratias ago. Et quia omni dignus es amore, supra omnia te amo? & doleo, quod non, quantum mereris, te amauerim, nec amem. Et in locum huius defectus, illas tibi offero adorationes; gratiarum actiones; & illos amoris, reuerentiæ, & gratitudinis affectus, quibus te tua sacratissima complexa est Mater, & omnes Sancti ac serui tui vnquam persoluerunt, atque etiamnum in cælo, vna cum vniuersa Ecclesia Catholica tua Sponsa, persoluant. *Magnificat anima mea Dominum, &c.*

Doleo super omnia, mi Domine, quod quomodocunque te offenderim; & summopere displicet mihi, quod non tantum doleam, quantum tua Bonitas requirit, & omnes Sancti ac tuæ sacratissimæ Passionis virtute, cunctarum offensarum summis deprecor veniam & remissionem. Offero cum eadem quoque meipsum, omnesque quos exantlaui, & quos per omnem meam vitam exantlaturus sum labores, & quicquid sum perpessus, in satisfactionem & remissionem omnium meorum peccatorum, vti infinitæ tuæ Bonitati & Clementiæ confido, quod omnes mihi noxas sis remissurus. Humiliter insuper precor, vt emendandi, & vsque in finem in tuo sancto seruitio perseuerandi gratiam copiosam concedas. Amen.

D I E V E N E R I S.

Praxis Brevis.

Horas Canonicas deuotè recitandi.

Consideret attentè Sacerdos obligationem, quam habet debito modo, & deuotione recitandi Horas Canonicas, iuxta illud Decretum Innocentij III. in c. *Dolentes*, de celebratione Missarum. *Scriptum*, inquit, *præcipimus*

mus in virtute obedientia, ut Diuinum officium nocturnum pariter & diurnum, quantum eis Deus dederit, studiosè celebrent, & deuotè: Vbi non præcipitur tantum substantia Officij, quæ pridem in Ecclesia constituta fuit; sed præcipitur ipse modus studiosè & deuotè recitandi, ut etiam Cæteranus, accuratè aduertit. Ad hoc sanè quemlibet animæ suæ, & spiritualis lucris studiosum vehementer inuitat; & impellit consideratio præclara Sancti Hieronymi, incipit. *Non mediocriter*, de consecrat. distin. 1. *Melior est*, inquit, *quinque Psalmorum decantatio cum cordis puritate, seruitute, & spirituali alacritate, quam totius Psalterij modulatio, cum anxietate cordis, & distractione.*

Quod si habeas etiam curam animarum, pro quibus oportet Deo Preces offerre, considera te id optimè præstiturum per attentionem, ac deuotam recitationem diuini Officij in conspectu Dei, & totius Curie cælestis, ad diuinam opem & protectionem tibi, & tuo populo impetrandam, iuxta documenta hic sequentia.

Itaque dum Horas recitas, omni studio conaberis attentionem, deuotionem, & intentionem actuaalem, aut minimam virtuaalem continuare, aut sæpius renouare, cum interna, externaque reuerentia; memori diuinis laudes legendas esse, aut canendas, non solum cum debita verborum prolatione, sed etiam cum seria memoriæ, intellectus, & voluntatis applicatione, & religiosa totius corporis compositione, iuxta illud Psalmi 46. v. 7. *Psallite Deo nostro, psallite Regi nostro, psallite; quoniam Rex omnis terra Deus, psallite sapienter.* Vbi quater repetito verbo, *psallite*, insinuat psallendum Deo, quoad vocem, distinctè; quoad memoriam, attentè; quoad intellectum, intelligenter; quoad voluntatem, ardentè; & quoad habitum totius corporis, reuerenter.

Hoc assequi conaberis. 1. Opportunum & sufficiens tempus singulis Horis Canonicis, si extra Chorum legas, tribuendo, iuxta communem morem Ecclesiæ, & virorum timoratorum, quibuscum viuus, non præcipitando verba, nec mutilando, nec indecorè festinando. 2. Locum pietatis tuæ magis congruum, & à strepitu, & interpellatione remotiorem, eligendo. 3. Decentem corporis situm adhibendo; videlicet, si vires ferant alternatim genua flectendo, aut stando. 4. Oculorum euagationes, aliasque distractionum causas declinando. 5. Viua fide Deum præsentem, eique Beatorum choros laudes æternam concinentes crebro intuendo, cum affectu amoris, gratitudi-

nis, zeli laudandi Deum, eique per omnia placendi. 6. Subinde memoriam renouando eorum, quæ Christus tali hora fecit, vel passus est, cum similem piorum affectum, ac desideriorum, Christum redamandi, imitandi, eius merita participandi, instauratione. 7. Renouando propositum attentionis, si distractionibus agiteris, maxime in initio & fine cuiusque Psalmi: initio quidem desiderando & petendo affectum à Spiritu Sancto intentum; in fine verò, ad *Gloria Patri*, feruenti affectu laudando sanctissimam Trinitatem, reuerenter, attentè, deuotè, cum omni possibili perfectione.

8. Ad certa verba sæpè occurrentia, quæ Deum, eiusque attributa, beneficia, opera denotant, conando elicere affectus congruos, admirationis, reuerentiæ, adorationis, timoris spei, amoris, gratitudinis, laudis, congratulationis. Ad voces, *Nos, homines*, miseras humanas indicantes affectus humilitatis, contritionis, compassionis, & similes.

9. Ad sensum verborum, vel litteralem, vel spirituaalem attendendo, & affectus conuenientes excitando. Ut in *Pater noster*, cum viua memoria præsentis Dei, filiali fiducia, reuerentia, resignatione, & zelo gloriæ Dei, petendo illa septem, iuxta modos orandi supra insinuat. In *Aue Maria*, excitando desiderium laudandi B. Virginem, benedicendi Christum, & impetrandi per eius, Matrisque merita gratiam bene viuendi, & moriendi.

In *Credo*, excitando fidem, spem, charitatem, gratitudinem, desideriumque participandi merita Christi: Ad *Domine labia mea*, &c. *Deus in adiutorium*, &c. recitando ea cum affectu fiduciæ in Deum per merita Christi, & diffidentia sui, amoris, gratitudinis, zeli glorificandi Deum. In *Inuitatorio*, omnes Choros Sanctorum & suas potentias omnes ad Deum laudandum inuitando.

Psalmi recitandi sunt eo affectu, quem verba præ se ferunt, & quidem, vel vno affectu præcipuo, e. c. contritionis, ut in Psalm. 50. *Miserere.* Vel laudis, in Cantico *Benedicite*, & Pl. 145. 149. 150. Vel gratiarum actionis, ut in Pl. 102. 104. 105. 106. Vel affectu diuini beneplaciti perfectè adimplendi in obseruatione diuinorum præceptorum, consiliorum, inspirationum, ut in Psalm. 118. & alijs, qui vnum tantum præcipuè affectum continent. Vel diuersis affectibus recitando ceteros, qui miram affectuum varietatem suppeditant. Videlicet iuxta D. August. in Psalm. 30. timendo cum timet Propheta, amando cum amat, laudando cum laudat, plorando cum plorat, postulando cum postulat, nos humiliando, cum ipse se

vi-

vilem agnoscit, gratias agendo pro beneficijs nobis spiritaliter collectis, quæ Israelitis corporaliter collata refert.

Similiter Antiphonas, versus, lectiones, orationes recitando cum affectibus, desiderijs & suspirijs congruentibus. In fine, cum memoria breuitatis vitæ, & desiderio beatæ mortis, orando pro defunctis feruenter, prout pro se alios orare optares dum ad *Fidelium animæ*, singulas horas concludis.

Post officium.

I. *D* Efectus minus voluntarios in recitatione Officij admissos quam primum expiare illic, recitando Orationem, quæ habetur appositæ Breuiario Romano *Sacrofauctæ & indiuiduæ Trinitati, &c.* & lucrando indulgentias in hunc finem concessas.

II. Offer tuum obsequium quantumvis imperfectum, in vnione orationum & meritum Christi, Beatæ Virginis, & Sanctorum, ad intentiones initio præfixas; idq; vel immediatè sanctissimæ Trinitati, vel per Christum æterno Patri; vel primum B. Virgini, deinde Christo, & per hunc, Patri, hac vel simili formula iuxta indultrias quoduis opus bene peragendi.

O Maria Mater gratiæ, Mater Misericordiæ, respice oculo pietatis hoc exiguum seruitutis meæ obsequium, quod mellifluo cordi tuo emendandum, perficiendum, & representandum dilecto Filio tuo offero, ad maximam eius gloriam, amorem, beneplacitum, in gratiarum actionem æternam, & ad gratiam nobis impetrandam illi placendi perfectissimè in tempore & æternitate. Amen.

DIE SABBATHI.

Consideranda Exempla Diuinæ Vindiçtæ in Sacerdotes indignè celebrantes.

C Onsidera, sicut Corpus & Sanguis Christi in Sacrificio Missæ dignè accepta conferunt Sacerdoti, ingentia Dei dona, & gratiam, & vitam æternam, vt testatur ipse Christus, Ioan. 6. *Caro mea verè est cibus & sanguis meus verè est potus, &c. Qui manducat hunc panem, viuet in æternum.* Sic è contrario indignè fumanti, cibus ille salutaris & cælestis conuertitur in mortiferum animæ venenum.

Hinc accedentes ad hoc Sacrificium serid monet Apostolus 1. ad Cor. 11. *Probet autem seipsum homo, & sic de pane illo edat, & de calice bi-*

bat, qui enim manducat & bibit indignè, iudicium sibi manducat & bibit, non dijudicans Corpus Domini. In quem Apostoli locum audi grauitè monentem non me, sed Doctorem Sanctum Thomam à Villa Noua, concione 3. de Sacram. altaris: *Reus inquit, erit Corporis & Sanguinis Domini; ac si Christi effudisset Sanguinem. Quas- cunque enim blasphemias, quas cunque irrisiones, quæcunque opprobria impijssimi Iudæi corporaliter in Christum exercuerunt, has omnes spiritaliter re- petit impius comestor, Filium Dei rursus in semetip- so crucifigens, & osentui habens.*

Quid igitur mirum, si Sacerdotes ad tremendum hoc Altaris Sacrificium indignè, aut irreuerenter accedentes horrendis à Deo Supplicijs, non tantum in futura, sed etiam in præ- senti vita non rarè puniantur? De his pauca ex multis exempla auctemus.

Primò Narrat Palladius, dum quadam die inuiseret Macarium Eremitam, se quendam ante eius fores vidisse Sacerdotem, totum vulneribus saucium, cuius in capite ossa erant putrefacta: quidam Macario supplex factus esset, vt suis orationibus vulnerum suorum impetraret sanitatem; abnuitt Sanctus, asserens hanc illi à Deo missam infirmitatem, in correptionem & vindiçtam suæ sacrilegæ temeritatis, qua ausus fuit celebrare Missam in fornicationis delicto: Nec vnquam à Deo illi voluit impetrare sanitatem, quoadusque promitteret, se de cætero ad tremendum Altaris non accessurum Sacrificium. Quod cum se facturum, cum iuramento promitteret, nec amplius omni vitæ suæ tempore peccaturum sponderet, intra paucos dies, S. Macarij precibus pristina fuit restitutus sanitati. In vita S. Macarij cap. 2.

2. Refert item Thomas Cantipratanus in hunc modum sequens exemplum. Prope Villam, in qua natus fuit, Sacerdos lubricus & immundus fuit. Et olim quidem cum immundis mulieribus, panem illum legalem Sabbathi, edere non licebat. At infelix ille Presbyter hunc quotidie polluto ore fumebat. Et vide vindiçtam Dei. Oseius circa nasum, & mentum, & lingua computruit, ita vt vix posset præfatore ab amicissimis sustineri. Sed & alius in Gallia Sacerdos fuit, vt quondam puer audiui, cuius manus super Aram extensæ, igne cælesti, vsque ad cubitos combustæ & consumptæ fuerunt, *Lib. 2. Apum. c. 40. part. 6.*

3. Legitur in *Specul. Exemplorum*, quidam Sacerdos quidam secularis, dum quadam die Missam celebraret, alius ei assistens, vidit in Patena tempore sumptionis, non speciem panis,

nis, sed infantis. Quem cum Sacerdos leuaret, ut sumeret; cepit infantulus ille faciem auertere, & ne sumi posset, manibus & pedibus relictari: & non semel vir ille deuotus hoc vidit, sed sæpius. Cui idem Sacerdos quadam vice dixit inter cætera: Quoties summo Corpus Christi, cum tanta difficultate summo, ut mirari non sufficiam. Cui ille: Confulo, ut vitam corrigas: nam hoc, & hoc ergo de te, vidi. Quod audiens Sacerdos, vitam mutauit, emendationemque proposuit. Et cum postea celebraret, visus est ille infans ab illo viro deuoto iunctis manibus & pedibus, cum summa velocitate, illabi in os Sacerdotis. *Dist. 9. Exmpl. 190.*

4. Narratur & aliud hoc modo. Fuit quidam Sacerdos, maiorem carni, quam spiritui curam impendens. Is dum vice quadam honestos viros, fæminasque ad conuiuium inuitasset; iussit seruum (cui hoc ex officio incumbabat) pisces non vili pretio coemptos igni elixandos apponere, atque huiusmodi cura distractus ad celebranda diuina mysteria, ipsis etiam Angelis humeris formidanda, mente vagus, corde aridus, cura dispersus, rapido cepit cursu properare. Cumque iam in medio Sacrificio consisteret, sollicita mente cepit, & importunis curis turbari, ne forte prædicti pisces, aut plus, aut minus debito, sale iniectione condirentur. Verum, cum ille Sacerdos se ab huiusmodi & tali hora indecentibus cogitationibus non cohiberet; Ecce tibi Dæmon, terra quadam fuligine tectus, subito adfuit, & raptum cacabum & medijs flammis, una cum piscibus, secum detulit ad Altare. O Coce, inquit, non Presbyter, cur fatuis curis in diuersa distraheris? Ecce pisces hic sunt, ecce sal; (vas enim sale plenum exhibuit,) inijce quantum liberit, & vel de cætero sacris Altaribus attentior factus assiste: Atque ita irrita Presbyteri superflua cura, onera quæ portauit, suo loco restituit. *Dist. 10. Exemplo 28.*

5. Si in veteri lege Oza Sacerdos, quia indignè attigerat Arcam Domini, repentina correptus est morte: quantum amplius timendum illis, à talibus castigationibus, qui non solum tangunt, verum etiam intra sui immunda pectora tremendum Filij Dei Corpus & Sanguinem recipiunt. Iudas quando in vltima Cæna indignè Corpus Domini accepit, statim in illum intrauit Satanas, eumque in profectionem & desperationem, & demum in flammam æternam præcipit.

Ex quibus exemplis clarè liquet, Sacerdotes, qui indignè diuinum accipiunt Sacramen-

tum, à Deo grauibus subijci infirmitatibus, subitanea discedere morte, variè diuexari à Diabolo, facile in enormia labi peccata, & tandem infausta morte vitam finire.

O quàm tremendum est Sacerdotem, qui tanta præ cæteris beneficia à Deo in hoc Sacramento quotidie accepit, comparere coram Christo seuero Iudice, postquam statum tam sanctum peccando maculauit, aut officij sui functiones sacra, erga Deum & proximum, debita cura & pietate non perfoluit. Idque tanto maiori cum dolore atque opprobrio, quanto plura habuit Sacerdos in suo statu salutis auxilia, quibus poterat sibi, & alijs suæ curæ commissis, æternam felicitatem comparare.

NOTANDA.

Pro Materia aliarum Meditationum.

Aliæ meditationes eodem modo poterunt ab ipso Sacerdote formari, quibus assidue, matutino tempore, per horam, vel saltem mediam, spiritum in se pietatis excitet ac conseruet: Ad hoc ut prestet ad manum oportuna Materia, notanda sunt sequentia.

Primo, poterit ex hoc Libro desumere aliquot idoneas meditationes: De virtute Fidei, Spei & Charitatis, ex Motiuis & affectibus, quæ deducuntur supra, in Praxi assistendi aegris ac moribundis p. 116. & sequent. Item, de motiuis ad peccati detestationem, & de remedijs contra singula peccata in particulari hic infra p. 122. Denique ex toto Apparatu sup. part. 2. p. 7. &c. poterit sibi seligere, & formare Meditationes de Virtutibus aut Vitijs, quæ ibi per exempla ac similitudines proponuntur.

Secundo, Ex ipso Breuiario fieri possunt meditationes, de Lectionibus quæ concernunt mysteria vite, aut Passionis Christi. Vel de aliquo insigniori Psalmi, qui pium effectum & deuotionem excitet: ut de Psalm. mo, Miserere, pro affectu penitentiae: de Psalm. o, Benedic anima mea Dominum, pro affectu Gratiitudinis, & sic de cæteris: singulis scilicet Psalmi versibus cum attenta sensus consideratione inbendo.

Tertio, Formando meditationem, de vita Sancti eo die occurrentis, ex tribus Lectionibus, quæ de eo in Breuiario assignantur. Obseruando modum meditandi initio traditum, singula puncta & virtutes attentè considerando, & pios affectus & desiderio eliciendo, firma imitationis proposita concipiendo, & Deo, ac Sanctis per pia colloquia & affectus abherendo, & quam parum inanes hominum fabulas & colloquia affectaret, qui semel in meditatione sanctæ seriò gustaret & videret, quam suauis est Dominus.

NO.

NOTA. Post hæc consideravi præcedentibus Instructionibus per omnia conforme, Schema vitæ Pastoralis, in oculatissima Diœcesi Antuerpiana vulgatum, & omnibus ubique, in illo munere commodissimum tam obligationis, quàm perfectionis compendium.

SCHEMA VITÆ PASTORALIS.

Prout extat impressum in calce Ordinationum Diœcesis Antuerpiæ.

Ad salutem gregis multum valet vita & diligentia Pastoris, unde Exodi decimono nono dicitur, *Sacerdotes qui accedunt ad Dominum sanctificentur: nihil enim est, quod alios magis ad pietatem & Dei cultum assidue instruat quàm eorum vitæ & exemplum, qui se Divino ministerio dedicaverunt.* Trid. sess. 23. c. 1.

Vita Pastoris duplex est, *priuatæ, & publicæ.* Diligentia etiam duplex, nimirum *in spiritualibus, & corporalibus.*

Vita *Priuatæ* Pastoris consistit. Primò: In frequentatione Sacramentorum, ut quotidie (si dispositio corporis & animæ permittat) Missam celebret: & ut singulis saltem septimanis confiteatur.

2. Item in oratione *Mentali*, ut manè & vespere habeat horam huic assignatam: Et *Vocali* ex obligatione, ut debite Horas suas legat, vel devotione, ut Rosarium, Litanias, Psalmos Pœnitentiales, &c. adiungat.

3. Item in recollectione spirituali: Singulis annis per aliquot saltem dies, ex directione Viri alicuius intelligentis: Singulis diebus manè, proponendo vitare omnes, & magis noxias peccandi occasiones, & offerendo omnia illo die agenda, vel sustinenda ad honorem Dei, & salutem proximi: Similiter vespere, examinando conscientiam, tum generaliter, tum particulariter circa aliqua peccata: Ac etiam interdiu, Per orationes iaculatorias ad pulsus horæ, & aliàs sæpè: Per actus contritionis & dilectionis Dei super omnia: Et per resignationem propriæ Voluntatis in Divinam.

4. Item in mortificatione Interiori passionum, nimis sollicitudinis, curiositatis, ac affectionis circa cupiditatem rerum temporalium, vel appetitum propriæ æstimationis & honoris: Similiter in mortificatione exteriori subtrahendo aliqua licita de cibo, potu, & alijs commoditatibus corporis, ac de visu & usu aliorum sensuum: Et exercendo aliquos Pœnitentiæ actus.

5. Item in lectione Libri Spiritualis, Vitæ Sanctorum vel Sacræ Scripturæ, quam nullo die omittat per mediam saltem circiter horam.

6. Item in studio Casuum Conscientiæ, Instructionum Pastoralium, vel sacre Historiæ, tempore à reliquis vacuo.

7. Item in Familiæ administratione, quæ sit, honesta, frugalis, nitida & ordinata.

Vita *Publica* Pastoris, Requirit, ut abstinere à Potu, Tabernis, Lusu, Contentione, Litibus, Præsumptione, & Sæcularibus negotijs: insuper, ut habeat.

1. Zelum animarum, ita ut vultum peccatoris agnoscat, Morbidos diligenter curet, Et discolos fortiter corripiat.

2. Amorem Parochianorum, difficultates componendo, necessitates subleuando, & infirmos consolando.

3. Conuersationem exemplarem, raram cum sæminis, circumspiciam cum omnibus, grauem sine morositate, & affabilem sine leuitate.

Salus Populi etiam pendet à Pastoris Diligentia, Nempe in *Spiritualibus*: deinde in *Temporalibus*.

In *Spiritualibus*, Vtpote, 1. In Sacramentis & Sacramentalibus administrandis; Cum promptitudine nocte & die; cum sanctitate, conscientia munda, Intentione pura, præparatione debita & Charitate affecliosa: & cum decore iuxta ritus præscriptos, animo sedato, vultu composito, voce intelligibili, & pronuntiatione distincta.

2. In Sacramentis & Sacramentalibus conseruandis cum munditie, nitore & splendore, iuxta præscriptum Ritualis.

3. In Officio Diuino, ut fiat horis statutis, cum ornatu decenti, cum exactis cæremonijs, & cum deuotione ædificatiua.

4. In Catechismo, ut nunquam omittatur, seruetur apta methodus, alliciantur pueri præmio & apparatu; & ut Parentes & Magistratus inuitentur.

5. In Concione, qua Rudiores instruat in necessarijs ad salutem; Sit ad captum populi, quæ doceat peccata fugere, & virtutes seclari.

In *Temporalibus*, Vt Fabricæ, Mensæ pauperum, & piarum Foundationum prouentus, non alienentur, verum debite elocentur, diligenter conseruentur, bene impendantur, in computum deducantur idque iuxta Decreta & ordinata Diœcesis nostræ.

2. Vt

2. Ut sui Pastatus Domus facta testa cōser-
uentur, Fundi vel Decime ex præscripto admi-
nistrentur, & Iura recipiant non ultra taxam.

*Sententias selectissima de Pastoralis officij sin-
gulari Dignitate, & obligatione vid. supra pa-
gin. 176.*

RITVS ET ORDO ADMINISTRANDI SINGVLA SACRAMENTA

Et aliæ Benedictiones, ac Formulæ Curatori Animarum
necessariæ.

Ex Rituali Romano priora.

PRO SACRAMENTO BAPTISMI.

§. I.

Ritus sine Ordo Baptismi paruulorum.

Sacerdos, omnibus ritē paratis, superpelliceo, &
stola violacea indutus accedit ad limen Ecclesiæ;
ubi foris expectant, qui infantem detulerunt.
Tu incipis.

N Quid petis ab Ecclesia Dei? *Patrinus*
respondet: Fidem, *Sacerdos:* Fides quid
tibi præstat. *Patrinus respondet:* Vitam
æternam *Sacerdos:* Si igitur vis ad vi-
tam ingredi serua mandata: Diliges Domi-
num Deum tuum ex toto corde tuo, ex tota
anima tua, & ex tota menta tua; & proximum
tuum sicut teipsum.

Deinde ter exsufflet leniter in faciem infantis, &
dicat semel: Exi ab eo (vel ab ea) immunde spi-
ritus, & da locum Spiritui Sancto Paraclyto.
Postea cum pollice faciat signum in fronte & in pe-
lore infantis: dicens: Accipe signū Crucis tam in
fronte & quam in corde; & sume Fidem coele-
stium præceptorum, & talis esto moribus, vt
templum Dei iam esse possis.

O R E M V S.

PRæces nostras, quæsumus Domine, clemē-
ter exaudi; & hunc electum tuum N. Cru-
cis Dominicæ impressione signatum perpetua
virtute custodi, vt magnitudinis gloriæ tuæ ru-

dimenta seruans, per custodiam mandatorum
tuorum ad regenerationis gloriam peruenire
mereatur. Per Christum Dominum. R. Amen.

Deinde imponat manum super caput infantis,
ac dicat.

O R E M V S.

OMnipotens sempiterne Deus, Pater Do-
mini nostri Iesu Christi, respicere digna-
re super hunc famulum tuum N. quem ad ru-
dimenta Fidei vocare dignatus es: omnem cœ-
citatem cordis ab eo expelle; disrumpe omnes
laqueos satanæ, quibus fuerat colligatus, aperi
ei Domine ianuam pietatis tuæ, vt signo sa-
pientiæ tuæ imbutus, omnium cupiditatum
fœtoribus careat, & ad suauem odorem præ-
ceptorum tuorum lætus tibi in Ecclesia tua de-
feruiat & proficiat de die in diem. Per eundem
Christum Dominum nostrum. R. Amen.

Deinde Sacerdos benedicat salem: qui semel be-
nedictus aliis, ad eundem usum deferuire potest.

Exorcizo te creatura salis, in nomine Dei
Patris omnipotentis & in charitate Domi-
ni nostri Iesu Christi & in virtute Spiritus
Sancti, & exorcizo te per Deum viuum & per
Deum verum & per Deum sanctum & per
Deum qui te ad tutelam humani generis
procreauit, & populo venienti ad credulita-
tem per seruos suos consecrari præcepit, vt in
nomine sanctæ Trinitatis efficiaris salutare
Sacramentum ad effugandum inimicum. Pro-
inde rogamus te Domine Deus noster, vt hanc
creaturam salis sanctificando sanctifices &
be-

benedicendos benedicas ✠ vt fiat omnibus accipientibus perfecta medicina, permanens in visceribus eorum, in nomine eiusdem Domini nostri Iesu Christi, qui venturus est iudicare viuos & mortuos, & seculum per ignem. *R. Amen.*

Deinde immitat modicum salis benedicti in os infantis, dicens: N. Accipe salem sapientiae: propitiatio sit tibi in vitam æternam. R. Amen. Sacerdos: Pax tecum. R. Et cum spiritu tuo.

O R E M V S.

Deus Patrum nostrorum, Deus vnuerſæ Conditor veritatis, Te supplices exoramus, vt hunc famulum tuum N. respicere digneris propitiis, & hoc primum pabulum salis gustantem, non diutius esurire permittas quod minùs cibo expleatur cœlesti; quatenus sit semper spiritu feruens, spes gaudens, tuo semper nomini seruiens. Perduc eum Domine, quesumus, ad nouæ regenerationis lauacrum, vt cum fidelibus tuis promissionum tuarum æterna præmia consequi mereatur. Per Christum Dominum nostrum. *R. Amen.*

Exorcizo te immunde spiritus in nomine Patris ✠ & Filij ✠ & Spiritus Sancti ✠ vt exeas, & recedas ab hoc famulo Dei N. Ipse enim tibi imperat, maledicte dammate, qui pedibus super mare ambulauit, & Petro mergente dexteram porrexit.

Ego maledicte diabole recognosce sententiam tuam, & ad honorem Deo viuo & vero, ad honorem Iesu Christo Filio eius, & Spiritui sancto, & recede ab hoc famulo Dei N. quia istum sibi Deus, & Dominus noster Iesus Christus ad suam sanctam gratiam, & benedictionem, fontemque Baptismatis vocare dignatus est.

Hic pollice in fronte signat infantem, dicens: Et hoc signum sanctæ Crucis ✠ quod nos fronti eius damus, tu maledicte diabole nunquam audeas violare. Per eundem Christum Dominum nostrum. R. Amen.

Mox imponit manum super caput infantis, & dicit.

O R E M V S.

Aeternam ac iustissimam pietatem tuam deprecor, Domine sancte, Pater omnipotens, æternæ Deus, auctor luminis & veritatis, super hunc famulum tuum N. vt digneris illum illuminare lumine intelligentiæ tuæ; munda eum, & sanctifica: da ei sci-

tiam veram, vt dignus gratia Baptismi tui effectus, teneat firmam spem, consilium rectum, doctrinam sanctam. Per Christum Dominum nostrum. *R. Amen.*

Postea Sacerdos imponit extremam partem stola super infantem, & introducit eum in Ecclesiam, dicens:

N. Ingredere in templum Dei, vt habeas partem cum Christo in vitam æternam. *R. Amen.*

Cum fuerint Ecclesiam ingressi, Sacerdos procedens ad fontem, cum susceptoribus consuntim clara voce dicit.

Credo in Deum Patrem, &c. Pater noster, &c.

Ac deinde antequam accedat ad Baptisterium, dicat.

Exorcizo te omnis Spiritus immunde in nomine Dei Patris omnipotentis ✠ & in nomine Iesu Christi Filij eius, Domini, & Iudicis nostri ✠ & in virtute Spiritus Sancti ✠ vt discedas ab hoc plasmate Dei N. quod Dominus noster ad templum sanctum suum vocare dignatus est, vt fiat templum Dei viui, & Spiritus Sanctus habitet in eo. Per eundem Christum Dominum nostrum, qui venturus est iudicare viuos & mortuos & seculum per ignem. *R. Amen.*

Postea Sacerdos digito accipiat de salina oris sui, & tangat aures & naves infantis. Tangendo verd aurem dextram & sinistram dicat.

Epheta, quod est adaperire. Deinde tangat naves dicens: In odorem suauitatis. Tu autem effugare diabole, appropinquabit enim iudicium Dei.

Postea interrogat baptizandum nominatim dicens.

N. Abrenuncias Satanae? Respondet *Pater noster: Abrenuncio.*

Et omnibus operibus eius? *R. Abrenuncio.*

Et omnibus pompis eius? *R. Abrenuncio.*

Deinde Sacerdos intingit pollicem in oleo catechumenorum & infantem vngit in pedore, & inter scapulas in modum Crucis dicens:

Ego te linio ✠ oleo salutis in Christo Iesu Domino nostro, vt habeas vitam æternam. *R. Amen.*

Hic deponit stola violaceam, & sumit aliam albi coloris.

Subinde pollicem, & inuncta loca abstergit bombacio, vel re simili, & interrogat expresso nomine baptizandum Patrino respondente.

N. Credis in Deum Patrem omnipotentem, Creatorem Cœli & terræ? *R. Credo.*

Credis

¶ Credis in Iesum Christum Filium eius vnicum Dominum nostrum, natum, & passum? *R.* Credo.

¶ Credis in Spiritum Sanctum; sanctam Ecclesiam Catholicam, Sanctorum Communionem, remissionem peccatorum, carnis resurrectionem, vitam æternam? *R.* Credo.

¶ Subinde expresso nomine baptizandi, Sacerdos dicit: N. Vis baptizari? *R.* Patrinus: Volo.

¶ Tunc Patrino vel Matrino, vel utroque (si ambo admittantur) infantem tenente, Sacerdos vasculo, seu vresco accipit aquam baptismalem, & de ea ter fundit super caput infantis in modum Crucis, & simul verba proferens, semel tantum dicens: & attentè dicit:

N. Ego te baptizo in nomine Patris & Filij & Spiritus Sancti, fundat primo, & Filij fundat secundo, & Spiritus Sancti, fundat tertio.

¶ Vbi autem est consuetudo baptizandi per immersionem, Sacerdos accipit infantem, & advertens, ne ledatur, cautè immergit, & trina mersione baptizat, & semel tantum dicit:

N. Ego te baptizo in nomine Patris & Filij & Spiritus Sancti.

¶ Mox Patrinus, vel Matrino, vel utroque simul infantem de sacro fonte leuant, suscipientes illius de manu Sacerdotis.

¶ Si vero dubitabatur, an infans fuerit baptizatus utatur hac forma. N. Si non es baptizatus, ego te baptizo in nomine Patris & Filij & Spiritus Sancti. Deinde intingit pollicem in sacro Chrismate, & ongit infantem in summitate capitis in modum Crucis, dicens:

Deus omnipotens, Pater Domini nostri Iesu Christi, qui te regeneravit ex aqua, & Spiritu Sancto, qui que dedit tibi remissionem omnium peccatorum (hic inungit) ipse te linat Chrismate salutis & in eodem Christo Iesu Domino nostro in vitam æternam. *R.* Amen.

Sacerdos. Pax tibi. *R.* Et cum spiritu tuo.

¶ Tum bombacio, aut re simili abstergit pollicem suum & locum inunctum, & imponit capiti eius linteolum candidum loco vestis albæ, dicens:

Accipe vestem candidam, quam immaeu-latam perferas ante tribunal Domini nostri Iesu Christi, vt habeas vitam æternam.

R. Amen.

¶ Postea dat ei, vel Patrino candelam accensam, dicens:

Accipe lampadam ardentem, & irreprehensibilis custodi Bap̄tismum tuum; serua Dei mandata, vt cum Dominus venerit ad nuptias possis occurrere ei vna cum omnibus Sanctis in aula cœlesti, habeasque vitam æternam, & viuas in sæcula sæculorum. *R.* Amen.

¶ Postremò dicit: N. Vade in pace, & Dominus sit tecum. *R.* Amen.

¶ Si verò fuerint plures baptizandi, siue masculi, siue femine in Cathecismo masculi statuuntur ad dexteram, femine verò ad sinistram, & omnia pariter dicuntur, vt supra in proprio genere, numero plurali. Verùm prima nominis interrogatio, exsufflatio, Crucis impressio, seu signatio, ractus aurium, & narium cum salua abrenunciationis interrogatio, unctio Olei Cathecumenorum, interrogatio de Fide seu Symbolo, & ipse Baptismus, inunctio Chrismatis, candidæ vestis impositio, atque accensa candelæ traditio, singulariter singulis, & primum masculis, deinde feminis fieri debent.

¶ Si infans egrotus adeo grauiter laboret, vt periculum immineat, ne pereat antequam Baptismus perficiatur, Sacerdos omisso quæ Baptismum præcedunt, eum baptizet, ter, vel etiam semel infundens aquam super caput eius in modum Crucis, dicens: Ego te Baptizo in nomine Patris & c.

¶ Si non habeatur aqua baptismalis, & periculum impendeat, Sacerdos utatur aqua simplici.

¶ Deinde, si habeat Chrisma, linat eum in vertice dicens:

Deus omnipotens, Pater Domini nostri Iesu Christi, & c. vt supra.

¶ Postea det ei linteolum candidum dicens: Accipe vestem, & c.

¶ Ac demum det ei ceream candelam accensam, dicens. Accipe lampadem, vt supra, Si superuixerit, suppleantur alij ritus omisso.

§. II.

Ordo supplendi omissa super baptizatum.

Cum urgente mortis periculo, vel alia cogente necessitate paruulus, sacris precibus, ac caeremonijs prætermisiss fuerit baptizatus; vbi conualuerit, vel cessauerit periculum, & ad Ecclesiam delatus fuerit, omissa suppleantur: idemque ordo, ac ritus seruetur, qui in Baptismo paruulorum præscriptus est: Excepto, quod interrogatio, an velit baptizari, formæque Baptismi, & ablutio præmittuntur; & quedam orationes, & exorcismi suo quique loco immutari, vt infra dicuntur.

¶ Sacerdos igitur antequam immittat salem in os baptizati, manum super caput eius imponens, dicit:

ORE-

O R E M V S.

OMnipotens ſempiternus Deus, Pater Domini Noſtri Ieſu Chriſti, reſpicere dignare ſuper hunc famulum tuum N. quem dum ad rudimenta Fidei vocare dignatus es, omnem cæcitatem cordis ab eo expelle, diſ rumpe omnes laqueos ſatanæ, quibus fuerat colligatus: aperi ei, Domine, ianuam pietatis tuæ, vt ſigno ſapientiæ tuæ imbutus, omnium cupiditatum ſcætoribus careat, & ad ſuauem odorem præceptorum tuorum lætus tibi in Eccleſia tua deſeruiat, & proficiat de die in diem, vt idoneus ſit frui gratia Baptiſmi tui, quem ſuſcepit, ſalis percepta medicina. Per eundem Chriſtum Dominum noſtrum.

R. Amen.

Deinde poſteaquam modicum ſalis immiſiſſe in os baptizati, dicens: Accipe ſalem ſapientiæ, propitiatio ſit tibi in vitam æternam, Amen: dicit:

O R E M V S.

DEus Patrum noſtrorum, Deus vniuerſæ conditor Veritatis. Te ſupplices exoramus, vt hunc famulum tuum N. reſpicere digneris propitiuſ, vt hoc pabulum ſalis guſtanti non diutius eſurire permittas, quo minus cibo expleatur cœleſti, quatenus ſit ſemper ſpiritu feruens, ſpe gaudens, tuo ſemper nomini ſeruens, & quem ad nouæ regenerationis lauacrum perduxisti, quaſumus Domine, vt cum fidelibus tuis promiſſionum tuarum æterna præmia conſequi mereatur. Per Chriſtum Dominum noſtrum. R. Amen.

Post hæc factò ſigno Crucis in fronte Baptizati, dicitque illis verbis:

Et hoc ſignum Crucis ✠ quod nos fronti eius damus, tu maledicte diabole nunquam audeas violare. Per eundem Chriſtum Dominum noſtrum. R. Amen.

Manu ſuper caput eius impoſita dicit:

O R E M V S.

Aeternam, ac iuſtiſſimam pietatem tuam deprecor, Domine ſancte, Pater omnipotens, æterne Deus, auctor luminis, & veritatis, ſuper hunc famulum tuum N. vt digneris eum illuminare lumine intelligentiæ tuæ, munda eum & ſanctifica: da ei ſcientiam veram, vt dignus ſit frui gratia Baptiſmi tui, quem ſuſcepit; teneat firmam ſpem, conſilium rectum, doctrinam ſanctam, vt

aptus ſit ad retinendam gratiam Baptiſmi tui. Per Chriſtum Dominum noſtrum.

R. Amen.

P R O S A C R A M E N T O
E V C H A R I S T I Æ.

Ordo miniſtrandi ſacrum Viaticum.

Sacerdos ingrediens locum, vbi iacet infirmus, dicat: Pax huic domui. Reſp. Et omnibus habitantibus in ea.

Tunc depoſitum Sacramentum ſuper menſa, ſuppoſito corporali, genuſexus adorat, omnibus in genua procumbentibus, & mox accepta aqua benediſta, aſpergit infirmum, & cubiculum, dicens Antiphonam. Aſperges me Domine hyſſopo, & mundabor: lauabis me, & ſuper niuem dealabor: & primum verſum Pſalmi. Miſere mei Deus, cum Gloria Patri. Sicut erat, &c. Deinde repetitur Antiphona: Aſperges me, &c. Poſtea ꝯ. Adiutorium noſtrum in nomine Domini. R. Qui fecit cælum & terram. ꝯ. Domine exaudi orationem meam. R. Et clamor meus ad te veniat. ꝯ. Dominus vobis ſcum. R. Et cum ſpiritu tuo.

O R E M V S.

Exaudi nos, Domine ſancte, Pater omnipotens, æterne Deus, & mittere digneris ſanctum Angelum tuum de cælis, qui cuſtodiat, foueat, protegat, viſitet; atque defendat omnes habitantes in hoc habitaculo. Per Chriſtum Dominum noſtrum. R. Amen.

His dictis, accedat ad infirmum, vt cognoscat, num ſit bene diſpoſitus ad ſuſcipiendum ſacrum Viaticum, & utrum velit aliqua peccata conſiteri, & illum audiat, atque abſoluat, quamuis prius deberet eſſe ritè conſeſſus, niſi neceſſitas aliter urgeat. Poſtea facta de more Confeſſione generali, ſiue ab infirmo, ſiue eius nomine ab alio, Sacerdos dicit. Miſereatur &c. Indulgentiam, &c.

Deinde facta genuflexione, accipit Sacramentum de vaſculo, atque illud eleuans, oſtendet infirmo, dicens: Ecce Agnus Dei, ecce qui tollit peccata mundi: & more ſolito ter dicat: Domine non ſum dignus, vt intres ſub teſtamentum meum, ſed tanto dic verbo, & ſanabitur anima mea. Et infirmus ſimul cum Sacerdote dicat eandem verba, ſaltem ſemel ſubmiſſa voce; tum Sacerdos duas infirmo Eucharistiā, dicat: Accipe frater (vel ſoror) Viaticum Corporis Domini Noſtri Ieſu Chriſti, qui te cuſtodiat ab hoſte maligno, & perducatur in vitam æternam, Amen.

Si

Si vero Communio non datur per modum Viatice, dicat more ordinario: Corpus Domini nostri Iesu Christi custodiat, &c.

Quod si mors imminet, & periculum sit in mora, tunc dicat: Misereatur, &c. prædictis precibus omnibus, vel ex parte omissis, ei statim Viaticum præbeatur. Postea Sacerdos abluat digitos nihil dicens, & infirmo datur ablutio. Deinde dicat: V. Dominus vobiscum. R. Et cum spiritu tuo.

O R E M V S.

Domine sancte, Pater omnipotens, æterne Deus, te fideliter deprecamur, vt accipienti fratri nostro (vel sorori nostræ) sacrosanctum Corpus Domini nostri Iesu Christi Filij tui, tam corpori, quam animæ pro sit ad remedium sempiternum. Qui tecum vivit, & regnat in unitate Spiritus sancti Deus, per omnia sæcula sæculorum. R. Amen.

His expletis, si altera particula Sacramenti superfuorit (superesse autem semper debet præterquam in casu iam dicto) genuflectit, surgit, & accipiens vas cum Sacramento, facit cum eo signum Crucis super infirmum nihil dicens, & reuerenter illud deferens ordine quo venerat, reuertitur ad Ecclesiam dicendo Psalmum: Laudate Dominum de cælis. Et alios Psalmos & Hymnos, prout tempus feret. Cum peruenit ad Ecclesiam, ponit Sacramentum super Altare, adorat, deinde dicit: V. Panem de cælo præstitisti eis. R. Omne delectamentum in se habentem. V. Dominus vobiscum. R. Et cum spiritu tuo.

O R E M V S.

Deus, qui nobis sub Sacramento mirabili Passionis tuæ memoriam reliquisti, tribue, quæsumus, ita nos Corporis, & Sanguinis tui sacra mysteria venerari, vt redemptionis tuæ fructum in nobis iugiter sentiamus. Qui vivis, & regnas, &c. Amen.

PRO SACRAMENTO EXTREMÆ VNGTIONIS.

Ritus, seu Ordo ministrandi Sacramentum Extremæ Vngtionis.

Sacerdos intrans cubiculum dicit: Pax huic domui. R. Et omnibus habitantibus in ea.

Deinde deposito Oleo super mensam, superpelliceo, stolæque violaceæ indutus, ægroto Crucem pæ deosculandam porrigit: mox in modum Crucis eum aqua benedicta, & cubiculum, & circumstantes aspergit, dicens Antiphonam: Alperges, &c. R. P. Ars de K. Tom. III.

Quod si ægroto voluerit confiteri, audiat illum, & absoluat. Deinde ipsi verbis illum confoletur, & de eius Sacramenti vi, atque efficacia, si tempus ferat, breuiter admonet, & quantum opus sit, eius animum confirmet, & in spem erigat vite æternæ.

Postea dicat versiculum: Adiutorium nostrum in nomine Domini. R. Qui fecit cælum & terræ. V. Dominus vobiscum. R. Et cum spiritu tuo.

O R E M V S.

Introeat, Domine Iesu Christe, domum hanc sub nostræ humilitatis ingressu, æterna felicitas, diuina prosperitas, serena lætitia, charitas fructuosa, sanitas sempiterna: effugiat ex hoc loco accessus dæmonum, adsint Angeli pacis, domumque hanc deferat omnis maligna discordia. Magnifica, Domine, super nos nomen sanctum tuum: & benedic & nostræ conuersationis, sanctifica nostræ humilitatis ingressum, qui sanctus, & pius es, & perma- nes cum Patre, & Spiritu Sancto in sæcula sæculorum, Amen.

Oremus, & deprecemur Dominum nostrum Iesum Christum vt benedicendo benedicat & hoc tabernaculum, & omnes habitantes in eo, & det eis Angelum bonum custodem, & faciat eos sibi seruire ad considerandum mirabilia de lege sua, auertat ab eis omnes contrarias potestates: eripiat eos ab omni formidine, & ab omni perturbatione, ac sanos in hoc tabernaculo custodire dignetur. Qui cum Patre, & Spiritu Sancto vivit, & regnat Deus in sæcula sæculorum, Amen.

O R E M V S.

Exaudi nos Domine sancte, Pater omnipotens, æterne Deus, & mittere digneris sanctum Angelum tuum de cælis, qui custodiat, foueat, protegat, visitet atque defendat omnes habitantes in hoc habitaculo. Per Christum Dominum nostrum. Amen.

Quæ orationes, si tempus non patiat, ex parte, vel in totum poterunt omitti. Tum de more facta Confessione generali, latine, vel vulgari sermone Sacerdos dicat: Misereatur tui, &c. Indulgentiam absolutionem, &c.

Antequam incipiat ungere infirmum, moneat adstantes, vt pro illo orent, & ubi commodum fuerit pro loco, tempore, & adstantium numero, vel qualitate, recitent septem Psalmos Penitenciales, cum Litanijs, vel alias preces, dum ipse Vngtionis Sacramentum administrat, mox dicat:

In nomine Patris, & Filij, & Spiritus Sancti, extingatur in te omnis virtus
O dia-

diaboli per impositionem manuum nostrarum, & per inuocationem omnium Sanctorum, Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, atque omnium simul Sanctorum, Amen.

Deinde intincto pollice in Oleo sancto in modum Crucis ungit infirmum in partibus hic subscriptis, apertando proprio loco verba forma in hunc modum.

Ad oculos.

Per istam sanctam Vnctionem, & suam piissimam misericordiam indulgeat tibi Dominus quicquid per visum deliquisti. Amen.

Minister vero si est in sacris, vel ipse inest Sacerdos post quamlibet vñtionem tergat loca inuncta nouo globulo bombacij, vel rei similis, eaque in vase mundo reponat, & ad Ecclesiam postea deferat, comburat cineresque proiciat in Sacrarium.

Ad aures.

Per istam sanctam Vnctionem, & suam piissimam misericordiam, indulgeat tibi Dominus quicquid per auditum deliquisti, Amen.

Ad nares.

Per istam sanctam Vnctionem, & suam piissimam misericordiam, indulgeat tibi Dominus quicquid per odoratum deliquisti, Amen.

Ad os, compressi labijs.

Per istam sanctam Vnctionem, & suam piissimam misericordiam, indulgeat tibi Dominus quicquid per gustum & locutionem deliquisti, Amen.

Ad manus.

Per istam sanctam Vnctionem, & suam piissimam misericordiam, indulgeat tibi Dominus quicquid per tactum deliquisti, Amen.

Et aduerte, quod Sacerdotibus manus non inunguntur interius, sed exterius.

Ad pedes.

Per istam sanctam Vnctionem, & suam piissimam misericordiam, indulgeat tibi Dominus quicquid per ingressum deliquisti, Amen.

Ad lumbos, seu renes.

Per istam sanctam Vnctionem, & suam piissimam misericordiam, indulgeat tibi Dominus quicquid per lumborum delectationem deliquisti, Amen.

Hæc autem vnctio ad lumbos omittitur semper in feminis; & etiam in viris, qui ob infirmitatem vix, aut sine periculo moueri non possunt.

Quibus omnibus peractis, Sacerdos dicit: Kyrie eleison. Christe eleison. Kyrie eleison. Pa-

ternoster, &c. Et ne nos inducas in tentationem. R. Sed libera nos a malo. V. Saluum fac seruum tuum. R. Deus meus sperantem in te. V. Mitte ei Domine auxilium de sancto. R. Et de Sion tuere eum. V. Esto ei Domine turris fortitudinis. R. A facie inimici. V. Nihil proficiat inimicus in eo. R. Et filius iniquitatis non apponat nocere ei. V. Domine exaudi orationem meam. R. & clamor meus ad te veniat. V. Dominus vobiscum. R. Et cum spiritu tuo.

O R E M V S.

Domine Deus, qui per Apostolum tuum Iacobum locutus es. Infirmatur quis in vobis? inducat Presbyteros Ecclesiæ, & orent super eam, vngentes eum Oleo in nomine Domini, & oratio Fidei saluabit infirmum, & aleuiabit eum Dominus, & si in peccatis sit, remittentur ei: cura quæsumus, Redemptor noster, gratia sancti Spiritus languores istius infirmi, eiusque sana vulnera, & dimitte peccata, atque dolores cunctos mentis, & corporis ab eo expelle, plenamque interiùs, & exterius sanitatem misericorditer redde, vt ope misericordiæ tuæ restitutus ad pristina reparetur officia. Qui cum Patre & Spiritu sancto viuas, & regnas Deus in sæcula seculorum, Amen.

O R E M V S.

Respice, quæsumus, Domine, famulum tuum N. Infirmum sui corporis fatiscetem, & animam refoue, quam creasti; vt castigationibus emendatus, se tua sentiat medicina saluatum. Per Christum Dominum nostrum, Amen.

O R E M V S.

Domine sancte, Pater omnipotens, æterne Deus, qui benedictionis tuæ gratiam ægris infundendo corporibus, facturam tuam multiplici pietate custodis, ad inuocationem tui nominis benignus assiste vt famulum tuum hac ægritudine liberatum, & sanitare donatum, dextra tuæ erigas, virtute confirmes, potestate tuearis, atque Ecclesiæ tuæ sanctæ, cum omni desiderata prosperitate restituas. Per Christum Dominum nostrum, Amen.

PRO

PRO EXEQUIIS

O R E M V S.

§. I.

Ritus, seu Ordo Exequiarum.

Sacerdos antequam cadaver efferatur, illud aspergit aqua benedicta, mox dicit Antiph. Si iniquitates obseruaueris, & Psalm. De profundis clamaui, &c. in fine: Requiem æternam dona ei Domine, & lux perpetua luceat ei: repetit Antiphonam totam. Si iniquitates, &c. Deinde cadaver efferitur, Sacerdosque de domo procedens, statim graui voce insonat Antiph. Exultabunt Domino, & Cantores inchoant Psalm. Miserere mei Deus secundum magnam, &c. Clero alternatim prosequente; ac si longitudo itinervis postulauerit, dicuntur Psalmi graduales: Ad Dominum cum tribulatione clamaui, vel alij Psalmi ex Officio mortuorum, & in fine cuiusque Psalmi dicitur: Requiem æternam dona eis Domine, qui Psalmi deuotè, distinctè grauique voce recitari debent usque ad Ecclesiam.

Ad ingressum Ecclesiæ repetitur Antiph. Exultabunt Domino ossa humiliata. Deinde Ecclesiæ ingressi cantant R. Cantore incipiente, & Clero alternatim respondente, videlicet:

Subuenite Sancti Dei, occurrite Angeli Domini, suscipientes animam eius. Offerentes eam in conspectu Altissimi. V. Suscipiat te Christus, qui vocauit te, & in signum Abrahæ Angeli deducant te. Suscipientes. V. Requiem æternam dona ei Domine. R. Et lux perpetua luceat ei. Offerentes.

Deposito feretro in medio Ecclesiæ, ita ut defuncti pedes, si fuerit laicus, sint versus altare maius, si uero fuerit Sacerdos, caput sit versus ipsum altare: & cereis accensis circa corpus, statim nisi quid impediatur, dicatur Officium mortuorum, cum tribus noturnis, & laudibus, & duo ex Clero incipiant absolute Inuitatorium: Regem cui omnia viuunt venite adoremus, & repetitur à Clero: Regem cui omnia, &c. Psalm. Venite exulemus, &c. & duplicantur Antiphonæ.

Ad finem officij post Antiphonam Cantici, Benedictus, &c. Ego sum resurrectio, dicitur Pater: secretò. Et ne nos inducas in tentationem: R. Sed libera nos à malo. V. A porta inferi. R. Erue Domine animam eius. V. Requiescat in pace. R. Amen. V. Domine exaudi orationem. R. Et clamor meus ad te veniat. V. Dominus vobiscum. R. Et cum spiritu tuo.

Absolue, quæsumus Domine, animam famuli tui ab omni vinculo delictorum, ut in resurrectione gloriæ inter Sanctos & electos tuos resuscitatus respiret. Per Christum Dominum nostrum. R. Amen.

Dum in officio dicuntur Laudes, Sacerdos cum ministris paratur ad celebrandam Missam solemnem pro defuncto, si tempus congruens fuerit, ut in die depositionis in Missali Romano.

Finita Missa, Sacerdos deposita casula, seu pianeta, & manipulo, accipit pluviale nigri coloris, & Subdiaconus accipit Crucem, & accedit ad feretrum, & se sistit ad caput defuncti cum Cruce, medius inter duos Acolythos, seu ceroferarios cum candelabris, & candelis accensis: & omnes alij de Clero veniunt ordinatim in gradu suo cum candelis accensis, & stant in circuitu feretri. Tum sequitur Sacerdos cum Diacono, & assistente alijsque ministris, & facta reuerentia altari, sistit se contra Crucem ad pedes defuncti, retrò astantibus & à sinistris duobus Acolythos, uno cum thuribulo, & nauicula incense, altero cum vase aquæ benedictæ, & aspersorio, & Acolytho, seu Clerico tenente librum, absolute dicit sequentem orationem.

Non intres in iudicium cum seruo tuo Domine, quia nullus apud te iustificabitur homo, nisi per te omnium peccatorum ei tribuatur remissio. Non ergo eum, quæsumus, tua iudicialis sententia premat, quem tibi vera supplicatio Fidei Christianæ commendat: sed gratia tua illi succurrente, mereatur euadere iudicium ultionis, qui dum viueret, insignitus est signaculo sanctæ Trinitatis, qui uiuis & regnas in sæcula sæculorum. R. Amen.

Deinde Cantore incipiente, Clerus circumstant, cantat sequens Responsorium.

Libera me Domine, de morte æterna in die illa tremenda. Quando cæli mouendi sunt & terra. Dum veneris iudicare sæculum per ignem. V. Tremens factus sum ego, & timo, dum discussio venerit, atque ventura ira. Quando cæli mouendi sunt, & terra. V. Dies illa, dies ira, calamitatis, & miseriæ, dies magna, & amara valde. Dum veneris. V. Requiem æternam dona ei Domine, & lux perpetua luceat ei. V. Libera me.

Dum cantatur prædictum Responsorium, Sacerdos, Acolytho seu Diacono ministrante, accipit incensum de nauicula, & ponit in thuribulum, & finito responso, Cantor cum primo choro dicit:

Kyrie eleison, & secundus Chorus respondet: Christe eleison. Deinde omnes simul dicunt Kyrie eleison.

Mox Sacerdos dicit alta voce, Pater noster, &c. & secreto dicitur ab omnibus; & ipse interim accipiat à Diacono, vel Acolybo aspersorium aquæ benedictæ, & facta profunda inclinatione Cruci, quæ est ex aduerso, Diacono seu Ministro genuflectente, & simbrias pluuiæ subleuante, circueiens feretrum (si transiit ante Sacramentum, genuflectit) aspergit corpus defuncti, ter aspergens latus dexterum feretri, & ter sinistrum: deinde reuersus ad locum suum, Diacono ministrante, accipit thuribulum, & eodem modo circuit feretrum, & corpus incensat, ut asperferat: postea reddido thuribulo ei, à quo acceperat, stans in loco suo, Acolybo suo alio Ministro tenente librum apertum ante se, dicit. *Ps.* Et ne nos inducas. *R.* Sed libera. *Ps.* A porta inferi. *R.* Erue Domine animam eius. *Ps.* Requiescat in pace. *R.* Amen. *Ps.* Domine exaudi. *R.* Et clamor. *Ps.* Dominus vobiscum. *R.* Et cum spiritu tuo.

O R E M V S.

DEus, cui proprium est misereri semper, & parcere, te supplices exoramus pro anima famuli tui N. quam de hoc sæculo migrare iussisti, ut non tradas eam in manus inimici, neque obliuiscaris in finem, sed iubeas eam à sanctis Angelis suscipi, & ad Patriam Paradisi perducere: ut quia in te sperauit, & credidit, non pœnas inferni sustineat, sed gaudia sempiterna possideat. Per Christum Dominum nostrum. *R.* Amen.

Si defunctus fuerit Sacerdos, in Oratione dicatur: pro anima famuli tui Sacerdotis, quam hodie &c.

Finis Oratione, corpus deferretur ad sepulchrum, si tunc deferendum sit, & dum portatur, Clerici cantant Antiphonam.

IN Paradisum deducant te Angeli, in tuo aduentu suscipiant te Martyres, & perducant te in ciuitatem sanctam Ierusalem. Chorus Angelorum te suscipiat, & cum Lazaro quondam paupere æternam habeas requiem.

Cum autem peruenerit ad sepulchrum, si non est benedictum, Sacerdos illud benedicit, dicens hanc orationem.

O R E M V S.

DEus, cuius miseratione animæ fidelium requiescunt, hunc tumulum benedicere dignare, eique Angelum tuum sanctum deputa custodem, & quorum, quarumque corpora hic sepeliuntur, animas eorum ab omnibus

absolue vinculis delictorum, ut in te semper cum Sanctis tuis sine fine lætentur. Per Christum Dominum nostrum. *R.* Amen.

Diela oratione, Sacerdos aqua benedicta aspergat, deinde incenset corpus defuncti, & tumulum.

Quod si corpus tunc ad sepulturam non deferatur, omisso responsorio: In Paradisum, &c. & benedictione sepulchri, si iam est benedictum, prosequatur Officium; quod nunquam omittitur, & intonet Antiph.

Ego sum resurrectio: & dicitur Canticum Benedictus EV OV AE. Et reperitur Antiph. Ego sum resurrectio & vita, qui credit in me, etiam si mortuus fuerit, uiuet, & omnis, qui uiuit, & credit in me, non morietur in æternum.

Postea Sacerdos dicit: Kyrie eleison. Christe eleison. Pater noster. Interim corpus aspergit. *Ps.* Et ne nos inducas in tentationem. *R.* Sed libera nos à malo. *Ps.* A porta inferi. *R.* Erue Domine animam eius. *Ps.* Requiescat in pace. *R.* Amen. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

O R E M V S.

FAc, quæsumus, Domine, hanc cum seruo tuo defuncto (vel famula tua defuncta) misericordiam, ut factorum suorum in pœnis non respiciat vicem, qui (vel quæ) tuam in votis tenuit voluntatem, ut sicut eum (vel eam) vera fides iunxit fidelium turmis, ita illic eum (vel eam) tua miseratione societ Angelis choris. Per Christum Dominum nostrum.

R. Amen. *Ps.* Requiem æternam dona ei Domine. *R.* Et lux perpetua luceat ei. *Ps.* Requiescat in pace. *R.* Amen. *Ps.* Anima eius, & anima omnium fidelium defunctorum per misericordiam Dei requiescat in pace. *R.* Amen.

Deinde à sepultura in Ecclesiam, vel in sacrarium reuertentes, dicant sine cantu Antiph. Si iniquitates, cum *Psalmo*: De Profundis, &c. Requiem æternam dona eis Domine, & lux perpetua luceat ei, &c.

§. I.

Ritus, seu Ordo sepeliendi Paruulos.

Cum igitur infans, vel puer baptizatus defunctus fuerit ante usum rationis, induitur iuxta ætatem, & imponitur ei corona defloribus, seu de herbis aromaticis, & odoriferis in signum

integritatis carnis & Virginitatis, & Parochus superpelliceo, & stola alba indutus, & alij de Clero, si adsint, praecedentes Cruce, qua sine basta deferitur, accedunt ad domum defuncti cum clerico aspersorium deferente Sacerdos aspergit corpus, deinde dicit Antiph. Sit nomen Domini. EV OV AE.

Psalm. 112.

Laudate pueri Dominum: laudate nomen Domini. Sit nomen Domini benedictum ex hoc nunc & vsque in saeculum. A solis ortu vsque ad occasum: laudabile nomen Domini. Excelsus super omnes gentes Dominus: & super celos gloria eius. Quis sicut Dominus Deus noster, qui in altis habitat: & humilia respicit in celo, & in terra? Suscitans a terra inopem: et de stercore erigens pauperem. Ut collocet eum cum principibus, cum principibus populi sui. Qui habitare facit sterilem in domo: matrem filiorum latantem. Gloria Patri, et Filio, etc.

Antiph. Sit nomen Domini benedictum, ex hoc nunc, et vsque in saeculum.

Dum portatur ad Ecclesiam, dicatur.

Psalm. 118.

Beati immaculati in via: qui ambulant in lege Domini. Beati qui scrutantur testimonia eius: in toto corde exquirunt eum. Non enim qui operantur iniquitatem, in vijs eius ambulauerunt. Tu mandasti: mandata tua custodiri nimis. Utinam dirigantur viæ meæ: ad custodiendas iustificationes tuas. Tunc non confundar: cum perspexero in omnibus mandatis tuis. Confitebor tibi in directione cordis: in eo, quod didici iudicia iustitiæ tuæ. Iustificationes tuas custodiam: non me derelinquas vsquequaque. In quo corrigit adolescentior viam suam? in custodiendo sermones tuos. In toto corde meo exquisiui te: ne repellas me à mandatis tuis. In corde meo abscondi eloquia tua: ut non peccem tibi. Benedictus es Domine: doce me iustificationes tuas. In labijs meis pronunciaui omnia iudicia oris tui. In via testimoniorum tuorum delectatus sum: sicut in omnibus diuitijs. In mandatis tuis exercebor: et considerabo vias tuas. In iustificationibus tuis meditabor: non obliuiscar sermones tuos. Gloria Patri etc.

Et si tempus superest, dici potest Psalm. Laudate Dominum de celis: ut habetur in Officio ad Laudes; cum alijs duobus sequentibus, & in fine: Gloria Patri, etc.

Cum autem peruenire ad Ecclesiam, dicatur.

Antiph. Hic accipiet EV OV AE.

Psalmus 23.

Domini est terra, et plenitudo eius: orbis terrarum, et vniuersi, qui habitant in eo. Quia ipse super maria fundauit eum, et super flumina preparauit eum. Quis ascendet in montem Domini: aut quis stabit in loco sancto eius? Innocens manibus, et mundo corde: qui non accepit in vano animam suam, nec iurauit in dolo proximo suo. Hic accipiet benedictionem à Domino: et misericordiam à Deo salutari suo. Hec est generatio querentium eum: querentium faciem Dei Iacob. Attolite portas principes vestras, et eleuamini portæ æternales: et introibit Rex gloriæ. Quis est iste Rex gloriæ? Dominus fortis & potens: Dominus potens in prælio. Attolite portas principes vestras, et eleuamini portæ æternales et introibit Rex gloriæ. Quis est iste Rex gloriæ? Dominus virtutum ipse est Rex gloriæ. Gloria Patri, et Filio, etc.

Antiph. Hic accipiet benedictionem à Domino, et misericordiam à Deo salutari suo, qui hæc est generatio querentium Dominum.

Postea dicitur: Kyrie eleison. Christe eleison. Kyrie eleison. Pater noster, secretò, intorin corpus aspergit. V. Et ne nos inducas intentionem. R. Sed libera nos à malo. V. Me autem propter innocentiam suscepisti. R. Et confirmasti me in conspectu tuo in eternum. V. Dominus vobiscum. R. Et cum spiritu tuo.

O R E M V S.

Omnipotens, et mitissime Deus, qui omnibus paruulis renatis fonte Baptismatis, dum migrant à seculo, sine vllis eorum meritis, vitam illic largiris eternam, sicut anime huius paruuli hodie credimus te fecisse: fac nos quesumus Domine, per intercessionem Beatę semper Virginis, & omnium Sanctorum tuorum hic purificatis tibi mentibus famulari. Et in Paradiso cum beatis paruulis perenniter sociari. Per Christum Dominum nostrum. R. Amen.

Dum portatur ad tumulum, & etiam si tunc non portatur dicitur.

Antiph. Iuuenes et Virgines. EV OV AE. Ps. Laudate Dominum de celis, etc. ut habetur in Officio ad Laudes, & in fine: Gloria Patri, etc. et repetitur. Antiph. Iuuenes, et Virgines, senes cum iunioribus laudent nomen Domini.

Kyrie eleison. Christe eleison. Kyrie eleison. Pater noster, etc. V. Et ne nos inducas in tentationem. R. Sed libera nos à malo. V. Sinite paruulos venire ad me. R. Talium est enim regnum

O 3 gnum

gnum cœlorum. *Ps.* Dominus vobiscum.
R. Et cum spiritu tuo.

O R E M V S.

Omnipotens sempiterne Deus, sanctæ puritatis amator, qui animam huius paruuli ad cœlorum regnum hodie misericorditer vocare dignatus es; digneris etiam Domine ita nobiscum misericorditer agere, ut meritis tuæ sanctissimæ Passionis, & intercessione Beatæ Mariæ semper Virginis, & omnium Sancto-
 rum tuorum, in eodem regno nos cum omni-
 bus Sanctis, & electis tuis semper facias con-
 gaudere. Qui vivis, & regnas cum Deo Patre
 in unitate Spiritus &c.

Deinde Sacerdos corpus asperget aqua benedicta,
 & thurificet; similiter & tumulum; postea sepelitur.
 Cum autem à sepultura reuertuntur in Eccle-
 siam, dicitur:

Antiph. Benedicite. *EV O V AE.*

Canticum trium Puerorum Daniel. 3. Benedici-
 te omnia opera Domini Domino, &c. Gloria.

Antiph. Benedicite Dominum omnes electi
 eius, agite dies lætitiæ, & confitemini illi.

Deinde ante altare dicit Sacerdos: Dominus vo-
 biscum. *R.* Et cum spiritu tuo.

O R E M V S.

Deus qui miro ordine Angelorum ministe-
 ria, hominumque dispensas, concede
 propitius, ut à quibus tibi ministrantibus in
 cœlo semper assistitur, ab his in terra vita no-
 stra muniat. Per Christum Dominum no-
 strum, &c.

DE SACRAMENTO MATRI-
MONII.

Ps. I.
 Ritus celebrandi Matrimonij Sacra-
 mentum.

Sacerdos Matrimonium celebraturus, Publica-
 tionibus factis tribus diebus festis, si nullum ob-
 stet legitimum impedimentum: in Ecclesia, superpel-
 liceo, & alba stola indutus, adhibito vno saltem Cle-
 rico superpelliceo pariter induto, qui librum, & var
 aqua benedicta cum aspersorio deferat coram tri-
 bus, aut duobus testibus, virum & mulierem, quos
 parentum, vel propinquorum suorum presentia cobo-
 nestari decet, de consensu in matrimonium interroget
 utrumque; sigillatim in hunc modum vulgari sermone.
N. Vis accipere *N.* presentem in tuam legi-

timam uxorem iuxta Ritus Sanctæ Matris
 Ecclesiæ? *Respondeat sponsus:* Volo. Mox sacerdos
 sponsam interroget: *N.* Vis accipere *N.* hic præ-
 sentem in tuum legitimum maritum iuxta Ri-
 tum sanctæ Matris Ecclesiæ? *Respondeat:* Volo.
*Nec sufficit consensus vnus; sed debet esse amborum
 & expressus aliquo signo sensibili, siue fiat per se, siue
 per procuratorem. Mutuo igitur contrahentium con-
 sensu intellecto, Sacerdos iubet eo iuvicem iungere
 dexteras, dicens: Ego coniungo vos in Matrimo-
 nium; in nomine Patris, & Filij, & Spiritus
 Sancti, Amen. Vel alijs utatur verbis iuxta re-
 ceptum vniuscuiusque Prouinciæ Ritus, postea eos
 aspergat aqua benedicta; mox benedicat annu-
 lum.*

Benedictio annuli.

Ps. Adiutorium nostrum in nomine Domi-
 ni. *R.* Qui fecit cœlum & terram. *Ps.* Domine
 exaudi orationem meam. *R.* Et clamor meus
 ad te veniat. *Ps.* Dominus vobiscum. *R.* Et cum
 spiritu tuo.

O R E M E S.

Benedic & Domine, annulum hunc, quem
 nos in tuo nomine benedicimus, & ut que
 eum gestauerit, fidelitatem integram suo spon-
 so tenens, in pace, & voluntate tua permaneat,
 atque in mutua charitate semper viuat. Per
 Christum Dominum nostrum. *R.* Amen.

Deinde Sacerdos aspergat annulum aqua benedi-
 cta in modum Crucis, & sponsus acceptum annulum
 de manu Sacerdotis imponit in digito annulari fini-
 stra manus sponsæ. Sacerdote dicente: In nomine
 Patris, & Filij, & Spiritus Sancti Amen.
 Mox coniungat. *Ps.* Confirma hoc Deus, quod
 operatus es in nobis. *R.* A templo sancto tuo,
 quod est in Ierusalem. Kyrie eleison. Christe
 eleison. Kyrie eleison. Pater noster, &c. *Ps.* Et
 ne nos inducas in tentationem. *R.* Sed libera
 nos à malo. *Ps.* Saluos fac seruos tuos. *R.* Deus
 meus sperantes in te. *Ps.* Mitte eis Domine au-
 xilium de sancto. *R.* Et de Sion tuere eos.
Ps. Esto tu Domine turris fortitudinis. *R.* A fa-
 cie inimici. *Ps.* Domine exaudi orationem
 meam. *R.* Et clamor meus ad te veniat. *Ps.* Do-
 minus vobiscum. *R.* Et cum spiritu tuo.

O R E M V S.

Respice quæsumus, Domine, super hos fa-
 mulos tuos; & institutis tuis quibus pro-
 pagationem humani generis ordinasti, beni-
 gnus assiste, ut qui Te auctore iunguntur, te
 auxi-

auxiliante feruentur. Per Christum Dominum nostrum. Amen.

His expletis, si benedicenda sint nuptiae, Sacerdos Missam pro sponso & sponsa, ut in Missali Romano celebret seruatis omnibus, quae ibi praefertuntur.

Ceterum, si quae Prouinciae alij, ultra praedictas, laudabilibus consuetudinibus, & caeremonijs in celebrando Matrimonij Sacramento vtantur, eas sancta Tridentina Synodus optat retineri.

§. II.

Benedictio mulieris post partum.

SI qua puerpera post partum iuxta piam, ac laudabilem consuetudinem ad Ecclesiam venire voluerit pro incolunitate sua Deo gratia actura, petieritque à Sacerdote benedictionem, ipse superpelliceo, & stola alba indutus, cum ministro aspergillum deferente ad fores Ecclesiae accedat, ubi illam foris ad limina genuflectentem, & candelam accensam in manu tenentem, aqua benedicta aspergat; deinde dicat; *Y. Adiutorium nostrum in nomine Domini. R. Qui fecit coelum & terram. Antiphona: Hæc accipiet benedictionem à Domino. Psalmi Domini est terra, &c. totum vt supra pag. 480. Gloria Patri, &c. Hæc accipiet benedictionem à Domino, & misericordiam à Deo salutari suo: quia hæc est generatio quærentium Dominum.*

Deinde porrigens ad manum mulieris extremam partem stole, eam introducit in Ecclesiam, dicens: Ingredere in templum Dei, adora filium Beatae Mariæ Virginis, qui tibi fecunditatem tribuit proles.

Et ipsa ingressa genuflectit coram Altari, & oret gratias agens Deo de beneficijs sibi collatis, & Sacerdos dicit: Kyrie eleison. Christe eleison. Kyrie eleison. Pater noster. secret. Y. Et ne nos inducas in tentationem. R. Sed libera nos à malo. Y. Saluam fac ancillam tuam Domine. R. Deus meus sperantem in te. Y. Mitte ei Domine auxilium de sancto. R. Et de Sion tuere eam. Y. Nihil proficiat inimicus in ea. R. Et filius iniquitatis non apponat nocere ei. Y. Domine exaudi orationem meam. R. Et clamor &c. Y. Dominus vobiscum. R. Et cum spiritu tuo.

O R E M V S.

OMnipotens sempiterne Deus, qui per Beatae Mariæ Virginis partum fidelium patientium dolores in gaudium vertisti: respice propitius super hanc famulam tuam, ad tem-

plum sanctum tuum pro gratiarum actione letam accedentem, & presta, vt post hanc, eiusdem Beatae Mariæ meritis, & intercessionem, ad æternæ beatitudinis gaudia cum prole sua peruenire mereatur. Per Christum Dominum nostrum. Amen.

Deinde illam aspergit iterum aqua benedicta in modum crucis, dicens: Pax & benedictio Dei omnipotentis Patris, & Filij, & Spiritus sancti descendat super te, & maneat semper. Amen.

RITVS SIVE ORDO

Conficiendi Aquam benedictam.

Ex Rituali Romano.

Diebus Dominicis, & quandocumque opus fuerit preparato sale, & aqua munda benedicenda in Ecclesia, vel in Sacristia. Sacerdos eum superpelliceo, & stola violacea indutus, primo dicit.

Y. Adiutorium nostrum in nomine Domini.

R. Qui fecit celum & terram.

Deinde absolutè incipit exorcismum salis.

Exorcizo te creatura salis per Deum & verum, per Deum & sanctum, per Deum, qui te per Eliseum Prophetam in aquam mitti iussit, vt sanatur sterilitas aquæ: vt efficiaris sal exorcizatum in salutem credentium: & sis omnibus sumentibus te sanitas animæ & corporis: & effugiat atque discedat à loco, in quo aspersum fueris, omnis phantasia, & nequitia, vel versutia diabolicæ fraudis, omnisque spiritus immundus adiutus per eum, qui venturus est iudicare viuos & mortuos, & sæculum per ignem. *R. Amen.*

O R E M V S.

Immensam clementiam tuam, omnipotens æternæ Deus, humiliter imploramus, vt hanc creaturam salis, quam, in vsum generis humani tribuisti, benedicere, & sanctificare tua pietate digneris, vt sit omnibus sumentibus salus mentis & corporis: & quicquid ex eo tactum, vel respersum fuerit, careat omni immuditia, omni impugnatione spiritus nequitiae. Per Christum Dominum nostrum. *R. Amen.*

Exorcismus aquæ, & dicatur sine OREMVS.

EXorcizo te creatura aquæ, in nomine Dei Patris omnipotentis, & in nomine Iesu Christi Filij eius Domini nostri, & in virtute Spiritus sancti: vt fias aqua exorcizata ad

O 4 effu-

effugandam omnem potestatem inimici; & ipsum inimicum eradicare, & explantare valens cum Angelis suis apostaticis: per virtutem eiusdem Domini nostri Iesu Christi, qui venturus est iudicare vivos, & mortuos, & sæculum per ignem. *R. Amen.*

O R E M V S.

DEus, qui ad salutem humani generis maxima quæque Sacramenta in aquarum substantia condidisti: adesto propitius inuocationibus nostris, & elemento huic multimodis purificationibus preparato, virtutem tuæ benedictionis infunde, vt creatura tua mysterijs tuis seruens ad abigendos dæmones, morbosque pellendos diuinæ gratiæ sumat effectum; vt quicquid in domibus, vel in locis fidelium hæc vnda resperferit, careat omni immunditia, liberetur à noxa: non illic resideat spiritus pestilens, non aura corrumpens: discedant omnes insidiæ latentis inimici: & si quid est, quod aut incolumitati habitantium inuidet, aut quieti, aspersione huius aquæ effugiat, vt salubritas per inuocationem sancti tui nominis expetita, ab omnibus sit impugnationibus defensa. Per Dominum, &c. *Hic mittat sal in aquam in modum crucis, dicendo semel.* Commixtio salis, & aquæ pariter fiat: In nomine Patris, & Filij, & Spiritus sancti. *R. Amen.*

Y. Dominus vobiscum.

R. Et cum spiritu tuo.

O R E M V S.

DEus inuictæ virtutis auctor, & insuperabilis imperij Rex, ac semper magnificus triumphator: qui aduersæ dominationis vires reprimis: qui inimici rugientis sæuitiam superas: qui hostiles nequitias potenter expungnas, te Domine tremantes, & supplices deprecamur, ac petimus, vt hanc creaturam salis, & aquæ dignanter aspicias, benignus illustras, pietatis tuæ rore sanctifices, vt ubicumque fuerit aspersa, per inuocationem sancti tui nominis, omnis infestatio immundi spiritus abigatur, terrorque venenosi serpentis procul pellatur: & præsentia sancti Spiritus nobis misericordiam tuam poscentibus ubique adesse dignetur. Per Dominum nostrum, &c. in vnitatem eiusdem Spiritus sancti, &c.

Post benedictionem aquæ Sacerdos Dominicis diebus antequam incipiat Missam, aspergit Altare, deinde se, Ministros, ac populum, prout in Missa præscribitur.

Benedictio Domus cum aspersione Aquæ Benedictæ.

Parochus vel alius Sacerdos volens aliquam particularem domum, vel generaliter domos fidelium alio tempore infra annum aspergere aqua benedicta, ingredienti domum dicant: Pax huic domui, & omnibus habitantibus in ea. Deinde loca aspergendo dicat: *Antiph.* Asperges me Domine hyssopo, & mundabor, lauabis me, & super niuem dealbabor. *Psalms.* Miserere mei Deus, secundum magnam misericordiam tuam, &c. Gloria Patri, &c. *Et repetitur Antiph.* Asperges me Domine, &c. *Y.* Domine exaudi orationem meam. *R.* Et clamor meus ad te veniat. *Y.* Dominus vobiscum. *R.* Et cum spiritu tuo.

O R E M V S.

Exaudi nos, Domine sancte, Pater omnipotens, æterne Deus, & mittere digneris sanctum Angelum tuum de cælis, qui custodiat, foueat, protegat, visitet, atque defendat omnes habitantes in hoc habitaculo. Per Christum Dominum nostrum. *R. Amen.*

Deinde aspergat aqua benedicta.

Benedictio ordinaria Loci cuiuslibet.

Vers. Adiutorium nostrum in nomine Domini. *R.* Qui fecit cælum, & terram. *Y.* Domine exaudi orationem meam. *R.* Et clamor meus ad te veniat. *Y.* Dominus vobiscum. *R.* Et cum spiritu tuo.

O R E M V S.

Benedic Domine Deus omnipotens Locum istum (vel domum illam) vt sit in eo (vel in ea) sanitas, castitas, victoria, virtus, humilitas, bonitas, mansuetudo, plenitudo legis, & gratiarum actio Deo Patri, & Filio, & Spiritui sancto; & hæc benedictio maneat super hunc Locum, & super habitantes in eo, nunc & semper. *R. Amen.*

Et aspergat aqua benedicta.

Benedictio Domus nouæ.

Vers. Adiutorium nostrum in nomine Domini. *R.* Qui fecit cælum & terram. *Y.* Dominus vobiscum. *R.* Et cum spiritu tuo.

ORE-

O R E M V S.

TE Deum Patrem omnipotentem suppliciter exoramus pro hac domo, & habitatoribus eius, ac rebus: vt eam benedicere, & sanctificare, & ac bonis omnibus ampliare digneris: tribus eis Domine, de rore celi abundantiam, & de pinguedine terre vitę substantiam, vt desideria voti eorum ad effectum tuę miserationis perducas. Ad introitum ergo nostrum benedicere & sanctificare digneris hanc domum, sicut benedicere dignatus es domum Abraham, Isaac, & Iacob; & intra parietes domus istius Angeli tuę lucis inhabitent, eamq; & eius habitatores custodiant. Per Christum Dominum. R. Amen.

Deinde aspergat aqua benedicta.

*Benedictio communis super fruges,
& vineas.*

Verf. Adiutorium nostrum in nomine Domini. R. Qui fecit cælum & terram. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

O R E M V S.

ORamus pietatem tuam omnipotēs Deus, vt has primitias creaturę tuę, quas aeris & pluuię temperamento nutrire dignatus es, benedictionis tuę imbre perfundas: & fructus terrę tuę vsque ad maturitatem perducas. Tribuas quoque populo tuo de tuis muneribus tibi semper gratias agere, vt à fertilitate terrę esurientium animas bonis affluentibus repleas, & egenus & pauper laudent nomen glorię tuę. Per Christum Dominum nostrum. R. Amen.

Aspergat illas aqua benedicta.

Benedictio nouorum fructuum.

Verf. Adiutoriū nostrum in nomine Domini. R. Qui fecit cælum & terram. V. Dominus vobiscum. R. Et cum spiritu tuo.

O R E M V S.

Benedic, Domine hos nouos fructus N. & præsta, vt qui ex eis in tuo sancto nomine vescantur, corporis & animę salute potiantur. Per Christum Dominum nostrum. Amen. Et aspergat aqua benedicta.

Benedictio seminum ac segetum, in festo Natiuitatis B. V. Marię.

Verf. Adiutorium nostrum in nomine Domini. R. Qui fecit cælum & terram. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

O R E M V S.

TE Domine sancte Pater, omnipotens sempiternus Deus petimus ac rogamus: vt hos fructus segetum tuis serenis oculis, hilarique vultu aspicere digneris. Et sicut testatus es Moyse famulo tuo in terra Ægypti, dicens: Dic filiis Israel, cum ingressi fuerint terram promissionis, quam eis dabo: vt primitias fructuum suorum offerant Sacerdotibus; & erunt benedicti. Sic & nos rogamus te Domine: vt per auxilium misericordię tuę, emittas super hunc fructum segetum dexterę tuę benedictionem, quas ad exhibendum proferre digneris: vt non subruat grando, neque turbo subuertat, nec vis tempestatis detruncet, nec aeris inundatio exterminet: sed semper incolumis permaneat, propter vsum animarum & corporum, & ad bene abundantem, & plenissimam maturitatem perducere digneris. Qui in Trinitate perfecta viuīs & regnas Deus, per omnia sæcula sæculorum. R. Amen.

O R E M V S.

Omnipotens sempiternus Deus, celestis verbi seminator & cultor, qui nostri cordis aream spiritualibus rastris exerces: adesto propitius precibus nostris, & super agros, quibus hæc semina fuerint insita, tuam largam benedictionem infunde, ac ab eis omnem vim procellarum gratiæ tuę defensoris auerte: vt omnis hic fructus, & tua benedictione repleatur, et ad horrea sine impedimento perueniat. Per Dominum nostrum Iesum Christum.

Tunc iburificentur semina, & aspergantur aqua benedicta.

Forma brevis Exorcismi aduersus demonis in aliquo homine obsessionem, aut maleficia.

Sacerdos indutus superpelliceo & stola, etiam afflicti collum altera stola obuoluat, per quam

quam quasi in tutelam eum assumat, & sibi iungat, vel in maiorem fiduciam erigatur. Deinde post humilem inuocationem S. Spiritus, & adstantium monitionem, ut suas preces cum Sacerdotis actione coniungat.

Et muniens seipsum signo Crucis, dicat clara voce:

In nomine Patris, & Filij, & Spiritus sancti, Amen.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

O R E M V S.

O Mnipotens Domine, Urbem DEI Patris, Christe Iesu, qui sanctis Apostolis tuis dedisti potestatem calcandi super serpentes & scorpiones, & super omnem virtutem inimici; & cuius virtute victus, tanquam fulgur de cœlo, Satanas cecidit: tuum nomen tremens supplexque deprecor, ut mihi indignissimo seruo tuo data venia peccatorum, confidentiam & virtutem donare digneris, ut hunc crudelem draconem brachij tui potentia securus aggrediar. Qui viuis & regnas cum Deo Patre, &c. ℞. Amen.

O R E M V S.

O Mnipotens sempiterne Deus, à cuius facie cœli distillant, montes sicut cera liquefcunt, terra tremit; cui patent abyssi, quem infernus pauescit; Te supplex deprecor, ut inuocatione tui nominis huius famuli tui (vel famulæ tuæ) N. anima à vexatione liberata, ad auctorem suæ salutis recurrat, liberatoremque suum, diabolico depulso fectore, & odore suauissimo Spiritus sancti percepto, sequatur Dominum nostrum IESVM Christum Filium tuum. Qui tecum viuit & regnat, &c. ℞. Amen.

Tunc energumenus, si possit, clara voce dicat Symbolum Apostolorum, præeunte Sacerdote, qui statim dicat.

℣. Benedicamus Patrem & Filium, cum sancto Spiritu.

℞. Laudemus & superexaltemus eum in secula.

℣. Dominus vobiscum.

℞. Et cum Spiritu tuo.

O R E M V S.

O Mnipotens sempiterne DEVS, qui dedisti famulis tuis in confessione veræ fidei æternæ Trinitatis gloriam agnoscere, & in potentia Maiestatis adorare vnitatem; quæsumus ut eiusdem fidei firmitate, ab omnibus semper muniamur aduersis. Per Christum Dominum nostrum. ℞. Amen.

Exorcismus hic brevis subinde repetit possit, cum recitatione Euangelij. In principio, &c. Longior eius prosecutio, & dispositio in Rituali, aut Pastoralis continetur.

Exorcismus domus à malis spiritibus vexatæ.

Sacerdos indutus superpelliceo & stola, dicit. In nomine Patris, & Filij, & Spiritus sancti. Amen. Deinde flexis genibus Hymnum. Veni Creator Spiritus, &c.

℣. Exurge Christe, adiuua nos.

℞. Et libera nos propter nomen tuum.

℣. Adiutorium nostrum in nomine Domini.

℞. Qui fecit cœlum & terram.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

O R E M V S.

Defende, quæsumus Domine, beata Maria semper Virgine intercedente cum omnibus Sanctis tuis, istam ab omni aduersitate familiam: & toto corde tibi prostratam, ab hostium propitius tuere clementer insidijs. Per Christum Dominum nostrum. ℞. Amen.

O R E M V S.

O Mnipotens sempiterne Deus, qui Sacerdotibus tuis tantam gratiam contulisti, ut quidquid in tuo nomine dignè perfecteque ab eis agitur, à te fieri credatur; quæsumus immensam clementiam tuam, ut quo modo visitaturi sumus, visites: & quidquid benedicturi, bene & dicas; & ad ea quæ acturi sumus dexteram tuæ potentie extendas: fiatque ad nostræ humilitatis introitum (Sanctorum tuorum meritis,) fuga dæmonum, & Angeli pacis ingressus. Per Christum. ℞. Amen.

ORE-

O R E M V S.

DEVUS Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, & omnium bene viventium: Deus & Pater Domini nostri Iesu Christi, te inuoco, & nomen sanctum tuum, ac præclaræ Maiestatis tuæ clementiam supplex deosco, ut mihi auxilium præstare digneris aduersum nequissimum spiritum; ut ubicumque sit, audito nomine tuo velociter exeat, & recedat. Per Christum Dominum nostrum. R. Amen.

Adiuratio.

A Diuro te serpens antiquæ, per Iudicem viuorum, & mortuorum, per Factorem mundi, qui habet potestatem mittere te in gehennam, ut ab hac Domo festinus discedas: Ipse tibi imperat maledicte Diabole qui ventis ac mari & tempestatibus imperauit. Ipse tibi imperat, qui te de supernis celorum in inferiora terræ demergi præcepit. Ipse tibi imperat, qui te retrorsum abire præcepit. Audi ergo Satana, & time, & victus & prostratus recede, adiuratus in nomine Domini nostri IESV Christi: Qui venturus est iudicare viuos & mortuos, & sæculum per ignem. R. Amen.

Deinde Sacerdos incipiet quindecim Psalmos Graduales, qui sunt inter alios Psalmos magis proprii ad hanc materiam; legendoque aspergat aqua benedicta domus loca, illa potissimum ubi sit maior infestatio, ac primum inferiorem partem domus. Moneatque assistentes ut preces suas cum ipsi coniungant.

FORMVLAE PASTORALES.

Pro Testimonijs varijs, quæ ab ijs requiruntur, ex Manuali Pastorum desumpta.

FORMVLA scribendi Testimonium pro ijs, qui agent Dispensatione Proclamationum ante nuptias.

FACTA per me infra scriptum Rectorem Parochialis Ecclesiæ loci de... Districtus... Diæcesis N. diligenti inquisitione apud Personas fide dignas super libertate NN. & N. N. Subditorum prædictæ Parochialis, cunctipotentium inter se ritè contrahere Matrimonium. Scio & testificor eos ad id esse li-

beros, & ab eo non prohiberi per aliquod canonicum impedimentum. Insuper ipsos esse boni nominis & famæ, & in Catholica fide quam profitentur, esse sufficienter instructos, ut per examen deprehendi: Denique eorundem Parentes consentire in prædictum præsum Matrimonium, prout ex ore eorundem parentum coram didici. Et quia prædicti nupturientes excurrunt, ut gratiam dispensationis proclamationum obtineant, & allegant pro causa quod &c. Fidem facio causam illam reuera subesse. Datum die... anno....

Apponendo suum Nomen & Sigillum. Et ante omnia curando, ut prædicta fuerint, debite examinata & probata.

FORMVLA.

Testimonij Pastoralis, pro ijs, qui migrant ex una Prouincia, Ciuitate, Oppido vel Pago, ad aliam Prouinciam, Ciuitatem, Oppidum vel Pagum.

EGO infra scriptus Pastor Ecclesiæ Parochialis N. Ciuitatis N. vel Oppidi N. vel Pagi N. fidem facio NN. & NN. personas in legitimo Matrimonio constitutas, & hinc aliud cum suis prolibus & domesticis demigrantes, esse Catholicæ & Orthodoxæ fidei cultores, Ecclesiam suam Parochialem & Sacramenta diligenter frequentasse, quamdiu apud nos fuerunt, & non fuisse in villo scandalosos, nec esse notatos vlla infamia; sed è contra istam familiam, & singulares eius personas mihi esse notas, ut probæ vitæ & conuersationis, & ab honestatæ vitæ ac morum esse commendabiles, uti in qualitate mea supra scripta mihi constat ex speciali eorum notitia & inspectione... vel, ex fide dignorum vicinorum testimonio... vel tam ex fide dignorum testimonio, quam ex personali notitia... vel quia habitauerunt in vicinia mea per Annos...

Quod si is, qui petit testimonium, est iuuenis intendens peregrè proficisci, verbi gratia, ad Urbem Romanam, ad Diuam Virginem Lauretana, Compostellam ad S. Iacobum, vel ad terram Sanctam, Sancta ibidem loca veneraturus, expedit etiam ea in testimonio specialiter exprimi.

FORMVLA. Approbationis Episcopalis ad Confessiones audiendas exprimitur supra Tom. 2. pag. 149.

FORMVLA. Testamenta ritè conficiendi indicatur supra Tom. 2. tit. 5. pag. 236.

FOR

FORMULA. Accurata, & varia scribendi Romam pro dispensatione, vel, aliqua Facultate, siue in casibus Matrimonialibus, siue in alijs ad Penitentiariam Romanam, &c. exprimitur in proprio tenore supra Tom. 2. tr. 4. pag. 206.

Item in causis pertinentibus ad alia Ecclesiæ Tribunalis pag. 244.

N O T A.

Probuiusmodi Testimonijs, Litteris, Petitionibus aut commendationibus ad Personas in Dignitate constitutas, per commodum erit Viro Ecclesiastico, alijsque, in promptu habere Titulos, & Inscriptiones communiore, quæ personis talibus in particulari attribuntur, ideoque illa in eius gratiam hic conor annotare.

Tituli proprii variarum personarum, dignitatum, &c.

Pontifex, Sanctissimus Pater. Imperator, Augustissimus Cæsar.

Cardinalis, Eminentissimus. Archiepiscopus, Illustrissimus. Episcopus, Reuerendissimus, nunc additur, Illustrissimus. Abbas, Reuerendus admodum, &c. Pro varia qualitate. Pleraque alie Dignitates inferiores Amplissimi Domini, titulo gaudent, Doctor Theologiæ dicitur. Eximius Licentiatu Theologiæ, Eruditissimus. Graduatius inferior, Doctissimus. Doctor Iuris, Clarissimus. Aduocatus, Consultissimus. Doctor Medicinæ, Expertissimus. Reges Serenissimi, Potentissimi, &c. Rex Hispaniæ, Catholicus. Rex Galliæ, Christianissimus. Principes plerique & Archiduces Serenissimi. Comites, Illustrissimi, & Barones, Per illustres. Dynastiæ aut Toparchæ, Nobilissimi. Consules, Amplissimi. Ex Nobilibus priuatis, alij Nobiles Domini, alij Prænobiles inscribuntur.

Hi sunt Tituli communiore, quamuis forte non ubique eiusdem tenoris. Quando in eadem persona concurrunt plures Dignitates, solent earum proprii Tituli in Inscriptione coniungi. Sed in his, ceterisque omnibus, viro Ecclesiastico, nobisque, hoc sit primum & vltimum, ut singula referantur.

AD MAIOREM DEI GLORIAM.



EXEM-

EXEMPLAR

221

Dedicationum priorum, aliarum Editionum huius Operis, Viris Apostolicis
Missionis Belgicæ, Anglicæ, & Hibernicæ.

*Cum Prosecutione ELOGII specialis, de gloriosa Morte illorum, qui recentius in
Germania, Anglia, & Hibernia pro Deo & Proximo vitam & sanguinem
profuderunt, ut Primas Hiberniæ Archiep. Dublinensis, &c.*

Ipsa frons prima huius Operis non
obscure prodit, quos sibi Patronos
designet. Vos (Missionarij Aposto-
lici,) vos militantis Ecclesiæ lectis-
simos Pugiles cum Hæresi, cum Vitijs,
cum inimicis Crucis Christi ubique de-
præliantes, suos sibi Mecenates ambit, &
me tacente deposcit. Si Germaniam qua
patet vniuersam, si amplissima Angliæ,
& Hiberniæ Regna, si multiplices Belga-
rum Prouincias latè circumspiciamus,
habet sanè ætas nostra ex omnibus Eccle-
siæ membris strenuissimos Fidei Defen-
sores, ac veros Machabæos, de quorum la-
boribus, prælijs ac trophæis meritò sibi
possit gratulari. Atque inter hos omnes
Operis huius Patronos, Vobis imprimis,
Missionis Flandro-belgicæ Socij, illud sin-
gulari quodam iure deberi, nemo nisi in-
iurius inficiabitur. Etenim si quid est in
Authore facultatis, si quid scientia, id
omne à primis religiosæ vitæ incunabulis
Prouincia huius institutionis sanctissimæ,
se acceptum referre nunquam satis testa-
bitur. Accedit eiusdem Prouinciæ in pro-
uehendis vndique Missionibus Apostoli-
cis ardor perpetuus, labor immensus, in-
dustria singularis, & nullis limitibus cir-
cumscripta. Quæ scilicet vna, præter
amplissimas Missiones, Bataucas, Na-
uales, Castrenses, & alias quas suo sinu
domi complectitur, ad remotissimas
etiam Gentes longè, latèque suos Socios,
ac labores extendit.

Atque imprimis, laboris vestri pri-
mordia circumspicienti, occurrit il-
le Prouinciarum confederatarum status
ab hominum memoria longè deploratis-
simus, quando vna cum auita Fide pulsus
vndique fidei Præconibus, nihil aliud su-
peresse videbatur, quàm perpetuum Re-

ligionis Romanæ, ac pristinæ Pietatis exi-
lium. Sollicitauit Sociorum animos vici-
na illa Patriæ calamitas, ex quibus viri
lectissimi, spretis hostium insidijs, vinculis
ac carceribus, pro communi salute caput,
& vitam vltro offerre non dubitarunt.
Duces huic expeditioni sese præbuerunt
Gulielmus Leonius, & Cornelius Duy-
sius, qui multa clam, multa palam per-
pessi, Apostolico ritu Prouincias vndique
lustrantes, palabundas Catholici nominis
reliquias in vnum congregarunt, infirmos
in fide roborarunt, atque innumeros la-
psos ac deuios in viam salutis reuocarunt.
Horum inter vndas Bataucas primus ar-
dor, in absentium quoque Sociorum pe-
toribus nouas flammæ excitauit. Secu-
ti sunt in eandem palæstram ex vniuer-
sa Prouincia Athletæ fortissimi, qui rebus
Religionis ubique inclinatis Athlanticos
humeros supposuerunt. Atque inter pri-
mos Frisiam ad ortum occasumque lu-
strauit, firmavitque Ioannes Bargius: Ze-
landiæ insulas vnus eo tempore excolauit
Nicolaus Romæus, qui verbo & scripto
Sectariorum audaciam repressit, & Cal-
uinum, detracta larua, suis adumbratum
coloribus Scriptis repræsentauit. His in-
messem nimis amplam, sed ea tempesta-
te operarijs vacuam, opportunè alij at-
que alij Sociorum manipuli succedere, ac
venturis postlimino ex Clero tam regula-
ri, quam sæculari auxiliarijs copijs,
qua licuit industria, ampliorem laboris
campum apparuere.

Nequē defudit in hodiernum vsque
diem primæuus ille Sociorum ar-
dor. Ad vos, Viri Apostolici, qui eandem
Vineam etiamnum excolitis, amplocum
scenore transferunt illi priorum tempo-
rum labores, prælia, pericula, sed & con-
iun-

iuncta periculis gloria. Nullus hic mihi calamus describet, quot vobis decurrant in cura animarum noctes infomnes, quot subeunda cum fidei hostibus certamina, quot declinandæ insidiæ, quot sustinendi carceres ac vincula, & grauiora vinculis discrimina. Sed vel sic cum Apostolo palam facitis, verbum Dei non esse alligatum. Non tantum sonat in pulpitis, auditur etiam in ergastulis ac vinculis, per rura, & campos, & naues, & privata summorum infirmorumque domicilia vestra vox, labor & prædicatio decurrit. Multos quidem Heroes è Societate Belgica quotannis per octoginta, & amplius annos, labor hic improbus immaturo funere conficit ac consumit. At nunquam defunt noui Athletæ, qui priorum casu animati potius quam terri, in palæstra tam nobili & vitam & sanguinem profunderè vltro exardescunt.

Vobis igitur qui vineam istam hodie immenso labore, nec minori cum gloria constanter excolitis. Vobis, inquam, nouam hanc Operis huius Editionem nouo iure dedicamus, vtpotè in quibus præclara Maiorum in eâ Missionem decora, nouo semper incremento reflorescunt.

Sed ecce ad remotiora dum rapior, domestica præter eo. Habet Societas Flandrica in Missione Batavica suas Indias, sed habet etiam in ipsa Flandria suam Bataviâ. Vix aliquod est huius Prouinciæ Collegium, ex quo Apostolico spiritu ad varias è propinquo Missiones, aut sacras Institutiones non excurrunt. Quas ego si singulas pro meritò recensere, mihi quoque longius exturrendum foret.

AD vos igitur (sacræ Militiæ assecclas) demum venerabundus accedo, qui Missioni Castrensi inter mille mortis discrimina sanguinem & vitam aut consecratis, aut pridem consecratis. De vestra virtute, infractis animis, ac laboribus immensis, meritò sibi Societas Flandrica gratulatur, quibus Belgium, præ cæteris Gentibus, continuum pæne Martis domicilium, perpetuum aperit gloriæ theatrum. Nec noua vobis, nec obscura est hæc laudis ac laboris palæstra.

Primus huius militiæ Ductor Thomas Saillius, à Principe Parmensi in conscientiæ sua arbitrum adscitus, gregarijs quoque militibus in cunctis laboribus ac periculis inuidio animi robore, diu noctuque præfuit. Princeps ex ardore tam generoso præcellsum Thomæ animum velut ex vngue leonem admiratus, plures huiusmodi Belgicos leones Castris suis adiungi peroptauit. Et quamuis eo tempore vix par laboribus Sociorum numerus Collegia incoletet, oblatis sunt Principi Patres duodecim, quos ille primum in familiam suam adsciuuit, deinde morte militari Libris Regis inscribi, & in Missionem perpetuam firmari voluit. Quantum hic exercendæ virtutis, tam propriæ, quam alienæ campus patefcat, quanti per annos plusquam octoginta exanthlatis labores, non tantum rerum in hoc Martio campo gestarum multitudine, sed etiam plurimorum Patrum sanguine, consignatum habemus. Versatur adhuc in hominum atque annalium memoria, Nicolaus Montanus, dictus per excellentiam Burgundionum Apostolus, qui ad Sancti Quintini sanum multo vulnere confectus interiit. Et vt alios præteream: in pugna Neoportana, inclinata belli fortuna, cum Patres Castrenses inter laceros miserorum artus, & cadauera aures adhuc spirantibus præberent, Petrus Buzelinus ab hoste hæretico comprehensus, & glande traiectus fuit. Sed & Laurentium Euerardi, hostili cuneo immisum, & pro Societatis homine agnitum, Calviniana crudelitas interemit. Aliam huic victimam, Othonem Campensem, pro aliena salute laborantem, eadem perfidorum rabies adiunxit. Cætera si persequar his similia, iliadem conficiam. Infinitum quippè foret enarrare huius Missionis casus, & pericula, quæ in urbium obsidionis, cruentis congressibus ac prælijs, sequentia deinceps tempora peperere.

Sed à Martis Regno ad Neptunum transeamus: huius quoque imperium amplissimum Blandrobelgicæ Prouinciæ navalis Missio peruat, soli Belgio propria, & à Principibus Austriacis solenni diplomate Societati demandata. Arduum fanè

sanæ manus, & illis tantum destinari solitum, quibus animus est insigni robore septus, & vires animo pares. Hic nullus timori, nullus fugæ locus: quamuis & tonet cœlum, & fremant procellæ, & totus ex imò commoueatur oceanus, immoto tamen animo persistendum est, qui nec conspecta morte pauescat, nec alios pauere patiatur. Vt nihil dicam de nauis marina, de morborum contagione, de nautarum militumque colluie, quid magis arduum videtur, quam animos illos, ipso oceano maiores, vnus lignei carceris ergastulo dies noctesque coarctari: donec his angustiis pariter cum corpore soluti tumultum domicilio ampliorem in medio æquore frequenter inueniant. Plures sub hoc marmore æquoreo sepultos Apostolicos Heroes promptum foret, sed prolixum, ex huius Prouinciæ monumentis enumerare.

Pergite illustre animæ, Terras & terræ a tergo relinquitæ, immensa maris spatia peragrate, non vt velut aureum è Colchide, sed vt animas pretioso Christi sanguine redemptas è barathri faucibus eripiat. Scuiant procellæ, assurgant vndæ, dehiscat abyssus: sed nec vndæ aut procellæ, nec abyssus tota, nec omnes oceani fluctus Charitatis vestræ ardorem hæcenus extinguere valuerunt. Hæc immensa Apostolici pectoris Decora non leuibus tantum Operis nostri folijs, sed monumentis perpetuò duraturis posteritas celebrabit.

Sed alio me abripit Missionum Apostolicarum multitudo, plusquam vel vnus magnitudinem possim dicendo exæquare. Terras, Maria, Castra, Nauigia præteruectus, ad ipsa Libitinæ regna *Pestiferis* assistentium tandem peruenio. Hic in limine primo occurrunt lethalia vlcera, & gemitus cum morte luctantes. Inter hos quot ego Sociorum alacres vultus, & viuida inter languentes obsequia conspicio. Horum alij morientes ad extremam luctam disponunt, alij viuis necessaria subministrant, alij tam animorum quam corporum plagas omni studio lenire contendunt. Verum nec ipsi fati exempti: innumera in hoc obsequio Charitatis victimæ intra Belga-

rum fines cecidere, quorum vt plerisque sparsim extinctos præteream, in solo Antuerpia nobili Emporio, Patres, Fratresque viginti quatuor non magno intervallo prociuibus contagione afflatis, animas aliquando posuere, quorum numerum Andreas Schottus Consul Antuerpiani filius suo funere nobilitauit. Quin & Gandauianus huius sæculi trigessimus in obsequio infectorum vndecim socios è viuis abstulit. Atque eadem contagione ad alias vrbes, Bruxellas, Hallas, Contracum, Belliolum latius progrediente, harum singulis binas ternasue hostias par charitas immolauit. Piget fortè lectorem inter tot Heroum funera diutius immorari. At non ignoro viris Apostolicis iucundum esse, non tantum maiorum suorum gesta, sed etiam sepulchra ac monumenta intueri.

Hæcenus intra Belgij fines versamur. Non potest ille Belgicus ardor vnus Gentis aut Prouinciæ limitibus coarctari. Per immensa totius oceani spatia ad Iapones, ad Indos, ad vltimos terrarum Chineses suam opem, & noua sociorum subsidia transmittit.

Prolixus forem si præteritorum temporum colonias, cum Gaspare Barzæo, alijsque Belgis ex hac Prouincia in alterum orbem traductas, recensendo memorarè. Quorum laboribus non tota Ormusia, aliaque regna inter Indos, Iaponesque sufficere. Adeò vt magni Xauerij votum perpetuum fuerit, Belgarum quàm pluribus in sui societatem laboris adipisci, quorum nempe zelum, genium, & industriam ad infidelium conuersionem præ cæteris natam, & accommodatam censebat, vt suis ipse litteris testatur. Et vt antiquiora præteream: Vidi, ipse vidi, cum duodecim simul lectissimi Patres, magnis Prouinciæ sumptibus, & suppellectili sacra instruat, hinc in Hispaniam enauigarent ad animarum subsidium, si daretur alitus, in nouum orbem perrecturi. Vidi & ante hos P. Corn. Beudin, qui eodem profectus, & à barbaris fidei causa trucidatus, præclaram vt arbitror martyrij palmam obtinuit. Notus quoque mihi & familiaris fuit *Ferdinandus Verbieft*, qui

ma-

magno ambitu cum alijs eiusdem Prouinciæ Socijs Chinenſem Miſſionem impetrauit, iamque pluribus annis, in immenſo illo Sinarum imperio Chriſtianæ fidei negotium promouere pergit, idque tanto ſucceſſu & auctoritate, vt in ipſæ Imperatoris Aula ſummam illam Mandarinum dignitatem etiamnum obtineat. Quin & ex illis, quos ipſe nuper in Scholis Auditores habui, Louanio ad noui Orbis ſubſidium non pauci ſe contulere, multoque plures Miſſionem illam ſummis votis ambiuere. Nec mihi ignota ſunt paria plurium deſideria, qui etiamnum ad eandem gloriæ palæſtram magno animi ardore aſpirant.

HAſego Belgicas Miſſiones, vt magis mihi notas dum recenſeo, ſimul in eandem gloriæ ſocietatem ſuo iure aduoco, omnes omnium ordinum Apoſtolicos viros, qui vbi vis gentium in pari cauſa pares animos ac labores impendunt. Et vos imprimis, Miſſionarij verè Apoſtolicæ, qui per ampliffima Angliæ, & Hiberniæ regna contra Hæreſim pridem ſceptro, ferroque armatam, inter mille vitæ diſcrimina aſſiduè dimicatis. In hac arena ſanguinolenta quot ego Campianos, quot Vualpolos, quot Garnettos, Vritos, Colinos, hodieque conſpicio, quibus ad parem martyrij gloriæ per animus exaſtuat. Teſtantur hunc animi ardorem tot præclari Heroes, qui & priorum pericula ſecuti, & palmam conſecuti fuerunt. Ex his longum foret enumerare ingentem ſeriem virorum illuſtrium, qui à tempore Henrici VIII. in hodiernum vſque diem, & dira tribunalia, & carceres, & vincula, & feralia pegmata ſua morte ac ſanguine nobilitarunt. Dabit hæc longo ordine, aliaque illuſtriora, Prouinciæ Anglicanæ per P. Henricum Morum felici calamo conſcripta hiſtoria.

VTinam hic quoque liceat in Miſſione Hibernicæ exanthlatis tot annis Sociorum labores in publicam lucem proferre. Si exhiberentur oculis prima iſtius Miſſionis ab ipſo S. Ignatio conſtituta feliciter exordia: Si inter varias deinceps temporum procellas & perſequentium machinas inuicta conſtantia: Si Virorum in omni facultate illuſtrium domi-

foriſque eximia decora: ſi paucorum hominum docendo, prædicando, ſcholæ erigendo, toto regno diſfuſa induſtria: ſi tolerata non ita pridem dominante Cromuelo bonorum rapina, & vincula, & carceres, & longinqua etiam ad barbaros exilia: denique ſi poſt extremam ruinam, inſtaurati, velut ex cineribus, priſtini labores, aliaque his ſimilia ſub modio hæctenus latentia, in lucem prodirent, ſtuperet ſanè poſteritas, res orbis theatro digniſſimas, intra ſilentij ac modeſtiæ cortinas tot annorum luſtris potuiſſe contineri. Magis ſcilicet hæctenus intenti fuerunt illi, vt ſcribenda patrarent, quam vt patrata conſcriberent.

His quoque inter Operis huius Patronos ſuo iure accedunt ex ſacra S. Dominici, ac S. Franciſci Familia, viri illi verè Apoſtolicæ, qui in excolenda Hiberniæ vinea tot annis ſtrenuè deſudarunt. Priùs ego Stellas cæli, quam hos Abrahæ filios, & tantis filijs digna facinora valeam recenſendo numerare. Quis enim ignorat quantum illi impendant ſtudij & induſtriæ, etiam inter exterarum gentes, Romæ, Prægæ, Louanij, & in alijs Doctorum Lyceis, pro formandis, alendiſque operarijs in hanc Vineam perpetuò ſuccelluris. Quanti etiam domi ſuſtinenti labores, vt cum reliquo Clero, Romæ ſedis, ac Religionis decus toto Regno integram inuolatamque conſeruent. Adeo vt quod olim, in ſulcienda Lateranenſi Baſilica, præſtare viſus eſt Seraphici Ordinis Patriarcha, id nunc in ſuſtinenda Eccleſiæ Hibernicæ ruinæ eius Soboles, alij ſociata, perficiat.

Iungite igitur vbique Gentium felices dexterarum vos omnes fidei Pugiles, qui ſub purpureo Chriſti vexillo per Miſſiones Apoſtolicas toto orbe diſfuſi militatis. Bellum, quod Lucifero, eiufque aſſectis pro Deo, & Eccleſia pridem indixiſtis, ad extremum vſque ſpiritum indefeſſi ſuſtinete. Non vos frangat tyrannorum potentia, perumpetis, non domeſticorum hoſtium inuidia ſuperabit: charitatem alij in otio, & vmbra prædicent, vos illam in ſole & ſudore, & orbis vtriuſque conſpectu palam exercete. State, cum Gentium Apoſtolo, ſuccincti lumbos veſtros in veritatem, & in-

„ & induti lorica iustitiæ, & calceati
„ pedes in præparatione Euangelij pacis:
„ in omnibus fumentes scutum fidei, &
„ galeam salutis assumite, & gladium spi-
ritus, quod est Verbum Dei. Hoc ego
verbum, hunc egogladium in hoc opu-
sculo quasi in vagina reconditum, ad ve-
stras aras supplex appendo. Magnum
operæ pretium me retulisse arbitrabor,
si hæc arma litteraria, non leui à me
studio fabricata ad militiæ vestræ usum,
ac supremi Ducis gloriam aliquando sub-
seruiant.

Viri Apostolici
Humillimus vester Cliens
RICHARDVS ARSDEKIN
Soc. Iesu Hib. Kilken.

PROSECVTIO

Dedicationum priorum.

*Patronis nouis ac Viris verè Apostolicis Ger-
manicæ, Angliæ, & Hiberniæ, qui pro
Deo & Proximo vitam, aut sanguinem re-
centius profuderunt.*

A Vspicium huius Prosecutionis à Te
duco augustum Imperij Caput Ger-
mania. Palæstram tibi Charitatis Apo-
stolicæ gloriosam, & lauream multipli-
cem nuper præbuit non gladius carnifi-
cis, sed quouis ferro atrocior pestilentia,
superioribus annis latè grassata. Quan-
ta hæc cum violentia Austriam, & Bohe-
miam vndique inuaserit, quot in ea Cha-
ritatis Victimæ ceciderint, nulla debet
vnquam obliuionem deleri: ex quibus
ego ea tantum possem referre, quæ cer-
tissimis monumentis consignata, etiam
ex Vrbe Romana, ad me deuenere. In
communi illa calamitate, tamquam in
publico Charitatis theatro, inter alios,
tam multi ex societate Patres sese illic
ad pestiferorum subsidium certatim deuo-
uerunt, vt freno potius, quàm stimulo
opus fuerit. Ex quibus testantur suis lit-
teris ipsi Moderatores, in vtraque seorsim
Prouincia ex Patribus plusquam cente-
nos reipsa in mediam aleam expositos
fuisse. Sed nec frequentia præeuntium
funera sequentes terruerunt: adeo vt ex

R. P. ArsdeK. Tom. III.

illis in Austria quadraginta & vnus, in
Bohemia quinquaginta, & vnus, in
Charitatis obsequio vitam posuerint. Fe-
lices animæ! siue ego vos totidem Mar-
tyres incruentos, siue Charitatis supre-
mæ victimas dixerò, vos certè proximam
martyrio lauream obtinuisse, orbis ho-
die Christianus meritò gratulatur. Et sa-
nè in Charitatis tam eximie publicam
commendationem, datæ sunt in Urbem
litteræ à sacris, vrbanisque Magistrati-
bus disertè profitentibus, vel maximum
sefe, vel totum inter tot mala subsidium
in operarijs illis communi obsequio se
vbique deuouentibus reperisse. Hos
Operis huius nouos Mecenates, hos Apo-
stolicorum virorum in cælo Patronos,
hos futuræ posteritatis in hac Charitatis
palæstræ Præsides, Tibi in tali prole ter
fælix Germania, deberi lubentes agnosci-
mus.

H Inc in Angliam, nobilissimum sem-
per, nunc recentissimum Aposto-
licæ gloriæ theatrum properamus. Annis
proximè elapsis, Missionarijs Apostoli-
cis, per Angliam, & Hiberniam, à custo-
dijs, carceribus, exilijs, patibulis, nouum,
immortale decus accessit. Intra solam fe-
rè urbem Londinensem, in palmari cau-
sa Religionis, ex Societate omnino Octo
illustres Hostiæ, patibulis suffixæ, & in
quatuor partes dissectæ, vitam suam Do-
mino consecrarunt. Illustres, inquam
Hostiæ, quibus ad illam immortalis glo-
riæ lauream Dux simul, & Comes fuit ipse
Societatis Anglicanæ Prouincialis Tho-
mas Harcotus; aliàs Vwhitebred: atque ex
eadem Societate eximij sanè viri, Guliel-
mus Vvaringus, Antonius Turnerus,
Ioannes Fenuuikus, Ioan. Gauanus: &
paulò ante hos, Gulielmus Irelandus, &
eo secutus Carolus Bakerus, aliàs Leu-
uis, & Philippus Euanus, hic Cardiffæ.
Ille Iskæ, An. 1679. eandem lauream pa-
ri morte consecuti fuerunt. Horum om-
nium in publico supplicij theatro vox su-
prema fuit, se pro Religione Romana, &
popularium salute, mille si haberent vi-
tas lubentes profundere, atque ex animo
Regi, ac Regno veram pacem & felicitate-
tem apprecari. Quorum inuictam in ve-
ritate constantiam, atque oris, animique

P

ala

alacritate admirandam, non tantum Catholicis, sed etiam ex hæreticis plurimi undique circumfusi summo plausu ac præconio excipere. Ac paulò post orbis Catholicus, & ipse supremus Antistes plausum hunc latè ingeminarunt. Præter hos fidei pugiles, octo alij ex socijs eadem tempestate ab Hæreticis comprehensi, & dirissimis carceribus confecti in pari causa, gloria non impari vitam posuere: nisi quod illi cruenta carnificis manu, hi incruento carceris squallore extincti fuerint. Si tamen fas est extinctos dicere, qui ex ipso obitu lucem accepere omni ævo duraturam.

Abierunt quidem illi ad cœlestem Cætum tot suorum Patrum in illa sanguinaria palæstra pridem purpuratorum. Sed & alij qui supersunt in eadem Missione socijs, in exilijs, & ergastulis, laboris & gloriæ partem non parvam reliquerunt. Nam præter communem ibi Sacerdotibus Catholicis exilij pœnam, habuit aliquid singulare Sociorum proscripto, quod eorum potissimum delatoribus certa constituta sint præmia, nouo argumento veteris in illos odij, tanquam in perpetuos Romanæ, ac Pontificiæ authoritatis Assertores. Viuant hæc in posteris vegetæ ac robustæ Charitatis exempla: longè enim potentius argumenti genus est, pro Charitate vitam moriendo, quam vocem vel atramentum scribendo profundere.

AD te nunc tractu non longo, tuo iure properandum HIBERNIA, quæ tot annis inter perpetuas persecutionum procellas fluctuas semper, mergeris nunquam: hoc habes inter alia Constantiæ decora cum Nauicula Petri commune. Huius argumentum ingens præbet ipsum anni quo hæc scripsit curriculum. Si eo præfules Illustrissimos Corcagiensem, ac Kildariensem, Religionis Romanæ odio in diuturno carcere Dublini nuperrimè detentos. Prætereo Societatis nostræ ibi Superiorem Gulielmum d. Rian ex eadem causa, eodemque loco per menses plurimos arctè constrictum, ac demum extra Regni fines relegatum, ablegatis etiam aut coactis socijs non paucis, & aliorum Ordinum operarijs præcipuis, ac

strenuissimis: ut solent Ecclesiæ hostes firmissima eius propugnacula fortius impugnare.

Sed vos quæ gens, quæ lingua conticet huius Ecclesiæ gemini Pugiles, inter Apostolicos Missionarios Vertices supremi, PLVNQVETE ac TALBOTE Præfules Illustrissimi? Vos, inquam, qui tot carceres illustrastis, vincula decorastis, ac demum illustri morte, gloriæ vestræ coronam imposuistis immortalē, quam in sequentibus breui saltem compendio spectandam exhibemus.

Vita, & Mors gloriosa Illustrissimi D. OLIVERII PLVNKETI, Archiepiscopi Armacani, & Primatis Hiberniæ extremo supplicio Londini nuper affecti.

OLIVERIVS PLVNKE-TVS, ortus est ex nobili inter suos familia, cui ipse supremum veræ nobilitatis apicem apposuit, & Primatis dignitate, & mortis gloria: Adolescens cum esset, huic gloriæ præfult in immatura adhuc ætate, præmaturum veræ sapientiæ desiderium. Hanc ut acquireret securius, extra patriæ suæ fines proficisci decreuit, ut solent illius Gentis Adolescentes ingenus, qui quam domi adipisci nequeant, apud externos inquirunt sinceræ doctrinæ institutionem, Sapientiæ magis quam Patriæ studiosi. Hos ut sacros latices purius hauriret Oliuerius, non dubitavit Romam vsque, ad ipsum sinceræ doctrinæ Fontem proficisci.

Est in Vrbe Romana nationis Hibernicæ Collegium, ab Eminentissimo Principe Cardinali Ludouiso pridem constitutum, ac Societatis administrationi commissum. Floret illud hodieque plurimum, & in ipsa Vrbe multum celebratur ab Alumnorum delectu, institutione ac eruditione excellenti, quibus dotibus redduntur passim omnibus amabiles, & singulari probitatis & modestiæ characterē conspicui. Vnde fit, ut ex eo Collegio hætenus prodierint magno numero Viri illustres, ac maximis muneribus perfundi, qui in patriæ suæ Vineæ fructus vber-

vberriimos protulerunt. In hoc celeberrimum orthodoxæ Fidei Seminarium cooptatus est *Oliuerius*, in spem non modicam fructu eximij, quem præclara illius indoles promittebat. Et sanè fructus ille communi expectationi vbertim respondit. Studia in eo Collegio omnia tanto successu perfecit, vt Doctoris in Theologia lauream adeptus fuerit, ac postea ad eandem Facultatem publicè profitendam in Collegio de Propaganda fide admotus, vbi munus illud duodecim annis summa cum laude exercuit.

Præbuit interea diuina Providentia, occasionem inexpectatam, per quam acquisitum tot annis solidæ Sapientiæ thesaurum in Patriam suam latius erogaret. Postulabatur à Summo Pontifice Clemente IX. Præful idoneus, qui Ecclesiam Armacanam cum suprema Primatis potestate in Hibernia administrarer. Varij varios ad eam dignitatem pro suo quisque studio offerebant. Demum sua Sanctitas, omnibus pro rei grauitate expensis, in hanc sententiam conclusit: Non est cur vltius consultemus de incertis, quando rem certam ante oculos habemus. En virum probatæ virtutis, consummatæ doctrinæ, diuturnæ experientiæ, in ipsâ Urbis Romanæ luce omnibus dotibus conspicuum *Oliuerium Plunkerum*. Hunc ego Archiepiscopum Armacanum, hunc ego Hiberniæ Primatem Apostolica Auctoritate constituo. Nec mora, humeros oneri subiicit *Oliuerius*, manus operi pari alacritate mox appositurus. Pergit igitur Apostolica auctoritate ac monitis instructus, iter in Hiberniam per Belgium instituere, vbi cum & Ego tunc Louanij illius alloquio fructus essem, inter primos auctor fuit, vt hoc Opus in Missioriorum Apostolicorum subsidium elaborarem, quo etiam titulo singulari, illum sibi inter primos Patronos vindicare debet.

In Hiberniam vbi peruenit, ibi demum campum animo suo & Apostolicis laboribus parem inuenit. Quis valeat dicendo complecti, quantum illi insudandum fuit, vt plurima in rebus ac moribus iniquitate temporum collapsa restauraret. Quantum industria adhibendum, vt

pluribus locis idoneos animarum Curatores præficeret. Quantum laboris exanthlandum, vt per latissimas Vltioniæ plagas, populum illum Romanæ fidei semper tenacissimum, opportunis vbique documentis confirmaret. Sed quod omnium maximè arduum, quanta illi vigilantia tot annis incumbendum fuit, vt Gregem suum vbique Lupis admixtum, ab eorum dentibus & erroribus illæsum conseruaret. Inter hæc indefessi Pastoris officia dum strenuè versatur; id demum expertus est, difficile quam sit Oves protegere, & Lupos non irritare: & ab ipsis etiam Domesticis fides insidias aliquando metuendas esse. Hoc habet Hæresis commune cum conscientia furijs agitata, quod omnia timeat etiam tutissima, sufficit illi quælibet sui cerebri suspicio, vt mox ad calumnias, inde ad carceres, & restes deueniatur.

Cum igitur alia non suppeterent accusationis capita, adornantur criminationes occultæ, quibus hic tam validus Ecclesiæ Romanæ propugnator vel opprimi possit; vel extingui. Fingitur cum Curia Romana nimium commercij, & notitiæ; in Aula Gallica auctoritas, & gratia: atque inde externæ potestatis inducendæ conatus. Raptur ergo in vincula Præsul integerrimus, & turris Dublinensi, siue nouæ Portæ, mancipandus traditur, ad diem 6. Dec. Ann. 1679. Cum verò ex Tribunali siue aduerso supremam sententiam assiduò expectaret, per integrum penè annum in eadem Custodia detentus est, nulla in ipsum sententia prolata, certum sanè probatæ innocentie argumentum. Sed vbi sauit inuidia, nec ipsa immunis est innocentia. Nouæ igitur machinæ, nouumque Tribunal excogitatur, quo vultum Catholico Præsuli infestius deputari potuit.

Itaque circa finem Octob. Ann. 1680. Londinum deportatur, atque ibi arcto rursus carceri includitur, nec famulo quidem proprio ad alloquium admissio. In illa custodia totis septem mensibus detentus fuit, omnibus vita solatijs orbatus. Sed instar omnium erat illi Deus, & Mens recti conscientia: adeo vt ad fidem Amicorum

non raro scripserit, se in illa solitudine nactum esse, quàm maximè auehat, liberam sibi, & sacris studijs vacandi facultatem.

Demum sub diem tertiam Maij ad fatale Tribunal examinandus adducitur: proferuntur criminationes inanes, quas supra retulimus. Reposuit paucis Præsul modestissimus: Iniquam esse accusationem; vbi defensionis locus non datur: sibi autem à sua Patria, testibus, tabulis, aduocatis longè abducto, omnem defensionis viam intercludi. Post hæc rursus ad carcerem, suo tempore ad iudicium reuocandus dimittitur. Interea Præsul optimi innocentiam vox communis eloquitur, sed non auditur: intercedit pro eo Legati Gallici autoritas, & gratia, sed hæc quoque vt ingrata repellitur: frustra demum ipsa perorat æquitas, vbi ex aduerso fremit accusantium iniquitas.

Tandem aduenit decretorius dies, quo iubetur ante iudicium tribunal consistere: inermis cum armatis, aduena cum inquilinis, Præsul Catholicus cum iudicibus Catholico nomini infestis in iudicio congressurus. Quodque vnum expectandum fuit, vicit demum innocentiam calumnia, vicit æquitatem perfidia, vicit illustrissimam viri virtutem, quæ hanc semper sequitur, & persequitur invidia. Profertur igitur feralis sententia, qua iubetur, vt laqueo suspensus, & in partes dissectus extremo perduellium supplicio afficiatur. Quanta animi alacritate hanc ipse sententiam exceperit, testes mihi sunt litteræ Præsulis Catholici, qui tunc rebus ipsius intimè præsens fuit, in hanc sententiam. Testatus est de se Oliuerius, cum pronunciata in eum esset extrema mortis sententia, nec minimam sensisse animi perturbationem, nec deinceps vel vnicum quadrantem suæ quietis aut tranquillitatis amisisse: quin & nocte ante mortem suprema, adeo placidè somnum cepit, vt eum hora quinta matutina à quodam excitaretur, vt ad supremam luctam se componeret, paulò post intrepidè responderit: Ecce me, paratus sum totus, veniant iustitiæ satellites, quando ipsis libum fuerit.

Sed iuuat audire ipsius sacri Præsulis verba Spiritu Apostolico plena ex ipso carcere post latam mortis sententiam, ex litteris datis Bruxellas ad Virum sibi vsque ad mortem merito dilectum D. Gregorium Ioyce, D. Gudulæ Canonici cum 22. Iunij 1681. Lata est, inquit, in me mortis sententia, quam non timeo, nec quietis mihi quidquam eripit, sum enim tam liber ab omni conspiratione mihi imposita, quam infans vnus diei. Quod ad characterem, professionem, & functionem meam attinet; eam publicè professus sum: & cum hoc sit motuum mortis meæ, morior libenter, vt nunc Præsulum Hibernorum hic primus, ita exemplum, diuina fretus gratia, alijs daturus, talem mortem non formidandi. Sed vnde mihi creaturæ miserrimæ tantum suppetij animorum, cum videam instante morte, ipsum Creatorem meum cœpisse pauere & tædere? Considero sanè Christum suo timore ac pauore id meruisse, vt ego sim à timore immunis. Tempus mihi sufficiens educendi ex Hibernia testes negatum fuit: octo diebus ferius aduenerunt post latam in me mortis sententiam, quam lubens amplector, pro mea professione, charactere, ac functione moriturus. Expecto in dies adduci ad supplicij locum, vbi mihi intestina extrahenda sunt, & coram me igne cremenda, & demum caput amputandum. Cupio lubenter dissolui, & esse cum Christo. Condoneo ex animo, & præcor, vt Deus condonet, omnibus qui quouis modo morti meæ causam præbuerunt. Ita ille in litteris postremis cygnea voce, & spiritu verè diuino, morti iam propinque præcinebat.

Die igitur prima Iulij (styl. vet.) extremo supplicio constituta, humili trahæ de more impositus, concurrente hominum multitudine, Tiburnum extra Londinum ad consuetum supplicij locum adducitur, spectaculum illustre Deo, Angelis, & hominibus futurus. In celebri illo tot Martyrum theatro extremam scenam peracturus, concessa loquendi facultate, ad populum vndique circumfusum orationem habuit præmeditatam, & propria

pria manu Anglicè conscriptam, quam hic summatim exhibeo.

A diebus aliquot ante Regio Tribunal examinatus fui, & nunc breui comparebo coram Regum Rege, & Iudice supremo, qui nec falsis testibus falli potest, nec humano respectu seduci. Reddet enim vnique secundum opera sua præmium, vel pœnam sempiternam. Hæc cum veritas sit fidei indubitata manifestum est; si ego in hoc mortis articulo aliquid veritati contrarium declararem, me mox damnationis æternæ sententiam incursum, à qua nulla datur vltior appellatio. Veritatem itaque sincerè, atque apertè manifestabo, absque vlla verborum æquiuocatione: mihi certissimè persuadens, nullam esse potestatem aut in terris, aut in cœlis, quæ mecum possit dispensare, vt protestationem falsam exhibeam.

Vt igitur Causa mea orbi vniuerso clariùs innotescat, obseruandum est, me in Hibernia coram iudicibus perduellionis accusatum fuisse. Verùm dum Accusatores animaduertent mihi facilè prestò futuras tabulas, & testes, quibus & eorum nequitiam, & meam innocentiam euidenter manifestarem, subdixerunt illi se, & ad hanc urbem conuolauerunt, vt iudicium ad hoc Tribunal transferrent, in quo & mea persona, & accusatorum qualitas, & status causæ inognitus fuit.

Postquam hic per sex circiter menses arcto carcere detentus fui, tandem ad diem tertium mensis Maii accusationes in Hibernia pridem allatæ. Hic coram alijs iudicibus rursus instauratæ fuerunt. Factum sanè rarum, & peregrinum, vix à quingentis annis visum. Sed cum mihi pauca septimanæ concessæ fuissent pro testibus, & tabulis adducendis, quæ ex partibus varijs longinquis, & ultramarinis tam breui tempore expediri non poterant, duodecim vltius dies pro iudicij prorogatione postulau, qui mihi denegati fuerunt. His igitur destitutus, & manibus ad defensionem quasi ligatis, in iudicium protractus sum, & hominibus periuris expositus, qui in vitam meam omnio studio collimabant,

Capita Accusationis summatim fuerunt, de litteris missis ad Pontificis Secretarium, & quosdam alios, vt externos Principes ad Hiberniam inuadendam sollicitarent: de alio ablegato ad Regem Galliae, de subsidij à Clero in eum finem postulatis: de septuaginta millibus hominum ad talem expeditionem comparatis: de institutis ad hoc varijs conuentibus, & quidem semel à decem vel duodecim annis, trecentorum nobilium, vt sumptis armis possessiones sibi ereptas recuperarent.

Cum horum Singulæ nullam habere veritatis speciem, & mera esse figmenta ad calumniandum excogitata, manifestum fecisset: Demum protestatus est coram Deo, & per salutem æternam, se nunquam istiusmodi litteras, agentes, aut sollicitationes siue in Urbem, siue in Galliam, aut alio quouis modo destinasse, nec ea sibi vnquam in mentem venisse: imo ab omni rebellione etiam minima, contra Regem, & Patriam semper toto animo abhorruisse. Denique tam apertè ridiculum esse tanti exercitus apparatus, vt ipse cum Catholicis sibi addictis, ægrè possit vel mediam legionem sustentare, idque cuius rerum non prorsus ignaro luce meridiana clarius patere.

Atque, inquit, vt magis appareat quam sincero solius veritatis amore, hæc ego moriturus attestor, vobis hic palam notum facio, ex præcipuis Magnatibus vnum curasse mihi declarari, *se vitam mihi conseruaturum, si alios vellem accusare*. Cui disertè professus sum, me nullius vnquam conspiracy nouisse, & vt vitam hanc mortalem seruarem, me nolle quemquam falsò accusare, cum præiudicio meæ salutis æternæ, quod minimè deceret meam personam, aut quemlibet virum Ecclesiasticum professionis Romanæ.

Hoc demum palam profiteor, me in Hibernia exercuisse functiones Prælati Catholici, ac conatum fuisse tam prædicando, quam docendo, adducere Clerum, & gregem mihi commissum ad normam, & mores suo muneri competentes: in quo si aliquid mihi acquisitum sit inuidiæ, meminisse debeo, in Collegio

gio Apostolorum aliquem etiam Iudam extitisse. At ego cum lapidato Stephanopro Accusatoribus meis toto animi affectu precor, Domine ne statuas illis hoc peccatum. Nec minus oro pro meis Iudicibus, & alijs qui quocunque modo morti meae cooperati fuerunt. Veniam vicissim supplex deosco ab omnibus, quos ego in mea vita verbo, aut opere vnquam offendi.

Rogo insuper Diuinam Maiestatem, & Omnipotentiam, vt concedat Regi nostro, Reginae, Duci Eboracensi, ac Regiae familiae vitam diuturnam, omnemque prosperitatem in hoc mundo, & in altero felicitatem aeternam.

Ad extremum, vt meam innocentiam in criminibus mihi obiectis satis manifestam feci, vtinam pari facilitate possim me eximere ab omni reatu contra Maiestatis diuinæ præcepta, quæ ex toto corde doleo me sapius violasse: firmissimèque statuo ac propono tua (mi Deus) fretus gratia, & si annos mille vitam protraherem, diuinam me bonitatem nunquam offensurum. Tuamque rogo Maiestatem infinitam per Christi merita, perque intercessionem sanctissimæ Matris, omniumque Angelorum ac Sanctorum, vt mea mihi peccata remittas, & hanc animam meam ad requiem recipias sempiternam.

Hæcum ingenti spiritu ac pietatis sensu protestatus fuisset vniuersa, & manu sua subscripta reliquisset, consuetam subiit carnificinam, laqueo primum strangulatus, capite dein amputato, & corpore in quatuor partes dissecto. Corpus vt honesto ritu sepeliretur Rex concessit, qui fertur de ipsius morte non modicum sensum habuisse. Populus certè vndeque circumfusus summo animorum sensu ipsius innocentiam, Christianam constantiam, & incredibilem mortis contemptum ita deprædicauit, vt plurimè palam affirmauerint, etsi ad annos centum vixisset, nunquam sibi, Deo, Patriæ suæ, ac Religioni Romanæ tantum gloriæ consequi potuisse.

Rodat sese infelix inuidia, vt Innocentiam opprimat: conspiret hæresis, vt fin-

gat Conspirationes: summa Ecclesiæ capita in odium fidei violenter excutiat: sed vel sic ipsa conteret caput suum. Vera namque Christi Religio, vt ab incunabulis inter insidias creuit, inter insectationes adoleuit, sic per eadem de Inuidia & Hæresi latius semper triumphabit.

*Vita & mors beata Illustrissimi Domini
Petri Talboti, Archiepiscopi Dublinensis in Hibernia, in Custodia
Dublini nuper obita.*

Petrus Talbotus, familia fuit illustris in vitæ exortu, illustrior in progressu, illustrissimus in occasu, Originem duxit ex nobilissima stirpe Comitum Salopiensium in Anglia, postea in Hiberniam propagata, vbi illius maiores in Equestri ordine varijs muneribus claruerunt, & quod clarissimum est, in Religione Catholica semper constantes extiterunt. Adolescens doctrinæ ac virtutis desiderio impulsus in Lusitaniam profectus est, vbi litteris operam dedit annos salutis 1635. ætatis suæ anno 15. Ad superiora alacri constantia progressus, Philosophiæ ac Theologiæ studia insigni profectu emensus est sub disciplina Societatis partim in Lusitania, partim Romæ, vbi & sacris Ordinibus initiatus fuit. Inde reuersus in Lusitaniam, & paulò post progressus in Belgium, Aulæ Anglicanæ ea tempestate illic cum Rege residenti charus, & opportunus extitit. Non multò post tam Regis, quàm Religionis per quàm studiosus in Angliam porrexit, vbi demum inter Reginae Eleemosynarios cooptatus, munus illud singulari cum laude & integritate exercuit. Post aliquot annos in Hiberniam commigravit rei Catholicæ in conditione priuata operam nauaturus: Sed illius conspicua virtus, ac doctrina singularis non potuit diu sub modio latere, quæ etiam scriptis pro re Catholica in lucem editis reddita, est vbique illustrior. Repleuit viri famam pridem Angliam, collustrauit Hiberniam, in exteris quoque Regnis inclaruit, ac tandem ad Romanam etiam Aulam eius splendor emanauit. Hinc Se-

de

de illa vacante multorum votis postulatus, à Summo Pontifice Clemente IX. Archiepiscopus Dublinensis creatus fuit, & Gandavi in Belgio consecratus.

Inter varias temporum procellas Gregem sibi commissum pastoralis sollicitudini & vigilantia curavit, ac protexit. Sed dum oves protegentur, Lupi Pastorem inuadunt. Periculum ab his adeo increvit, ut maluerit se ad tempus subducere, quam nocituras Gregi turbas sua causa concitari. Itaque cedens temporis se in Gallias recepit, Parisijs ab omnibus in honore habitus. Sed necibi destitit Ecclesiam suam litteris & aptis pro tempore documentis à longè administrare: inter quæ extat, Epistola Pastoralis ad Catholicos in Hibernia de officio, & solatio patientium subditorum, typis tradita Parisijs anno 1674. Nec desunt alia eiusdem opera diversis temporibus edita: De natura fidei & hæresis, Antuerpiæ An. 1657. Politicorum Catechismus ad hos instruendos diuina fide, & morali honestate, ibidem Ann. 1658. De nullitate Ecclesiæ Anglicanæ Protestanticæ, Bruxellis Ann. 1658. Tractatus de Religione & Regimine Gandavi, Ann. 1670. Historia Iconoclastarum, Parisijs Ann. 1674. & alia contra Stillingtonem & Albium ibidem impressa.

Post aliquod temporis intervallum, mitigata potius quam sedata tempestate, in Hiberniam regreditur, ubi Ecclesiæ suæ negotia componere, Catholicos confirmare, Hæreticorum artes eludere omni ope conatur. Verum ægri horum oculi diu lucem ferre non valent. Odiosa illis erat viri industria, suspecta auctoritas & gratia: hinc, ut fit, quod quisque formidat, id aboleri desiderat. Instituuntur igitur in tribunali hæretico accusationes occultæ, suspensiones inuidiosæ, & cæteræ artes opprimendi iustum suis operibus contrarium: maximum denique in hoc iudicio crimen Catholici Sacerdotis doctrina, nomen, officium, auctoritas. Demum Præsul optimus, & conscientia bonæ testimonio confusus, ab impijs satellitibus ex improviso comprehenditur, & ad publicum carcerem in-

nocens damnatur. Hic quidem tenebatur strenuus Christi athleta diuturna custodia arctè conclusus, sed pastoralis animi libertatem non custodes, non carceres, non vincula constrinxere, suorum magis, quam sui sollicitum.

Interea dum hæretici Tribunalis sententiam (quæ plerunque feralis esse solet) per plures menses magna animi æquitate expectat, corpus animo impar graui infirmitate concutitur. Luctatur Christi miles cum morbo corporis, cum prædore carceris, humanis præsidijs magna ex parte destitutus. Solum supererat magnæ mentis, & innocentia solatium. Tandem per hanc carnificinam tam multiplicem ac diuturnam mortem, quam securis non attulit in satellitum custodia securus inuenit, eodem demum translatus, ubi legitime certantibus promissit Dominus coronam iustitiæ.

At viuet in perpetua posteritatis memoria, viuet in æterno Beatorum Præsulum cætu, Præsul Illustrissimus, cui gloriosi certaminis lauream, nullæ hominum iniuriæ, nullus Hæresis astus, aut inuidia surripere potest. Falleris nimium cæca crudelitas: quidquid agas, quidquid moliaris, semper fuit, semper erit sanguis Martyrum semen Christianorum. Huius documentum tot sæculis dedit ac datura est, fida semper Deo, ac Regi Hibernia.

EPILOGVS.

Vobis quos recensui vniuersis, Apostolici Pugiles, vobis in cælo Patronis non tantum huius Operis exigua moles, sed Europa simul tota gratulatur. Tristem in vos, ac cruentam machinata est Hæresis tragœdiam: cruentam consequi potuit, tristem non potuit. Obstupuit ipsa Impietas frontis lætitiâ, mentis constantiam, & ipsum feralis pegma, in theatrum honoris conuersum. Excepit plausum mortis, exordium vitæ, inter læta in cælis trophæa semper duraturæ.

Lætare & tu sorte tua, tot fidei Pugilum sæcunda semper parens Anglia.

glia. O quot hæcenus Ecclesiæ, & Cœlo Machabæos vna peperisti! Sed adhuc nec fracta, nec sterilis, nec effata, nouæ semper gloriæ, nouam sobolem administras. Crescunt tibi sub Hæresi ferro armata anni luctus, & dolores, sed nec minus accrescunt cum meliori scœnore noui semper monumenta decoris. Cernis quidam sub carnificis manu cladem non raram charorum pignorum, sed quot spectas funera, tot numeras trophæa. Patii nostri, nesci superari: premi sustines, nunquam opprimi: lacerari potes, sed sine funere: concidi potes, sed sine vulnere: quin ab ipso cædentis ferro altius assurgit tua laurus & victoria. Hæc tibi Palæstra quamuis cruenta, aded nunc in gloriam versa est, vt nunquam in ea sine triumpho decentes. Ter sælix *Tiburnum*, tot, tantorumque triumphorum illustre theatrum. Non ego te dicam cruentum supplicij locum, sed lacteam ad cœlum viam: non funestum mortis sepulchrum, sed gloriosum vitæ exordium, non triste Caluarium, sed campum Elysium.

Hæc tua rursus gloria est, tali prole sælix *Anglia*, & tuæ gloriæ consors *Hibernia*. Sælix inquam, *Anglia*, non vacuo mars imperio, non opibus ab orbe extremo aduectis, non classibus vinci nescijs, non candidæ pacis beato otio: sed potius purpureis tot Pugilum tuorum triumphis, orbe toto, cœloque celebratis.

Spectat quidem è propinquo *Hibernia*, tot cognatæ Gentis cruenta & gloriosa certamina, sed ipsa nec incruenta,

nec in gloria. Offert illa sese non Anglicæ potentia, non opum, non Imperij æmulam, sed Catholicæ Constantiæ Sociam ac consortem. Habet illa domi asfiduam patiendi Palæstram; habet non rara tuendæ Fidei cum infidis certamina. Ambit tamen adhuc nobilissimum illud *Tiburni* theatrum, & in eo tot recentia sacrorum Pugilum vestigia. Hæc vt illa suo quoque sanguine condecoraret, Athletam ex suis non rudem, non ignobilem, sed supremum Sacræ militiæ Præsidem ac Primatem transmisit. Quanto ille animi robore, quam inuicta fide & constantia scenam illam peregerit, nos pro viribus supra exhibuimus, nec vlla deinceps Gens, aut lingua conticescet.

Sed nec adhuc hi sacri Pugiles pedem ex arena retulerunt. Viunt etiamnum, & in posteris spiram noui Oliuerij, noui Hærcotti, qui priorum exemplo non fracti, sed roborati; non territi, sed animati, indictum Hæresi bellum fortius instaurabunt. Non defunt porro Germaniæ suæ Aquilæ, non Angliæ, non Hiberniæ sacri Leones, qui Christi Ecclesiam tueri non desistent. Fortia quidem sunt Hæresi arma, enses, restes, catastæ, secures. Sed fortiora sunt Fidei Clypeo munita pectora: hæc enses in lauros, restes in torques pretiosos, sanguinem in purpuras, secures in coronas conuertent. Hæc ab exordio militantis Ecclesiæ experta est Impietas, hæc ætas nostra recentibus iam exemplis toties comprobauit, nec ab his se degenerem fera posteritas exhibebit. Ita vouet qui supra.

Cliens Humillimus

RICHARDVS ARSDEKIN,

Soc. IESV in Prouincia Flandro-Belgica

Hibernus KilKenienfis.

aglo
per
de lo
mi al
non
stam
limu
ut re
a. Her
decre
non
ze mi
amit
inicha
perege
simus
gua coo

s pedem
amum
rij, nos
non fra
di anima
rtius lo
Germi
non Hi
Hi Ecce
a quidem
catale
i Clype
uros, re
nem in
uerrent
lehe ex
tra reco
robavit
critare

0056 47080

